


D II 4

Ex Libro Josephi Mariani
Konowskiego Cong. Evem Camer.

Acceperit P. Benedicto Sta-
nyslawowski Karm.

Ex Bibliotheca S^{ca}
Carnab. Marti Regia



STUDIORUM
HERBOMADALE

SEU

RUDIMENTA THEOLOGICA

LOCUS

Excelsiorum Herbornadale

AD USUM

Seminarii Varsaviensis

S. C. R. U. C. I. S.

CONGREGATA

Quoties scripta sunt, ad notandum de
cristianis scriptis sunt. Romae 15-4.

WARSAVIA

Die 11. Februarii 1805

HEBDOMADALE STUDIORUM

S E U

RUDIMENTA THEOLOGICA

L O C O

Exercitiorum Hebdomadalium

AD USUM

Seminarii Varsaviensis

S. CRUCIS.

CONCINNATA.

Quaecunque scripta sunt, ad nostram doctrinam scripta sunt. Rom: 15—4.

V A R S A V I Æ

Die 11. Februarii 1805.

PRAEFATIO AUTHORIS.

De Praefatione, quam Tibi bone Lector, ob oculos pono, ultimo cogitavi, idque consulto factum est, ut Tibi non causam tantum adornati hujus opusculi, quod à capite *Hebdomadale* nuncupavi, sed & motivum, quod me ad id impulit & scopum, quem intendi dijudicanda proponerem.

Notum Tibi sanè est, in Seminario Varsaviensi S. Crucis, nec non in reliquis Nostro Instituto concreditis hucusquè præter hebdomadalia studia Cantus, Cæremoniæ, seu vulgo dicta *Exercitia*, semel quævis hebdomada *Explicationem Scripturæ Sacræ* quæ *Scripturistica*, *Administrationem Sacramentorum* quæ *Casuistica*, et *Rubrum Missalis et Breviarii* vulgariter appellata tradita fuisse. Sed cogitanti michi non semel corde, quam exiguus sine libris fructus referatur ex sic dictis *Exercitiis hebdomadalibus*, volventiquè mihi mente, quantum studia Theologica emendari, promoveri, facilioraque Alumnis reddi possent, si quævis hebdomadalis Theologica Scientia singulari libellò exhiberetur, hæc cordi meo valida & rapida se insinuabat optio, et hoc votum, ut ad meliorem in studiis progressum faciendum prædictis hebdomadalibus *Exercitiis* alia nomenclatura, indigentis & ætati nostræ accomodatior, alteravè

methodus & ordo alius, si non systema substitueretur, ac sic vetera *Exercitia*, aliam meliorem formam induerent. Cumquē hęc vota mea dignissimis Comprofessoribus, ac præprimis venerando Præposito panderentur, simul & probarentur, jussus atquē zelō incensus hęc *Rudimenta Theologica* conscripsi, & ad distinctionem à Studiis quotidianis compilationem horum Rudimentorum *Hebdomadale* nuncupavi. Ut verò utilius in posterum tractentur, meliori quē ordine, et methodo, abolitis vulgaribus denominationibus locō Rubri *Liturgica*, locō Administrationis Sacramentorum *Pastoralis* locō Scripturistice *Hermeneutica* re integra permanente, & methodo tantum immutatā tradetur.

Interim non desideres quæso Bone Lector à me Opus cujusvis scientiæ Theologicæ perfectum, ad id enim conscribendum deerant mihi vires, ingenium, tempus & sumptus necessarii, sed *Rudimenta* tantum Tibi trado, & porrigo, quæ quantilla illa sint, plus valebunt quam nihil.

Nec Comprofessoribus hęc Rudimenta offero, qui fusiora opera in quavis scientia légere, aut legere possunt, sed Tyronibus qui ab imis ad altiora tendunt, & delineamentis indigent, juxta quæ opē eruditissimorum suorum Professorum tandem aliquando corpus theologicum construere valeant.

Et quoniam binō cursu Theologia in Varsaviensi Seminario perficitur, ægréque

hæc secundô Annô audiuntur, quæjam primô dicta sunt. hinc quævis scientia hebdomadalis ne ipsâ exigua manuductione ad Patrologiam excepta, ad binum cursum pro-
tendi debet, sequentibus præmonitionibus præmissis.

Patrologia, quæ tantum ut appendix ad historiam Ecclesiasticam, aut potius ad Articulum de Scriptoribus Ecclesiasticis *P. Berti* spectari debet, adque quotidiana studia recensenda est, ad biennium protrahi poterit, si ad Sæculum XIII. Biographia & Bibliographia, à Sæculo vero XIII. ad finem authoritas Patrum eorumque Bibliothecæ Regulæ eos legendi, explanabuntur.

Imbuti hac Patrologia alumni Seminarii sanè pluris æstimabunt Ecclesiæ Patres, quam Protestantes, qui illorum opera quasi inania aspernantur. & minoris quam quidam Tyrones, qui effatum Patris cujusvis, quasi Traditionis Divinæ sætum, aut Ecclesiæ decisionem venditant. Si quis hæc Elementa augere, aut complere desiderat, legat Opus *Melchioris Cani. Wiesl* & cæterorum, quos in ipsa Manuductione indicavi.

Pastoralis Theologia ad biennium protendi potest, si primô Annô Ars Pædagogica, Cathechetica, & Exegetica seu Concionatoria, cum quibusdam Paragraphis de Administratione Sacramentorum, secundo verô Annô reliqua practice tradantur. Namque ita fiet, ut in Pœnitentiæ Sacramenti administratione, quæ cardo & caput Theo-

logiæ Pastoralis est, primò annò sistatur,
& ab illa secundo annò incipiatur.

Ad complementum Pastoralis legi pos-
sunt. Niemeyers Pædagogik und Didaktik
als Leitfaden. Dessen Grundsätze der Er-
ziehung für den Lehrer Michael Viertha-
ler de Pædagogica, De methodo Catechisan-
di Schmidt, Steinert De Sacramentorum ad-
ministratone. Opstret Introduction au saint
Minister par Monsieur l'Abbe de Mangin.
De modo Concionandi S. Franciscus Salesi-
us. „Hand Bibliothek für Seelsorger erster
Theil—Köhlers Anweisung für Seelsorger—
Abt Pochardt Anweisung für Pfarrer., Tan-
dem Schwarzel Augustæ Vindelicorum Theo-
logiam Pastoralem elaboravit.

Liturgica Missæ primo cursu Psalmo-
dica verò secundo annò & cursu absolvi com-
mode & utiliter poterit.

Ad ampliorem eruditionem in re Litur-
gica comparandam legi possunt Cardinalis
Bona Bouquillot, Gavantus,

Hermeneutica Veteris Testam: primò
annò, Novi Testamenti verò secundo annò
perfici poterit.

Ad complendam hanc scientiam, legi
possunt Calmet, Menochius Weitenauer.
Quod me attinet plurimum Hermeneuticam
Veteris Testamenti excerpsi ex Joanne Ba-
bor et Juliano Monsperger, Hermeneuti-
cam verò Novi Testamenti debeo Christo-
phoro Fischer.

En Lector Benevole! scopum & motivum adornati *Hebdomadalis*. Non docere sed prodesse, non reformare, sed meliorare, non ordinem pervertere, sed stabilire, intendo. Res quælibet mutationi obnoxia, utinam semper in melius mutaretur. Non omnia vetera laudanda, nec nova vituperanda. Percurre ergo lente hoc stadium Studiorum *Hebdomadali*um, donec ad metam desideratam pervenias. Suscipe Lector ad expetita vota mea & tua synopsis scientiarum Theologicarum, eaque ad tuam & aliorum salutem utere, & ultra semper progredere, breviora Rudimenta non sperne. Experientia enim compertum est, juvenum animos prolixis operibus potius cruciari et obfuscari, quam erudiri, quare brevitati studui, & complementum cujuslibet Studii *Hebdomadalis* diligentiae & solertiae Professoris reliqui.

Hac studiorum *Hebdomadali*um emendatione, aut reformatione admissa, sperandum restat, etiam quotidiana Philosophiae & Theologiae moralis ac Dogmaticae studia ita reformanda fore, ut eliminata formâ Aristotelicâ & calvis speculationibus, quæ movent magis quæstionem quam ædificationem in Ecclesia Christi rationis sanæ ac divinæ Religionis doctrina pura ac integra perseveret ac salva.

Vos tandem appello dignissimi Professores! sine quorum favore & labore meus labor & intentum effectu carebunt. Vos etiam rogatos volo; opus inceptum perficite, Rudimentis addite, quæ desunt supplete,

viam monstratam ultro protendite, sternite,
dirigite, plantate, ædificate, ut post fini-
tum cursum comprehendere, & bravium la-
boris accipere possitis. Tantum enim abest,
ut correctio & emendatio mihi molesta vi-
deatur, incongrua aut inepta, ut potius uni-
cè desiderata, & semper grato animo acce-
ptandam esse profitear. Satis enim mihi
solatii erit, viam demonstrasse, licet eam me
plantasse haud gloriabor. Multum me fe-
cisse lætabor, si hoc *Hebdomadali* ad an-
nos 50 Vobis & alumni Seminarii profu-
turus fuisse comperiar.

Servus obsequentissimus Pro-
fessor Historiæ Ecclesiasticæ
Hermeneuticæ et Pastoralis.

J. A. L A W S.

*Congr. Mission: Do-
mus Varsavien: mp.*

INDEX RERUM.

PATROLOGIAE.

Auctoritas Patrum quanta	3.
Patrologiae definitio	4.
Notae Patrum quae	ibid.
Ecclesiae Doctores qui & quot	5.
Ordo inter Patres Ecclesiae quis	ibid.
Numerus Patrum	6.
Scriptores Patrologiae	ibid.
Quotuplicia Patrum scripta.	ibid.
Regulae discernendi genuina a suppositis	7.
Bibliothecae Patrum	ibid.
S. Clemens ejusque Scripta	8.
S. Barnabas ejusque Epistola	ibid.
S. Hermas	9.
S. Dionysius	ibid.
Dubia Scripta Saeculi I.	10.
S. Ignatius	ibid.
S. Polycarpus	11.
S. Justinus	ibid.
S. Athanasioras.	12.
S. Theophilus.	ibid.
Tertullianus	13.
Origines.	ibid.
S. Athanasius	15.
S. Basilus	16.
S. Gregorius Nazianzenus	ibid.
S. Joannes Chrysostomus	17.
S. Augustinus	18.
S. Ambrosius	19.
S. Gregorius Magnus	20.
S. Hieronymus	ibid.
S. Thomas	21.

S. Bonaventura	22.
S. Leo Magnus	23.
S. Bernardus	ibid.
Usus SS. Patrum quantus in rebus fidei	24.
Requisita ex parte operis S. Patris	26.
Requisita ex parte legentis	ibid.

Theologia Pastoralis.

Notio Theologiæ Pastoralis	28.
Discrimen Pastoralis a Morali	29.
Officium Pastoris	ibid.
Divisio Theologiæ Pastoralis	30.
Ars pædagogica quid	31.
Qualitas docentis	32.
Ordo & ars docendi	33.
Vitia in docendo	34.
Ars docendi multum	35.
Initium docendi	36.
Modus docendi Religionem	ibid.
Vitia & navi quoad Religionis doctrinam	37.
Aliæ scientiæ & quæ docendæ	38.
In quantum Parochus quoad Scholas obligatur.	ibid.
Quomodo Schola erigenda & augenda	39.
In quo consistit Ars cathechisandi	40.
Necessitas Catecheson	41.
Quæ rudimenta pertractanda & quando	42.
Quæ ante, in & post Catechismum servanda	43.
Media & Adminicula ad Catechismum	45.
Quæ ad Concionem prærequirantur.	48.
Inventio	49.
Dispositio	51.
Confirmatio	51.
Memoria	ibid.
Pronuntiatio	54.

2.	Observanda ante & post Concionem	-	53.
3.	Quando prædicandum & Media	-	54.
ibid.	Animadversiones quoad Formulas	-	55.
4.	De Administratione Sacramentorum	-	57.
6.	Dispositiones requisitæ ad Sacramentum.		58.
ibid.	De Baptismo ante, in & post.	-	59.
	De Confirmatione.		ibid.
	De Pœnitentiæ Sacramento.		62.
	De Confessione		ibid.
8.	Servanda in & post Confessionem	-	63.
9.	De recipiendis hæreticis		65.
ibid.	De Eucharistiæ Sacramento		ibid.
10.	De Extrema unctione & exequiis.	-	66.
1.	De Ordine & Matrimonio.		68.
2.	Servanda ante, & post Matrimonium.		69.
3.	De Sacramentalibus.	-	70.
4.	De Occupatione Animalium & Inventionem		72.
5.	De Alluvione		73.
6.	Casus de jure Episcopo reservati	-	74.
ibid.	Excommunicationes non reservatæ	-	75.
7.	Primo contra Clericos & Religiosos.	-	76.
8.	Secundo contra Episcopos & alios	-	77.
	Excommunicationes reservatæ.	-	78.
ibid.	Contra Clericos, Religiosos, Episcopos.		80.
	Excommunicationes in Bullæ cænæ reservatæ		81.
	Conditiones ad reservationem casus et regulæ.		83.
	De cognatione Carnali Tab: I.		ibid.
	Tabula cognationis Spiritualis & legalis Tab. I. Fig. 2da &		85.
	De Affinitate Tabula II.		86.
	Tabula publicæ honestatis & illicitæ affinitatis. Tabula I. & II. Fig. 4. & 3.		ibid.
	De exemplo Pastoris.		87.
	Quomodo bono exemplo prælucendum		88.
id.	An sufficiat non præbere malum exemplum		ibid.
	Quomodo domi exemplariter vivendum		89.

Quomodo Pastor cognoscere oves possit.	90.
Quomodo verbo prædicationis Ecclesiam ædificare possit.	ibid.
Quomodo Baptismus exemplariter admini- strari debeat.	91.
Exemplaris praxis quoad Confirmationem	92.
Exemplaris administratio Sacr. Pænitentiae,	ibid.
Exemplaris administratio Eucharistiae.	93.
Bona exempla circa Extremam unctionem & sepulturam.	94.
Exemplum bonum circa Ordinationem.	95.
Exemplaris administratio Matrimonii.	ibid.
Exemplum circa eliminanda quædam peccata	96.
Exemplaris devotio in Ecclesia & domi.	ibid.

E R R A T A

<i>Pag. Vers.</i>	<i>Corrige.</i>
3—28. esibet	exhibet.
5—20. Ime.	Imo.
11—15. primongenitum	primogenitum.
15—11. Naziaeno	Nazianzeno.
17—32. menasticæ	monasticæ.
20—24. S. Hieronymus	S. Hieronymus 420.
240. A.	obiit.
25—20. Joannes	Joannes. 27. assensum.
27. assensum	

Theologia Pastoralis.

29—14. nou	non.
30—25. pertractat	pertractat.
33—1. efficeretur	efficeretur.
34—16. traducere	traducere.
37—12. frugmenta	fragmenta.
39—31. aliquid	aliquid.
40—3. medulo 15 populo, 18 affectu	modulo. 15. populo. 18. affectu.
42—25. communicatoris	communicaturis.
44—11. subsistende	subsistendo. 22. definiuntur.
22. definiuntur	
50. muteria	materia.
53. Pronuntintio. 15 hominæ	Pronuntiatio. 15. hominum.
57—10. Chrifii, 22. iocotum	Christi. 22. in eorum.
62—28. consitentem	consistentem.
64—11. delectis	delictis.
65—12. fidei	fidei.
66—21. ostendatur	ostenditur.

<i>Pag.</i>	<i>Vers.</i>	<i>Corrige.</i>
67—	9. euneum 25 po- ragantu	eundem. 25. pera- gantur.
69—	20. quidam	quidem.
71—	12. Confraternitari	Confraternitati.
72—	8. occupattono	occupatione.
74—	20. præscriptis	proscriptis.
81—	15. Nolenter	Nolentes.
88—	15. est	est.
Tabul. I.	Linea Colla- terali	Collateralis.
Eod. Tab.	Filins	Filius.

*Minutiora Errata in opusculum irrepta be-
nignus Lector corriget.*



APPROBATIO.

Praesentem sacrarum scientiarum synopsis, quibus instructos esse oportet eos, qui se obsequiis Ecclesiae addicturi sint, omnis erroris immunem esse censeo, aptissimamque cui sacris literis imbuendi, ceu viam certissimam demonstranti insistant.

Varsaviae 17. 8bris 1804.

*Joannes B. ALBERTRANDI Episcopus
Zenopolit: S. Theologiae et SS. Canonum Doctor.*

IMPRIMATUR.

de HOYM die 8. Februar: 1805.

MANUDU.

MANUDUCTIO

AD PATROLOGIAM.

Quam Profeflor Historiæ Ecclesiasticæ
in Seminario Varsaviensi ad S. Crucem
in adminiculum, et ad SS. Patrum Stu-
dium promovendum, Auditoribus suis
lubenti animô obtulit. Die 4. 7bris

1804. Anno.

cum Scitu Superiorum.

INTRODUCTIO.

Licet teste *Plinio* seniore nullus sit liber,
ex quo aliqua non possit eruditio hauriri;
scripta tamen SS. Patrum et ecclesiæ Do-
ctorum, singulari modo, non Theologis tan-
tûm, sed etiam cuilibet Christiano, *Spei et*
fidei quæ in eo est Petri 3. 15. rationem red-
dere volenti, maximopere commendanda
sunt. In operibus SS. Patrum, non agitur
equidem de scientiis Mathematicis, Physi-
cis et his similibus, quæ nec tunc temporis
prout modo florebant, nec ad materias ab

illis tractatas directe pertinebant: non etiam requirenda est ab illis ars strictioris Critices, in qua saltém plures eorum non rarò hallucinati sunt. Ast quod attinet doctrinam sive Exegeticæ, sive Dogmaticæ, Moralis, Polemicæ, ac Liturgicæ Theologiæ, hæc proculdubio ex eorum Lucubrationibus, quasi ex fonte et prono alveo haurienda reperiuntur. Nam cum SS. Patres Verbi Divini scripti et traditi custodes sint et depositarij, cum non solùm generalia, sed etiam particularia fidei et moralis doctrinæ capita explanaverint, et in Homiliis, Apologiis, Epistolisque suis de officiis hominis Christiani plurima disseruerint, ac in variis tractatibus multiplicis generis adversarios et fidei hostes autoritate Sacræ Scripturæ, traditionis, ac rationibus philosophicis represserint; hinc doctoribus populi, ne a recto tramite deviare illis contingat, *pristinam generationem* interrogare incumbit. Autoritas namque SS. Patrum tanta semper fuit in Ecclesia, ut inconsultis illis, nullum dogma statuere, et nihil definire voluerit. In Concilio Nicæno I. *Episcopi congregati non sibi metipsis verba adinvenientes, sed testimonia à Patribus habentes, conscripserunt, ut refert Athanasius.* In Concilio Chalcedonensi, prælectâ S. Leonis Papæ Epistolâ, Episcopi congregati acclamârunt *Hæc est fides Patrum, ita et nos credimus; anathema sit illi, qui non credit ita: si quis fidem Patrum innovat, anathema sit; si quis dissentit anathema sit.* SS. Patrum fidem servemus, *Athanasium sequimur, Hilarium, Basilium, Gregorium Theologum et Gregorium Nissænum, Ambrosium, Theophi-*

lum, Joannem Constantinopolitanum, Cyrillum, Augustinum, Proclum, Leonem, et omnia quæ ab eis de fide recta et ad condemnationem hæreticorum conscripta et exposita sunt, suscipimus.

Hæc semper fuit agendi ratio Ecclesiæ, in quovis Concilio, Et Tridentina Synodus Sess: IV. decrevit: ut nemo suæ prudentiæ innixus, in rebus fidei et morum Scripturam ad suos sensus contorqueat, contra eum sensum quem tenuit et tenet S. Mater Ecclesia, aut etiam contra unanimem consensum Patrum, sacram Scripturam interpretari audeat. Ex SS Patribus igitur Theologus discere potest & debet, quænam de unoquoque dogmate fuerit aut sit Ecclesiæ fides; hæc enim tantum doctrina morum & fidei pro doctrina ipsius Ecclesiæ seu pro Divina & Apostolica habenda est, quæ unanimi Patrum autoritate nititur. Non ergo prurientes auribus Casuistas, non Theologastros, sed Patres & Ecclesiæ Doctores ut divinos duces sequamur, & eo ipso Matrem & Magistram nostram Ecclesiam sequemur. Quia Ecclesia proprie per os Patrum loquitur, Patrum universalis consensus in dogma consentientium, Ecclesiæ fidem exhibet.

Hanc ergo prænotationem de Patrum autoritate præmittendam censi, ut alacri studio Patrum notitiæ incumbentes non deficiatis. Hanc *Manuductionem* vobis ad Patrologiam offero, non quod in tale compendium redacta sufficiens sit ad cognoscendos Patrum characteres, fata & scripta, sed ut hac *manuductione* quasi norma in historia Ecclesiastica addiscenda utamini, quæ cæte-

ris Ecclesiæ Patribus, quorum Biographiam & Bibliographiam hic descriptam non reperietis, ipsimet vestro alacri animo, et beata sciendi aviditate studere possitis.

Hoc ergo munusculum eò quo trado animo suscipite, & vobis mihiue gratulabor, si speratum ex eo commodum percipietis.

PROSPECTUS IN PATROLOGIAM
SEU
SCIENTIAM DE PATRIBUS
ECCLESIAE.

Patrologia est scientia tractans de scriptis, fatis, & characteribus SS. Patrum, eorumque usu, & autoritate in eruenda ex Verbo Dei Christi doctrina. Distinctio inter Patristicam & Patrologiam æque frivola est, ac discrimen inter Hermeneuticam ac Exegesim, quia utraque scientia non theoretica tantum, sed practica esse debet. Dari autem Patres & Doctores Ecclesiæ constat ex S. Paulo & Psalmo 33 — 11. *Venite filii audite me;* & Eph: 4. — 12. *Ipse dedit Pastores et Doctores ad consummationem Sanctorum, in opus ministerii.*

NOTÆ SS. PATRUM.

Ut autem aliquis pro Doctore Ecclesiæ habeatur, vel expresse in Concilio, vel per Bullam, aut implicite per usum ut talis

declaretur, sequentes requiruntur characteres: 1mo. Doctrina eminens. 2. Vitæ Sanctitas; quibus aliqui ut insignem notam addunt antiquitatem, non tamen omnino necessariam. Nam debent esse *sal terræ, & lux mundi* per doctrinam & sanctitatem. Math: 5 — 14. Eorum ætas non nisi ad Sæculum XIII. extenditur, ita ut ad III. Ecclesiæ Sæculum prima Patrum classis, à III. ad VI. secunda, à VI. ad XIII. tertia Patrum Classis claudatur, quo Scholastici Theologi dominatum obtinere. Non requiritur ad dignitatem Patris, ut sit Episcopus aut Presbyter: quia *Patris nomen est pietatis potius quam potestatis*, ait Tertullianus. Sic Alexander Episcopus Jerosolimitanus, Pontænus, & Clementem Alexandrinum ut Patres Ecclesiæ agnoscit, licet non essent Episcopi.

ORDO INTER PATRES ECCLESIAE.

Distinguntur inter Patres Ecclesiæ 1me. Doctores Ecclesiæ, qui propter exaratos libros pro Religione, illustriores sunt quam Patres. Ecclesia Græca quatuor colit Ecclesiæ Doctores, qui & majores dicuntur, nepe Athanasium, Basilium, Gregorium Naziansenum, et Joannem Chrysostomum. Latina verò Augustinum, Ambrosium, Gregorium et Hieronymum. His Pius V. adnumeravit Thomam Angelicum, Sixtus V. Seraphicum Bonaventuram, et Benedictus XIV. Leonem M. 2do. PP. Ecclesiæ qui sanctitate potius quam doctrina illustres sunt, et privata magis, quam publica doctrina Christo filios pepererunt; licet et iis Ecclesia ex liberalitate sua non rarò tribuat in Offi-

cio divino Doctoris nomen: *O! Doctor optime! &c.* 3tio. Scriptores Ecclesiastici, qui de rebus ad Ecclesiam pertinentibus scripserunt, sanctitate tamen carent; ut *Tertullianus, Origines, Eusebius Casariensis, Rufinus, Socrates.*

Omnium Patrum et Scriptorum Ecclesiasticorum numerus asurgit ad 112. quorum plures sunt Græci.

SCRIPTORES PATRISTICÆ.

Licet iam *Eusebius et Hieronymus* nec non alii de Scriptoribus et SS. Patribus volumina ediderint, systematica tamen Patrologia non nisi post reformatâ studia, tam à Catholicis quàm ab acatholicis, nempe *Melchiorre Cano, S. Bonaventura, Opstraet et Wiesl* atque *Gerardo Acatholico* tradita est.

SCRIPTA SS. PATRUM QUOTUPLICIA.

Præter genuina SS. Patrum Scripta multa sunt *supposititia* seu quæ alium habent Authorem, quem liber præsefert. Sic *S. Cypriano* scripta *Novatiani* attributa sunt; quod aliquando ex pia fraude fieri potuit, ut de se refert *Salvianus*, qui nomen *Thimothei* assumpsit, ne parvitas ejus Personæ derogaret auctoritatem salubribus scriptis. Corrupta tum ab Hæreticis, vel propter ignorantiam Librariorum et negligentiam correctorum, tum quia nulla fuit inter capita et versus distinctio, et non nisi a *Joanne a Lapide* Doctore Parisiensi deinde *Carthusiano*, Sæculo XV. interpunctionibus libri conscripti fuere.

*Vel omnino deperdita. Sic scripta S. Fre-
næi adversus Gentes deperdita sunt.*

*Regulæ discernendi Scripta genuina
a Supposititiis.*

1. Scriptum genuinum est, quod ut tale ha-
betur ab omnibus, proxime sequentibus
continua serie ætatibus; hinc supposi-
titius est liber *Dionysii Areopagitæ*, quia
nullus coævorum aut subsequen-
tium illum commemorat tanquam ejus factum.
2. Opus, quod Scriptoris ævo posteriores Ri-
tus, quæstiones et voces continet, sup-
posititium est. Hinc quæstiones et re-
sponsiones ad Orthodoxos S. Justino ex
pia fraude attributæ, suppositæ sunt,
quia in illis mentio fit de Arianis Ju-
stino posterioribus.
3. Opus, quod fabulas continet, suppositi-
tium est, utpote alienum a gravitate
Patris Ecclesiæ, ut acta SS. *Pauli et
Theclæ*.
4. Opus Latinum, quod Græcum authorem
prodit vel vicissim, supposititium est.
Hinc commentaria *Origenis* in Job fal-
sa sunt.
5. Unum Opus, ab antiquis Scriptoribus plu-
ribus attributum, dubium est, aut sup-
posititium.

De Operibus Patrum impressis.

Antiquissima Editio SS. Patrum facta
est Sæculo, XV. quando inventa est Typo-

graphia, multæ dein tempore Lutheri, Sæculo XVI. novissime vero XVIII. tam græce, quam latine, typis impressæ sunt. Inter has editiones eminet Roberti, Stephani & Joannis Trobinii: His tamen editionibus antiquis præferendæ sunt recentiores Benedictinorum Congr: S. Mauri, propter notas & dissertationes seu præfationes et Chronologiam.

Bibliothecæ seu impressiones SS. Patrum numerantur 23. varijs in locis, uti Lugduni, Romæ, Venetijs, Basileæ. Dantur etiam editiones Patrum particulares v. g. Poeticæ, Dogmaticæ.

PATROLOGIA SÆCULI I.

S. Clemens A. 98. obiit.

Ejus *Biographia*. Fuit III. post S. Petrum Romanus Pontifex, socius S. Pauli, constituisse fertur septem Notarios, qui acta Martyrum scriberent. De ejus Martyrio silent scriptores. *Fuit sanctissimus, profanis scientiis tinctus, Præco zelosissimus.*

Bibliographia. Genuina est ejus Epistola ad Corinthios, quos adhortatur ad obedientiam et concordiam fraternam. Dubiæ autem sunt, 2da Epistola ad Corinthios et ad Virgines duæ. Decretales vero et Canones Apostolorum, supposititii sunt cum Liturgia, juxta Regulas laudatas.

S. BARNABAS.

Ejus *Biographia*. Fuit Levita Judæus in Cypro natus, antea Josephus, unus ex 70.

discipulis, socius S. Pauli, in Patria sua Christi Martyr factus est. Non potest probari historice, quod erexerit Ecclesiam Mediolanensem, et quod Sæculo V. in ejus sepulchro repertum sit Evangelium S. Mathæi ejus manu conscriptum, quia Nicephorus narrator hujus facti, non est cœvus scriptor.

Bibliographia. Ejus unica Epistola ad neoconversos, in qua de abrogatione legis Mosaicæ et contra hostes Trinitatis disserit, dubia est. sapit tamen styllum Apostolicum.

S. HERMAS.

Discipulus fuit S. Pauli, à quo salutatur Rom: 16. — 4. conjugatus, laicus mercator, dein Christianus factus — *Ejus Opus est Liber Pastoris*; in quo status Ecclesiæ, præcepta pietatis, similitudines ad mores continentur: publice quidem legebatur, non est tamen canonicus

S. DYONISIUS AREOPAGITA.

S. Pauli discipulus et Martyr, Atheniensis, nunquam fuit Episcopus Parisiorum; é nobili Judicio *Arcopagus* dicto, *Areopagita* nominatus.

Bibliographia. Sub ejus nomine circumferuntur: liber de Cælesti Hierarchia, seu de ordinibus angelorum, de Ecclesiastica Hierarchia, de Divinis nominibus, Mystica Theologia, sed ejus non sunt ex dictis.

Cætera primi Sæculi scripta.

Epistola ad Diognetum de capitibus Religionis Christianæ, S. Justino attributa.— Acta Martyrii S. Andreæ, ut in Breviario reperiuntur, dubia sunt. Opus Patriarcharum XII. in quo S. Scripturæ Divinitatque Christi adversa, inveniuntur. De vita miraculis, assumptione S. Joannis Baptistæ, sub nomine Prochori supposititia sunt. Duo libri de passione SS. Petri et Pauli multa falsa et Apostolis indigna continent, et falso S. Li-
ro tribuuntur. Libri decem de certamine Apostolorum, et duæ Epistolæ S. Martialis, ob fabulas risu dignas supposititii sunt.

II. ECCLESIAE SÆCULUM.

S. Ignatius 116. A.

Biographia. Antea Theophorus dictus S. Joannis discipulus, Episcopus Antiochenus, dicebat sæpe: *amor meus crucifixus est*, Romæ leonibus obiectus, et ossa ejus Antiochiam dein Constantinopolim advecta sunt. *Vir Apostolicus, Sanctus, Deum in pectore gerens, Religionem Christianam incredibili zelo promovit.*

Bibliographia. Genuinæ sunt ejus Epistolæ septem, ad Ephesios, Magnesianos, Philadelphios, Smyrnenses, Romanos, Policarpum, Trallianos; ubi de utilitate Orationis, Mysterio Incarnationis, vitando consortio Hæreticorum agit, ad obedientiam Episcopis, Præbyteris et Dióconis adhortatur, et S. Policarpo monita dat pascendi gregem.

Supposititiæ sunt Epistolæ ad B. Virginem et S. Joannem Evang: ad Philippenſes, et Liturgia.

S. Polycarpus 169. A.

Biographia: Fuit Episcopus Smyrnenſis, discipulus S. Joannis Apoſtoli, apud Anicetum Papam fuit, ut unionem conservaret inter Romam et Asiaticas Ecclesias ob diversitatem ritus in celebrando Paschate. Smyrnæ ignibus iniectus, *Vir Sanctus, Apostolicus*, non patiebantur Smyrnenses ut calcæos sibi detraheret, sed concurrebant ut pedes ejus oscularentur. Ita abhorrebat ab erroribus, ut diceret sæpe: bone Deus in quæ tempora nos reservasti. Marcionem, primogenitum diaboli dicebat.

Bibliographia. Epistola ad Philippenſes de juvenibus, Viduis, et conjugatis tractat. Fragmenta quoque Responsionum capitulorum S. Polycarpi genuina sunt. Supposititia verò: Doctrina S. Polycarpi, item Epistola ad Athenienses, et mors S. Joannis.

S. Justinus 163. A.

Biographia. Fuit Philosophus Platonicus, in Palæstina natus, ex lectione S. Scripturæ et colloquio cum Sene quodam disparente, statim ad fidem conversus, contra Gentiles, Judæos, et Hæreticos decertavit pro fide. A Philosopho Cynico Crescentio insidiosè accusatus, Martyr obiit. *Vir Sanctus et Apostolicus, eruditus historicus: ejus Stylus non est fluidus, sed Philosophicus et liber.*

Bibliographia. Apologia pro Christianis, una ad Antoninum Imperatorem, altera ad Senatum Romanum. Dialogus cum Tryphone Judæo, de veritate Christianæ Religionis, Exhortatio seu Paraenesis ad gentes, oratio ad Græcos, in qua rationes enarrantur, ob quas Christianus factus est. De Monarchia seu unitate Dei, opera ejus genuina sunt. Supposititia verò: eversio dogmatum Aristotelicorum, Responsa ad quasdam quaestiones, Expositio fidei de consubstantiali Trinitate.

S. Athenagoras. 170. A.

Fuit Atheniensis, gentilis, ex lectione Scripturæ ad fidem conversus. Mortis ejus genus ignotum. *Fuit accerrimi ingenii Vir, singularis eruditionis, incredibilis studii in rem Christianam. Stylus sublimis.* Scripsit apologiam M. Aurelio, et de Resurrectione mortuorum. Liber autem de vero et perfecto amore suppositivus est.

S. Theophilus. 186. A.

Gentilis, ex lectione Scripturæ, Christianus, dein Episcopus Antiochenus factus est. *Vir S. strenuus in defendenda Religione, in omni eruditionis genere versatus et eloquens.* Scripsit tres libros ad Autolicum gentilem, de veritate Religionis.

SÆCULUM III.

Tertullianus 220. A.

Biographia. Quintus Septimius Florens Tertullianus Carthaginensis, Professor Rhetoricæ, et Advocatus causarum, ad fidem sincere conversus est. Uxoratus, Presbyter, senex, à Religione invidiâ et contumaciâ Romanorum Clericorum, ad Montanistas defecit. Fuit austerus, rigidus, vehemens, unus ex eruditissimis Scriptoribus, sed parum in eloquentia facilis et comptus, sæpe obscurus.

Bibliographia. Scripsit ante defectionem pro Christianis, ad nationes, de estimonio Animæ, Spectaculis, Idololatria Oratione Dominica, Baptismo, Pœnitentia, duos libros ad uxorem, ad Martyres, Judæos: Post defectionem, de corona militis, in quo dicit, non licere Christianis gestare lauream Castrensem, ex ritu sacrorum gentilium. De cultu fœminarum, patientia, velandis Virginibus, castitate, pudicitia, jejuniis, anima, fuga in persecutione, carne Christi, Resurrectione, contra Hermogenem, Praxeam, Marcionem, Valentinianos, de Pallio ob quod derisus fuit à Cathaginensibus.

Origenes. 254. A.

Biographia. Propter instantiam laborum, fortitudinem in adversis, dictus Adamantinus. Natus Cæsareæ in Palæstina ex Christianis Parentibus Quotidie à Patre iussus, quædam loca scripturæ S. recitabat,

Dum autem Pater ejus *Leonidas* ad Martyrium duceretur, *Origenes* 17. Annorum juvenis, illum adeo sequi in campum martyrii desiderabat, ut Mater ejus subductis vestibus zelum ejus moderaretur. Scripsit tamen ad incarceratum Patrem: *Vide ne propter nos liberos in egestate relictos, relatis opibus in fiscum aliud velis.* Anno 18 ætatis suæ factus discipulus *Clementis Alexandrini*, & in Catechesi successor, ad fugandas tentationes ortas ex conversatione cum altero sexu, se castravit, ex male intellecto sensu *Math. 19 — 11.* Totam diem in Schola transegit, & noctis partem studio S. Scripturæ & Philosophiæ tribuebat, somnum plerumque humi non in strato capiens. Multos infideles ad fidem perduxit, a quibus multa perpessus est. Cum Presbyter ab alio Episcopo ordinaretur, *Demetrius* Episcopus Alexandrinus eum excommunicavit, non propter hæresim, sed quia illo loquente, omnes multi putabantur, *Hieron.* Cæsareæ publice Scripturam docuit, & sub *Decio* accerbissima pro Christo tormenta pertulit. 69. ætatis suæ A. mortuus est. *Fuit severæ virtutis, fortis, vividæ, amplæ, ac fusæ imaginationis. Stylus ejus nitidus et efficax, octo librariis simul dictavit.*

Bibliographia S. Hieronymus de scriptis *Origenis* dicit. *Quis nostrum tanta potest legere quanta ille conscripsit?* Scripsit 1. Epistolas, 2 de principio Religionis, 3 Oratione, 4. Martyrio, 5 contra *Celsum* libros octo 6 Exegesim in totum fere V, Testamentum, 7 Collectiones variarum Versionum, sub nomine *Tetrapla*, *Hexapla*, Cætera supposititia sunt.

DE DOCTORIBUS ECCLESIAE

G R Æ C Æ.

S. Athanasius 373. mortuus.

Biographia. Natus Alexandriæ in Ægipto, primo Diaconus dein Episcopus Ecclesiæ Alexandrinæ ordinatus, præsens fuit Concilio Nicæno, adhuc tanquam Diaconus, multa ab Arianis passus, a quibus non semel de sede Episcopali deturbatus, et in exilium pulsus fuit. Character ejus describitur a S. Gregorio Naziazeno: *quod erat humilis, irâ vacuus, sermone suavis, sed moribus suavior, increpando tranquillus, laudando doctus. Stylus ejus videtur esse simplex et nudus, sed perpensis, propius rebus, miracum arte compositus.*

Bibliographia. Duæ Orationes contra Gentes, Expositio fidei: Tractatus in verba Christi: *Omnia tradita sunt mihi a Patre.* Epistola de ordinatione Pisci et Gregorii Arianorum. Contra Arianos, de Decretis Nicænis, de Sententiis Dionysii Alexandrini. Ad Dracontium Episcopum ut ad Ecclesiam revertatur ex fuga, ad Episcopos Ægypti. Apologia ad Constantium Imperatorem, Pro fuga sua, Historia Arianorum, Epistolæ & Orationes. Imo Tomo continentur. ad verò Tomo variæ Epistolæ, vita S. Antonii abbatis, liber de Trinitate & Spiritu S. & Commentaria in Scripturam.

S. Basilius 378. A.

Biographia. Cesareæ in Cappadocia Christianis Parentibus natus, hujus Civitatis Episcopus creatus fuit. Arianis et Valenti Imperatori infensus, ob præclara merita *Magnus* dictus. Habuit S. Gregorium Nyssenum Episcopum fratrem, Nazianzenum autem Socium in Scholis et in solitudine. *Erat vir S. et in omnibus libris callentissimus; Stylus ejus elegans, ad persuadendum efficax, et in affectatus.*

Bibliographia. Ejus opera 3bus Tomis continentur, Editione Prudentii Maran: imo Tomo Homiliæ IX. in Hexaemeron et XIII. in Psalmos. Libri V. contra Eunomium de Divinitate Christi et Spiritûs S. 2do Tomo Homiliæ 24. de diversis, Ascetica, Ethica et moralia. 3tio Tomo Liber de Spiritu S. Epistolæ Canonicae tres de disciplina, et Epistolæ 428. ad diversos continentur.

S. Gregorius Nazianzenus. 389. A.

Biographia. Ab ignobili Oppido Cappadociæ ubi natus S. Gregorius, dictus Nazianzenus et Patri suo Episcopo Nazianzeno propter ejus decrepitam ætatem datus est Coadjutor; postquam Alexandriæ, et Athenis studia frequentasset. Electus quidem fuit Episcopus Constantinopolitanus, sed ob exortas contentiones Sedi cessit, et Poeticis lucubrationibus se dedit. Mortuus ætatis suæ 65 Anno. *Fuit vir vitâ et doctriâ incomparabilis, qui quod docuit fecit, aper-*
tur

tus et simplex. Stylus ejus grandis et Majestate plenus; ut hæreticum putaretur ab eo dissentire: dictus Theologus.

Bibliographia. Ejus opera continentur duobus Tomis, Editionis Parisinæ, 1630. In 1mo sunt Orationes 45. polemicæ, morales, asceticæ, panegyricæ, funebres, Theologia, Epistolæ 145 Tractatus de fide, de 4. animalibus Ezæchielis, et Paraphrases in Ecclesiasten. In 2do Tomo: Initia Epigrammatum 128. græcorum reperiuntur. Tragedia verò de Christo patiente est supposititia.

S. JOANNES CHRYZOSTOMUS 407. A.

Biographia. Joannes ob flumen eloquentiæ Chryzostomus dictus, Patriâ Antiochenus, cultor Philosophiæ, ac Eloquentiæ; relictô forensi studiô, Christianus ac Monachus factus est: Præcipuè S. Scripturæ studuit, ac Lector, Diaconus, Presbyter, tandem Episcopus Constantinopolitanus, post Nectarium creatus fuit; sed propter zelum Religionis et propter invidiam inimicorum, jussû Eudoxiæ Imperatricis in Bythiniam bis relegatus est, mortuus in exilio 53. annos natus. Fuit austeræ vitæ, severitatem tamen cum humanitate conjunxit, in omni fere disciplina eruditus, et Ecclesiæ Demosthenes dictus. Stylus ejus sublimis, purus et grandis.

Bibliographia. Duo libri ad Theodorum Episcopum, et tres contra impugnatores vitæ monasticæ, comparatio Regis et Monachi, de Sacerdotio, Virginitate, Providentia, compunctione cordis, de non anathematizandis vivis et defunctis, continen-

tur Tomo imo. Homiliæ de diabolo, Pœnitentia, de Sanctis, et Cathecheses. 2do. Tomo; Epistolæ et Homiliæ in Scripturam, 3tio Tomo usque ad 13. continentur.

DE DOCTORIBUS ECCLESIAE LATINÆ.

S. AUGUSTINUS 430. *A. mortuus.*

Aurelius Augustinus. Tagastæ in Numidia natus Christianis Parentibus, per annos 9. Manichæis adhæsit, sed lacrymis Matris *Monicæ* et sermonibus S. Ambrosii, quos ex curiositate audierat, ad fidem conversus est. Bienniô inter Catechumenos exactô, baptisatus Mediolani à S. Ambrosio, in Africam reversus, ubi à Valerio Hypponensi Episcopo primô Presbyter, et cò vivente adhuc Episcopus consecratus fuit, ut illi esset Adjutor. Mortuus est inter preces et lacrymas, 76. annos natus. *Erat acuti et feracis ingenii, laboris patiens. Theologorum Moralium Parens; Stylus ejus facilis et clarus, magis tamen expeditus quam elegans*

Bibliographia. Tomus 1mus continet duos libros Retractationum, 13 Confessionum, 3. contra Academicos, quos impugnat. De beata vita, de Musica, Rythmis, de vera Religione. Tomus 2dus 270. Epistolas. 3tius Hermeneuticam. 4tus Exegctica seu enarrationes in Psalmos. 5tus Sermones. 6tus. Quæstiones varias de Divinatione, Monachis, mendacio, bono conjugali et de Cathechesi continet. 7mus de Civitate Dei,

seu de Religione. 8vus de Hereticis variis, puta Fausto, Fortunato, Manichæis, Priscillianistis, tum de Judæis. 9vus contra Donatistas. 10vus contra Pelagianos, de origine Animæ, prædestinatione, Gratia, libero arbitrio, 11vus continet vitam S. Augustini et Indicem. *Æditio Blampinæ.*

S. AMBROSIUS 397. A. mortuus.

Biographia. Ambrosius idem est ac immortalis, in Gallia natus, primò causarum Patronus, dein insignibus Consularibus ornatus, Liguriæ et Æmiliæ Gubernator, dum exortas discordias in electione Episcopi Mediolanensis componeret, ipse Episcopus, licet adhuc Catechumenus omnium consensu electus est. Mortuus est 64. annos natus. Fuit græcè et latinè doctus, omni genere virtutis venerabilis, Judæis, Gentibus et Hæreticis resistens. Stylus ejus concisus, facundiam Senecæ imitatur, et dictioni ejus inest modesta jucunditas.

Bibliographia. Primò Tomò continentur libri quinque in Hexaemeron, liber de Paradiso, de Isaac et anima, de Jacob et vita beata, de Josepho, Tobia, Naboth, fuga sæculi; bona morte, Arca Noe, Cain et Abel, benedictionibus Patriarcharum, Expositiones in Psalmos, et Evangelium S. Lucæ. Tomò 2do. de Officiis Clericorum, Virginibus, Mysteriis, Pænitentia, Fidè de Spiritu S, de excessu fratris Satyri, seu orationes funebres, et Epistolæ juxta editionem Maurinorum.

S. GREGORIUS MAGNUS 604. A.

Biographia. S. Gregorius M. Romæ illustri familiâ ortus, Romæ Præfectus dein Monachus factus est. A Pelagio II. Legatus Constantinopolim destinatus, multum laboravit pro reueniendis Græcis. Ordinavit Liturgiam, Angliam convertit, Cantum introduxit in Ecclesiam Gregorianum dictum, podagrâ obiit. *Fuit vir Sanctus, humilis, eloquens, literas profanas auersabatur, nimis in allegoriis subtilis. Stylus ejus non est vivus, et sublimis, verus tamen et solidus.*

Bibliographia. 35. Moraliû Libri in Job, duo libri in Ezechielem, et duo in Evangelia. imo Tomo continentur. 2do Tomo Liber Pastoralis curæ ad Episcopum Ravennatensem, quatuor libri Dialogorum, 12. libri Epistolarum 480. continentur. 3tio denique liber Sacramentorum, Antiphonarium, Benedictionale et Hymni, et expositio in quosdam libros S. Scripturæ, 4to Vita S. Gregorii & expositio Novi & Veteris Testamenti, ex ejus operibus collecta reperiuntur.

S. HIERONYMUS 240. A.

Biographia. In Dalmatia rusticano in tugurio Christianis quidem Parentibus natus, Romæ tamen adultus baptisatus est. Apud Damasum Papam munere scribendarum Epistolarum functus, adeo celebrabatur, ut quasi oraculum totius Orbis consuleretur, & contra Hæreticos ut leo pugnauerit. Obiit in eremo Bethleemitica 91. annos natus.

Fuit summi & fervidi ingenii vir, post Originem in SS. Scripturis doctissimus, Hebraicæ, Græcæ, Syriacæ, Latinæ & Chaldaicæ linguæ peritissimus. Stylus ejus elegans et effeax.

Bibliographia. Versiones Latinæ Bibliorum, cum notis & prologo, imo Tomô. De Interpretatione Nominum Hebraicorum, de situ locorum hebraicorum, Epistolæ 18. criticæ & homiliæ duæ in Cantica. 2do Tomô. Libri 18 Commentarii in Isaiam & cæteros Prophetas. 3tio. Tomô; In cæteros Novi Testamenti Libros commentaria. 4to Tomô. Tandem exhibentur Epistolæ, Tractatus contra hæreticos Luciferianos, Vigilantium, Jovinianos, Volumen de scriptoribus Ecclesiasticis, & dialogus contra Pelagianos secundam partem Tomi 4ti claudunt. Vitam verô S. Hieronymi 5tus Tomus complectitur, *juxta editionem Martianæi.*

S. THOMAS AQUINAS 1274. A.

Biographia. S. Thomas Neapolitanus Dominicanus, Alberti Magni discipulus, primus fuit ex mendicantibus, qui una die cum S. Bonaventura. Doctor Theologiæ crearetur; quam cum Aristotelica Philosophia Lutetiæ, Bononiæ, Romæ, Neapoli, Pisis & Fundis cum eruditionis laude docuit. Docendo, scribendo, concionando de Ecclesia bené meritus est. In itinere ad Concilium Lugdunense II. obiit 50. annos natus. Fuit summæ authoritatis & humilitatis vir, ad eruditionem Divinam & humanam solus linguarum & eloquentiæ defecit usus. Dicunt

animam Augustini migrasse in Thomam. *Stylus ejus brevis & pressus, paucis multa dicit.*

Bibliographia. Priores 5. Tomi exhibent commentarios in Aristotelem, 6tus & 7mus in Petrum Lombardum, 8vus quæstiones disputatas & quodlibetica seu diversi argumenti: 9vus Summam contra Gentiles pro veritate Religionis. 10mus, 11mus. 12mus Summam Theologiæ in tres partes divisæ, continent. 13tus, 14tus, 15tus. 16tus. Expositionem S. Scripturæ Veteris & Novi Testamenti. 17mus Opuscula Theologica & 18vus Tabulam in omnia S. Thomæ opera complectitur. Spuria opera S. Thomæ sunt: Commentaria in Genesim, de Regimine Principum, & Commentatio in Dionysium.

S. BONAVENTURA 1274. A.

Biographia. S. Bonaventura Florentinus, Ordinis S. Francisci, Episcopus Albanensis, & S. R. E. Cardinalis fuit. In Concilio Lugdunensi post 4tam Sessionem obiit annô ætatis suæ 53. Fuit Restaurator Monasticæ disciplinæ, pro pace & concordia Ecclesiæ indefessus Scriptor, profundus sublimis, discretus. Ejus Theologia sola Ingolstadii ab initiis traditur

Bibliographia. Pharetra seu loci communes ex SS. Patribus, Breviloquium, & centiloquium, ubi de quæstionibus Theologicis, de Ecclesiastica Hierarchia, de Virtutibus Cardinalibus, & vitiis capitalibus, de regimine animæ, expositio Missæ, Officium de Domini Passione, de Fratribus

minoribus, de Compositione seu Reformatione hominis, Regula Novitiorum, expositio in Scripturam, Epistolæ & sermones diversæ & sententiæ, Laps B. M. V. & Psalterium ejusdem exhibentur.

S. LEO MAGNUS. 467. A.

Biographia S. Leo Romanus Hæresis Nestorianæ & Eutychianæ debellator, Attilam Hunnorum & Gensericum Gothorum Regem, Romam vastare paratos, eloquentiâ suâ compescuit. *Fuit dotibus ingenii, prudentiâ ac vigilantia Pastorali præditus. Stylus ejus politus est ornatusque.*

Bibliographia. Sermones 100. varii argumenti, Epistolæ 141 ad diversos, sunt genuina ejus opera. Cætera dubia aut supposititia sunt.

S. BERNARDUS 1153. A.

Biographia. S. Bernardus Doctor mellifluus dictus communiter. in Burgundia nobili genere natus, cum quatuor fratribus & Patre ad conditum nuper Cistercii Monasterium advolavit, & hæc initia Ordinis ita auxit, ut Abbas Clarevallensis, & 160. Monasteriorum Parens factus sit; Pater Patriæ propter susceptos labores, & Restaurator unitatis Ecclesiæ propter extinctum Schisma, & debellatas hæreses dictus est. Mortuus ætatis suæ 62. annô. Character ejus est sequens: *Solitudinis amans, Summorum Pontificum cordatus Monitor, literis humanis.*

ribus tinctus, et Augustini æmulator. Stylus vividus, pressus, cogitationes sunt sublimes, & discursus jucundi.

Bibliographia. Epistolæ 419. Libri quinque de Consideratione ad Eugenium III. Tractatus de moribus & Officio Episcoporum, de Præcepto & dispensatione, Laus Templariorum, de gradibus humilitatis & superbiæ, de diligendo Deo, de gratia & libero arbitrio. Tractatus de S. Victore, ubi ad dubia de Baptismo & alia ab Hugone proposita respondet, cui librum scripsit, de vita & gestis S. Malachiæ Episcopi Hiberniæ, de cantu & correctione Antiphonarii Cisterciensis; 435. Sermones diversi argumenti, item 86. Sermones in Cantica, Sententiæ & formulæ Confessionis privatæ, & Officium de S. Victore sunt genuina ejus opera.

Simili modò in Historia Ecclesiastica de cæteris Ecclesiæ Patribus & Scriptoribus disseretur, Hæc interim pro manu ductione sufficiant.

SS. Patrum Autoritas in exponenda S. Scriptura et Fidei rebus.

- I. Recentiores S. Scripturæ Interpretes, Patribus Ecclesiæ præferendi sunt, quia ad subsidia Patrum serius inventa & peritiam criticam addiderunt, & linguæ peritiam.*
- II. Nullus Patrum Ecclesiæ infallibilis est, quia tantum Verbum Dei & decisio Ecclesiæ in fide & moribus infallibili-*

- tate pollet. Nec de fide est omnes PP. consentientes infallibiles esse.
- III. Unius Patris Sententia rem aliquam nonnisi probabilem facit, non vero certam, Alius enim aliõ doctior est.
- IV. Qui recedit ab unanimi Patrum consensu, non omnino recedit ab Ecclesia, si stricte loqui velis, quia aliud est, testes fidei non sequi, aliud Judicem Ecclesiam deserere.
- V. Unanimis Patrum consensus quoad dogma vel explanationem S. Scripturæ tenendus est ex Tridentino, non vero omnino tenendus est si nec fidem nec mores spectat, seu ut ajunt in adia-phoris.
- VI. Allegorica explanatio Scripturæ SS. Patrum non est tenenda, licet non culpanda: *vg.* Petrus Synagogam, Joannos Ecclesiam significavit *S. Gregor.*
- VII. Si Pater loquitur ut privatus Doctor juxta suam opinionem non plus valet quam probat, si vero ut Doctor publicus, Nomine Ecclesiæ, *vg. credimus, confitemur ait*, omnem meretur fidem.
- VIII. Pars major Patrum meretur quidem consensum præ minori, sed certitudinem non parit.
- IX. Generalis approbatio alicujus Patris non tribuit certitudinem, sed tantum probabilitatem. Imò nec specialis approbatio S. Augustini de gratia & libero arbitrio tribuit infallibilem auctoritatem sed moralem tantum.
- X. Specialissima seu definitiva approbatio alicujus patris quâ Opus ut fidei norma proponitur, illud reddit infalli-

bile, *vg.* XII. Anathemismi S. Cyrilli Alexandrini & S. Leonis Epistola contra Eutychetem.

XI. Si SS. Patres non consentiant, licitum est etiam in quæstionibus fidei & morum recedere ab illis.

*Regulæ observandæ in lectione et usu
SS. Patrum. Ex parte Operis
et Authoris.*

Scriptum Patris Ecclesiæ debet esse genuinum. Editio emendatissima. An perseveraverit in Ecclesiæ communione? Quo tempore & quomodo vixit, & quid scripsit, in quibus circumstantiis & contra quem. — Quam Philosophiâ usus est? Legendi in lingua originali à principio usque ad finem. Præstantiores & Apostolis viciniore seligendi. Termini, Phrases hujus ævi intelligendi sunt.

Ex parte legentis.

Proponat sibi certum finem legendi *vg.* vel ob dogma aliquod stabiliendum, vel ad inveniendum sensum literalem textûs, vel disciplinam. Liber sit a præjudiciis, in arte critica bene versatus, & notitiâ Theologiæ bene imbutus. Locutiones Patrum duras non corrigat sed benigne exponat *vg.*

de Spectaculis. Obscura loca ex fide Ecclesiae & coævis Scriptoribus, exponenda *vg.* Homo Dominicus, Christus. Unus locus ex pluribus ejusdem Patris, non plures ex uno exponendi sunt. Attendendum num ex sua an aliena mente, an opinando an asserendo dicat.



THEOLOGIA PASTORALIS

AD USUM

SEMINARII VARSAVIENSIS

APUD

SAACTAM CRUCEM CONTRACTA

Die 21. Septembris 1804-

§. I.

Notio Theologiæ Pastoralis.

Prælectiones Theologicæ in Seminariis plerumque tractantur theoreticæ. Alumni in Praxi Sacramentorum, Catecheseos, Concionum & vitâ Ecclesiasticâ instituenda, finito Cursu numerosas offendunt difficultates, quibus solvendis sunt impares. Quare operæ pretium visum est, practicas Theologiæ Regulas contractum iri ad bene obeundum munus Ecclesiasticum, ut Tyrones finito Seminariô non tantum sint Sacerdotes, qui pro suis & populi delictis dona & Sacrificia offerant, sed etiam ut sint veri populi *Doctores et Pastores in opus ministerii, in consummationem Sanctorum, in ædificationem Corporis Xti* (Ephes 4 — 12.)

§. 1.

*Discrimen Pastoralis à Morali et
Dogmatica Theologia.*

Traduntur equidém in Cursu Theologico egregiæ docendi, vivendi, & resolvendi Regulæ, negari tamén nequit, passim hanc disciplinam absolvi modo scholari, ejusque munus esse, definire, dividere, concedere, negare, probare. Absolutâ Theologiâ Tyro Sacerdos sæpe nescit, quid, aut quando, quomodo, dicendum aut faciendum. Ast Theologia Pastoralis est usus Regularum & Prælectionum magis consistens in opere quam sermone, ut Theologus jam non sit Tyro sed Magister in Israel. & exemplò sni Ducis & Pastoris doceat simul expedite & faciat.

§. 3.

Officium Pastoris.

Bonus Pastor cognoscit oves suas, et ponit animam suam pro illis. Joan: 10 — 11. Invigilat illis quasi rationem redditurus. Hebr. 13 — 17. Pascit eas verbò et exemplò non coactè, sed liberè, non dominans, sed forma gregis factus ex animo. Petri 5 — 2, Hinc non supersedet semel & iterum prædicare, aliquoties infirmum visitare, Missam cantare, sed omnibus omnia esse vult ut omnes faciat salvos, Cor 9 — 22. Ocu-

lus cæco, pes claudæ, Pater Pauperum Job. 29 — 35. Nocte & die non cessat monens Paræcianos suos Act: Apl: 20 — 31. Non dantur enimvero permanentes redditus pro brevi labore, nec perpetuæ sunt Foundationes pro transitoria obligatione. Ad quid enim tot minæ Prophetarum ad Sacerdotes Israel, & tot monita Episcoporum ac Conciliorum ad Vicarios Christi si unâ ac alterâ Exhortatione, Sacramenti Administratione, totum Officii Pastoralis munus impleri putaremus!

§. 4.

Partitio Tractatus.

Tam in veteri quam novo Testamento Pastores gregem suum pascere obligabantur: Hanc vero obligationem nonnisi triplici modo exequi poterant, videlicet *Verbo, Sacramentis et Exemplô*. Si Pastor *Verbo* gregem suum pascere intendit, non debet Cathecheses & Conciones intermittere. Si *Sacramentis*, Sanis et ægris, Græcis & Barbaris debitor atque omnibus præsto esse debet. Si *Exemplô*: nulli scandalo imo omnibus norma vitæ Christianæ esse debet. Atque hæc sunt, quæ Theologia Pastoralis pertractat, quæ proinde in tres Partes dividenda est, quarum *Prima* de modo Docendi, *Secunda* De Administratione Sacramentorum, *Tertia* de exemplari vita Pastoris aget.



PARS PRIMA

DE

OFFICIO DOCENDI.



Quoniam experiētiā teste, non quilibet, qui in Schola docet, aut in Ecclesia catechizat, aut prædicat, id effectū præstat, quod intendit, & superstitibus licet optimis Instructionibus de Methodo docendi, multi tamen irrepserunt nævi & defectus in munus Docendi, sive in Scholis quarum Inspector aut Director esse deberet Pastor, sive in Ecclesia ubi propria est ipsius Docendi Cathedra, idcirco ad uberiores fructus producendum præsentem Partem in tria Capita dividere placuit, quorum *Primum* de methodo Docendi in genere, *Secundum* de methodo Catechisandi, *Tertium* de Modo Concionandi tractabit.

CAPUT PRIMUM

DE

*Methodo Docendi in genere, seu de
Arte Pædagogica.*

Quod si millia Pædagogorum decem haberetis in Christo, sed non multos Patres aiebat Paulus. Cor. 4. — 14. Quibus verbis certè non redarguit officium Pæda-

gagi, etsi magis Patris munus comendet. Non esset indecorum Parocho, obire munus Pædagogi exemplô tot egregiorum Sacerdotum & Religiosorum, si graviora negotia non urgerent & functionibus statûs continuô huic salubri operi incumbere non præpediretur. Quidquid sit, Pastor semper est omnium Paræcianorum & ubique Doctor. Etsi Pædagogum agere non posset, Pædagogum tamen noscere & illi invigilare expediret, artemque calere, quâ boni cives & boni Christiani etiam in Scholis formentur. Qua propter nefas est, ignorare qualitatem Pædagogi, Ordinem & artem docendi, ejusque methodum aut Vitia & cætera hujusmodi, quæ ad quodlibet genus docendi concurrunt.

§. 5.

Qualitas Docentis.

1. Docens non solum instructus sit solidè scientiis, quibus alios imbuere intendit, sed sit comptus, morigeratus, quo juvenum animos ad se trahat. 2. Quolibet tempore & locô sit aptus & paratus ad Docendum ut non é memoria aut mechanicè docere dignoscatur. 3. Noscatur scopum suæ Functionis, & se Patrem esse et Doctorem suorum Auditorum recordetur, nec credat alios tam ineptè aut mechanicè instituendos esse, sicut forte ipse Pædagogus instructus fuit. 4. Noscatur suos auditores, ut pro eorum capacitate necessitate omnibus semper loqui, omnesque instituire possit. 5. Non misceat jocosa seriis, nec sacra profanis, nec operibus verbis contradicat

dicat quia *efficiretur sensibus puer, cum malitia parvulus esse debeat; & si alius linguis & labiis loqueretur, non cum, exaudirent juvenes & senes* 1. Cor. 14 — 26. 6. Nunquam plus exigat, quam possint Auditores, non multa doceat, sed multum, lenteque ad metam festinet.

§. 6.

Ordo Docendi.

Non in Scholâ tantum, sed & in Ecclesia ordo est animarum rerum, multumque confert ad attentionem & profectum. Quapropter non tantum pueri a puellis, sed adolescentes ab adultis etiam separandi sunt, ut nulla detur in Cantu, Oratione, aut Instructione indecori aut distractionis occasio, imo quælibet ætas pro sua capacitate intenta sit iis, quæ fiunt, ut instructio commodius cuilibet applicari possit. Juvenes enim nec in schola tam diu quasi in carcere retineri possunt quam adulti, nec illis hæc inculcanda sunt; quæ vix ab adultis percipiuntur. Quapropter Docens non locum tantum & Personas, sed & Instructionem ac Devotionem rite disponere debet, ut magis tam ad Scholam quam Ecclesiam frequentandam alliciantur.

§. 7.

Ars Docendi.

Sicut non omnis, qui legit, callet artem legendi, ita non quivis Docens artem Docendi callet. Qui, quod legit, intelligit,

sentit, & aliis lecta communicare valet, artem non Mechanismum legendi callet, quia eo legente audiunt omnes, respirant lenius, & audientes quasi aves in silentio percepta repetunt, dum econtra male legentem nec audiunt, nec percipiunt. Sic à pari callens methodum Docendi, omnium animos ad se convertit, omnes instruit, & instruendo avidiores ad audiendum efficit, dum mechanicus Pædagogus fastidium generat auditoribus, & eos sopore premit. Pædagogus peritus in arte aliter juvenes, aliter aultos instruit. Scit junioribus inesse naturâ aliquam curiositatem, hanc acuendo, eos lucrificat. Econtra vulgum temporalibus ad Spiritualia tradueere benè novit. Generaliter potius Exemplis & Factis quam verbis instruit, quia in omnibus fere minus valent præcepta quam Experimenta ait Quintilianus.

§. 8.

Nævi et Vitia in docendo.

Nimia Severitas, Impatientia & præcipitantia inveterata sunt Pædagogorum vitia. Hæc volens declinare Pædagogus, nunquam se terribilem in Docendo ostendat, sed affabilem ac amabilem, quia non est Judex aut Dominus suorum Auditorum, sed Medicus. Non sunt ergo cum jactura Pudoris aut Innocentiæ puniendi pueri in Schola, sed Morigeri laudando remunerandi, Improbi privatim monendi, vel publicè increpandi & confundendi, ut Educationis aut Juventutis vitia emendent. Imprimis vero fontem, aut

causam vitii ut sagax Medicus inquirat, ut suo locô & tempore medicamentum apponat. Religionem odibilem non reddat, quia illam in maturâ ætate non deligent. si in jüventute illi lacrymas expressit. Multi fugiunt ab Ecclesia & Confessione, quia malè excepti sunt, aut pro puerili immodestia vapulabant.

§. 9.

Methodus Docendi multum.

Imprimis necessaria est affabilitas, qua Pædagogus ipse Auditores interrogat, obscura declarat. non intellecta repetit, sine suspitione impatientiæ. 2. Volens alios docere, se ipsum doceat, & volens esse Dominus Auditorum, sui ipsius imprimis Dominus sit. 3. Doceat verbis perspicuis, quia melius est nullam de Deo, anima, aut aliis rebus habere ideam, quam vilem & phantasticam. Mallem ait Plutarchus, ut nullus esset in mundo Plutarchus, quam ut sit invidus, injustus, Tyrannus. 4. Inspiret ipsis Reverentiam erga Leges ope Patriotismi, monstrando eas collimare ad bonum commune. 5. Ope conscientie excitet in ipsis bonum sensum. 6. Ope boni exempli & consuetudinis inculcet ipsis urbanitatem & modum peragendi omnia bene. 7. Ope hilaritatis inspiret ipsis internam pacem & tranquillitatem, quam ex peracto bono opere sentimus. 8. Ope Religiosis faciat illos attentos & memores futuræ Beatitudinis.

§. 10.

Initium Scholæ aut Doctrinæ.

Laudabilis certè mos est incipiendi Læ-
tionem aut Doctrinam ab Oratione, ideo
tamen vituperandus, quod mechanicè sine
affectu & devotione, ex sola consuetudine
persolvatur. Pastor autem & Pædagogus du-
plici modo juvenes ad orationem attentos fa-
cere potest. 1. Si ista Oratio initialis decla-
retur, ab ipso Pædagogo devotè absolvatur,
vel cum alia oratione aut aliquando cum
Cantu permutetur. 2. Si Auditores præpa-
ret ad Attentionem narrando jucundum aut
tristem aliquem eventum *vg* Phænomenon
naturæ, mortem Scholaris, Festum aliquod.

§. 11.

Methodus Docendi Religionem.

Motivum Religionis *vg*. *Hæc est volun-
tas Dei sanctificatio Vestra* Thes: 4 — 3. cer-
tè est maximum, quia imbecillem hominem
erigit, superbum flectit, ab eoque incipienda
Instructio adeptò usu rationis, ne postea forte
Religione duci nolint. Quare instruat. 1.
Auditores tam in Dogmatibus quam Morali
quia Religio Sancta utrumque continet. 2.
Dogmata ut axiomata sine Theologica De-
monstratione proponat, exceptâ forte hæc uni-
câ *Deus infallibilis hoc revelavit*. 3. Non
utatur vocibus, formulis quarum nullam aut
perversam habent ideam. 4. Non multa si-

mul doceat, & docendo intellectum non modo illustret, sed & voluntatem moveat, ostendatque simul modum hoc vel illud credendi aut faciendi.

§. 12.

Vitia in Religione Docenda.

Hodiernæ Catecheses continent multas inintelligibiles voces, quæ memoriam quidem obruunt, sed intellectum vacuum & cor frigidum relinquunt. Ipsum Evangelium, quod fructuosè legi potest in Schola, et debet in Ecclesia, non nisi fragmenta historica sine Chronologia continet. Vix tamen explanatio Evangelii aut Catecheseos à Pædagoogo exigi potest, nisi benè Religionis fundamenta sciat. Sæpe juvenus callet multas voces ex Evangelio, Catechesi & tamen nequissima est. Sed Religio non pro sola memoria, nec pro solo intellectu, sed etiam pro rebelli voluntate statuta est. Religio Christi non Auditores verbi, sed Factores poscit. Memorialis Religio non potest Religio dici, cum Judæus etiam memoriter quædam scire potest. En quomodo hodie passim juvenus in Religione instituitur! Caveat interim Pædagogus & Pastor alterum extremum, nempe ne velit ex Christianis facere Polemicos.

§. 13.

Quoad alias Scientias.

Pædagogus & Pastor visitando Scholam, narrabit sæpe studiosæ juventuti, quantum fructus & utilitas percipitur ex Legendi, Scribendi, Calculandi arte, nec non aliis industrialibus. Certè institutione juventutis multa peccata præcaventur, mores & intellectus excolitur. Interea non sola Lectio & Scriptio in Schola tradatur aut sola Arithmetica, sed doceatur etiam Cantus, explicetur Calendarum, monstrentur nocivæ herbæ, diluantur fabulosæ Vetularum narrationes de Spectris, suppeditentur tandem Regulæ Sanitatis. Hæc Pastor tum per se in Schola, tum privatim Pædagogo insinuare poterit, quia ars pædagogica junctis viribus Parochi non leve inde sumeret incrementum.

§. 14.

Obbligatio Pastoris quoad Scholas.

Utilitas, quæ non solum pro Regimine sed etiam pro Ecclesia Dei ex Scholis promanat, stimulus esse deberet Parocho ad erigendam, augendam, & conservandam Scholam Parochialem. Imo Titulus Pastoris, mos primitivæ Ecclesiæ. Constitutiones Conciliorum, tunc generalium quam particularium, de *Methodo docendi*, de *Authoribus juventuti prælegendis*, de *non assumendis Ludimoderatoribus infectis*, aut *suspectis* zelum ejus promovere deberet ad instituendam

juventutem non in Ecclesia tantum, sed & in Schola. Quot etenim vitia & præjudicia ope Scholæ extirpare, quam commodè Cantum & Devotionem in Ecclesia introducere, & bene ordinare, quot bonos sensus excitare & dilatare potest? Inveterati habitus, præjudicia, superstitiones quædam non nisi Instructione juventutis evelli funditus possunt. Quare Pastor per se & suos Collaboratores Scholam in Catechesi & Concione recommendare non intermittat. *Leg. Con. Lat. III. can. 11. & Trið: Sess: 5. de Ref. can. 1.*

§. 15.

Media erigendæ et conservandæ Scholæ Parochialis.

Zelosus Pastor non à Regimine sumptus & necessaria media ad erigendam & augendam Scholam Parochialem præstolatur, sed ipse exemplò aliorum in Vicinia aut exteris Regionibus degentium Pastorum de mediis cogitat & opus perficit. Conducit morigerum Sacellum aut Organarium, eique obligationem instituendæ juventutis imponit. Pastor autem Scholæ præest, Pædagogus & Scholaribus invigilat, eam semel aut bis in hebdomada visitat, studiosos examinat, atque dum tali modo paulatim scholares non lectione tantum & Scriptione ob aliis pagi pueris distinguuntur, sed etiam moribus, & fructus non exigui apparet, non unus certè Benefactor reperiretur, qui aliquid ad confirmandum aut reparandum ædificium, & successu temporis ad conducendum peritum

Pædagogum conferret. Imo Parentes videntes Pastorem Scholam dirigere, juvenes suos meliorari, libenter pro medulo suo ad salubre hoc institutum contribuerent. Certè non unò annò hoc opus perficitur, paulatim tamen summa petuntur.

CAPUT SECUNDUM.

DE METHODO CATECHISANDI.

§. 16.

Notio artis Catechisandi.

Per artem Catechisandi intelligitur Methodus, qua Veritates Religionis tam theoreticæ quam practicæ rudi populo præsertim juniori intelligibiles ac obviæ redduntur. Methodus verò illa non est alia nisi discursiva, si nempe paternò affectu a notis ascendatur ad ignota, ac per varias circulationes, interrogationes res obscuræ reddantur evidentes, remotæ proximæ, difficiles faciles, odiosæ amabiles. Differt ergo modus Catechisandi a discursu Philosophico aut Demonstrativo, in quo res rationibus probatur, et ordo aut forma aliqua servatur. Nam in Catechesi nulla forma strictè servari potest, sed juxta Responsa rudis populi res vel magis explicanda, vel aliò diri-

genda, vel ultra protrahenda est, sicut in discursu familiari fieri solet. Unde egregie ait *Steinert* plus scientiæ & præcisionis requiri in Catechista, quam in Præcone. Bonus Catechista semper esse potest bonus Præcon non autem vicissim. Quia Catechista ad improprios casus, Dubia, Objectiones, paratus esse debet, dum Præcon unam tantum materiam paratus pertractat.

§. 17.

Necessitas Catecheseos.

Crasa ignorantia quoad primaria Religionis dogmata, & obligationes status dominans non in pagis tantum, sed & inter cultos populosa civitatis cives. Inutilitas Concionum mediocri etiam stylô elaboratarum. Multitudo peccatorum ex ignorantia provenientium evidenter innuunt, quam necessariæ sint ubique Catecheses. Quare sancitum est. Con: Trid: Ses: 5. cap: 2. *Parochi plebes sibi commissas pro sua & earum capacitate pascant salutaribus verbis, docendo quæ omnibus scire oporteat ad salutem cum brevitate & facilitate sermonis, quæ vitia declinare, et virtutes sectari oportet, ut poenam æternam evadere, & gloriam cælestem consequi valeant.* Et clarius de Catechesi cap: 4. de Ref: *Episcopi saltem Dominicis et Festivis diebus pueros in singulis Parochiis fidei rudimenta, et obedientiam erga Deum et Parentes diligenter ab iis, ad quos spectabit, doceri curabunt, et si opus sit, etiam per Censuras Ecclesiasticas compellant.*

Quæ Rudimenta Fidei pertractanda.

Per Rudimenta Fidei non sunt intelligendæ utilitatæ quædam Interrogationes ac Formulæ, quæ pueris adhuc rationis incapabibus, ac proinde sine cognitione earum proponi solent, ac propositæ mox memoria excedunt, sed ea omnia, quæ Christianus scire, credere, facere et omittere debet. Non sufficit ergo necessaria mediis scire, sed intelligere etiam quisque debet Orationem Dominicam, Symbolum, Decalogum, Ecclesiæ Præcepta, Sacramenta, Partes seu Conditiones ad Pœnitentiam. His paulo post addenda sunt varia genera peccatorum, veluti peccata capitalia, aliena, Ritus Ecclesiæ, Institutio Festorum, modus audiendæ Missæ, ac cætera pro temporis opportunitate ac auditorum capacitate, quæ hominem re & nomine efficiunt Christianum.

Quando Catecheses habendæ.

Parochus non assequetur finem sibi a Domino propositum, si tantum pro Confirmandis, prima vice Communicatis, aut in Quadragesima Catecheses instituat, quia multi tam modico tempore discerni aut disponi nequeunt, & si hoc supponatur fieri posse prima Quadragesimâ, sequenti tamen iteram indispositi, aut indocti comparebunt. Quare pro Confirmandis & prima vice Com-

municaturis specialis habendus est Catechismus, & ut totus modici temporis labor inutilis non remaneat. Catechismus juxta præfatum Concilium Tridentinum debet esse continuus, id est omnibus Dominicis & Festivis diebus. Commodius communis Catechesis ante Vesperas, specialis verò pro Confirmandis & Communicandis quovis aliò tempore opportunò habetur à Pastore benè visò. Si hoc nimis multum exigere est, perpendat quæso Pastor non Mercenarius verba S. Pauli 2. Tim. 4-1. Testificor coram Deo & Jesu Christo, qui judicaturus est vivos & mortuos per adventum ejus, prædica verbum, in sta opportunè, importunè, argue, obsecra, increpa in omni patientia & doctrina.

§. 20.

Quæ ante Catechismum servanda.

Catechista præparatus 1. faciat intentionem instruendi omnes quotquot sunt 2. Factò signò S. Crucis clarè & distinctè quoad comma non cantando prælegat consuetas preces cum Symbolo, Præceptis Dei, & Ecclesiæ, Sacramentis & Conditionibus ad Poenitentiam & easdem preces manè & vesperè dicendas commendet. 3. Mandet omnibus finitis precibus surgere & ordine stare, ut pueri a puellis segregati stent, & exeant. 4. Eligat locum, è quo omnes videre, & ab omnibus videri possit & audiri. 5. Poterit omnes salutare *vg* *Laudetur* si nondum notus sit, & se velit affabilem reddere. 6. Proponat tandem tres principales Interrogationes cum

Responsis clarè breviter & distinctè, easque bis aut ter repetat, donec memoriæ & cordi imprimantur.

§. II.

Observanda in Tractu Catecheseos.

1. Non multum loquatur, nec inani-
ter ea repetat, quæ jam a pueris sciuntur, sed
Responsa Exemplò aliquò, textu Sacræ Scri-
pturæ, aut Parabelâ confirmet. 2. Nullum
clamantem increpabit, ne major tumultus &
strepitus fiat, sed paulisper subsistende &
tristi facie illum aspiciendo, aut etiam pa-
ternâ monitione petulantes emendare sata-
get: 3. Auditores semper suos in Christo
filios nuncupabit, & si eos de nomine vocare
posset, foret melius. 4. Quæstiones steriles,
spinosas & ad captum omnium minimè ac-
comodatus respuat, nec inhæreat multum de-
finitionibus, divisionibus, quibus pueri magis
cruciantur, quàm erudiuntur, sed re ipsâ
& modo instruendi attentionem sibi conci-
liet, non solum intellectum instruendo, sed
voluntatem etiam movendo. Quare & dogma-
tibus aliquem affectum intermiscere debet.
5. Non quærat, quid est virtus pietas, mi-
sericordia, quia hæc a Theologo vix defini-
untur, sed qui sunt virtuosus, pius, & miseri-
cordes? ac sic a tali definitione adhortetur ad
amplectendam virtutem. 6. Si viderit Audito-
res fatigatos finiat potius Catechesin, quam
ultra molestare pergat, quia non tam inter-
est quam multum sed quam bene. 7. Curet, ut
pueri plus respondeant, quam est & non. 8.

Non facile credat, dicta ab Auditoribus percipi, sed eandem in aliô modô proponat, ut solide intelligant. 9. Interrogationes non sint examinatoriæ, sed discursivæ & doctrinales. —

§. 22.

Observanda post Catechesin.

1. Finitâ materiâ breviter principaliora cum morali tamen reflexione repetat, ut ab Auditoribus in futura Catechesi repetantur. 2. Præmia non distribuat ob evitandum strepitum & ne propter illa catechesin frequentent, sed diligentes laudando remunerabitur. 3. Legat consuetos Actus fidei spei, charitatis & contritionis, ut eos memoria retineant, & suô tempore dicant. 4. Promulget Festa & jejunia, simulque causam Festi declaret aut modum jejunii. 5. Aliter atque aliter interroget de necessariis necessitate medii vg. Estne S. Spiritus pro nobis incarnatus? — Estne Panis in Eucharistia? an vivus Christus? 6. Si tempus suppetat, possunt partes precum explicari vg. quid poscitis à Deo his verbis *Et ne nos inducas* quid creditis dicendo *Communionem SS*? —

§. 23.

Media quædam ad Catechisandum.

1. Legat bonos Libros, puta doctrinas dogmaticas, Fleurii, manuscripta, & lecta recogitando loco & Personis applicet pro

pro earum capacitate. 2. Habeat descriptos pueros & puellas, & si per notabile tempus Catechesin fructuosè frequentaverint, poterit hoc illis remunerari. 3. Quolibet mense faciat brevem Repetitionem dictorum, ut fructus appareat. 4. Itinerando, infirmum visitando proponat juvenibus coram adultis aliquas Interrogationes, quas declaret & exponat.

§. 24.

Quædam Adminnicula ad Catechismum.

Inter alia, quæ ad Fidem & bonos mores pertinent, hæc sibi Catechista pro ratione temporis, aut materiæ eligere potest.

1. Unus nempe Deus, una fides, unum Baptisma, unum Sacrificium, unus Salvator, una Ecclesia, unum peccatum originale, unum Cælum, unus Infernus, una in Christo Persona.
2. Dux naturæ in Christo. 2. Mysteria necessitate medii credenda Trinitatis & Incarnationis. Duplex Oratio verbalis & mentalis. Duplex Verbum Dei, scriptum & traditum. Duplex Iudicium particulare, & universale. Duplex gratia sufficiens, & efficax. Duplex peccatum actuale, & originale.
3. Tres sunt Virtutes Theologicæ Fides, Spes, Charitas. 3. Partes Poenitentis Contritio, Confessio, Satisfactio. Tria bona opera Jejunium, Oratio, Eleemosyna. 3. animæ hostes mundus, car-

ro, diabolus. Tria arma contra diabolum, Oratio, Aqua lustralis, Signum Crucis. Tres poenae Ecclesiasticae Excommunicatio, Suspendio, Interdictum. Triplex Baptismus. Fluminis, Flaminis, Sanguinis. Tria Sacramenta quae Characterem imprimunt. Baptismus Confirmatio & Ordo. Tria Consilia Evangelica, paupertas, obedientia, & Castitas.

4. Quatuor Novissima. Mors Judicium Infernus Caelum. 4. Signa verae Ecclesiae Una, Sancta, Catholica, Apostolica 4. Conditiones ad Contritionem Interna, summa, supernaturalis, universalis. 4. Peccata in Caelum clamantia. Homicidium, Sodomia, Oppressio pauperis, Defraudatio mercedis. 4. Dotes corporis glorificati. Agilitas, incorruptibilitas, impassibilitas, claritas Quadrupliciter peccatur, cogitatione, omissione, verbo & opere. 4. Conditiones ad Confessionem, simplex, humilis, integra, parere parata.
5. Praecepta Ecclesiae 5. Conditiones ad Poenitentiam. 5. Beneficia, Creatio Redemptio, Conservatio, Justificatio, Glorificatio. Quintuplex modus audiendae Missae. 1. in memoriam Passionis. 2. pro impetrando Beneficio. 3. pro Gratiarum actione. 4. Remissione peccatorum. 5. in honorem Dei.
6. Peccata contra Spiritum S. Praesumptio, Desperatio, Blasphemia, Induratio, Invidia fraternae charitatis Incorrigibilitas. Sex signa adventus Christi Judicantis. Adventus Eliae, Enochi, Anti-

- christi, Prædicatio Evangelii întoto mûndo, conversio Judæorum, falsa miracula.
7. Septem Sacramenta. 7. Peccata capitalia. 7. Opera misericordiæ corporalia & spiritualia. 7. Virtutes peccatis capitalibus oppositæ. 7. Verba Xsti de Cruce. 7. dona Spiritus S. 7. preces Orationis Dominicæ.
8. Beatitudines nempe Beati pauperes, mites, pacifici, mundi, lugentes, misericordes, sitientes justitiam, patientes persecutionem ob justitiam.
9. Aliena peccata, 9 Chori Angelorum.
10. Plagæ Aegipti. *Exod: 4. 8. 10. 11.*

Afsignantur materiæ Catecheseos,
corriguntur, reservantur.

CAPUT TERTIUM.

D E :

MODO CONCIONANDI.

Non videtur necessarium, Regulas Rhetoricæ hoc in opusculo transcribere, imo notitiam Troporum & Figurarum supponimus, sed solum de quinque Orationis partibus disseremus, ut notas licet naturales leges & benè dicendi artem magis Pastor excolere ac perficere possit, ut non benè tantum sed & utiliter & fructuosè loquatur. Ad elaborandam

dām ergo Concionem requiruntur sequentia:
 1. Materiam dicendi adinvenire. 2. inven-
 tam disponere. 3. Dispositam confirmare seu
 componere, 4. confirmatam memoriā tene-
 re: 5. memoriæ traditam pronuntiare.

§. 25.

De Inventione.

Non solum notitiā Theologiæ, Philo-
 sophiæ, Physicæ, Hermeneuticæ, necessaria
 est, ad inveniendam materiam Concionis, sed
 etiam notitiā inclinationum, vitiorum, & con-
 suetudinum loci, ubi Pastor verba ad populum
 dicere intendit. Ac sic non ex libro obvias
 quærat dicendi materias, sed his Auditori-
 bus, aut huic loco comprimis accomodatas,
 aut necessarias seligat, sive ab injusto, neces-
 sario, utili, Educatione. Ingenio aut ex aliis
 hujusmodi eam repetat fontibus, hâc tamen
 cautelâ, ut prædicatum conveniat subjecto,
 qualis non esset isthæc materia; Frequens
 Communio est signum Prædestinationis aut
 charitatis, & ut prædicatum loco & tempo-
 ri conveniat, sic malè quis diceret de Bacha-
 nalibus in loco, ubi homines vix pane vescun-
 tur. Ut verò materiam personis, tempori, &
 loco convenientem adinveniat Pastor, per-
 pendat quæso, qualis mysteriorum igno-
 rantia, quantæ maledictiones, pejerationes,
 perjuria hodiedum, ubique fere dominantur?
 quam rara Contritio, integra Confessio, bo-
 na prolis educatio? & facilè materiam quæ-
 sitam inveniet. Non sit sollicitus de The-
 mate aut Exordio, quod ex Evangelio, Pro-

phetis, Breviario cum brevi explicatione Textus, vel a circumstantiis, aut etiam ex præterita concione asumere potest. Nunquam tamen assumat materiam, quam benè non intelligit, sicut quidam de Fanatismo prædicare præsumunt, aut de Deistis, quorum Auditores nec nomen nòrunt.

§. 26.

De Dispositione.

Inventâ materiâ, Ecclesiastes Concionem dividat in aliquot partes, non tamen ultra tres, ita tamen ut quælibet pars contineat practicam doctrinam aut veritatem, Ad hoc autem requiritur Meditatio, studium, lectio authorum. Quamque partem exemplis, Scripturâ, experienciâ, similitudine illustret & objectiones refutet, si quæ ab Auditôribus objici possent. Ad ciendos affectus loca quædam Psalmorum, Prophetarum, vel ex Epistolis S. Pauli depromat, sicque Concionis partes disponat, ut Auditoribus fastidium non generet, sed contra instructi ac commoti, cum gustû, fructu, ac sensu pietatis recedant. Quod subdivisiones spectat, possunt hæ quoad formam vel numerum ad libitum adhiberi. Si verò per subdivisiones intelligantur rationes, & motiva, quibus hoc vel illud faciendum vel omitendum monstratur, quâ de causâ reverâ adhibentur, tunc certè ad quamvis Concionem essentialiter requiruntur, deque illis tam maturè cogitandum, ac de ipsâ materiâ pertractandâ.

§. 27.

De Amplificatione, seu Confirmatione.

Dispositis partibus, Ecclesiastēs materiam suam confirmare debet, ita tamen ut *doceat*. quia alias non audiretur diligenter, & res ignota non addisceretur, oblitterata non reduceretur in memoriam. 2. ut *delectet* nam alias non audiretur libenter, imo Auditores fastidiosi finem expectarent. 3. ut *flectat*, quia alias non audiretur obedienter & scopus Concionis foret inanis. Ut vero Concionator per Concionem *doceat*, necesse est, ut *clarus sit*, non utendo verbis ambiguis, obscuris, aut nimis exquisitis, & ut sit *brevis* ne multis hoc pronuntiet, quod paucis dicere potest. Ut *delectet* acquirat suavitatem dictionis & varietatem styli, ut in parvis submissus, in mediocribus mediocris, & in magnis grandis sit, verba etiam & res secum cohæreant, ut unum ex altero fluere videatur. Ut tandem animos Auditorum *flectat*, duram & asperam increpationem non nisi raro & gravi de causâ adhibeat, & quæ dicit, ex intimo cordis affectu procedant. —

§. 28.

De Memoria.

Sunt, qui totam Concionem ad verbum describunt & addiscunt. Hi pulchrè quidem dicunt & nitidè, sed eorum actio non est li-

bera, & Concio eorum rarissimè doctrinalis est. Sunt, qui tantum Ordinem & præcipuas Concionis partes memoriâ tenent, sed hi quidem liberè dicunt & docent, dum practici sunt, Concio. verò eorum plerumque non est nitida, nec cohærens. Tandem sunt, quibus labore, scriptò opus non est, sed hi plerumque sunt garruli, sine nexu & doctrina prædicant, aut saltem nimis diu circa eandem materiam aliis atque aliis verbis cum fastidio Auditorum versantur. Primi & secundi generis Concionatores abundantî sensui eorum relinquendos puto, & excusatos habeo, quoadusque perfectiores non evadant, dum modo id præstant, quod suis Auditoribus maximè expedire putant. Tertii generis suassor sim, ut saltè aliqua non omittenda sibi adnotent, licet Synopsin Concionis conficere omnibus commendandum foret.

§. 29.

De Pronuntiatione.

Pronuntiatio debet esse submissa in docendo, in delectando temperata, in movendo gravis, quia nihil magis Auditorem gravat & fatigat, quam si unò omnia tonò efferrantur. Vox igitur sit naturalis non ficta. Non dicat nimis delicatè, aut affectuosè, nec abjectè, aut rusticè. Quoniam vero & gestus ad Pronuntiationem referuntur, igitur & ii sint naturales non affectati. Actio sit libera & Regulis scholasticis non coarctata. Vox sit sincera sine affectatione, fortis & non languida aut emortua, sancta non mundana,

gravis non inepta, & ita moderata, ut nec nimis sit lenta nec præceps. Assuescat præterea puro idiomati & non dicat przeleknion, sed przelekniony, non Krul sed Król, non mom sed mam, non śmirć, sed śmierć, non grzyfznik sed grzesznik, non Świętygo sed świętego. Nec sit Pronuntintio cantillans, nec eodem tenore protracta, sed pro Interpunctionibus vel elata, vel depressa.

§. 30.

Observanda ante et post Concionem.

Sit bené dispositus ante Concionem ac
 1. eâ sit humilitate, ac si nesciat, quid, aut quomodo dicendum. 2. Confidenter tamen persvasus sit, se non hominæ verba loqui, sed Dei 2. Cor. 5. pro Christo enim legatione fungimur. 3. Sit zelosus, ut ex amore Dei & proximi verba depromat & dicat cum S. Paulo Gal. 6 Filioli mei, quos iterum parturio, donec formetur in vobis Christus. Post Concionem caveat 1. Elationem, sed dicat cum S. Paulo 1. Cor. 9 — 27. ne fortè cum aliis prædicavero, ipse reprobus efficiar. 2. Dejectionem, quia Deus infirma mundi eligit, ut confundat fortia 1. Cor. 1. 27. 3. pro minus rectè dictis petat à Deo veniam. 4. Oret Deum, ut verbum, Dei fructificet in cordibus Audientium.

Quando prædicandum.

Sciat Pastor, non sufficere diebus Dominicis & Festivis prædicare, quia Concilium Tridentinum Sess: 5. cap. 4. de Ref. post illa verba, saltém Dominicis & Festivis diebus hoc addit, Tempore autem jejuniorum Quadragesimæ, aut Adventus Domini quotidie, aut saltém tribus diebus in hebdomada, si ita oportere duxerint, sacras Scripturas, divinamque legem annuntient, & alias quotiescunque id opportunè fieri posse judicaverint. Posset Pastor non mercenarius quotidie ad præsentem in quotidiana Missa populum breviter aliquid clarè & affectuosè dicere, si sui amans non esset. Imo visitando infirmum, peregrè eundo ad dissitas ab Ecclesia villas & pagos multam inveniret messem, si vellet bonus esse operarius. Multos ubique inveniret Christianos, qui non semper possunt aut volunt Ecclesiam frequentare, magisque egent quam reliqui pabulò salutare, si Pastor ad illos descendere non omitteret.

Media ad benè Concionandum.

Primum medium est, studium humile, pium, ordinatum, assiduum, attentum quia, alias Rom. 1. — 22. evanesceret in cogitationibus suis, & obscuraretur insipiens cor ejus, dicens se esse sapientem, stultus fie-

ret. 2. Meditatio seria *Jerem: 12.* quia desolatione desolata est terra, quia nullus est, qui recogitet corde 3. Oratio *Jacob 1.* si quis vestrum indiget sapientiâ, postulet a Deo, qui dat omnibus affluenter. 4 Vita bona *Eccl: 1.* quia initium sapientiæ timor Domini et *Psalm. 118. 99* super omnes docentes me intellexi, quia testimonia tua meditatio mea est. 5 Mortificatio cupiditatis 1. *Thes: 5* Omnes enim vos filii lucis estis, & filii diei, non sumus noctis, neque tenebrarum. 6. Exercitium Prædicationis, parvulis catechizando, Pauperibus evangelizando, monendo, in Seminario sedulo concionando. Dum vero Ecclesiastes se exercebit in exhortando & monendo, meminerit a S. *Gregorio* triginta & sex hominum genera enumerari, qui pro diversa dispositione aliter atque aliter monendi sunt.

§. 33.

Animadversiones quoad Regulas et Formulæ quasdam.

Concionator non sit anxius, si non callet artem Eloquentiæ, aut Tropos & figuras definire, aut adhibere nequeat. Nam legendo sacram scripturam, bonosque Authores, facile optimis & emphaticis locutionibus assuescet, tropos & figuras adinveniet. Curet exemplò Moysis & S. Pauli, ut auditores doctiores & meliores fiant, & sic sine tropis & figuris verus erit Ecclesiasta. Poterit adhibere Invocationem post exordi-

um, dummodo non siccam aut jejunam, aut eodem semper modo exclamatoriô, sed aliquando precetur Auditores, ut intentionem salubriter audiendi faciant. Ut tandem omnes Orationis partes cohæreant, & quasi membra unum corpus constituent, utendum est Transitionibus *vg.* Dopieroż o Niebie myśląc Owszem. Wszakże. Oprócz tego. Nadto cośmy uważać powinni. Przydaymy do tego. Słyszeliście dość, słuchaycie więcej. To skrycie, ale to iawnie. Niech o tym będzie dość. In Epilogo verò Recapitulationem non omittat, sed non sit nuda & sterilis, sed cum Reflexionibus, quia sine ista Repetitione Concio foret inanis, sine reflexionibus vividis autem frigida. Usus verò & Experientia plura docebit.

§. 34.

Quæ cavenda Concionatori extra Concionem.


1. Non loquatur sinistrè de aliis Concionatoribus, ne fortè suam superbiam prodatur. 2. Non jocetur verbis sacræ Scripturæ aut dictis in Concione, quia alias vim amitterent. 3. Nunquam loquatur de laudibus suæ Concionis, sed fructum attribuat illi, qui incrementum dat, DEO 4. Caveat ne aliter doceat, aliter faciat, quia unâ manu destrueret, quod alterâ ædificavit 5. Non solos legat Concionatores, sed & meditationes, sacram Scripturam, nec non profanos auctores, ad stylum & cognitionem variarum rerum acquirendam.



PARS SECUNDA

DE

SACRAMENTORUM ADMINISTRATIONE.



§. 35.

Observanda ante Sacramenti Administrationem.

Memor sit Pastor 1. Cor. 4—1. Sic nos existimet homo, ut ministros Chrifii, & dispensatores mysteriorum Dei. Hic jam quaeritur inter dispensatores, ut fidelis, quis inveniatur? Sit igitur Sanctus, quoniam Deus Sanctus est, cujus legatione fungitur, & juxta Rituale Sacramentorum, justè, integrè, &que vivat, omni horâ ad Sacramenta paratus sit, & gratis ea ministret, nisi devotionis, eleemosynæ, aut consuetudinis gratiâ aliquid spontè offeratur. Servet juxta Tridentinum omnes ritus, quos omittere aut mutare nefas est, mundam habeat suppellectilem, vasa & vestes, sitque semper in eorum administratione superpelliceo & stolâ indutus, & per orationem ac præparationem intentus sit rei, quam diligenter & sanctè tractare debet. Moneat accedentes,

quantâ reverentiâ ad Sancta accedere debeant, & alterius Paræciæ Fidelibus sine consensu Parochi, aut necessitate, Sacramenta non ministret, nisi fortè Poenitentiae, aut Sacrae Communionis sanis.

§. 36.

Dispositiones Ministri et Suscipientis.

Varia sunt hominum genera, quibus Sacramenta ministrare debet Pastor. Sunt enim 1. Rudes qui non possunt, aut nolunt edoceri veritates fidei. Sunt multi propter levitatem ingenii, aut peccati notorietatem, aut habitum Sacramentorum incapaces, aut indigni 3. Sunt multi dubiè dispositi, Pastor igitur admonitione, instructione, obsecratione, tantum præstet, ut eam partem sequi possit, in qua minus periculi judicaverit.

Quod verò ipsius Pastoris dispositionem attinet, sciat, non nisi se in necessitate & in defectu Confessarii, in aliquo letifero peccato Sacramenta elicita contritione conficere posse, & præter statum gratiæ, alios requiri in ministro humilitatis & devotionis actus, quos excitabit cogitando 1. Se non esse Dominum Sacramentorum, sed tantum dispensatorem. En motivum timoris & humilitatis. 2. Respiciat Christum cujus gratiæ Minister est, & actum Reverentiæ excitabit 3. Recogitet Sanctitatem & effectum Sacramenti, & illicò rememorabit illud Isaia

52 — 22. *Mundamini, qui fertis vasa Domini.* 4. Respiciat Proximum, ac pro illius dispositione varios excitabit affectus comiserationis, adorationis, charitatis.

§. 37.

De Baptismo.

Hortetur Pastor Fideles juxta Rituale, ut Baptisandos quam primum, ad Ecclesiam deferant, quia sine Baptismo Regnum Dei intrare non possunt. Adulti autem diu instruendi sunt, & probandi in exercitiis virtutis, & non nisi cum scitu Regiminis in Borussia post ejurationem erroris ad Sacramentum admittendi sunt. Cavendum ergo, ne quis ex imperitia, errore, aut ob quæstum vel ex dolo baptisari velit. Si plures parvuli vel adulti baptisandi sint, actus, Interrogationes fiant super singulos, orationes vero super omnes dicantur. Si Cæremoniæ supplendæ sunt videat in Rituali infra positas orationes, & cætera peragat ut in ordine exceptâ formâ Baptismi.

§. 38.

Servanda ante Baptismum.

Interroget. 1. Pastor, quomodo Baptisandus vocandus. 2. num sit baptisatus domini. 3. e qua Paræcia? Ad munus Patrino- rum non admittat publicos peccatores, infames, infideles aut rudes, nec plures quam

Provincias captivos abducebant. Antiochus tamen Epiphanes vel ex odio Religionis Judaicæ, vel ad instantiam quorundam Judæorum, Religionem aversantium, Moysis legem tollere et græcum cultum inducere conabatur. Sed hæc agendi ratio cæterorum Judæorum commovebat animos, et bellum Religionis excitavit, quod multos annos duravit, et cum Independentia Judæorum sub Summis Sacerdotibus Simone et Hircano terminatum fuit. Descriptio gestorum a Mathathæa ejusque filiis exhibetur in 4. libris Machabæorum, Quæ tamen duo tantum Canonice adnumerati sunt; ideo de duobus posterioribus nulla mentio fiet.

Primus liber historiam 40. annorum complectitur, ab Antiocho scilicet usque ad mortem Summi Sacerdotis Simonis, eratque hebraice scriptus, visusque est ab Origene et Hieronymo, et occurrentes hebraismi hoc ostendunt. Secundus 15. annorum historiam continet, in quo vexatio Judæorum et Sacrilegium Heliodori, et mors Nicanoris Ducis exercitus Syriæ narratur, 2. Mach. 3. 15. A principio duæ Epistolæ ponuntur, quas Judæi in Palæstina scripserunt ad fratres in Ægipto, invitantes eos ad festivitatem purificationis Templi Jerosolymitani. Sequitur dein Oratio Nehemiæ,

et notitia de Arca fœderis et Altari, quæ *Jeremias* tempore Peregrinationis Babylonicæ absconderat usque ad reditum. Duo isti libri a duobus Authoribus promanare videntur, quia in primo æque, ac in secundo fere oppressiones Judæorum ab *Antiocho* factæ prolixè describuntur, et non obstante identitate argumenti narrationis, diversi factes, ex quibus hauserant, innuuntur. Divercus quoque *Stylus* in utroque libro apparet, utpotè elegantior et liberior in secundo libro, quam in primo.

Quando vero libri scripti sint, non potest determinari. Hoc constat, quod ex fo tibus certis hauserunt, et ad Machabæorum consilium scripti sunt. Non erant reducti in Sacrum Canonem, ut potè editi post exilum. Citabantur tamen sæpe verbis sicut dicit *Scriptura*. Et *Origenes*, *Tertullianus*, *Cyprianus*, *Ambrosius*, *Hieronymus* ex illis argumenta petierunt, quo factum, ut primò a particularibus, dein ab Æumenica Synodo Tridentina inter Sacros recenserentur.

Appendix.

De quibusdam subsidiis et regulis ad explicandum divinum Codicem inservientibus.

quatenus se ad illud tempestivè præparent. Moneat Paræcianos suos, ut sint semper ad Confirmationem dispositi, putâ quod confirmandi in statu gratiæ, & habere notitiam eorum, quæ sunt necessaria necessitate medii & præcepti, & annum septimum completum habere, tandem exemplò Apostolorum orationibus & jejuniis se præparare debeant.

§. 42.

De Sacramento Poenitentiae.

Juxta Rituale Sacerdos debet esse promptus ad audiendam Confessionem, superpelliceo & stolâ violaceâ indutus, ac in loco patenti sedere. Præparet se igitur per Antiphonam *Veni Sancte Spiritus*, aut recitando quinque versus Psalmi *miserere* incipiendo ab isto *Cor mundum crea*. Ne verò sine jurisdictione absolvat, appoliti sunt Casus reservati in appendice. Huic quoque leges Civiles quasdam, & Impedimenta Cognationis ac affinitatis arborem; aut Tabulam adnotare placuit, ne in re tanti momenti erret Pastor. Præterea servanda ante, & post Confessionem, nec non in ipso Tractu singillatim tractanda videntur.

§. 43.

Initiò Confessionis facienda.

Sacerdos confitentem benedicit dicens *Dominus sit in corde tuo*. Si ultra Poenitens nihil dicat, interroget eum Confessor,

quando confessus fuerit & num injunctam poenitentiam impleverit? Quia vero multi fidei rudimenta ignorant, peccata celant, numerum peccatorum non confitentur, in habitu gravis peccati ab indoctis Confessariis absoluti reperiuntur, idcirco Confessarius hujusmodi Poenitentibus ante omnia injungat, ut rudimenta fidei addiscant, habitum declinent, ac deinde ad generalem Confessionem se præparent, cujus modum & facilitatem illis monstrabit. Si verò nihil horum obstet, ultro audiri debent, ita tamen ut adjuventur & interrogentur, ubi Confessio integra non est, & ad Restitutionem seu Revocationem expressis verbis & monstratō modō obligentur, ubi obligandi sunt, ne postea memoriā excidant ea, quæ reticenda non sunt. Monitiones verò & Actus fidei & doloris ad finem Confessionis remitti possunt & debent, ne Poenitens variis monitionibus turbetur.

§. 44.

Servanda in Tractu Confessionis.

Non absolvat existentes in occasione proxima peccandi, antequam dimissa vel remota sit, nec obligatos ad restitutionem aut in odio, nisi odium deponant, aut ablata statim restituere velint. Circa habitum sciat hæc 4. requiri. 1. ut sit mortale peccatum 2. ut poenitens sciat, illud esse mortale. 3. ut illud jam sit confessus. 4. ut sint actus frequentes. Si talem, habitudinarium Confessor reperiret, qui per annum unum & alte-

rum habitum non deposuit & tamen absolutus fuit, sciat nequaquam sufficere, denegare Absolutionem, sed insuper requiri, ut propter defectum doloris & propositi hujusmodi Confessiones in habitu factas repetat.

§. 45.

In fine Confessionis servanda.

Disposito Poenitenti per salutaria monita & actus, ac integrè confesso, injungenda est salutaris poenitentia, quæ rarò quidem publica etiam pro publicis delectis, semper verò medicinalis esse debet. Eapropter ebriosi præter fugam conventiculorum præscribat mensuram potus. Maledicis injungat osculum terræ pro quovis maledicto, Desidibus auditionem Missæ & vesperarum. Impudicis meditationem mortis extinctis candelis, aut carnis afflictionem adveniente validâ tentatione. Si habet potestatem absolvendi à Censuris extra Sacramentum Poenitentiae sive intra, tunc observet modum, aut formam præscriptam, alias verò consuetâ formâ Ecclesiæ post ista verba D. N. J. C. *te absolvat hæc addat. Et ego ipsius et auctoritate mihi ab N. concessâ, absolvo te ab omni vinculo excommunicationis, quam incurristi* vg. propter hæresin, & sic ultra. Si verò aliquem ab Impedimento, aut irregularitate absolvere seu dispensare jussus fuerit, tunc post formam absolutionis dicat, *Et auctoritate ab N. concessâ dispenseo te cum super Impedimento, aut Irregularitate, quod vel quam, contraxisti ob homicidium* vg. *In Nomine Patris.* —

§. 46.

De recipiendis hæreticis.

Probatâ sincerâ voluntate hæreticorum; non sit Pastor anxius in suscipiendis illis in gremium Ecclesiæ. Nam lex Regni Borns- siæ hujus tenoris est Parte II. Tit: XI. § 41, *Transitus ab una Religione ad aliam licitus est post expressam declarationem et post completum 14. ætatis annum, insciis etiam parentibus, dummodo nulla sit coactio, aut astuta persuasio.* Doceat autem Pastor Proselytos, non tantum Rudimenta fidei, sed & discrimen Religionis unius ab alia, probetque illos per notabile tempus in operibus probitatis.

Alumni exercitii causâ excipiunt varios casus diversi status & conditionis, et resolvunt.

§. 47.

De Eucharistiæ Sacramento.

Sit Pastor sollicitus circa Communio- nem parvulorum, curetque, ut peculiaribus Catechesibus quotannis ad illam disponan- tur, & non tantum sciant ea, quæ ad salutem præcepta sunt, sed maximè ut suam con- scientiam examinare, de peccatis ore & cor- de dolere, melioremque vitam instituere pos- sint. Taliter dispositos & ad primam Com- munionem admissos hortetur, ut saltém qua- ter in anno confiteantur, & Dominicis Festis- que diebus Catechesibus intersint, quia ali- as totus labor inanis erit. Circa Commu-

nionem Paschalem inculcet Pastor Decretum Lateranense *Omnis utriusque sexûs* ut se tempestivé præparent, & sciant non perinde esse, ad quos Confessarios accedant, quia multi sunt, qui serio non conversos ad Sacramenta admittunt. Quod si al quem in Paræcia desidem habeat in officio Paschali, non statim ad denuntiandum ex suggestu procedat, quousque sibi tantum nocet, sed privatis monitionibus ad faciendam Confessionem coram Confessario ad libitum adhortabitur. Quod si deunitatio profutura speretur, ad terrorem desidis vel cæterorum, non esset arguenda, dummodô regulæ prudentiæ serventur. In Administratione Communione serventur ea, quæ de stola alba, lotionem manuum, genuflexione, Benedictione, & deferendo Viatico ad infirmum in Rituali præscribuntur, ubi breves exhortationes ante & post Communionem ægri omittendi non sunt. *Ostendatur modus ministrandi Sacramentum Communionem sanis et aegris Seminarii Alumnis.*

§. 48.

De extrema Unctione.

Moneat Pastor populum, ut juxta Rituale mensa mappâ candidâ paretur, vasque cum bombacio sale & pane, aqua lustralis ad aspergendum, & communis ad abluendas Sacerdotis manus, & crux in mensa ponatur, Indutus violaceâ stolâ cum superpelliceo ingreditur domum dicens, *Pax huic domui.* Aspergens aquâ dicit *Asperges me* Accedens, ægrotum interrogat, num velit con-

fituri. Confessus moneri debet de necessitate Sacramenti. Adstantes genuflexi Psalmos vel alias preces dicant ad intentionem infirmi, sicque Sacramentum perficit. Meminerit tamen Pastor, se habere debere curam infirmorum, licet invitatus non sit, temporalia, maximè verò spiritualia subsidia illis conferendo. Si tamen ad publice criminorum invitaretur, tunc cum Viaticò eum non est, sed solius Confessionis excipiendæ causâ nempe, ut scandalum prius repareret, adstantes deprecando, & tunc poterit etiam Viaticum porrigere. Si vero Sacerdos ignorans, Viaticum attulerit, illud non nisi post reparatum scandalum a criminoso coram adstantibus porrigendum foret. Si morbus gravior sit, moneat, ut rem suam disponat juxta ordinem charitatis, conficiendo tamen Testamento non se commisceat, nisi gravi de causa, & tunc sciat Pastor, Testamentum valere non nisi a 9. Testibus subscriptum, Si verò Testator ipse scribere possit, utique sine Testibus valebit, dummodo iudicio confirmandum tradatur.

Exequiæ juxta Rituale poragantur, eâ quâ decet modestiâ & pietate, non obæstium. Pauperes gratis sepeliat, a ditioribus verò non nisi juxta probatam consuetudinem pro sepultura in rem Ecclesiæ exigat, memor omnia peragi ad vivorum & mortuorum pietatem. Conviviis exequiarum non intersit, nisi præstando exemplum temperantiæ & adstantes ædificando.

Extrema unctio & Exequiæ exercitiis causâ monstratur in praxi.

De Sacramento Ordinis.

Nihil quidem Parochus habet in Sacramento Ordinis, remoté tamen ad illud concurrere potest, discernendo in sua Paræcia aptos ab ineptis, admonendo dignos ad frequentanda studia, aut Testimonium suis dando de vita & moribus. Quapropter Parochus eos, quos videt pietate, ingenio, & moribus super cæteros eminere, ad ulteriora studia opere & consilio adjuvet ineptis autem & improbis statum Ecclesiasticum dissuadebit, & testimonium non gabit. Quod si forté ab alio Testimonium obtinuerint, id Episcopo juxta mentem Pontificalis Romani indicabit. Præmatúra enim scriptio Testimoniorum pro doctis & indoctis, piis & impiis causa est, cur inusurinatim ad Ordines admittantur, & Ecclesia periculo exponatur.

De Sacramento Matrimonii.

Parochus non tantum interroget contrahentes matrimonium, an sint in ætate legitima, calleant mysteria fidei, diversæ sint Paræciæ, sponté consentiant, aut cæteris impedimentis canonicis irretiti non sint, sed etiam juxta leges Regni inquiret, cujus sint conditionis, quia miles habere debet licentiam in scriptis a suo Colonello, cæteri in pagis à Consiliario Circuli, in civitatibus verò à Magistratu, si nobiles non sunt. Vidu-

us non nisi post partitionem bonorum, vidua non nisi post 9 menses à morte mariti, liberi nonnisi cum consensu Parentum, Nobiles verò cum civilibus. nonnisi impetratâ à Regimine licentiâ contrahere permittuntur. Hæc imprimis examinis loco servanda sunt præter alia ante & post Matrimonium servanda de quibus singillatim.

§. 51.

Obbligatio Parochi ante Matrimonium.

Doceat, à digna vel indigna susceptione Sacramenti salutem domûs, animæ & prolium dependere, quapropter à fervida oratione & confessione opus inchoandum esse, & secum non cohabitandum Si ante Matrimonium impudicè vixerint, & sic indispositi ad Confessionem venerint, absolvere eos non poterit, Et si hoc non obstante contrahere velint, dicet illis, quod sacrilego eorum Matrimonio quidam assidet, ne eos diffamet, ipsos tamen magnam pro impudicitia & sacrilegio poenitentiam, agere debere Si Impedimentum in Confessione detegat, & incontinentiæ periculum prævideat, aut altera pars auditò impedimentò dirimente à conjugio resiliret, tacebit, donec obtentâ dispensatione posset illis hoc aperire. & de novo eos conjungere Quotiescunque verò petet dispensationem ab aliquo impedimento dirimente, meminerit sub poena nullitatis exprimendum esse, an illud sciverint, & an scienter in illo contraxerint, an in spem dispensationis hoc fecerint, &

num requisitæ solemnitates omisæ fuerint. Si affinitas aut consanguinitas contingat, legat ea quæ in Appendice notantur ad Partem II. hujus Opusculi.

§. 52.

*Servanda in Actu Administrationis
et post illam.*

Pastor superpelliceo & albâ stolâ indutus, cum Ministro librum & aspergillum deferente, Matrimonium celebret, ad stantes breviter adhortetur, quomodo exemplô Tobiae & Saræ sancte convenire debent. Statuet sponsum ad dextram, sponsam verô ad sinistram suam, & intellectâ eorum liberâ voluntate, annulos benedicat, eorumque consensum nomine Ecclesiæ, aut benedicat aut confirmet, tandem lustrali aquâ genuflexos aspergat. Postea actum libro copulatorum inscribet, monendo tripudia, convivium, plurimis esse occasionem turpium imaginationum & intemperantiæ. Post Matrimonium mulier juxta Rituale in Ecclesiam introduci-
tur & benedicitur.

Hactenus dicta monstrantur in praxi.

§. 53.

De Sacramentalibus et Benedictionibus.

Ut nullæ circa Sacramentalia & Benedictiones occurrant in praxi difficultates, hæc generaliter servanda sunt. 1. Legat ante

quamvis Benedictionem Rituale, ut omnia quæ ad stolam, superpelliceum, actiones, præscripta sunt, accuratè servet. 2. Omnia, quæ in Rituali Sacramentorum reperiuntur, simplex Sacerdos benedicere & peragere potest, iis tantum exceptis ad quæ specialis requiritur Episcopi facultas *vg.* ad benedicendum Cœmeterium 3. Potest etiam benedicere scapulare, licet ad consequendam Indulgentiam Confraternitati inscribendi sunt, Confessio, Communioque peragenda. 4. Inscribendo aliquem Confraternitari, aut benedicendo coronam, instruat statim, quid, quando & quomodo peragendum? & posse sine peccato præscripta omitti, ne ex erronea conscientia multiplicentur peccata. 5. Applicando Indulgentiam Moribundis ex privilegio Clementis XIV. 1770. non intermitat ad pietatis actus exhortari, aut ad pronuntiandum nomen *Jesu* ore aut corde, quia ut Indulgentia prosit, necesse est ut clavis non erret nec Fidelis deficiat 6. In Benedictionibus avenæ, vini, palmarum, esculentorum, curet, eliminari puerilia, indecora, superstitiosa per breves exhortationes, in quibus scopum & fructum Benedictionis exponet 7. Si nulla qualitas stolæ præscribatur, utatur tali, quæ pro ratione temporis, aut officii occurrat, semper verò tectò capite benedicat, & aquâ lustrali aspergat.

Assignantur Alumnis variæ Benedictiones exercitii causâ.

A P E N D I X

A D

PARTEM SECUNDAM.

§. 54.

Leges Regni quædam.

De occupatione animalium. Parte 1. Tit. 9. §. 107. Bestiæ, volucres, feræ & quodcunque animal à legitimo Possessore propter infirmitatem derelictum, sunt primi occupantis, quare licet ursos, lupos sine læsione tamen fundi, aut juris venationis capere & occidere, foveas quoque ad lupos capiendos septos tamen effodere fas est, ne homines & animalia in illas incidant. Apes verò & Pisces in alienum fundum evadentes Dominus ubique prosequi & occupare potest. Columbaria cuius agrorum Possessori fovere licet.

De inventione Parte I Tit 9 § 14 Res inventa reddenda est Perditori. Si verò Perditor ignotus est, deponenda est in proximo iudicio ad effectum instituendæ indagacionis. Si Perditor compareat, potest inventor decimam partem valoris rei ab illo exigere. Si verò post factam indagacionem non compareat Perditor, tunc inventor totam rem acquirit, si 100. Imperiales non superat. Si

verò superat, inventor 100. Imperiales acquirat, & reliquum inter pauperes loci & inventorem dividitur. Si inventor rem inventam ultra 3. dies Judicio significare differat, tunc perdet mercedem, si ultra. 4. Hebdomadas rem retinet, ut Possessor malæ fidei consideratur, si inventam rem coram Judicio abnegat, punitur ut fur.

De thesaurorum Inventione: Parte 1. Tit. IX. §. 74 Inventus thesaurus semper Judicio intra 4 hebdomadas ad effectum instituendæ indagatiōis significandus est. Si Dominus thesauri non reperitur, thesaurus pertinet ad inventorem si fundi Domini est, in quo illum invenit. Si thesaurus verò in alieno fundo fortuito, aut cum scitu Proprietarii a laborantibus *vg.* famulis inventus fuerit, tunc medietas Domino fundi, altera medietas inventori adjudicatur. Qui verò in alieno fundo thesaurum invenerit sine scitu Domini aut modis illicitis *vg.* veneficiis, aut Judicio non significaverit, tunc thesaurus pertinet ad fiscum.

De Alluvione Parte. 1. Tit. 9. §. 223. Si impetus aquæ aliquam partem soli alieni tuo agro adjecerit, & infra annum non repetatur, tunc a te possideri potest Alluviones latentes sunt ejus, cujus littori adjiciuntur, dumodo arte *vg.* plantatione non acquirantur. Accessiones juxta jus Romanum statuuntur, adeoque quod tuo fundo accedit, tibi accedit.

Casus et Excommunicationes Episcopis de jure Reservati.

1. Percussio Clerici levis, vel gravis a muliere.
2. Absoluti a Censura ab homine in articulo mortis & se sani non præsentes.
3. Fratres minores admittentes ad officia divina Fratres 3^{ti} ordinis.
4. Procurantes abortum foetus animati secuto effectu.
5. Communicantes cum excommunicato ab Episcopo in eodem crimine.
6. Monitorium & similia non servantes.

Circa casus reservatos sine Censura inspicatur cujusvis Diœcesis approbatio seu Instrumentum.

Excommunicationes non reservatæ.

1. Vexantes Ecclesiasticos, quod non elegerint rogatum.
2. Directores Monialium fovantes discordias in Electione,
3. Extorquentes absolutionem a censura per vim.
4. Compellentes Ecclesiasticos, ut laicis submittant jura Ecclesiæ.

5. Docentes Religiosos medicinam, aut leges, postquam habitum dimiserunt.
6. Sepelientes etiam toleratos excommunicatos, interdictos, vel usurarios publicos.
7. Impedientes Visitatores Monialium.
8. Contrahentes Matrimonium cum Monialibus vel in gradibus prohibitis.
9. Edentes glossam in Concilium Tridentinum Pius IV.
10. Imprimentes libros sine licentia Superiorum Leo X. & Trident.
11. Professores non profitentes fidem, ubi Bulla Pii IV. recepta est.
12. Non administrantes iustitiam Ecclesiasticis.
13. Foventes usuras.
14. Ratihabentes collationem ordinis, aut Beneficii a Schismaticis.
15. Occupantes bona Ecclesiæ titulo Regaliæ.
16. Procurantes, ut Conservatores Regularium se imisceant in violentiis aut injuriis.
17. Iudices fictè accedentes ad excipiendum Testimonium a mulieribus.
18. Mandantes Christianos interfici per assassinos.
19. Concedentes aut extendentes Repressalia ad Ecclesiasticos.
20. Impedientes sequestrationem Beneficii factam ab ordinario.
21. Pingentes inaurantes Agnos Dei a Papa benedictos.
22. Non denuntiantes Episcôpo Magos, blasphemos, hæreticos.
23. Permittentes agitationes Taurorum periculosas in terris suis. Pius V.

Contra Clericos.

24. Audientes publice jus aut Medicinam.
25. Sacerdotes suscipientes Præfecturas sæculares.
26. Locantes domos usurariis.
27. Locantes vel alienantes ultra triennium bona Ecclesiastica
28. Impugnantes in Concionibus montes pietatis Leo X.
29. Contrahentes Matrimonium in sacris
30. Resignantes aut permuttantes fide Beneficia Pius V.
31. Absolventes a casibus Bulæ Cœ æ.
32. Ingerentes se in alterius officium *vg.* Episcopatum sine licentia
33. Procurantes occupari jura seu bona Ecclesiæ vacantis.

Contra Religiosos.

34. Audientes jus aut Medicinam extra claustra.
35. Dimittentes temerè habitum, aut contrahentes Matrimonium
36. Instituentes novum Ordinem sine licentia Papæ.
37. Accedentes Principes ad nocendum Monasterio vel Prælato.
38. Tenentes arma in claustro sine licentia.
39. Non servantes interdictum, dum in Cathedra servatur.
40. Non implentes statuta Alexandri VII. in Visitatione Monialium subjectarum
41. Occupantes decimas Ecclesiæ aut solve-re prohibentes.

42. Mendicantes alienantes domos aut novas recipientes sine licentia Papæ.
43. Non servantes Interdictum Papæ seu Episcopi.
44. Capucini recipientes Minores sine Papæ aut Generalis licentia.

Contra Episcopos.

45. Venientes Romam, & sine licentia Papæ recedentes.
46. Impetrantes a Principibus literas ad dignitatem Pius IV.

Contra omnes ex Tridentino.

47. Imprimentes, retinentes, vulgantes libros de rebus sacris sine nomine Authoris, aut approbatione Ordinarii.
48. Docentes. Confessionem non esse necessariam ante Eucharistiam.
49. Raptores mulierum, juvantes, faventes.
50. Cogentes Matrimonium contrahere cum præscriptis seu bannitis.
51. Requisiti Magistratus ad restituendam monialium Clausuram, & non juvantes.
52. Inredientes Monasterium sine licentia in scripto.
53. Cogentes ad ingressum vel Professionem Religionis.
54. Concedentes locum pro Duello.

*Excommunicationes Papæ reservatæ
in jure, et extra jus.*

1. Incendiarii denuntiati.
2. Falsificantes litteras Apostolicas aut non destruentes tempore præscripto.
3. Effringentes & spoliantes Ecclesias
4. Communicantes cum excommunicato a Papa in eodem crimine.
5. Vexantes ferentes Censuram in alios.
6. Absoluti a Censura excommunicationis sub conditione. & eam non adimplentes.
7. Violantes interdictum Papale.
8. Dantes ex pacto aut recipientes pro admissione in Religionem.
9. Simonia realis aut confidentialis in Beneficio, aut Ordine.
10. Impedientes executionem litterarum à sacra Poenitentiaria Julius III.
11. Dantes aut recipientes aliquid pro gratia aut iustitia apud sedem Apostolicam.
12. Duellantes, spectantes, svadentes, etsi effectu non secuto Benedictus XIV.
13. Mulieres ingredienti Religiosorum Monasteria ob malum finem.
14. Impugnantes Institutum Societatis Jesu.
15. Procurantes jurare illicita, vel contraria libertati Ecclesiasticæ.
16. Rapiantes bona Ecclesiastica, & imponentes tributa in Ecclesiasticos injuste.
17. Violantes immunitatem Ecclesiasticam, Gregorius XIV.

18. Docentes fieri posse Confessionem Absenti Confessario.
19. Damnantes alterutram opinionem de immaculata Conceptione B. V. M. publicé,
20. Percussio enormis, Clerici.
21. Perseverantes in excommunicatione per annum a delegato Papæ.
22. Offendentes Cardinalem.
23. Exigentes tributa a personis Ecclesiasticis, illegitimé.
24. Violantes interdictum modis prohibitis.
25. Exenterantes corpora Sanctorum
26. Mentientes Personas in literis Apostolicis, ut expediantur gratis Leo X
27. Accipientes stipendium pro Missa, & minus dantes, Benedictus XIV.
28. Occupantes bona Ecclesiæ, aut montis pietatis, vel ea prohibentes regere,
29. Inredientes Monasterium sub prætextu privilegii.
30. Retinentes capientes Christianos inter Turcas degentes, aut eorum bona, aut remeare cogentes
31. Occupantes fructus Beneficii vacantis, aut exigentes pro eorum Possessione.
32. Publicantes indulgentias falsas Solventibus permittere eligere Confessarium.
33. Diripientes bona, animalia ex statu Ecclesiastico, aut ea ementes Gregorius XIII.
34. Docentes fieri posse Confessionem per literas Clemens VIII.
35. Extrahentes frumenta ex statu Ecclesiastico sine licentia Papæ Paulus V,
36. Docentes, aut defendentes opiniones damnatas.

Contra Clericos, Religiosos, Episcopos.

37. Absolventes complicem in sexto præcepto, aut sollicitatam ad turpia in Confessione.
38. Participantes in sacris cum excommunicato a Papa.
39. Procurantes alienationem Ecclesiarum.
40. Prædicantes tempus futuri judicii, vel antichristi.
41. Parochi non implentes juramentum circa residentiam factum.
42. Mendicantes transeuntes ad alium Ordinem præter Carthusianum sine licentia.
43. Moniales sine licentia extra claustra exeuntes.
44. Religiosi sine licentia Parochi ministrantes Sacramenta ægris.
45. Inucentes ad jurandum de eligenda sepultura, aut mutanda in Ecclesiis Religiosorum.
46. Alienantes bona Ecclesiæ per sortes, timorem, gratiam, & consentientes.
47. Concionatores non servantes Decretum Lateranense Leo X.
48. Euntes ultra mare sine licentia superiorum.
49. Superiores non deuuntiantes suspectos de hæresi Paulus V.
50. Minores de Observantia subornantes vota in Electionibus.
51. Claustrales suscipientes minimos sine licentia Papæ Julius II.
52. Tertiarii portantes habitum Minorum.

53. Episcopi conferentes Beneficia sibi resignata contra præscripta Pii V.
54. Cardinales ambientes Papatum.
55. Trahentes Ecclesiasticos ad forum laicale.
56. Domini cogentes celebrare & audire divinum officium in loco interdicto.
57. Bannientes Ecclesiasticos, mandantes, rati habentes.
58. Episcopi delinquentes contra diffamatos de hæresi.
59. Recipientes munera pro statu Ecclesiastico exceptis comestibilibus.
60. Defendentes licitam praxim excipiendi complices in Confessione.
61. Nolenter exire ex Ecclesia Excommunicati vitandi moniti a Celebrante, vel prohibentes exire.
62. Absolventes a Casibus Papæ reservatis Et aliæ multæ.

§. 59.

Excommunicationes in Bulla coenæ reservatæ.

1. Hæretici, Apostatæ, Schismatici, legentes eorum libros, Fautores.
2. Appellantes à Mandato Papæ ad generale Concilium, Faventes.
3. Latrunculi discurrentes per mare Papæ. Eorum Fautores & Receptatores.
4. Surripientes bona naufragantium Christianorum, licet in littore inventa.
5. Imponentes sine potestate pedagia, gabellas aut augentes.
6. Falsificantes literas Papæ aut Vicecancellarii.

7. Deferentes arma canabem equos ad Turcas seu hæreticos eorumque Fautores.
8. Impedientes victualia curiæ Romanæ.
9. Detinentes interficientes Romipetas, aut Romæ degentes vel inde redeuntés
10. Incarcerantes Patriarchas, Nuntios ex urbibus expellentes
11. Percutientes, spoliantes gestatores negotiorum curiæ Romanæ
12. Capiantes, deprædantes Romipetas causâ devotionis aut capientes.
13. Recurrentes ad laicam potestatem prætextu appellationis Impedientes litteras Apostolicas.
14. Advocantes causas spirituales *vg.* decimales Beneficiales ad se.
15. Trahentes Collegia aut Personas Ecclesiasticas ad suum Tribunal
16. Impedientes Jurisdictionem Episcopi aut Prælati.
17. Usurpantes, sequestrantes redditus Papæ Monasterii Beneficii, Ecclesiæ aut Personas.
18. Imponentes Ecclesiasticis aut eorum redditibus onera.
19. Interponentes se contra Ecclesiasticos in causis criminalibus.
20. Invadentes terram, aut Jura Ecclesiæ Romanæ.
21. Absolventes ab his, aut aliis reservatis casibus. Qui tamen casus non est reservatus vi Bullæ sed ex jure.

§. 60,

*Conditiones ad Reservationem Casûs
et Regulæ.*

Completum Externum Certum Mortale.

Favores.

Auge, odia stringe, a potiori ratio nulla est.

Mas annos habeat bis septem, foemina,
bis sex.

Solvo mandantes, quando non jura reservant.

Ab his tamen casibus simplex Sacerdos
absolvere potest. 1. in articulo mortis.
2. tempore Jubilæi. 3. Si directè vel
indirectè sit absolutus ab habente po-
testatem. 4. In casu scandali, aut ne-
cessitatis juxta aliquos.

§. 61.

De cognatione carnali.

Quoniam juxta Regulas in Theologia tra-
ditas Personæ in linea recta & obliqua æqua-
li tot gradibus a se distant, quot à commu-
ni distant stipite, in linea transversa in
æquali autem tot, quot eorum remotior di-
stat a communi stipite, igitur ad bene ma-
nu tenendas has regulas, quædam voces oc-
curentes explicandæ videntur ad faciliorem
praxim.

Avus *Dziað* in 2do, Praavus *Pradziað*
in 3tio mecum gradu est lineæ rectæ ascen-
dentis, & sic ultra *Patruus Stryi isst*

Bratém mego Oyca. Matertera Ciotka, Siostra moiey Matki, adeoque secundo mixto primo gradu lineæ obliquæ a me distant.

Avunculus Wuj lub Brat moiey Matki. Amita Ciotka po Oyca lub Siostra mego Oyca. Secundo taliter gradu mixto primo distant a me in linea obliqua

Patruelis Brat Stryieczny. Consobrinus Brat wuieczny. Amittinus Brat Ciotezny, sunt mecum in secundo gradu æqualis lineæ obliquæ & sic deinceps uti ex sequenti Tabula patet.

Tabula I.

§. 62.


Licet vix occurrere possit difficultas in adinveniendis gradu cognationis spiritualis aut legalis, quia raro contingit, ut officiosè aliquis pro filio in iudicio adoptetur, & spiritualis inter Baptistam seu Confirmantem Levantes, Baptisatque, aut Confirmati Patrem & Matrem tantum restringatur, quia tamen viva & scripta fortius memoriæ imprimuntur, igitur, juxta ordinem utramque Tabulam Spiritualis nempe & legalis apponere placuit.

Tabula I.

Figura 2da et fol. 85.

TABULA I.
FIGURA 1.

ARBOR CONSANGUINITATIS.



1811

1812

1813

1814

1815

1816

1817

1818

1819

1820

1821

1822

1823

1824

1825

1826

1827

1828

1829

1830

1831

1832

1833

1834

1835

1836

1837

1838

1839

1840

Cognatio Legalis.





FIGURA 2da



Cognatio Spiritualis.



§. 63.

De Affinitate.

In affinitate sequentes voces occurrere possunt, quæ Tyroni aliquam difficultatem movere possunt. Vitricus *Oyczym* iest mężem moiey Matki. Noverca *Macocha* iest żonę mego Oycę. Socer *Swiekr* Oyciec żony lub Męża. Sacrus *Swiekra* iest Matka Męża lub żony. Privignus *Pasierb* iest to Syn męża z inney Matki lub Zony, Syn z innej

go męza. Idem de Privigna *Pasierbica* Gener *Zięć*, to iest mąż *Córki*. *Nurus* Synowa albo *Zona Syna*. *Levir* *Dziewierz* Brat męza. *Sororius* *Szwagier* mąż moiej *Siostry*, lub Brat moiej żony *Fratrisa* *Bratowa* żona *Brata*. Et quoniam in adinveniendō gradu affinitatis hæc unica statuitur Regula. *Persona quælibet in eo gradu affinis est ei; qui copulam habuit cum consanguinea sua, in qua ipsa huic consanguinea est*, adeoque juxta infra scriptam Tabulam facile determinari potest, quoto in gradu Consanguinei uxoris tantum, sint affines relicto marito & vicissim.

TAB: II.

§. 64.


Ut Impedimentum publicæ honestatis, & affinitatis ex copula illicita magis innotescat, pro utroque adinveniendō peculiaris Tabula apponitur.

Figura 3. Tab. I. et Figura 4. Tab. II.

ARBOR AFFINITATIS.

Consanguinei omnes Mariti.
Affines uxoris usque ad Quar-
tum Gradum.

Consanguinei omnes Uxoris.
Affines Mariti usque ad Quar-
tum Gradum.





Honestas publica ex sponsalibus
ad imum tantum gradum.





FIGURA 3.



A F F I N I T A S
Ex Copula Carnali illicita.
Ad secundum gradum.




FIGURA 4.

I
ne
gr
si
m
ft
bo
di
C
Pa
gr
ft
p
p
ve
li
ro
U
co
lu
te
E
co

P A R S III.

D E

EXEMPLO PASTORIS.

§. 65.

In omnibus teipsum præbe exemplum bonorum operum, in doctrina, integritate, gravitate morum, verbum sanum irreprehensibile, ut is qui ex adverso est, nihil habeat malum dicere de nobis dicebat S. Paulus Pastori gregis ad Tit: 2—7. quatenus non verbo tantum sed bono etiam exemplo creditas sibi oves Deo lucrifaciat, & quò non Christus tantum & Apostoli, sed alii boni Pastores æque ac prædicationibus suis magnam fecerunt messem. Meminerit ergo Pastor, voci suæ vocem dare virtutis bono exemplo, alioquin subsannabit eum sapiens uti pigrum, cui labor sit manum ad os admove, alios docens seipsum non doceret Qualis enim erit ædificatio populi ait S. Hieron: si intelligat se Magistro esse majorem. Unde non solum Episcopi Presbyteri Diaconi; sed et Exorcistæ Lectores auditui Acolithi conversatione sermone, ac scientia cæteros præcedere debent, quia vehementer Ecclesiam Dei destruit, meliores esse laicos quam Clericos.

Quomodo bonò exemplò prælucendum.

Dictis & factis luceat omnibus tanquam lucerna super candelabrum posita. Verba debent sonare non divitiarum, honorum, voluptatum, cupiditatem, sed contemptum. *Factis* monstret, quod non se aut sua, sed Jesum Christum quærat. Fugiat ergo familiaritatem cum mulieribus, compotationes, convivia, commessationes, otium, inutilia colloquia, avaritiam, arrogantiam, insinuet verò in mensa & suppellectili modestiam, in egenos liberalitatem, divinarum litterarum studium, ita ut oculi gestus, actiones spirent eum, cujus Vicarius est in terris.

An sufficiat, non præbere malum exemplum.

Eritis mihi testes in Jerusalem usque ad ultimum terræ, ajebat divinus Salvator suis discipulis, qui non verbis tantum sed & factis Christo testificabantur. Nam erant potentes opere & sermone Unde non verbis tantum & Sacramentis, sed etiam bono exemplo Fideles pascendi sunt. Sine bono exemplo Pastoris justī aliquando prolabentur, & peccatores non justificabuntur. Mors enim Patri imputatur, si filio alimenta non præbet, macies gregis imputatur Pastori, qui

eum non pascit, mors medico, qui ægrum non curavit, ergo & mors imputanda Pastori, si bono exemplō mala a grege suo non avertit.

§. 68.

Quomodo domi exemplariter vivendum.

Non putet Pastor, pro Seminaristis duntaxat in Seminario præscriptam esse horam meditationis, lectionis, doctrinæ, manducationis & conversationis, sed sciat etiam domi omnia tempus habere, ordinemque occupationum manutenandum esse juxta normam in Seminario præscriptam, ut sciat quomodo oporteat eum conversari in domo Dei, *Timot: 3-15* Non intermittat ergo meditationem surgendo mane. Legat sacram scripturam quæ utilis est ad docendum et erudendum in justitia 2. *Tim: 16*. Præparet se ad missam in Ecclesia, ibique horas dicat. Post Missam, si nulli sint ad Confessionem attendat Lectioni, adhortationi & Doctrinæ Elaboret Conciones & Catecheses usque ad Prandium, Post Prandium exemplo S. Pauli vacet manuali operi, legat bonos theologos, dicat Vesperas & matutinum, & si tempus suppetat, legat aliquem librum spiritua-lem & sumptâ coenâ, factâque modicâ deambulatione examen generale peragat & quiescat. Hic ordo ferialibus diebus observatus a multis peccatis Pastorem præservabit, adque perlegendam totam sacram Scripturam & Theologiam quotannis adducet.

§. 69.

Quomodo Pastor oves cognoscere possit.

Apud plurimos Pastores cognitio ovium in eo consistit, quod sciant numerum Communicantium Bonus econtra Pastor circa novum annum, dum strena peragitur, aut post Pascha dum chartæ recipiuntur peractæ Confessionis, domatim Parochiam circumit, omnium nomina in Catalogum refert, quemque in fide & bonis moribus examinat, & sic instructiones adhortationes, datô locô & tempore cuivis adaptat, ut in numerosissima etiam Parochia fructus accrescat.

§. 70.

Quomodo Verbo prædicationis Ecclesiam ædificare possit.

Raræ hodie Catecheses, rariores autem ad instruendum populum accomodatæ, sunt Conciones vel sunt frigidæ, vel ineptæ aut steriles, ut nemo miretur quosdam Christianos minus scire de vera fide heterodoxis, totumque quod sciunt, consistere in male intellectis oratiunculis, formulis, ritibus, rosariis, quæ sine viva fide & charitate hominem emendare non possunt. Dum econtrâ bonus Pastor præter privatas monitiones,

& quotidianas post Missam quotidianam preces cum brevi & affectuosa exhortatione, nec non præter peculiare Catecheses pro Communicaturis prima vice, quovis festivo & Dominico die semel per se, altera vice per Vicarium prædicat, ut tota Parochia verbo Dei pascatur, idemque quo ad Catecheses facit. Nam Pastor ante vel post Vesperas ipse catechizat, dum ejus Vicarius interea remotioribus ab Ecclesia in vicis & pagis panem verbi Dei frangit.

§. 71.

*Quomodo Baptismus exemplariter
administretur.*

Mercenarii Pastores admittunt ad suscipiendum de sacro fonte infantem plusquam par ob solum quæstum, nihil unquam dicunt de necessitate Baptismi, contracta cognitione spirituali, aut ritibus, officio Patrino- rum, sed bonus Pastor arcet ignorantes fidei mysteria, aut irretitos aliquo notorio delicto non tam ad eorum confusionem, quam emendationem. Ante Baptismum adstantes ad devotionem excitat, oblata ex consuetudine fabricæ Ecclesiæ aut suppellectili addicit, sicque eum omnes ut suum Patrem & dignum Christi Vicarium venerantur.

Exemplaris Praxis quo ad Confirmationem.

Multis in Paræciis nulla per annum fit Confirmationis mentio, tamen ad subitaneum Episcopi adventum undique parvuli adducuntur, qui indispositi confitentur, absolvuntur, confirmantur. Dum econtra bonus Pastor audita notitia de futura in vicinia confirmatione, peculiare ad hoc instituit Catecheses. Custodientibus pecora commendat Pastor, ut alii pro aliis gregi invigilent. Inculcat Parentibus, ut verbo precibus & vigilantia innocentiam in prole præparationis causâ custodiant. Omnes vero hortatur, ut votò saltem Sacramentum Confirmationis expectant.

Exemplaris Administratio Sacramenti Poenitentiae.

Mercenarii Pastores non nisi circa Pascha audiunt Confessionem, & ut ingentem numerum expediant, operarios in auxilium vocant, qui ignotum sibi populum, rudem, raro confiteri solitum variis habitibus irritum audiunt, absolvunt, adque Communionem mittunt! Raro Dominicis, rarius feriabilibus diebus auditur Confessio. De differenda absolutione nec mentio, nec suspicio;

Bonus autem Pastor noscens infectum gregem suum, veram prædicat Poenitentiam, quæ in dignis bonæ vitæ fructibus consistit, hancque nonnisi labore, precibus & directione discreti Confessarii obtineri. Docet intollerabilem esse abusum sine vitæ emendatione Sacramenta suscipere, & diuturnum habitum viam esse, quæ ducit ad perditionem. Quotidie sedet pro tribunali, atque sic prædicatione ejus & exemplò commoti accedunt ad Confessionem, qui nunquam peccata rite expiaverunt. Quia verò plerumque rudes & inveterati peccatores indigent Confessione generali, ideo eos ita dextrè circa totam vitæ seriem interrogat, ut nescientes faciant generalem Confessionem, & ad eam excipiendam pomeridianum etiam tēpus insummat. Quomodo talis Pastor a populo benedicitur!

§. 74.

Exemplaris Administratio Eucharistiæ.

Singularis videretur in quibusdam Paræciis & omnium admirationem in se concitaret, qui Dominicò aut feriali die confiteri vellet. Prima parvulorum Communio, a qua nimis multum pendet, non curatur & fit plerumque extra Parochiam. Vel si fit in Paræcia, proponuntur steriles quædam interrogationes circa fidei articulos, ad quas divinando respondent frigidò corde. Interim quisvis post annum 12. & 13. instructus

supponitur, absolvitur, & ad Communionem nihil sciens de Christi præsentia in Eucharistia aut non intelligens mittitur. Bonus autem Pastor quasi novitiatum instituit, bis aut ter pueros in hebdomada convocat, ad discenda injungit, injuncta explanat, callentibus chartam distribuit, non callentes ad futurum annum relinquit, publicam Communionem cum vivida exhortatione præsentibus & non raro flentibus Parentibus instituit, & continuis per annum Catechesibus eos imbuere non intermittit.

§. 75.

Bona exempla circa Extremam unctionem et Sepulturam.

In urbibus plerumque Religiosi Nobilibus & divitibus à Confessionibus sunt, & Parochus administrato Viaticô & extrema unctione, se officio suo functum esse putat, si in juribus exigendis fuit exactus, nihil interea sollicitus, utrum infirmus blasphemus publicus peccator, aut ignorans fuerit. Bonus econtra Pastor sæpe infirmum visitat, & auditum à Religioso quærit, num rite quo ad numerum confessus fuerit, scandalum reparaverit, non laboret aliqua ignorantia, credens se in vitæ periculo ovibus suis tutissime consulere debere, sicque bene disposito moribundo libenter adest.

§. 76.

Exemplum bonum circa Ordinationem.

Mercenarii Pastores amicos consanguineos, aut demoratos in sua Paræcia licet bonis, moribus & scientia non instructos testimonio suo ad ordines commendare conantur, non advertentes, inde multiplicari quidam gentem, sed non multiplicari lætitiā. Dum econtra verus Pastor considerans tantam Sacerdotum turbam ex solo Missarum stipendio, aut fructibus Beneficii victitantem, nec verbo, nec exemplo, aut oratione ædificare Ecclesiam, iis tantum testimonia præbet, qui vera vocationis signa præseferunt. Quapropter quatuor anni temporibus populo inculcat, ut jejunium, & fervidas orationes pro neo ordinandis Deo offerant, & ad altare Dei pro se gratiam implorare non negligit.

§. 77.

Exemplaris Administratio Matrimonii.

Plerumque nuptiæ cum periculosis tripudiis ubique celebrantur. Rarissime aliquis ob scandalum, aut ignorantiam a nuptiis arceatur. Bonus Pastor omnes in Ecclesia majoris reverentiæ causâ examinat, dicens presentibus, ne sponsi a vobis rideantur, forte vobismet nescientibus, hinc dum male respondebunt, vos corrigetis. Ad accuratam saltem, si non generalem Confessionem ad

hortatur. Tripudia prohibet. Peccantibus publice, coram præsentibus veniam petere jubet, alias nuptias non benedicturus.

§. 78.

Exemplum circa eliminanda quædam peccata.

Omnes vident & mirantur, tot in tabernis, Bachanalibus, nuptiis, dedicatione Ecclesiæ committi ebrietates, pugnas, discordias, originem tamen horum non inquirent nec remedium provident. Bonus Pastor convenit Dominos Caupones, Parentes, inculcans illis, quam magnum sit peccatum, per subministrationem cremati, aut non reprehendendo maledicta, pejerationes alieno peccato cooperari, interrogat eos de hoc in Confessione. Inculcat legem Regni, vi cuius non nisi finita devotione in popinis honesto lusu, & mediocri potu se reficere & recreare liceat. Denuntiaturum se minatur, caupones, si non se emendaverint. Sicque paulatim malæ consuetudines deservunt, Caupones Domini, Parentes, sunt veluti Concionatores domus, bonis moribus invigilant, delinquentes corrigunt, sicque peccata eliminantur.

§. 79.

Exemplaris devotio in Ecclesia et domi.

Toleratur pro dolor a multis Parochis! quod domi mane & vespere non nisi Angelus

lus Domini recitetur & vix aliquando mentio fiat de Dei, & Ecclesiae praeceptis, Sacramentis. Imo in Ecclesiis multis, loco Catecheseos, aut alterius devotionis quaestus forte causâ confluentibus semper *Ave Maria* dicendum injungitur, & nunquam *Credo* — Bonus Pastor nullum nisi callentem omnia necessaria necessitate medi & praecepti ad Sacramenta admittit. In Ecclesia populus semper est utiliter occupatus quia tabernis vacuis oratur, cantatur, catechisatur vel aliquid spirituale legitur. Domi Patresfamilias cum domesticis in communi absolvent preces matutinas & vespertinas, negotiaque sua piis cantilenis intermiscent etiam ferialibus diebus, ita ut spiritum primitivorum Christianorum reviviscere crederetur. — Faxit Deus, ut omnes meliora probantes, meliora quoque imitemur.

Diutius pinguit huic parti inhærere, cum in Seminariis frequentia de bono exemplo habeantur colloquia.

F I N I S.

HERMENEUTICA

VETERIS

ET NOVI TESTAMENTI.

NEC NON

LITURGICA

Missalis et Psalmodica.



VARSOVIE

ANNO 1805.

ELENCHUS RERUM HERMENEU- TICARUM ET LITURGICARUM.

De Scriptura in genere	1.
Authentia Scripturæ Sacræ	2.
Numerus Librorum & Canon.	3.
Inspiratio	4.
Lingua.	5.
Sors textus hebræi.	6.
Fontes inveniendi textûs genuini.	8.
Citationes Patrum	9.
Versiones immediatæ	ibid.
Mediatæ Versiones	13.
Biblia impressa	15.
Critica Scripturæ maximè Vulgatæ	17.
Massora Manuscripta	18.
Pentateuchus	19.
Josue, Judicum, Ruth	21.
Samuelis, Regum & Paralippomenon.	22.
Esdras, Nehemias, Esther.	23.
Prophetæ.	25.
Isaias	26.
Jeremias & ejus Lamentum	28.
Ezechiel	31.
Oseas, Joel, Amos	32.
Abdias, Jonas, Michæas	33.
Nahum, Habacuc, Sophonias	36.
Aggæus, Zacharias, Malachias	38.
Daniel	39.
Psalmorum Authores	41.
Proverbia & Ecclesiastes	43.
Job.	45.
Cantica Canticorum	47.
Baruch	49.
Tobias	50.
Judith	

Judith	53.
Sapientia	56.
Ecclesiasticus	57.
Machabæi	59.
Palestinæ descriptio geographica	62.
Judææ	63.
Samaræ	66.
Galilææ	68.
Pereæ	69.
Corollarium	71.
Ritus Pictorii, Agrarii Bellici	72.
Poesis & musica Hebræorum	74.
Stethmica Hebræorum	76.
Regulæ explicandæ Sacræ Scripturæ	78.

De Libris Novi Testamenti.

Qualitas Linguae & Stylus N T.	81.
Autographa & Apographa Scripta	83.
Versiones	85.
Tropi	88.
Regulæ secernendi proprium sensum	
à tropico	90.
Symbola & Allégoriæ	92.
Regulæ conciliandi contradictiones.	94.
Profani Scriptores cum Sacris conciliandi	97.
Collatio antecedentium & consequentium	99.
Emphasis & Parallelismus	100.
Analogia fidei, Antithesis, Epexe- gesis	103.
Adjuncta Exegetica	105.
Idiotismus Articulus præpositivus	
Promomen	106.
Adverbia, Præpositio, Conjunctio	108.
Ellipsis, Enallage, Hypallage, Syn- thesis	110.

53.	S. Matthæus ejusque Evangelium	112.
56.	S. Marcus ejusque Evangelium	113.
57.	S. Lucas & ejus Evangelium	114.
59.	S. Joannes & ejus Evangelium	115.
62.	Quædam partes Evangelii Lucæ, Mar-	
63.	ci. Joannis	116.
66.	Parabolæ	117.
68.	Actus Apostolorum & Apocalypsis	119.
69.	Epistolæ Paulinianæ	120.
71.	Reliquæ Epistolæ Canonicae	123.
72.	Quædam subsidia ad S. Scripturam	124.
74.	Historia	125.
76.	Chronologia	127.
78.	Stathmica	129.
	Grammatica	130.
	Rhetorica	ibid.
	Dialectica	131.
	Logica	132.
81.	Physica	133.
83.	Energumeni	134.
85.	Historia Naturalis.	136.
88.		

Liturgica.

90.	Idea Liturgicæ	139.
92.	Ritus diversi Liturgiæ	140.
94.	Liturgiæ Occidentis	141.
97.	Missæ Cathenchumenorum	142.
99.	Missæ Fidelium	143.
100.	Dimissio Fidelium	146.
103.	Varia genera Missarum	147.
105.	Ritus Liturgiæ abrogati v. mutati	148.
106.	Novi Ritus substituti ad Gregor. M.	150.
108.	Ritus additi post Gregor. M.	152.
110.	S. Pij V. Missale	153.
	Rubricæ generales	154.
	De commemorationibus	ibid.
	Epito-	

Epitomæ cæremoniarnm	155.
De principio Missæ ad Gloria	158.
De Gloria usque ad Evaugelium	160.
De Symbolo ad Præfationem	163.
Canon Missæ	165.
Finis Missæ	169.
Ordo Missæ juxta prædictas regulas	170.
De Paramentis	171.
Qualitas Paramentorum & requisita ad Missam	172.
Qualitas Panis & vini	173.
Fôrma	175.
Intentio	176.
Dispositio Animæ	177.
Dispositio Corporis	177.
Varii casus	178.
De munditia & nitore Sacræ supel- lectilis	181.
Tabula Votivarum	182.
Ritus psallendi	183.
Origo chori seu cantus alternativi.	184.
Preces canonicæ & Breviarium	185.
Reformatio Breviarii	187.
Annus & Calendarium	189.
De Computo Ecclesiastico	190.
Indictio, Litera Dominicalis & Pascha	192.
Variis Ritus recitandi Breviarii	193.
Commemorationes	197.
Translatio & occurentia Officii	198.
Concurrentia Officii	200.
Quomodo ordinandum Officium	201.
Partes Officii Divini	202.
Prima	204.
Vesperæ & Completorium	205.
Singulæ partes precum	206.
Orationes	213.
Te Deum Laudamus	215.

E. R. R. A T A

<i>Pag: Vers:</i>	<i>Corrige..</i>
1—11. scrutari . .	scrutari.
5—24. frugmentis	fragmentis
46. syrice . .	26 Syriace.
6—9 Copiaa . .	copia.
7—22. determiana-	determinabantur.
bantur . . .	
11—17. & scrupulose	sed scrupulose.
22—26 I. Libr: 29-30.	I Lib: 29—29.
25—12 indentificetur	identificetur
16. Herodatus.	16 Herodotus.
35—25. vexatiomem	vexationem. 29
29 Math 39.	Math. 12—39.
42—10. Incriptione	inscriptione 22 ob.
22. ab. . . .	
44—15. invalere	invaluere.
48—12. nunt	sunt.
55—7 expeditionem.	expeditionem.
59—7. tranquillam	tranquillam.
64—30. profligatur	profligatus.
70—1. eræam	Peræam.
71—4. ad	ab,
74—9. hujmodi	hujusmodi.
76—18. spathmam	spithamam
21, 2009.	21, 2000.
77—3. Cubus	Cabus.
78—16. menetæ	monetæ.
83—5. inculus	incultus.
94—15. resurgen	resurgent.
104—3. coactionem	coactionem.
108—1. adbitur	adhibetur.
111—2. Scirpta	scripta.

<i>Pag: Vers:</i>	<i>Corrige.</i>
120—10. ab	ob.
121—13. discripare	discrepare.
123—22. Tom. 4.	Tim. 4.
128—22. decima	decimaquarta.
123—24. cocedere	concodere
140—28. divervitatem	diversitatem.
141—42. Mozabicus.	Mozarabicus.
197—17. Eestum	Festum.
201—21. abso:utionis	absolutionibus
203— 8. de Teum	Te Deum.
—30. Antyphonæ	Antiphona.
204—12. Otionibus	Orationibus
—13. vere	vero.
207—22. ad singulns	ad singulas
214— 4. im	in

PRÆPARATIO

AD

HERMENEUTICAM

SEU

Scientiam rectè exponendi Codicem Divinum,
ad usum Seminarii Varsaviensis ad Sanctam
Crucem, die 12. Septembris
Anno Domini 1804.

De Scriptura Sacra in genere.

IMO.

Cum Salvator Scripturam scrutari mandet
(a), eaque, apta sit ad docendum et argu-
endum (b), multi quoque ex gentilibus, putà
Justinus, Athenagoras, Theophilus, lectione
illius veram Fidem edocti sint, omnesque
Ecclesie Patres ad sæculum XIII. lectionem
illius suaserint; hinc non obstante Concilii To-
lozani prohibitione 1229. et Indice Romano
1564. quæ tantum propter corruptas hujus
temporis versiones, et ignorantiam lata fuit,
cuique sacram Scripturam in vulgari lingua

A

(a) Joan. 5. 39.

(b) 2^a Timothei 3. 16.

ab Episcopo approbatam legere fas est, et Indici Romano revisione Episcopi et contrariâ consuetudine derogatum est. A fortiori in Hebræa, Græca et Latina lingua illam legere cuivis licet.

2do.

Libri Scripturæ Sacræ genuini sunt.

Si non dubitatur de Authoritate Virgilii, Homeri, Ciceronis, cur quæso de Moysis, Lucæ, Pauli libris dubitandum foret? dum lingua, mors, et argumentum narrationis, tam Judæis, quam Christianis pro quibus scripti sunt, accomodatissima sint, et nec ab uno, vel à pluribus, nec eodem vel vario tempore, non cum, aut sine condito supposita aut ficta fuisse admitti possunt, quin Author, locus et tempus, et modus adulterationis nominentur et probentur. Imo nec textus hebræus ab Judæis ex odio Christianæ Religionis depravatus fuit, quia ante Christi Nativitatem nullam adulterationis causam habuerunt, neque hæc depravatio in omnibus exemplaribus fieri poterit. Christus Dominus etsi alia crimina Judæis objecit, nullibi tamen adulterationem Scripturæ. Conqueruntur quidem Justinus, Origenes et Hieronymus, quod Judæi varios textus depravaverint; sed vel

revocant querelas suas, vel originarium textum habere non poterant. Si ergo in Scriptura inveniuntur aliquæ leves mutationes vel errores, ii amanuensibus adscribendi sunt. Nulla enim profana scriptura ab hujusmodi erroribus libera est, et tamen hoc authenticitati ejus non præjudicat.

3tio.

*De Canone Sacræ Scripturæ et numero
Sacrorum Librorum.*

Nomen Canonis nonnisi post Christi Nativitatem usu venit, et nonnisi illi libri Canonici reputabantur, qui post captivitatem Babylonicam a Judæis collecti in templo reponebantur, et Sacri vocabantur. Contra illi libri, qui post collectionem comparuere, Apocryphi seu non Sacri dicebantur. Dividebantur plerumque in *Legem*, *Prophetas* et *Psalms* (c) et Josephus illorum numerum restringit ad 22. licet eos non nominet. Melito, Origenes, et sequentes Patres totidem Divinos seu Canonicos libros numerant: Eosdem et totidem *Talmud* comprehendit, et Judæi suscipiunt, hoc discrimine, quod duo opera a Josepho enumerata in

A2

(c) *Lucæ 24. 44.*

quatuor dividantur, adeoque 24. libri Canonici numerentur et Protocanonici dicantur. In hac collectione quidem non comprehendantur *Baruch*, *Tobias*, *Sapientia*, *Ecclesiasticus*, et *duo Libri Machabæorum*, quia post clausum Canonem lucem aspexerant. Interim noti erant Judæis in Egypto et Palæstina, et Alexandrini Interpretes hos Deutorocanonicos. Protocanonici adnumerabant, ex quo Vulgata Versio pro Latina, sicut Græca 70. Interpretum Versio, pro Græca Ecclesia prodit. Paulatim Patres Ecclesiæ tanquam Divinos libros reputabant, seu Proto seu Deutorocanonicos, ex his depromebant argumenta ad stabiliendam virtutem, ad adversarios insectandos, jamque in III. Synodo Carthaginensi 397. ab Innocentio I. Augustino, dein a Cassiodoro, Eugenio IV et tandem in Tridentina Synodo una cum novo Testamento tanquam Divini in Sacrum Canonem relati sunt.

4to.

De Inspiratione Sacrorum Librorum.

Certum est Spiritu Sancto inspiratos locutos fuisse Sanctos Dei homines (2. Timoth. 3. 16.) et a Domino dictum est per Prophetas (Math 1. 22.) Non conveniunt verò, quid per inspirationem intelli-

gatur. Alii non solû n Dogmata, sed sensum et verba, à Deo inspirata esse volunt. Sed tali modo, ut vult Estius Sacri Scriptores sese mere passivè haberent. Alii solum extraordinarium auxilium Dei per inspirationem intelligunt, vi cuius sacer Scriptor res Dogmaticas et Morales sine errore scriberet, et hæc sententia verosimilior est admittenda. Nam in Sacra Scriptura occurrunt prædictiones futurorum, quæ sine speciali auxilio Dei, aut revelatione sciri nequeunt. Non tamen ad omnia revelatio Dei admittenda est, quia Moyses et Apostoli sæpè testes erant eorum, quæ fiebant, ad quæ conscribenda à Dei Spiritu afflatos fuisse seu inspiratos Scriptores, non est ambigendum, quia in S. scriptura generaliter dicitur; Scriptores Divinos tam ad dogmata, quam ad facta à Divino Numine afflatos fuisse, Lucæ 12. 11. Joan. 15. 26.

5to.

De lingua Hebræa et Græca, quâ conscriptus est Divinus Codex.

Quoniam Vetus Testamentum linguâ Hebræâ, exceptis fragmentis Esdræ et Danielis Chaldaicis, et Novum Testamentum excepto fortè Mathæi Evangelio Syrice edito, Græca lingua conscripta sunt; igitur oportet

teret Interpretem Sacrae Scripturae notitiam non mediocrem originariae linguae nec non ejus propaginum, veluti Arabicae, Chaldaicae, Syriacae, sicut et Graecae linguae dialectorum, ut pote Atticae, Ionicae, Aelicae et Doricae, item historiae naturalis, antiquitatis, et morum Orientis habere. Sed quia hic labor paucorum est, et inextricabilibus difficultatibus obnoxius, quia Codex hebraeus non nisi ut Copia seu Synopsis ex annalibus confectis post Captivitatem Babylonicam considerandus est, in quo usque ad Talmud nulla erat separatio verborum, versuum et capitum, et Character non quadrato, sed Aegyptiaco exaratus fuit. quibus postea accesserunt punctationes, seu accentus multis ignoti. Hinc patet, quantas differentias originarius textus linguae hebraeae, nec non Graecus obtinere potuit!

6to.

Ulterior sors Textus Hebraei Originarii.

Post expositionem V. T. in linguam Graecam per 70. interpretes, Textus Hebraeus ferme negligebatur, quia versio LXX. in Aegypto et Palaestina publicam adeptam est auctoritatem. Dum vero successu temporis tam inter ipsos Judaeos, quam contra Christianos controversiae Polemicae invaluerant quibus discordantia manuscriptorum, ex qui-

bus Versio illa exarata fuit, ansam præbuerant, hinc ter originarius V. Testamenti textus circa annum Christi 220. revisus et correctus fuit à Judæis. In prima revisione non nisi transpositiones et errores Amanuensium corrigeantur. In secunda conjunctiones quædam minus necessariæ delebantur. In tertia puncta ad denotanda verba ambigua apponebantur. Hæc Judæorum critica correctio textûs originarii circa annum Christi 400. claruit, quia Tberinsensem Academiam erexerant, in qua optima M. S. producebantur, quæ S. Hieronymus ab illis mutuatus est, ad corrigendam Latinam versionem. Seculo VI. determinata fuit Lectio hebræa juxta consonantes per Masoram à prædictis Judæis, quo factum est, ut manuscripta aliam formam induerent. Sæculo VIII. textus Occidentalis cum Orientali conferebatur, et differentia nec notabilis fuit, nec numerosa. Sæculo X. Punctationes seu accentus determinabantur, et verba separabantur ab invicem, quo recentiora manuscripta commodiora evaserunt, et antiqua negligebantur. Sed et recentiora M. S. eandem nacta sunt sortem ac antiqua, quia Judæi Sæculo XII. et XIII. non sine erroribus mox grammaticaliter, mox juxta Paraphrases Chaldaicas, mox juxta proprium sensum nobis ea transmiserunt ita, ut juxta antiqua

M. S. Textum explicare tentaverint, non tamen omnino feliciter. Hoc in statu ante inventam Typographiam textus Hebræus erat, qui cum nondum fuerit, nec sit emendatissimus, hinc varia adminicula et fontes ad inveniendum sensum Sacrae Scripturae originarium et genuinum, suppeditandi sunt.

7mo.

*Fontes seu adminicula varia adinveniendi
genuini incorrupti textus Hebræi.*

1. Pentateuchus Samaritanus, cujus Copiam Petrus de Valla ex Oriente in Europam præteritò Sæculò transportavit. 2. Philo Judæus citat V. T. juxta versionem Alexandrinam. 3. Josephus Judæus partim ex origine, partim ex versione Alexandrina. 4. Talmud, qui continet duas partes, unam à Juda II. Sæculo elaboratam, quæ Mischna dicitur, alteram Gemaram seu Commentarium in imam partem. Sed hic Commentarius iterum bifariam dividitur in Babylonicum V. vel VI. Sæculo à Rabbis Ascher et Avina confectum, quo passim hodierni Judæi utuntur, unde Rabbanitæ dicuntur. Et Jerusalemitanum III. Sæculo compositum, à Johanne, qui nimis obscurus est. 5. Masora seu critica Doctrina, vel Traditio Sapientum prædictæ Academiae Tiberiensis, qui animad-

versiones suas primò in textum speciatiim, deinde textui ad marginem adscribebant, et Textuales, majores et minores vel finales Massoræ vocabantur. Præterea Massorethæ successu temporis versus libri numerabant, v.g. Exodo 1209. contineri, et sic de reliquis, vocem illam aut litteram toties in libro contineri, et cætera superstitiosa notabant, unde Cabbalistæ dicti sunt.

8vo.

Citationes SS. Patrum-

Latini Patres passim vulgatam, Græci écontra ob defectum linguæ hebrææ 70. versionem citârunt. Syriæ Patres Versionem Syriacam, Origenes tamen, Hieronymus et Ephrem non rarò textum originarium citant. Quia tamen citationes istæ non raro Paraphrasticè et ex memoria aut Allegoricè depromebantur, et a Librariis corruptæ esse possunt, hinc citata eorum in tantum valent, in quantum cum textu concordant primigenio.

9no.

Immediatæ quædam Versiones et earum usus.

Celeberrima et prima Versio est 70. Interpretum Alexandrinorum, qui primò Pen-

tateuchum, dein cæteros libros explanarunt, passim ad litteram. Alii aliis peritiores erant, sicut stylus ipse innuit. Ejus autoritas passim à Judæis et à Christianis agnita, Christus et Apostoli juxta istam Versionem prædicarunt. Quia tamen et ista versio ab Amanuensibus et imperitis criticis depravata fuit, ut Origenes conquereretur; nullum exemplar cum genuino textu concordare, cum sic adulterata erat versio, transposita et detruncata, idcirco novam versionem adornabat. Origenes spatiò 28. annorum ad tollendam istam variationem, sub nomine Tetrapla, Hexapla, Octapla, Enneapla.

Secunda versio. Origenis. Primò locò posuit textum hebræum literis Hebræis. 2do eundem textum literis græcis. 3tio seu in tertia columna versionem Aquilæ. 4to Symmachi utpote conformiores textui Hebræo. 5to Versionem LXX. 6ta in columna Theodotionis, qui plurimum ex LXX. hausit. Cæteris in Columnis Versiones ignotorum authorum speciatim continebantur, quæ ultimæ proinde Tetrapla, à multis cum Hexapla Octapla et Enneapla a scriptoribus dicuntur. Scopus hujus Versionis erat: Versionem LXX. originariæ fidei reddere, quare textui LXX. multa ex hebræo textu addidit, quæ illi deerant, si vero erant in LXX. ea, quæ deerant in hebræo, tunc apposuit obe-

lum. Præterea in hac Versione Origenis seu Polyglotta alia critica signa hucusque ignota reperiuntur. Continet etiam historiam cujusvis Versionis: Præfationes, criticas et Exegeticas Animadversiones, ita ut in immensum Volumen excreverit. Interea laboriosum hoc opus deperditum fuisset, si Eusebius illud ex angulo Tyri non sustulisset, et in sua bibliotheca Cesareæ non reposuisset, ubi illud S. Hieronymus adhuc invenit, et ex illo sua exemplaria correxit. Abhinc nulla jam mentio fit de ista Versione, quæ verosimiliter in expugnatione Cesareæ per Arabes 633. una cum bibliotheca combusta est. *Aquila* primus videtur vertisse hebræum textum post LXX. in Græcum initiô Sæculi II. et scrupulosè ad literam interpretatus est. Non diu post illum *Theodotion* qui LXX. ferè descripsit. *Symmachus* potius sensum, quam verba, culto sermone posuit. Sed harum versionum, sicut Origenis nonnisi fragmenta supersunt.

5tia Versio Chaldaica seu Targumin, à duobus Judæis facta est, quorum unus *Onkelos* Babylone Pentateuchum, alter *Jonathas* in Palæstina Prophetas vertit; ambo post S. Hieronymum vixisse et scripsisse perhibentur. *Onkelos* de verbo ad verbum ex Originali vertit, *Jonathas* écontra para-

phrastice et fabulose scripsit et Massoram secutus est.

4ta Syriaca, Peschito dicta circa Sæculum VI. comparuit, et a S. Ephrem citatur. Videtur esse opus plurium propter diversitatem styli. Reperitur in Polyglota Parisiensi et Londinensi, et propter affinitatem cum lingua hebræa, magni pro criticis potest esse adminiculi.

5tum locum obtinent Versiones Arabicae, quarum prima est Saadiæ Gaonis Judæi circa X. Sæculum, sed multæ reperiuntur Paraphrases (Circumlocutiones) in illa. Altera ab Abu Said confecta 1070, Pentateuchum tantum ex Codice Samaritano translatum continet.

Tandem S. Hieronymus Versionem Latinam edidit, quæ probè à vulgata et altera Latina juxta Hexaplam correctæ discernenda est. Orsus est Versionem Samuelis et Regum ad enixas preces amicorum, deinde aliorum librorum exceptis Baruch, Sapientia Sirach et Machabæis vertit ex hæbræo adhibitis etiam aliis interpretibus antiquioribus et sapientibus Judæorum, potius sensum quam verba secutus. Sed hæc Versio ab Africæ Ecclesiis non acceptabatur vivente Hieronymo. Remittente primo æstu legabatur quidem versio Hieronymi, et paulatim adoptabatur; dum verò Versio trans-

criberetur ab Amanuensibus et multa adde-
rentur, tam versio vulgata quam LXX nec
non Liturgicæ animadversiones adhiberen-
tur et scholia, hinc versio Hieronymi ge-
nuina hodieum non potest dignosci. Tan-
tum de Versionibus ex Hebræo immediatis.

1010.

Alie mediatæ Versiones.

Author Versionis Vulgatæ seu Veteris
Latine ignoratur quidem, attamen ex sty-
lo videtur esse Africanus, et Sæculo II.
vixisse, quia Tertullianus eam citat. Non
ex hebræo textu, sed ex LXX. versa est, et
quidem scrupulosè ad verba, adeoque cum
næv's qui in LXX. Interpretes irrepserant.
S. Hieronymus quidem eam juxta textum
Hexaplæ erroribus purgare adhibito ori-
ginali nitebatur, sed nonnisi Job et Psalmi
ab illo correcti sunt, qui in vulgatam non
sunt recepti, unde 6000 vitia in Vulgata
numerantur, non tamen quoad fidem et
mores.

Post Vulgatam veniunt Syriacæ Versio-
nes, quarum prima 617. à Paulo Episcopo
Telensi ad usum Monophysitarum confecta
est ex textu Hexaplæ adiectis signis criticis
et scholiis ad marginem de verbo ad ver-
bum. Secunda Syriaca Versio *Figurata*

Sæculo VIII. a Jacobo Edessæ revisa ex LXX. sumpta est. Cæteræ Syriacæ Versiones puta Patriarchæ Mar Abbæ, Thomæ Heracleensis Abbatis, et Simonis utpoté non jam existentes, parum juvaminis sunt pro Critico.

Sunt etiam Arabiæ Versiones Jobi et Paralipomenon ex Peshito translatae in Parisiensi et Londinensi Polyglotta. Similiter Versio Psalmorum et Pentateuchi ex LXX. una cum Hagiographis et historicis libris Josue, Paralippomenon et Jobi, quæ tantum ad corrigendos LXX. et Syriacam inserviret, non verò ad primigenium textum, Sæculo V. Armenica Versio ex LXX. apparuit, cujus Author dicitur Miesrobs, adinventor characteris Armenici. Si hæc Versio juxta vulgatam non esset correcta, uberioris esset utilitatis ad inveniendum textum originarium. Est etiam Versio Æthiopica ex LXX. cujus non nisi fragmenta extant. Idem de Ægyptiaca dicendum et Georgica, quæ tamen 1743. Moscovæ ex LXX juxta Slavon cum et Armenicum textum versæ et correctæ, et Typis impressæ sunt. In his angustiis sequentes proponendi sunt Canones:

1. Versiones immediatæ præstantiores sunt mediatis.

2. Hermeneuta utatur Versionibus non ut arbitris, sed consiliariis.

3. Versiones quo antiquiores, eo in locis ambiguis utiliores.

4. In obscuris locis non est fas à grammaticali seu literalì sensu recedere.

5. Fontibus seu textui originario semper plus deferendum, quam Versionibus.

6. In controyisiis super vera Lectione litem dirimant, 1. plurima Versionum Suffragia. 2. orationis nexus. 3. sensus concinnitas, 4. Scripturæ analogia.

IIMO.

De Variis Editionibus Bibliorum.

Adi ventâ Typographiâ Biblia impressa sunt. Quia vero ea non uno ex fonte derivarunt, igitur non eandem possunt habere Authoritatem. Primo Psalterium cum commentario Kimchi 1477. Bononiæ, dein tota Biblia 1494. Veteris Testamenti Bresciæ typis hebraicis impressa comparuere, quibus Lutherus ad corrigendam versionem germanicam usus est, cujus exemplar asservatur in Bibliotheca Berolinensi. Sed hæc erant primæ tentamina adinveniendi genuini textus, Sæculo XVI. Reges et principes, imo totæ nationes ex stupore quasi expergefactæ post reformationem, linguas Orientales addiscere incæperunt, et unam post alteram editionem juxta textum originarium adornare satagere. Primam Bibliorum editionem seu Polyglottam

Sæculo XVI. Cardinalis *Ximenes* procuravit, in qua textus hebræus LXX. Targumin, Onheles, latina, et Vulgata positæ sunt. Hæc editio vocatur *Complutensis*. Paulò post 1517. Felix de Prato edidit Polyglottam Rabbīnicam, quæ cum non fuit acceptata, conductus est maximis impensis Judæus Jacobus Ben Chajim, qui inexhausto, labore opus consummavit. Massoram adornavit, et juxta illam Textum hebræum correxit, his adjunxit Chaldaicum Targumin, et Judaicos Commentatores ad marginem posuit, majorem et parvam Massoram, et quæ de illa Massora ad marginem locum non habebant, hæc secundum ordinem Alphabeticum ad finem una cum Variationibus Orientalium et Occidentalium adscribebantur. Hæc editio vocatur *Biblia Rabbīnica II. Bambergiana*, quæ aliquoties correctæ fuit. Juxta correctum Textum hujus editionis, omnes ferè Polyglottæ typis imprimebantur, sicut Antverpiensis, ab Aria Montano, Parisiensis, Londinensis. Quia tamen Editores horum Operum prædictam Rabbīnicam Editionem cum M. S. contulerunt, hinc in quibusdam differunt. Londinensis tamen Polyglotta magis mendorum et vitiorum expers est, quam Parisiensis. Præterea hebraica Biblia ediderunt Buxtorfius cum sociis Mardochai et Juda Wall conformiter ad Massoram, ac

per

per consequens varia a cæteris editionibus. A. 1618. Jabłoński Barolini hebraicum textum edidit, qui pro optimo habetur. A. 1699. Hinc patet, quod ab graves rationes a vulgato textu recedere liceat.

12mo.

De Criticis Sacrae Scripturae.

Quoniam Librarii seu Amanuenses Bibliorum non erant inspirati a DEO, hinc creditum fuit, Sacrum Codicem ita subici posse Regulis Criticis, sicut alia profana scripta. Sed notandum est, quod licet Critici et Interpretes S. Scripturae Versionem unam præ alia adoptent, non ideò cæteras respuant. Alii textum Massoreticum quidem impugnant, alii écontra ut integrum, purum et divinum pro ugnant. Alii alios quidem corrigunt, ex aliis fontibus hauriunt, sed utrum fontes sint integri, M. S. accurata, non demonstrant. Licet enim pura et integra Exemplaria in bibliotheca templi recondita erant, quando Author II. libri Machabæorum scripsit, postea tamen a Tito et Vespasiano, illa Romam in Triumpho adportata fuerunt, ut refert Josephus in sua *Archæologia* 5. 50. Sufficit ergo vulgatam nostram juxta Tridotium Concilium, ut authenticam in *disputationibus* et

prædicationibus et genuinam in rebus fidei et morum suscipere, licet mendis in aliis referta est. Ut tamen de aliis Bibliis iudicium feratur, sequentes Regulæ Critices servandæ sunt, præter eas quæ de Versionibus præscribebantur.

1. Si differunt antiquæ Versiones, integritas textûs inspicienda est, quia Samaritanus Codex et Versio LXX. mutata sunt a Librariis, ut patet ex dictis.

2. Citationes PP. et deviatio Josephi a LXX. non semper sunt argumentum genuini textûs hebræi. Quia Patres excepto Or gene et Hieronymo non Autograph, sed Versiones citant, et Josephus non semper textum hebræum inspiciebat.

3. Textus Massoræ non est depravatus, M. S. tamen plus ponderis habere debent, si conformia sunt, quia Massora mutata fuit ex dictis.

4. M. S. vetus plus valet quam novum quia antiqua non ita ab Amanuensibus et Massoretis mutata sunt.

5. Plus valent antiquæ Editiones, quam M. S. quia Editiones desumptæ sunt ex M. S. adeoque minori mutationi obnoxia.

PARS II. DE LIBRIS SACRÆ SCRIPTURÆ IN SPECIE.

*Imo.**De Pentateuchō.*

In primo Libro Moysis creatio Cœli et terræ, Diluvium, et Vocatio Abrahæ continetur. Si immediata Revelatio horum factorum non admittitur, necessario Traditio aut fontes scripti, ex quibus hauset, admittenda sunt. Nam in primis duobus Capitibus Deus vocatur *Elohim*, aliæque voces reperiuntur, quæ in aliis capitibus non occurrunt. Nam in tertio et reliquis capitibus Deus semper *Jehova* vocatur, aliusque stylus comparat, quod argumentum est, Moysen ex superstitite libro aut M. S. hausisse. Cur enim una eademque res v.g. diluvium, Incendium Sodomæ, vocatio Abrahæ, bis et quidem variò stylo refertur, si non duo Authores et duo documenta unius ejusdemque Libri admittantur? Si unus, tertius et quartus Liber bene quidem temporis et circumstantiis Moysis accommodatur, interim multa loca occurrunt Exodi capite 15. 25. 31. quæ postea ab alio addita sunt. Quintus liber conformis ætati Moysis est, exceptis 24 et sequentibus, quæ nequaquam factus Moysis, sed Josue

esse possunt, quia mors ejus et sepultura luctusque Populi describitur.

Certum igitur est, quod Moyses 2di, 3tii 4ti et 5ti libri sit Author ad 24. Caput, quia stylus et circumstantiæ hoc probant, sæpè ut Author citatur in his libris, et ut talis nominatur in pluribus S. Scripturæ Libris Veteris et Novi Testamenti, Philo denique Joseph, Talmud et tota Antiquitas et Traditio illi hos libros attribuit. Aliud autem est de Genesi, quæ propter adductas rationes solum Moysen ex integro Autorem habere non potest, sed tantum ut Compilatorem aut Approbatorem, et hoc sensu tota antiquitas hos libros Moysi attribuit. Interim hoc authoritati Pentateuchi non derogat, sicut Epistolæ Pauli et Oracula Jeremiæ non ideo amittunt Authoritatem, quod ad calamum dictata sint. Impossibile est eos libros esse supposititios, quia descriptio Ægypti, Arabiæ, et aliarum circumstantiarum, non nisi a Moyse concinnata esse potest. Quod autem dictum est, supra 2. Moysis 12 3. et 5. Moysis 33. 1. addita, hæc potius antiquitatem et Authenticitatem libri probant, quam imminuunt.

2do.

Liber Josue, Judicum, Ruth.

Liber integer sub Nomine Josue de divisione Palæstinae non potest habere Josue Authorem, quia facta continet et geographica nomina a nono Capite et seq: quæ nonnisi post ejus mortem contigerant, et invaluerant. Verosimilius videtur, Authorem hujus libri nonnisi post divisionem Tribuum vixisse. Sed hoc non præiudicat ejus Authoritati, quia facta etiam exigua et possessio terræ S. moribus populi et situ terræ accommodatissima describuntur.

Liber Judicum non accuratam historiam statûs judaici, sed potius Idololatriam Judæorum et oppressonem a confinibus populis describit. Author 16. capitum priorum ignotus est sicut et reliquorum. Primus tamen ad finem Judicum vixisse putatur, Secundus post divisionem tribuum, de quibus narrat, quod in captivitatem Assyriorum venerint, scripsisse debuit (d). Authoritatem ejus probant stylus, mores, et facta.

Author Libri Ruth progeniem Davidis describit, et nonnisi tempore David vixisse debuit, quod innuit chaldaica terminatio qua-

(d) Jud. 18. 31.

rumdam vocum . mutatio morum hujus temporis , et collatio cum libro Samuelis et Regum. Simplicitas Authoris , et descriptio morum sunt authenticitatis argumentum.

3tio.

Libri Samuelis , Regum , et Paralippomenon.

Libri hi tres historiam Judæorum nobis synoptice narrant , a Nativitate Samuelis ad Cyrum Persarum regem. Omnes hi tres libri non ut continuatio operis alicuius , sed sicut unus idemque liber spectari debent , quorum Authores ex uno fonte suas animadversiones juxta propositum scopum adjecerant v. g. 1. Samuel 31. concordat cum 1. Paral: 10. Ac imprimis libri sub Nomine Samuelis seu 1mo et 2do regum incipiunt a Nativitate Samuelis , et finiunt narrationem de pste sub Davide utpotè pœna numerati Populi. Hinc historiam Heli , Samuelis , Salis et Davidis continent. Sed Author horum librorum neutiquam illis coævus esse potest , quia mentio fit de divisione tribuum sub Roboam et Jeroboam , ac per consequens nec Samuel , nec Gad , nec Nathan Authores esse possunt horum librorum , et Textus Paralipp. 1. Lib. 29. 30. gesta David , prima et novissima scripta sunt in Libro Samuelis Prophetae , et in libro Nathan et Gad

videntis, nequaquam intelligi potest de hoc libro, sed de alio deperdito.

Libri postremi duo regum incipiunt a regno Salomonis, et desinunt in primo regno Evilmerodach Babyloniorum regis. Author istorum librorum accuratius describit Regnum Israel, quam Juda, licet sit ignotus.

Libri duo Paralippomenon continent 3. partes: Genealogiam, gesta David et Salomonis, et historiam Regni Juda: Desinunt in Cyro qui Judæis concessit facultatem redeundi in terram suam, et reedificandi templi. Hinc patet, quod duo libri non nisi post captivitatem Babylonicam compositi sint, quod etiam de duobus postremis Libris. Regum sentiendum est, quia in illis chaldaismi reperiuntur. Authenticitas horum librorum patet inde, quod non celent ætatis suæ vitia, et gentis suæ infortunia, et pro argumento citant sermones Prophetarum 2. Paralip: 32. Verosimiliter Esdras hos libros scripsit. fit enim mentio monetæ aureæ Persiæ, quæ sub Dario Histaspæ est cusa, 1. Paral: 27. 7.

4to.

Libri Esdræ, Nehemiæ, et Esther.

Liber sub Nomine Esdræ tractat de reditu Judæorum in Patriam, reedificatione templi, obstaculis ex parte Samaritanorum

ad ædificium, et de Religiosis et Politicis institutis ab Esdra factis. Non continet purum textum Hebræum. Certum est, quod Esdras sit Author 4. ultimarum capitum, quia ibi loquitur in prima persona et puro Hebraismo. Initium vero huius libri alium habet Authorem, qui communicativè loquitur, et corruptâ linguâ hebræâ. Et r vera Esdras dux fuit 2dæ columnæ Judæorum, quæ ultimô Artaxerxes Longumanni annô in Palæstinam reversa est, adeoque Initium Libri iam paratum invenit.

Liber Nehemiæ continet facta a 20. anno Regni Artaxerxis, quo missus erat ad consummandam templi restorationem, et dirimendas lites. Liber iste genuinum opus est Nehemiæ, quod et titulus demonstrat, et modus locutionis in prima persona. Autoritatem et veritatem ejus probant gesta ab illo conscripta, et a populo lecta et approbata, et neutiquam celat vicia populi. Antea Esdras et Nehemias unum constituebant Librum.

Liber Esther describit elevationem Esther ad Solum Regum, et promotionem Mardochei ad primam post Regem dignitatem, et pœnam Ammani hostis Judæorum. Videtur hic Liber compositus ad celebrandam Festivitatem *Purim*, et forte ipse Mardocheus libri hujus Author est, quia 9. 20.

scribit ad Judæos in Persia, ut festum hoc quotannis celebrarent. Sed in Libro Esther describitur Assverus rex tanquam stupidus, potator, et crudelis, proponens repudiare uxorem, et trucidari jubens nationem Judæorum sine culpa 3. 10 et mox revocat suum Edictum, et permittit Judæis hostes interimere, de quo tamen profani historici tacent quoad nomen, licet multi Persarum reges descripto Assvero similes describuntur. Ad hanc difficultatem respondendum: quod Xerxes cum Assvero indentificetur, quia ille jussit convocari Magnates Regni, ut secum contra Græciam deliberarent, tertio anno Regni sui et potationi se dedit, ut ait Herodotus. Xerxes repudiavit uxorem Vasthi et Leonidem cruci affigi jussit, Herodot. 7. et sic Profani cum Sacra historia conciliantur.

5to.

De Prophetis in genere.

Propheta idem est ac Videns seu Vates, sed propheta non semper futura prædicit, quia 2. Moysis 15. 20. dicitur Miriam soror Aaronis Prophetissa, licet nil futurum prædixerit. Igitur donis extraordinariis donati a DEO, sæpe vocantur Prophetæ in scriptura. Mittebantur ut vindices sceieris et resu-

scitatores lapsæ Religionis. Aliquando Prophetæ prædicabant imparati, seu ut ajunt ex abrupto, dum nempe interrogarentur, aliquando parati ut Jeremiæ 13. 1. usque 21. versum Aliquando generaliter seu indeterminate, aliquando determinato tempore et loco vaticinabantur. Imo videtur, quasdam Prophetas nunquam coram populo declamatas fuisse. Jer. 11. 19. *sicut agnus ad occisionem ductus sum et* 12. 6. Adeoque possibile est, Prophetias tali ordine, sicut hodie sunt non extitisse. Sed de his infra singillatim.

6to.

De Isaiâ ejusque Oraculis.

Juxta Traditionem Rabbinorum Isaias ex Regis stirpe natus sub Manasse serrâ dissectus est. Sed improbable est, Isaiam usque ad Manassem vitam prolongasse. Hoc verò certum, quod sub Osia, Joathan et Achaz ut Propheta floruerit. Pars ima Oraculorum ejus, spectat Judæos, Israelitas, Assyrios, Ægyptios, Babylonios et alias confines gentes, quibus plagas varias, ac tandem interitum prophetat. 2da pars de veritate Religionis Judaicæ, de preditione Judæorum ex Babylonica captivitate, Idololatria extirpanda, et propagando vero Dei

cultu inter gentes tractat. Tandem concludit, Deum non ritibus, sed emundatione spiritus et cordis colendum esse 66.

Passim totus liber Isaiae tribuitur. Interim Prophetia contra Moabitis, quorum Regio post 3. annos vastanda praeditur, interjecta esse debet a Collectoribus Prophetarum, quia nonnisi tempore Nabuchodonosoris ante interitum statum Judaeorum, completa est. Et quomodo Jeremias eandem Prophetiam 48. exhibere potuit, qui 200. annos post Isaiam vivit? Praeterea comparatio 3. annorum cum annis mercenarii, et alia cap: 40. 42. 45. ubi infinita aggregantur, et voces quaedam repetuntur, alium praeter Isaiam habere videntur Authorem. Quod vero interjectionem quorundam Prophetarum aliorum in Isaiam probat, est, quod post 35. capitula Isaiae multa ex libris Regum et annalibus Regni in Isaiam inserta sunt. His admissis facile enodantur difficultates, quas nobis adversarii obijciunt. Quomodo Isaias potuit praedicere excidium Moab, quod post Jeremiam contigit? quomodo tot capita Isaiae genuina esse possunt, quae continent res et facta, quae aetati ejus non conveniunt? Nam alios praeter Isaiam admittimus Authores, quos licet nominare non possumus, non inde tamen sequitur, hos libros a quodam seductore

esse depravatos, quia tali modo liber Regum et Paralipomenon supposititii essent, quia eorum Author ignoratur. Authenticitatem libri Isaie non tantum probat Canon, sed et novum Testamentum, ubi non raro citatur. Imo nullus Prophetarum tanti a Iudæis et Christianis estimatur, sicut Isaias, quem Augustinus et Hieronymus potius Evangelistam, quam Prophetam nominare volunt. Adimpletio Oraculorum, quam profana etiam historia probat, evidens divinitatis libri argumentum est. Notandum tamen, a Collecto-ribus cap. 17. falso titulum inscriptum esse *Prophetia contra Damascum*, item cap. 21 et 22. quia ibi nihil de Damasco, sed de Judæa tractatur. Præterea liber sub titulo *Ascensio Isaie*, et alter *Visio Isaie* supposititii sunt.

7mo.

De Jeremia, ejus Oraculis, et Lamentationibus.

Jeremias ex tribu Benjamin: filius Sacerdotis Helciae adhuc Juvenis ad munus Prophetiae vocatus, vixit sub Regibus Josia, Selhum, Joakin, Jechonia, et Sedecia, qui devenit in Captivitatem Babyloniam. Expugnata civitate obtinuit facultatem a victore eundi quò vellet, sed Jeremias remansit in Palæstina, apud cives, qui illi pro

bono consilio non raro mala reddidēre, ut
 illis esset Consiliarius. Dum verò Israe-
 litæ in Ægyptum fuissent. Propheta imme-
 mor injuriæ secutus est illos, ibique mor-
 tuus est. Oracula ejus pertinent ad Judæos,
 partim alios populos. Ægyptios, Philistinos,
 Moabitæ, Babylonios diriguntur, quibus
 varias pœnas pro scelere minatur. Jactum
 vaticinii ejus cadit in quartum annum Re-
 gis Joakim. Quia verò sub aliis regibus
 quoque prophetabat, puta sub Josa, et
 Sathum, hinc quædam Prophetæ chrono-
 logicæ, quædam verò sine determinatione
 temporis, conscriptæ sunt. Stylus ejus
 elegans est, quæ tunc erant in usum, quæ
 fiebant in Patria, statet tamen chaldaïsmis
 propter commercium, quod tunc Judæi
 cum Chaldæis jam habebant. Jeremias ora-
 cula sua ad calamum dictabat secretario
 scribæ Baruchæ, et licet exemplar hoc a
 Rege combustum fuit, propheta tamen ab
 eodem Baruchæ alud conscribi jussit. Interim
 inter hebræum et græcum textum LXX. In-
 terpretum tanta est differentia, ut non ca-
 pita tantum translata, sed multa vel addita,
 vel dempta sint, ut testatur *Josephus*, *Ori-*
genes, *Hieronymus* *Præfatione in Jeremi-*
am. In græco textu loquitur Jeremias de
 Excidio Jerosolymæ futuro, cum in hebræo
 jam factum sit, in græco tacetur, in hebræo

verò enarratur ea t. v. taz Regis Sedeciae. In hebræo amplifiata est Prophetia, quæ concisa in græco textu est. Sed sciendum, quod Jeremias h. s. edidit Prophetiam. Post primam editionem nondum s. v. t. de exilio Jerusalem, et captivitate Sedeciae, et juxta primam editionem quæ us. textus versus est. In secunda vero Editione data ista Prophetia apposuit. Prima Editio igitur in Ægyptum devenit, ex qua LXX. verterunt. Secunda vero Babylonem usque pervenit, unde eam redeuntis Judæi in Palæstinam asportârunt. Quod Jeremias sit Author horum oraculorum, Nylus et antiquis probat. Ultimum tamen Caput a Collectore Canonis, vel Authore Libri Regum additum videtur, quia um 2. Regum 24. 18. ejusdem est argumenti. Quoniam autem Jeremias multis p. s. sus est a civibus, et præsens erat, cum Civitas S. et templum in cinerem redigebatur a Chaldæis, et diversæ ætatis et status homines in ipso sacrario gladiò feriebantur, hinc dolore tactus, confecit Lamentationes, deflens Captivitatem Civitatis, et ruinam templi et urbis. Jam antea luctus iste dividebatur in 22. capita, juxta litteras Alphabeti Judaici, ac sic in lamentis 4. aut 5. Alphabetis continentur. Quod autem Prophetia retineat scelera Regis Sedeciae, quibus ruinam statûs acceleraverat,

in hoc culpandus non est, imò laudandus, quod ut subditus, Regis infauti vitia cooperire, quam sine dultu propalare maluerit.

8uo.

De Ezechiele et ejus Vaticinio.

Ezechiel erat filius *Busi* Ordinis Sacerdotalis, coecus *Jeremiæ*, incepit vaticinari quiatò *Anaò* Regis *Jechoniæ*, quomodo, aut ubi mortuus est, æque incertum est, ac illud, quod *Pythagoram*, ut vult *Clemens Alexandrinus* *Legem Moysis* imbuerit. Cum multi in captivitatem abducti essent in *Chaldæam*, et reliqui *Judæi* in *Palæstina*, æque ac exules in *Chaldæa* tumultus meditarentur, eo magis quod aliqui Nomine *Jechova* insurrectionem prædicarent, hinc *Jeremias* *Judæis* in *Palæstina*, et *Ezechiel* exilibus ad fluvium *Chabar* prædicabant pacem et obedientiam erga victores, si nolent majora mala incurrere. Interea consolatur *Judæos* futurò reditu in *Patriam*, reedificatione templi, et urbis, nova partitione terræ 40 cap. In hoc libro multa capita transposita sunt, et sic 32 caput cadit in annum duodecimum captivitatis, quod vel ab ipso Propheta Oracula sua fortè ad marginem notante; vel a Collectore Canonis factum est. Authenticitatem libri data,

facta, tempus et non interrupta Traditio probant.

9no.

Oseas, Joel, Amos.

Oseas fuit filius *Beri*, et vixit sub Regibus *Joathan*, *Achaz* et *Ezechia*, quando status *Judeæ* à luxurâ et intestinis odiis fere evolutus fuerat. Et quia propter *Assyrios* confines, talis morum depravatio pro *Judeis* erat periculis plena, ideo *Oseas* clamavit contra scelera, et sub imagine Mulieris fornicariæ reprobationem *Israelis* describit, vituperat fœdera, quæ competitorum Regni cum *Ægyptis* inierunt, ut alter alterum de throno decurbaret, præaunxit interitum statûs et captivitatem (e) reditum in terram Patrum suorum 11. 13. Stylus ejus sublimis et concisus, adeoque non raro oscurus est. Authenticum ejus probat non solum Traditio, sed et ipse liber, in quo *Oseas* ipse mox in tertia, mox in una persona nominatur.

De *Joelle* talem ac de *Osea*, ignoramus ex qua tribu natus sit, ubi et quando mortuus sit; hoc tantum scimus quod fuerit filius *Phatuel*, et prædicare inceperit, quando locustæ Regionem devastarant in *Judea* 1. 9. et 2. 1. Liber iste genuinus fœtus est *Joelis*, qui ibi nominatur, et traditio illi non inter-

(e) *Osa* 4. 15.

interrupta, opus hoc adjudicavit. Non nominatur equidem speciatiim in Canone, quia liber XII. Prophetarum minorum antea unum tantum Librum constituebat, interim non adimpleretur numerus XII. si Joel illis non adnumeraretur.

Amos fuit Pastor ex Thecue Pago non longe à Jerosolyma, et cæpit prædicare 21. anno Regis Israelitarum Jeroboam II. quando luxur et prosperitas dominabatur. Cum Prophetiæ ejus innotescerent ut periculosæ statui, in Patriam relegabatur, ubi Oracula sua repetebat (f). Stylus ejus nec sublimis nec elegans est, utpote destitutus eruditione. Interim hoc Authoritati ejus derogare non potest, quod fuerat Pastor, quia 2. Regum 3. 4. Misa rex Moabitarum Pastoris officium exercuit. Dum præterea ipse Amos ut Author libri nominetur, et traditio illi librum hunc attribuat, idcirco de ejus genuitate dubitari nequit.

10mo.

Abdias, Jonas, Michæas.

Abdias medio tempore inter desolationem Jerusalem, et debellationem Edomitum a Nabuchodonosore vixit 1. 10. et prophetavit. Primò minatur Edomitis pœnas,

C

(f) *Amos* 7. 13.

quod super infortunio Judæorum lætati sint. Dein more aliorum Prophetarum, in futurum Judæos consolatur. Distinguitur hic Propheta a cæteris Interrogationibus et Exclamationibus frequentibus. Et Inscriptio ipsa docet eum esse Libri hujus Authorem, quod et antiquitas docet, licet in Canone non nominetur, expresse.

Jonas vero similiter est idem, qui 2. Reg. 14. 24. describitur ex tribu Zabulon, coævus Jeroboam II, qui ad prædicandam Ninivitis Pœnitentiam a Deo missus est. Quia vero voci Domini obedire noluit; Tarsum Hispaniæ civitatem fugit, sed propter exortam procellam à nautis in mare projectus à marino pisce non cete, sed squalo glauco deglutitus, et post 3 dies ad littora redditus fuit. Post hanc castigationem venit in civitatem Ninive, et prædicavit pœnitentiam, qua peractâ, civitas non fuit deleta, sicut prædixerat Propheta. Sed hoc displicuit Prophetæ, ut mori optaret, quare aliter à Deo edoctus fuit (g). Quærent hic Scripturæ S. Interpretes, an hæc Prophetia tota, vera sit historia, et ejus Author sit Jonas? et passim omnes negant utrumque, librumque non nisi ut Moralem Apologum considerant, quem Anonymus quidam Author Jonæ attribuit. Nam frequentes erant Apologi apud Hebæos

(g) *Jonas* 4.

ut apud Jobum 2. Author ipse hujus libri non historiam, sed Apologum describere videtur, monstrando Gentiles paratiores esse ad servandam legem, quam Judæos. 3. Miracula, rapida populi Regisque mutatio, murmur Prophetæ optimè congruunt Apologo, dum contra voces quædam et ipsa descriptio minime consona sint ætati Jeroboam II. Idem quoque sentiendum de Authore hujus libri, qui Jonas non est. imò Nulli nominatur; 2do Hymni decantati, sunt Rapsodiæ exceptæ ex veteribus Poëtis et Psalmis 42. 8. 30 Si ipse Jonas esset Author libri, ipse sermones ad Ninivitas habiles accuratius descripsisset. Hæc hypothesis interim Authoritati ejus non nocet, quia alias liber Job et Parabole Xsti respuendæ essent. Econtra Traditio librum hunc inter Sacros recensuit, Jonas inter 12. Prophetas numeratus fuit, et apud Tobiam, Matthæum Lucam citatur (h).

Michæas ex tribu Juda cœvus Isaïæ sub Regibus Joathan, Achaz et Ezechia prophetavit. Arguit Idololatriam, morum dissolutionem, vexationem populi, tam in Regno Juda quam Israel, et utrique prædicit interitum, et captivitatem populi. Promittit postea tamen reditum et prosperitatem non

C2

(h) Tob. 14. 4. Mat. 39. Lucæ 11. 29.

interruptam. Stylus ejus æquè ac Isa-
iæ Poesim redolet, et sublimis est.
Hic liber Michææ genuinus est, quia sæpè
nominatur, et pro Authore habetur Jerem:
26. 18. nec non apud Mathæum 2. 5. et
Lucam 12. 53, Joannem et ad Ephes: Tan-
dem Ecclesia utriusque Testamenti librum
ut canonicum, et Authorem, ut Prophe-
tam agnoscit.

IIIMO.

Nahum, Habacuc, Sophonias.

Nahum videtur apud Assyrios ex Ju-
dæis Parentibus, quos Salmanassar ex Is-
rael captivos abduxit procreatus, post ex-
pugnationem Thebarum per Assyrios, sic-
que post 14. annum Regis Sedeciæ prophe-
tare debuit, quia 3. 8. hæc facta narrantur.
Prædicat ulticem justitiam Dei, interitum
Regni Niniv tici et Assyriorum, qui sub
Nabopalassar, et Cyaxare subsecutus est.
Inscriptio, Traditio et confirmatio facto-
rum per Scriptores Profanos probant libri
hujus Authenticitatem. Præterea utraque
Ecclesia Nahumum 12. Prophetis adnume-
rat (i).

(i) *Kalinski Vaticinia Habacuci et Nahumi, Pra-
tislavia 1748.*

Habacuc ante primam irruptionem Chaldaeorum in Palaestinam vixisse videtur, quia hos describit. Prophetia ejus continet, 1. Lamentum et preces causa devastationis Palaestinae, et captivitatis, 2. Responsum Dei, quod petulantem Victorem poenâ talionis castigabit. Præterea hymnum, quo Deo pro solamine gratias agit. Stylus ejus liber, Poeticus et vividus est. Inscriptio, Traditio et caput 1. et 2dum probant, quod a nemine alio, quam Habacuco Oracula hæc conscripta sint.

Sophonias deducit ortum suum ab Ezechia cap. 1. 2. qui tamen alius esse potuit præter Regem. Vaticinatus est sub Josia post factam ab eo templi reformationem; Zelatus est contra residuum adhuc cultum Baal. Fuit coætanæus Jeremiæ et Ezechielis. Ejus Oracula tractant: de interitu Regni Judæ aliarumque nationum, et tandem fausta tempora prædicat. Stylus ejus simplex est et pressus, sicut Jeremiæ et Ezechielis. Et quoniam Stylus et objectum Prophetiæ temporis conformia sunt, hinc juxta Inscriptionem et Traditionem liber ille pro genuino et authentico habendus est, licet nullibi expressé nominetur Propheta.

12mo. anno

Aggæus, Zacharias, Malachias.

Videtur *Aggæus* sub *Zorobabele* ex *Chaldaea* ad *Jordanem* venisse ad promovendam restorationem templi et urbis. Dum enim *Judæi* ab incepta ædificatione destiterant, *Aggæus* ipsis aderat adhortator, obstacula removet, animos erigit cap. 2. et *Zorobabelem* celebrat. Juxta inscriptionem cæpit prophetare 2do anno Regni *Darii*. Stylus et argumentum narrationis sunt consona temporis, quo vixit, adeoque juxta traditionem liber ille pro Canonico habendus est.

Zacharias filius *Barachie* post *Aggæum* vaticinatus est, bene distinguendus est ab aliis hujus nominis, nec ille reputandus est, qui occisus inter Templum et altare. Prophetia ejus est adhortatio ad consummationem ædificii templi, continet Visiones, Symbola, de domitione hostium, *Judæorum* reditu; Describit feliciora tempora juxta Prophetas alios. 9. capita sunt genuina *Zachariæ*, sicut stylus et repetitio quarundam vocum et determinatio Annorum, Mensium et dierum innuit. Cetera capita licet forte non habeant *Zachariam* Authorem, non inde amittunt authoritatem: Nam sunt factus Prophetarum, ut liquet ex forma loquendi. *Hæc dicit Dominus*. Collectores Canonis certe

non inseruissent ea Libro, si de Authoritate ejus non essent persvasi. Nomina enim quorundam Prophetarum Collectoribus ignota erant, adeoque Zachariæ adscribebant reliqua oracula ideo forte, quia adhuc locus erat.

Malachias ultimus Prophetarum prophetavit, quando *Nehemias* 2da vice ex Persa in Judæam revertebatur, quia idem vaticinatur, quod *Nehemias* describit: ambo supponunt ædificatum templum, clamant adversus Matrimonia cum alienigenis, scelera Sacerdotum, et detentionem decimarum. Tandem prædicit propagationem Novæ Religionis et Ecclesiæ. Ejus stylus non est elegans, et difficile hebraice vaticinatur, quia hebræa lingua fere tunc jam mortua erat. Et quia *Malachias* expressé nominatur, narratio et tempus et stylus ipsius ætati conveniunt, hinc pro ejus Authore et liber pro Canonico juxta traditionem habendus est eo magis, quod in pluribus N. T. libris citatur (k).

13.

Daniel ejusque Prophetia.

Anno 4to Regni Joakin *Daniel* cum Anania, Azaria, Misael à Nabuchodonosore,

(k) *Mat:* 11. 10.

adhuc juvenis Babylonem abductus fuit, ibique ut bonæ indolis et nobilis instructus est. Baltasar dein nominatus, et 4to Regni Nabuchodonosoris anno, Regni minister factus est, quam dignitatem non obstante invidia Aulicorum usque ad tertium annum Regni Cyri retinuit, quo mortuus est, licet ignoratur quomodo et ubi? Ejus Prophetia partim chaldaicè, partim hebraicè scripta est, adeoque prima 7. capita non a Daniele conscripta sunt, quia nullibi in prima persona loquitur, et nullibi mandatum facta hæc conscribendi invenitur. Imo videntur prima capita posterus exarata fuisse, quia ibi græcæ voces occurrunt, et periculosum erat, ea notare, quæ Reges Medorum et Chaldaeorum offendere poterant, adeoque Epitomator Biographiam Danielis præmittere debuit, ut sciat, quomodo Daniel ad aulam Regis pervenit, et quomodo cum consortibus suis Jehova coluit et gentium superstitiones respuit. Cætera capita et Visiones et earum explicationes non nisi Danieli attribui possunt, quia ibi Daniel in prima persona loquitur, *Ego Daniel vidi, ego Daniel scripsi*. Interim prima Capita in Canonem redacta esse debent, quia post clausum Canonem nullus jam sacris libris aliquid addere ausus fuit (*Josephus*) et supplementum de Dracone, idolo Bel, et Susanna juxta

S. Hieronymum nunquam partem Canonis constituerunt. His non obstantibus Liber Danielis totus semper inter Canonicos seu sacros reputabatur, licet in Palæstina non prophetav. Quia antiquitas et N. Testamentum Daniele ut prophetam, et librum ut sacrum semper agnovit.

14.

Liber Psalmorum eorumque Authores.

Mos canendi hymnos et Cantica in memoriam celebrium Virorum, aut beneficii a Deo præstiti jam in Libro Moysis 1. et 5. notatur. Sub Samuele tamen in scholis Prophetarum Poesis Musica, et aliæ scientiæ nationales tradebantur 1. Reg 10. Paral. 25. 2. Summum vero fastigium adepta videtur, consuetudo canendi et psallendi, dum David non solum ut Pastor, sed etiam ut Rex summopere eam promovit, et ad divinum cultum adhibebat, quo exemplò ad concinnandas hujusmodi cantilenas, quarum Reliquias habemus, non rarò ingenui viri incitabantur, ex quibus tandem nostrum Psalterium coaluit. Juxta Inscriptionem, Psalmi diversis tribuuntur Authoribus, puta Davidi, Assapho, Hemmanio, Ethan, Jeduthun. Ex inscriptione tamen non semper infertur verus Psalmi Author, quia Psalmus 74. 79. et 81

Assapho adscribitur, cum tamen non conflet, eum esse Authorem eorum. Psalmus contra 122. 124. 131. Davidi inscribuntur, cum post 71. Psalmum dicitur *Psalmos Davidis finiri*: Nam inscriptiones sæpe denotant, hunc Psalmum a tali Cantore cantandum esse, sicut filiis Core cantandi tradebantur. Idcirco sicut Psalmi varios habent Authores, ita diversis temporibus compositi sunt. Nam Psalmus 90. fœtus Moysis ex Inscriptione et Stylo est, et Psalmi sub nomine Assaphi et Core tempore exilii Babylonici confecti sunt: Aliorum nec Author, nec tempus determinari potest. Hoc tamen certum est, plurimorum Psalmorum Authorem esse Davidem, et eos una cum Psalmis Assaphi sub Ezechia à Levitis decantatos esse 2. Paralip. 29. 30. adeoque jam collectos fuisse. Verosimiliter igitur videtur, Psalmos à privatis collectos, et successu temporis in unum Psalterium coaluisse post captivitatem Babyloniam, et hanc ab rationem unus Psalmus bis ponitur vg. 14 et 53. item 40. et 70. De Divinitate et Autoritate Psalmorum dubitandum non est ob citationes eorum tam in V. quam Novo Testamento et ob traditionem.

15.

[Proverbia Salomonis, et Ecclesiastes.]

Sicut in defectu librorum Parabolas et Sententias ingeniosas quorundam Sapientum adoptarunt Ægyptii, Indi, Arabes, et Persæ, ita Judæi Parabolas consilio prudentia refertas, tanquam bonæ vitæ probitatis et virtutis normas ab antecessoribus relictas conservabant. Inter has morum Regulas Deus Judæis subministravit Proverbia et Ecclesiasten Proverbia in binas partes dividuntur. Prima invitat ad Sapientiam. Secunda à X. capite continet sententias virtutis et scientiæ ænigmatibus vestitas more Orientis. Huic parti adnexa est appendix, cujus Author esse Agur et Lamuel traditur juxta Inscriptionem. Parabolæ istæ antiquitatis monumenta sunt, et jam sub Ezechia usque ad XXV. caput extasse debuerunt, quia predictum caput, sic incipit: *et hæc Proverbia Salomonis sunt, quæ servi Regis Juda Ezechia colleg'erunt.* Ex quo inferri posse videtur, quod Proverbia XXV. jam Collectoribus nota erant, quia Parabolas Salomonis iis adjunxerunt. Passim Salomonem Author habetur Proverbiorum, interim eo sorte sensu tantum Author erit, sicut David Psalmorum. Nam 22. 17. *Audi doctrinam Sapientum* et 24. 23, *hæc sunt Proverbia*

Sapientum, dein duplex Appendix confirmare videtur, hanc opinionem, licet Agur filius Jakesch et Lemuel Rex non supponantur veri Authores, aut veræ Personæ. Quare Salomon ut Epitomator aut Referens tantum spectari potest, non vero ut integer Libri Author.

Eodem modo Inscriptio Salomonem fecit Authorem Libri Ecclesiasticis. Sed Salomon non potest esse Scripturæ Author, quæ Chaldaismo et dialecto græco et Persicò scatet, æque ac Daniel, Esther et Nehemias. Nam non nisi post foundationem Regni Persici inter Hebræos græcus et Persicus dialectus invalere poterat ex commercio. Scopus hujus Libri est monstrare vanitatem Sæculi discipulo suo seu suo filio, propterea liber habet formam dialogi. Certe nullus Author vicissitudines et vanitatem negotiorum, speculationum et mundi illecebrarum tam succinctè, nullus tam breviter quidquid invita est stabile, verum, et remuneratione dignum descripsit, quam Ecclesiastes. Certe opus Regium et Sanctum. Pauca verba sunt, Synopsis Librorum, Periodorum, et vitæ curriculum. Et si quid in hoc Libro falsi detectum est, tunc vel formam sermonis, vel Personam loquentem non attenderunt. Interea ignorantia authoris et temporis conscripti operis nihil demit ejus Authoritati

Nam ante clausum Canonem hodierna forma jam extitit. Philo hunc Librum citat expresse, Josephus vero sub nomine 4. Librorum Moralium mentionem ejus facit. Uterque liber præterea in V. et. N. Testamento sæpe citatur, ad eque pro divino habendus juxta Traditionem.

16.

Job.

Job non est ficta Persona, nam Patria determinatur in Regione Edomitarum, vocaturque Hus, ejus nomen reperitur apud Ezechielem post *Noc* et *David* 14. 14. ejus am. recensentur in genealogia Moysis, qui omnes in *Edom* habitabant, non procul a terra Hus. quia alias *Jobi* infortunium rescire non poterant. Argumentum libri conforme est moribus Edomitarum, quorum Regio habebatur pro sede scientiæ, et Principes bibebant vinum, fluvius præcipuus Regionis Jordanis erat. Interim nemo credit facta in hoc libro ex integro esse historica. Nam amici ejus rescientes de ejus doloribus, ad consolandum eum venerunt, adeoque imperati. Et quomodo tot elaboratas Parabolas, Philosophicas rationes ex abrupto et cum tanto nexu proferre poterant? Certe nec Amici, nec *Job* hos sermones scribere poterant; Nam ejus amici non præviderunt necessitatem talis colloquii. Deus illis apparuit (1)

(1) *Job.* 38. 1. et seq.

et quomodo ex horrore conspectus Dei notare poterant ea, quæ quisque dixerat? Aut quare Job dixit: *Quis mihi det, ut scribantur sermones mei?* Nec post finitum colloquium conscribere dicta poterant, quia tanti colloquii inter se et cum Deo quoad verba recordatio retineri non poterat. Verosimilius igitur Poeta Antiquitatis veram historiam Jobi per Apologum descripsit, ostendendo, *quam temeraria res sit, scrutari causas adversitatis et prosperitatis singulorum, et de Providentia mundi morali judicare.* Deus hic more Orientalium pro tribunali sedere dicitur, sibi que à servis negotia deferri jubet: ipse non judicat, sed consulit creaturas, quas inter Sathanas erat. An hæc Deo conveniunt? Eadem die Job amittit liberos, camelos, boves et oves exco pro unico Nuntio, et omnia postea juxta numerum filiorum recipit. Habuit namque filios ante tribulationem 7 et 7000. oves, 3. filias et 3000. Camelos, adeoque juxta numerum liberorum 10,000 boves, et 10,000 asinos adeptus est. Mox additur, quod post tribulationem suam omnia in duplo, rotundo numero acquisierit! Hæc omnia videntur elaborata et ficta, et perpensa æqualitate styli, Apparitione Dei, et multitudine loquentium eundem unumque produnt Authorem.

Hunc librum adjudicant alii Moysi, alii Salomoni, sed sine fundamento. Verosimilius videtur esse Author hujus Libri Judæus, qui Idumæam et Ægyptum bene noverat, quia Scriptura continet Arabismos et descriptionem rerum, quæ tantum Ægypto conveniunt. Quod autem Judæi usque in Arabiam perrexerant, constat ex Paral. 7. 21. Videtur etiam liber scriptus tempore Patriarcharum, adeoque ante legem Moysis, quia ubique ferè 4. 5. 13. mores Patriarchales describuntur, ubi Seniores summam habebant Authoritatem, et Deus nullibi ut Rex, sed ut Pater præesse numerosæ familiæ describitur 24. 4. Interim hic liber post captivitatem Babylonicam Canonicis adnumerabatur, et à Josepho ut sacer reputatur, multis in locis N. Testamenti expresse citatur (m).

17.

Cantica Canticorum.

Non unum Carmen hoc librò continetur, sed multa, adeoque collectio Carminum seu Cantilena Cantilenarum vocatur à multis. Judæi et Xstiani Interpretes autumârunt, Salomonem suum concubitus cum Ægyptiæ Principissa decantasse, sed hanc Interpretationem, aut Intelligentiam damnavit S. Synodus Constantinopolitana, apud Theodorum Mopsu-

(m) Mat. 26. 28. 1. Cor. 5. 19.

estenum. Alii contra nullum literalem sensum, sed spirituales tantum, id est desponsationem Christi cum Ecclesia aut eum anima fidei intelligere voluerunt, ut *Theodoretus*. Quia vero et hic difficultates occurrunt, ideo Hermeneutæ conveniunt, librum ita allegorice intelligendum esse, ut literalis sensus semper præferatur. Carmina data occasione decantata sunt, et ultima ad imitationem priorum esse videntur composita, adeoque integritas aut nexus in hoc libro quaerendi non nunt. Prima pars exhibet Carmina amœna et naturaliter, jucunda. 2da mutatas seu alienas ideas, Appendix vero originaliter de Salomone quasi vivente adhuc tractat. Non sequitur tamen ex Inscriptione, quod Salomon Carminum sit Author, licet scetus ejus ætatis sint. Nam Tirza ibi describitur ut Metropolis status Israelitici, tamen historice certum est, longe post Salomonem ad hanc dignitatem eam evectam esse. Occurunt etiam voces et Syntaxes, quæ posteriorum temporum et commercii cum aliis nationibus argumentum sunt. Unde totius libri vix Author esse potest. Hoc tamen non obstante liber ille semper inter sacros numerabatur, licet in N. Testamento nullibi citetur.

Hic terminantur libri verosimiliter ab Esdra 7. — 10. collecti.

PARS

P A R S III.

De Libris Deutorocanoniciis.

IMO.

Liber Baruch.

Baruch erat filius Neri et frater Sarajæ nobili stirpe precreatus, et à Josepho ob hebraicæ linguæ peritiam laudatus. Ille Propheta Jeremias tanquam Scriba secreto usus, adeoque sortium ejus particeps fuit. Quinto anno Regni Sedeciae cum fratre suo Babylonem relegabantur ad comportanda vasa, quæ sub Jechonia Nabuchodonosor in Chaldeam asportâverat. Obtulerunt quoque Epistolam à Jeremia ad captivos, quæ lecta in Euphraten projecta fuit Jerem 50. et 51. quæ lectione ejus commoti erant, et collectâ summa, miserunt illam cum Epistola Fratribus in Palæstina verosimiliter per Baruchum. Reddita Epistola summo Sacerdoti Joachima filio Sedeciae comitabatur Jeremiam in Ægyptum, et mortuus est, ubi et quomodo ignoratur.

Liber Baruch describit iter et causam itineris. Sequitur Epistola sub Jechonia ad Judæos in Palæstina, ubi exules, fatentur sor-

tem suam esse poenam præteritorum prævaricationum. Tandem ut append x ponitur Epistola Jeremiæ, in qua inanitas Deorum Babyloniorum monstratur. Idololatriæ prohibetur, et usque ad 7mam generationem in exilio permaneri scribitur. Author hujus Libri ignoratur, et non reperiebatur in sacra Bibliotheca; S. Hieronymus eum versioni LXX adjunctum reperit. Quia tamen antiqui Patres hunc Librum mox sub nomine Jeremiæ, mox Baruchi citabant, adeoque paulatim a particularibus Conciliis, tandem ab Ecclesia Catholica inter Canonicas Scripturas fuit recensita.

2do.

Liber Tobiae.

Tobias ex tribu Nephtali cum consortibus suis advenit in captivitatem Assyriorum, et sub Salmanassar officio decimatoris functus, proselytis et advenis non pauca subsidia de suo ministravit, et apud concubilem suum Gabelum partem mercedis suæ deposuit. Post mortem Salmanassaris Regis mutata est sors Tobiae et concaptivorum ejus. Nam Sennach rib Patri suo succedens, odio in illos effervuit, morte affecit multos, et Tobiam officio privavit. Hi interim mortuos sepeliebat, et quia sine periculo vitæ eos die tumulare non poterat, abscon-

debat eos per dē, ut nocturno tempore
eos sequebaret, et nuntiis post mortem Tyrani
palam apparuit. Post opera misericordiae,
semel quiescens fortuito visu privatus fuit,
non ideo tamen contritus est contra Deum.
Dum vero Parentes et cognati ejus et uxor
irriderent eum, dicentes: *ubi est spes tua,*
ingem's ens dixit, *expedit mihi mori magis*
quam vivere. Eodem die Saræ filiae Ra-
guelis conceptuæ simile contigit infertu-
nium. Habebat illa mentes, quas Asmodæus
ante complexum suffocaverat. Cum ancillæ
illi insultarent, quod tot mentes occidisset,
hæc proposuit in corde suo sub vitæ adi-
mere. Consideratā tamen re maturus, et fusa
ad Deum cum Tobia Oratione, ad vindi-
candam suam innocentiam, Raphael Angelus
utriusque Orationem Deo obtulit, et eos
exaudire, et à calamitate liberare proponit.
Raphael enim mittitur à Deo ad Tobiam, ut
ejus filio sit Comes itineris in Ragæ ad
sublevandam pecuniam. Et ecce in via utri-
que præparatur remedium ad tollendum am-
berum infertunium. Dum enim vespere se
in Tygride lavare vellet Tobias, piscis in-
vadit illum, Angelus vero mandat ei, ut
eum tollat, et exenteret, fel jecurque sibi re-
servet, fel ut remedium contra cæcitatem je-
cur contra dæmonium. Obtemperabat Tobias,
et fumo combusti jecoris Asmodæum abegit.

duxitque Saram in uxorem. Accepta pecunia reversi sunt in Niniven et imposito felle supra oculos Patris, Tobias illi viam restituit. Dum autem de mercede danda Raphaeli deliberant pater et filius, res iust, eum Angelum esse, atque Dei solus miseriordia sanatos. Hæc est Synopsis Libri Tobiae. Nunc quaeritur, an hæc narratio vera historia sit? Concedunt, fuisse Tobiam tempore Regis Salmanassar, qui se probitate commendaverat. Negant autem, omnes hic descriptas circumstantias, vera facta esse, et non nisi admittunt Authorem Libri per similia exempla Tobiae et Simeon ostendere voluisse: *Deum exaudire preces servorum suorum*; Nam 2. 15. Tobiae concordat cum Job 2. 9. et Caput 7. 9. Tobiae cum capite Moysis Genesis 24. 33. Orationes desumptæ sunt ex Isaia 58. Amos 8. Psalmo 25. Occurunt multi Anachronysmi. Præterea improbabile est, Tobiam Authorem esse libri ut vult Calmet, quia occurrunt idæ et opiniones Judæorum, quæ consonæ non sunt ætati Salmanassar. Deinde Vulgata loquitur de Tobia, in 3tia, Græca Versio in prima Persona. Exinde nil certi, quoad Authorem et tempus inferri potest. Neque sciri potest, quâ lingua conscriptus sit Liber, quia duos textus discrepantes habemus nempe Græcum seu LXX. et Chaldaicum,

et non potest determinari, quis textus mutatus sit, an græcus juxta quem versio vulgata versa est, an chaldaicus? Interim hæc non obstant, quin liber ille ut divinus et Propheticus spectetur, et ab Ecclesia in Sacrum Canonem recenseretur, cum in Parabolis etiam divinæ veritates contineantur, licet non omnes Parabolæ partes historice probari queant.

3tio.

Liber Judith.

Postquam Nabachodonosor rex Assyriorum debellaverat Arphaxad Regem Medorum, electum est cor ejus, et statuit omnem terram subjugare Imperio: Balli dux constituitur Holofernes, cui Deorum simulacra evertere, et solum Nabuchodonosorem Deum proclamare jubet. Post multis ab eo reportatis victoriis tremor et horror invasit omnes, ut pacis nuntios mitterent omnes nationes, se sibi Regi submittentem, solis Judæis ad consilia Sacerdotis Eliachim resistentibus, vias et transitus custodientibus et defendentibus. Holofernes commotus resistentia exigui populi juravit, se deleturum Judæam, jamque obsidebat Bethuliam. Deficiente annonâ et aquâ seniores civitatis statuerunt, intra 5. dies dedituros se, et civitatem, si intra hoc tempus non superveniret auxilium.

In his rerum angustiis *Judith* filia *Merari* vidua civitatem ab obsidione, et populum ab exordio liberare tentat. Eleganti aspectu ingreditur castra Assyriorum, ductaque statim ad tabernaculum *Holofernis*, quasi propter futuram de seditionem fugitiva, adducitur, ut is propter decorem, quem illi *Domiaus* contulerat, statim captus est in oculis ejus, ut et sibi cohabitare permitteret, et de mensa sua illi dare necessaria. Sed *Judith* renuens, hanc solum gratiam postulavit, ut sibi de suo v. vere, maneque et vespere extra castra ad orandum Dominum egredi liceret. 12. 2. Quarta autem die *Holofernes* facta coena vino fatigatus jussit *Judith* introduci in tabernaculum, quæ ebrium et somno pressum pugione percussit, qui in columna ad caput lectuli pendebat, caput abscidit, et illud ancillæ suæ tradidit, ut mitteret in peram suam. Egressaque extra castra juxta morem de mane, intravit *Bethuliam*, et caput *Holofernis* publice ostendit. Quo viso electa juvenus irruit in exercitum Assyriorum, prosecutaque est fugientes in ore gladii. Reliqui in *Bethulia* ingressi castra prædam abstulerunt, et onustati sunt, clangentes tubis et ululantes. Hæc summa Libri est, et tunc queritur? an-historice vera sit? Et Respondent negando. Nam non obstante grandi discrepantia

textum Græcum inter et Chaldaicum, nullam vestigium hujus expeditionis Assyriorum sub Nabuchodonosore in Judæam, et cladis ante Bethuliam est. Etiam inter Reges Nive nullus fuit hujus Nominis. Deinde 5. 23. dicitur expresse, factam fuisse expeditionem post captivitatem Babylonica, sed tunc notorie jam extinctum fuit Assyrium Regnum. Dicitur 3. 1. *Holofernes sibi subegit omnes Regiones in majori et minore Asia, cum tamen omnes Regionis et Judæa sub domino Persarum extiterunt. Ultraque dicitur, Arphaxad Rex Medorum fundasset civitatem Eglitanam, et a Nabuchodonosore captus, cum tamen Dejoces vocatus fundator ab Herodoto scribitur. Nominatim etiam civitates ignotæ, aut saltem remotæ a loco conflictus. Tandem 14. 31. dicitur, quod dies v. toriæ quotannis à Judæis tanquam sacer colitur, cum nec antiqui, nec moderni Judæi licet antiquitatis tenaces aliquid de illa Solemnitate sciant. Patet ergo Authorem hujus Libri non historiam, sed Apologum conscribere voluisse, quo ostendat, quem acceptus sit Populus Judaicus, Deo, cui Moysis legem servandam concredidit. Quare templum, Dei proprietas, et Antecessores Judæorum, Electi vocantur. Et ut descriptio hujus privilegii penitus imprimeretur memoriæ Holofernis, enarratur ab incircum-*

ciso, qui ab Abraham usque ad Exilium ex fontibus ordine et succinctè dissertit; Quomodo prosperitas et adversitas nationis à servatione Mandatorum Dei vel eorum omissione dependet. Adeoque de poenitentia Populi et Judith, de j. junio et Oratione, de Sacrificiis juxta Legem Moysis dicitur, quò liberatio ab obsidione tanquam gratia singularis monstratur. Hæc et oratio Achioris Apologum supponat, adeoque historice et chronologice difficultates neminem jam offender debent. Quis sit Author libri, quâ lingua primarè scriptus et quando? incertum est. Videtur tamen post Captivitatem exaratus, quia Achior expresse dicit non diè captivitate reversos Juæcos (n), et Civitatem et templum in possessionem accepisse, adeoque post resurrectionem ad Templi librum prodisse, constat. Quomodo autem in Sacrum Canonem relatus fuerit, constat ex dictis.

4to.

Liber Sapientiæ.

Librum *Sapientiæ* antea *Panaretos* dictum, quia ad virtutem adhortatur, alii *Salomoni*, alii *Jesu Sirach*, alii *Philoni* adjudicant. Quidquid sit *Salomon* non potest

(n) *Judith* 5. 23.

esse Author libri, quia alius in Sacrum Canonem mox esset receptus, deinde extas primigenius est græcus. Neque *Sirach* est Author libri, licet eum ut telem Augustinus agnovit, sed suum opinionem retractavit. Neque Philonem ut Authorem probare historice possunt. Hoc tantum certum est, quod post exilium liber lucem aspexit clausa Sacra Bibliotheca, et quod Author in Ægypto degerit, et cum Philone ex eodem fonte hauserit, licet determinari non possit, quis sit Author, et quando scripsit. Liber tamen optimas continet instructiones pro Magnatibus et vulgo ad amplectendam virtutem, maxime vero probitatem. Quod autem liber Salomoni adscriptus sit, juxta morem factum est ævi, quo similia scripta celebribus viris adscribuntur. De authoritate hujus libri idem ac de cæteris Deuterocanonicis sentiendum est.

5to.

Ecclesiasticus.

Prædictus Liber antiquitus *Sapientia Salomonis*, *Proverbia*, *Sapientia Jesu filii Sirach Ecclesiasticus*, et melius vere: *Liber in catu Religioso ad prælectionem destinatus* vocabatur. Author hujus libri movet ad amplectendam scientiam, quæ in co-

gnitione et exercitio virtutis consistit, ad quod diversas præbet formas. Celebrat Deum laudibus, et conspicuos suæ nationis viros laudat. Stylus obscurior est, quam in Libro Sapientiæ. Salomoni hic liber attribui nequit, quia inter alios celebres viros Simonem Summum Sacerdotem laudat, qui aliquot sæculis post Salomonem vixit. Jesus filius Sirach autem verus ejus est Author: Nam sic habetur 58. 29. et 51. 1. Ejus nepos, qui librum in Græcum vertit sermonem, prædicto filio Sirach librum adjudicat, et illi ab antiquioribus Scriptoribus attribuitur. Circæ tempus, quo compositus est, ex Libro ipso comperimus, qui de oppressione Judæorum et violentiis queritur, sub quibus Sancta Civitas et tota natio gemebat, propterea poscit a Deo liberationem a tanta miseria et ultionem contra Persecutores. Tam tristis status Judæorum fuit ante Christi Nativitatem 176. et 134. Regnante Antiocho Epiphane in Syria, et Ptolomæo Evergete in Ægypto, qui et Phiscon dicitur. Et revera Jesus filius Sirach junior 35. anno prædicti Ptolomæi in Ægyptum migravit, ibique invenit librum, quem græce vertit. Quomodo liber ille Canonicus habitus sit, non videtur repetendum.

6to.

Duo Libri Machabæorum.

Post Captivitatem Babylonicam Judæi sub Regimine Persarum degentes, potissimum reguntur a præfectis provinciæ, qui non raro eorum eligebantur, et sub Administratione eorum duxerunt vitam sufficienter tranquillam, illis admodum opportunam ad stabiliendam tam politicam, quam Religiosam pacem et quietem. Constat enim ex supra dictis, quanti erant conatus Eudæe et Nehemiæ ceterorumque ad intra in eandem Regimini formam, fulti enim Regum Persarum et potentia erant. Cum tamen Alexander M. Persarum Regnum deleverat, et subiecit, et post amplas victorias in flore juvenutis nullo successore designato mortuus fuerat, immensum fere Regnum Alexandri cum Judæa præda Gubernatorum Provincialium evasit, quorum quisque cum damno suorum vicinorum pro viribus suam provinciam aut Regnum dilatare conabatur. Judæi ergo mox Aegypti Regibus, mox Syriæ subdebantur, sub quibus, eorum status juxta qualitatem Regum nunc tolerabilis, nunc tristis erat. Religio eorum nullam usque ad Antiochum subivit mutationem, quæ non si politicos respectus intendebant Reges, qui eos in suas

Provincias captivos abducebant. Antiochus tamen Epiphanes vel ex odio Religionis Judaicæ, vel ad instantiam quorundam Judæorum, Religionem aversantium, Moysis legem tollere et græcum cultum inducere conabatur. Sed hæc agendi ratio cæterorum Judæorum commovebat animos, et bellum Religionis excitavit, quod multos annos duravit, et cum Independentia Judæorum sub Summis Sacerdotibus Simone et Hircano terminatum fuit. Descriptio gestorum a Mathathæa ejusque filis exhibetur in 4. libris Machabæorum, Quæ tamen duo tantum Canonicis adnumerati sunt; ideo de duobus posterioribus nulla mentio fiet.

Primus liber historiam 40. annorum complectitur, ab Antiocho scilicet usque ad mortem Summi Sacerdotis Simonis, eratque hebraice scriptus, visusque est ab Origene et Hieronymo, et occurrentes hebraismi hoc ostendunt. Secundus 15. annorum historiam continet, in quo vexatio Judæorum et Sacrilegium Heliodori, et mors Nicænoris Ducis exercitus Syriæ narratur, 2. Mach. 3. 15. A principio duæ Epistolæ ponuntur, quas Judæi in Palæstina scripserunt ad fratres in Ægipto, invitantes eos ad festivitatem purgationis Templi Jerosolymitani. Sequitur dein Oratio Nehemiæ,

et notitia de Arca fœderis et Altari, quæ *Jeremias* tempore Peregrinationis Babilonicæ absconderat usque ad reditum. Duo isti libri a duobus Aauthoribus prominare videntur, quia in primo æque, ac in secundo fere oppressiones Judæorum ab *Antiocho* factæ prolixè describuntur, et non obstante identitate argumenti narrationis, diversi factes, ex quibus hauserant, innuuntur. Diversus quoque *Stylus* in utroque libro apparet, utpotè elegantior et liberior in secundo libro, quam in primo.

Quando vero libri scripti sint, non potest determinari. Hoc constat, quod ex fortibus certis hauserunt, et ad Machabæorum consilium scripti sunt. Non erant redacti in Sacrum Canonem, ut potè editi post exilium. Citabantur tamen sæpe verbis sicut dicit *Scriptura*. Et *Origenes*, *Tertullianus*, *Cyprianus*, *Ambrosius*, *Hieronymus* ex illis argumenta petierunt, quo factum, ut primò a particularibus, dein ab Æumenica Synodo Tridentina inter Sacros recenserentur.

Appendix.

De quibusdam subsidiis et regulis ad explicandum divinum Codicem inservientibus.

Ante omnia geographica Palæstinae notitia, situs, partitionis, urbium, et fluminum, necessaria est Elementarum. Qua propter ab illa ducemus exordium.

§. I.

Denominatio Palæstinae ejusque Partitio.

Palæstina Philisthæorum Regio fuit, quia hi expulsis *Chananeis* partem trans *Jordanem* *Chanaanitidis* possidebant. Subinde expulsis *Philisthæis*, Regio illa ab *Israel* occupata fuit, et terra *Israel* nuncupata. Et quia maxima et princeps tribus illam inhabitabat, *Juda* nempe, adeoque terra *Judæ* seu *Judæa* dicta fuit. Posterioribus temporibus *Terra Sancta* dicta est, quia SS. Patriarchæ, Prophetæ, Sacerdotes, et Reges, et SS. Dux et Princeps Salvator ibidem vivere, et Sanctissimæ Religionis divinæ mysteria peracta fuere.

Limites terræ hujus, Patribus promissæ, inprimis *Abrahamo*, dein *Semini* ejus, à *Nilo* *Ægypti* fluvio usque ad *Euphratem* *Gen.* 15. 18. indicati sunt. Namque versus *Meridiem* respiciebat *Ægyptum*, *Judæam*, et *Arabiam desertam*. Versus *Septentrionem*, *Phœniciam*, *Assyriam* et *Chaldæam*. Versus *Orientem*, *Regionem* *Mabitarum* et *Ammonitarum*. Versus *Occiden-*

tem, Mare Mediterraneum. Hi tamen limites sub *Davide* et *Salomone* magis extenti sunt. Dividitur in primis sorte in 12. Tribus. Sub *Salomone* autem in 12. Præfecturas. Sub *Herode* et *Romanis* in 4. Præaturas, *Judæam* nempe, *Samariam* , *Galilæam* et *Peræam* .

§. 2.

Provincia Judææ.

Judæa 4. tribus complectebatur, videlicet *Judæ* , *Simonis* , *Dan* et *Benjamin* . Respiciebat versus Ortum, *Jordanem* et mare mortuum. Versus Meridiem *Amalecitas* , *Idumæam* , *Arabiam desertam* , et *Egyptum* . Versus Occasum, *Philistæos* , et mare Mediterraneum. Versus Septentrionem, *Samariam* . Mare apud *Judæos* significat aquarum conflaxum, et sæpe paludibus et lacubus tribuitur. Mare mortuum ideo vocatur, quia propter alumen et bitumina pisces moriuntur. Apud *Joëlem* 2. — 20. dicitur mare *Orientale* , quia limitem *Judææ* orientalem effecit. Apud *Josue* 3. — 15. dicitur Mare *Planitie* , quia planus locus Occasum et Septentrionem versus contingit. A profanis Scriptoribus dicitur *Lacus Asphaltitis* propter abundantiam bituminis.

Mare istud est 18. milliaribus longum, et 15. latum.

Flumen præcipuum et maximum in Judæa est *Jordanis* mediam Palæstinam interlucens, et in Syria geminis scaturigibus oriundus, quæcum una *Jor* altera *Dan* dicitur. 2. Torrens *Schicher*, qui limes inter Judæam et Ægyptum spectatur *Josue* 13. — 3. 3. Torrens *Besor*, ubi *David* Amalecitis prædam eripuit. 1. Reg. 30. — 9. 4. *Sosek*, ubi *Dalila* habitabat, et exploratores ingentem botrum absciderunt. 5. *Kedron*, niger et tristis, in quem omnes sordes et quicquiliæ coniciebantur, et eum Servator ante passionem transivit. *Joan* 18. — 1. illabitur in mare mortuum penes *Jerusalem* transfluens.

Inter urbes Judææ sunt; 1. *Bethleem*, in monte posita, antea *Ephrata* dicta, sesqui leucâ distans a *Jerusalem* Extitit *David* et Servatori natalis. 2. *Japho* seu *Joppe* 5. milliaribus distans a *Jerusalem* cum portu maris Mediterranei, hic *Jonas* navem conscendit. 3. *Jerusalem* Metropolis Palæstinæ, montibus cincta, fontibus, hortis, et campis ornata, in tribu *Beniamin* sita. Hanc extruxisse fertur Rex *Salem* s. u. *Melchisedech* Rex et Sacerdos. Antea vocabatur *Jebus* à *Jebusæis* occupata, quorum Rex *Adonizedech* a *Josue* profligatus est.

Josue

Josue 10. — 1. Expugnata *Acræ Sion* vocata est *Jerusalem* seu visio salva, dein *Urbs Sancta*. Erat quadrata, exstructa supra 4. ex elsis montes, valde s turribus, et muris altis et portis munita. Primus mons erat *Sion* altissimus, in quo erat civitas *David*, vel *Turris David* præcæteris firma. Cant: 4. — 4. versus Austrum. 2dus mons versus Occasum, erat *Acræ*, ubi *Alex* ad *Antiocho* extracta, quæ ut nunc, *filia Sionis* dicebatur, propter distantiam ab urbe superiore *Sionis*. 3tus Mons versus Orientem *Moria* fuit, ibi erat ædificium templi magnificentissimum, et ibi *Abraham* filium suum immolaturus erat. Pont. jungebatur *Monti Sionis*. Non longè a templo erat piscina *Be-hsai-da*, in qua pecora ad sacrificia abluantur. 4tus Mons erat *Beze-tha*, supra quo *Urbs* nova condita fuit. Extra urbem erant 1. Mons *Olearum* è regione templi, juxta erat hortus *Getsemani*. 2. Vallis *Hennom* in qua erat finis *Molochi*, ubi pueri offerendi per ignem traduebantur. 2. Reg: 16. — 3. postea Vallis execrationis denominata fuit. Dum vero Rex *Josias* Sacrificulos illi iniecit 2. R g. 23. — 20. Vallis occisionis dicta fuit. Deinde in hanc vallem sordes et cadavera deportabantur, perpetuo igne consumenda, et *gehennæ* nomen accepit; *Matth: cap. 5. — 22.*

3. Mons *Golgotha*, cui adsita erat Vallis cadaverum et cinerum, a facinorosis supplicio hoc in monte affectus.

Portæ *Jerusalem* potissimum erant: 1. Porta *Sion* ex adverso vallis *Kedron*, quâ per gradus in urbem *Sion* ascendebatur. 2. Porta *Piscaria*; quâ pisces a *Joppe* inferebantur. 2. Paral: 33. — 14; 3. *Stercoraria* quâ feces, sordes in *Cedron*olvebantur, *Nehem* 2. — 13. 4. Porta fontis, penes quam ex arce *Sion* excurrentis fons Natatorium *Siloë* seu *Piscinam* effecit, ex qua Judæi festo tabernaculo um læti hauriebant aquas, et in qua cæcus se levavit et vidit, *Joan*: 9 — 7. Ponè erat Turris *Silo* quæ collapsa 18. homines conquassavit. 5. Porta *Recensionis*, in qua Seniores *Judicia* celebrabant publica, *Nehem*: 3 — 31. Post *Jerusalem* 4. civitas est *Jericho* in tribu *Beniamin*, 4. milliariibus cissita à *Jerusalem*, ob odorem fragrantem, arosis et floribus, dicta etiam civitas *Palmarum* *Deut.* 34. — 3.

§. 3.

Provincia Samarice.

Hæc nonnis: tribum *Ephraim* et mediam tribum *Manassis* continabat. Sub Regibus *Israel* peculiare Regnum constituebat, ex

10. Tribubus constat. Sub Persis, Græcis, Romanis à Prætoribus gubernabatur. Sita erat inter *Jordanem* versus *Ortum*; inter *Judæam* versus *meridiem*, inter *mare Mediterraneum* versus *Occasum*, inter *Galilæam* versus *Septentrionem*. Fluvius notissimus erat *Crith*, qui apud *Josue* 16 — 8. arundinaceus dicitur. Ubi *Elias* a corvis cibo reficiebatur. 1. Reg. 17. — 3. Mons præcipuus erat *Salmon* den à silvâ cinctus, et nivibus tectus, Psalm: 68 — 15. Urbs præcipua erat *Samaria* 11. milliaribus à *Jerusalem* in monte *Schomron* sita. Hanc civitatem destruxit *Salmanassar Assyriorum* Rex. *Hircanus* Judæorum dux eam solo æquavit. *Gabinus* Syriæ Proconsul rædificavit. *Herod* s vero *Sebasten* nuncupavit et *Augusto* tradidit. Tempore Christi non erat superstes civitas *Samariæ*, bene secta *Samaritanorum*. 2da Urbs erat *Sichem* ex urbibus *Asyli* una, 10. milliaribus à *Jerusalem* geminos inter montes dissita, in quorum uno *Grisin* seu *Benedictio*, in altero *Ebhal* seu *Maledictio* pronuntiabatur. Deut: 11 — 29. In illo *Grisim* seu *Garizim* Princeps *Samaritanorum* *Sanabalath* templum extruxit. Jean 4. — 20.

§. 4.

Galilæa.

Hæc Tetrarchia sub *Herode Antyppe* dividebatur in superiorem et inferiorem. In superiore erat Tribus *Nephtali* et *Affer*, vocatur sæpe *Galilæa gentium*, quia Pagani multi eam inhabitabant. Ad Occidentem habebat *Jordanem*, ad Orientem mare magnum et *Phœniciam*, ad meridiem *Lacum Genezareth*, et inferiorem *Galilæam*, ad Aquilonem *Syriam* et montem *Antilibanum*, qui et mons *Hermon* seu *Sichon* in Scripturis dicitur, in quo erant præstantes arbores et cetera. Fluvii notiores in superiore *Galilæa* sunt: *Lebnath* et *Ban* scaturigo *Jordanis* et *Jor*. Ad confluentem duorum horum fontium sita est urbs *Lasem*, quæ postea *Lais* tandem *Dan* dicta fuit. Hæc civitas extremum erat *Palæstinæ* munimentum versus Aquilonem, sicut *Bersabea* versus Austrum. Unde sæpe dicitur in Scriptura, à *Dan* usque *Bersabee*. Postea à Græcis *Paneos* et à *Philippo* Tetrarchis *Cæsarea Philippi*, nominata fuit. In monte prope istam civitatem Christus fuit transfiguratus.

Galilæa inferior, est terra amoena et fertilis. Christum miraculis et conversationibus celebratissima, à qua Christus, et Apo-

stoli et primi Christiani *Galilæi* vocaban-
tur. In hac terra erant tribus *Issachar* et
Zabulon. Ad ortum habebat mare Ga-
lilee, seu *Tberiadis*, quod et *Lacus Ge-
nezareth* dicitur, qui piscibus abundat, ex
quibus *Petrus, Andreas, Joannes* et *Jaco-
bus* vitam tolerabant, 12. miliaria in lon-
gum, 5. in latum occupabat. Versus Me-
ridiem respiciebat *Samaritam*. Versus occi-
dentem tribum *Asser*, et versus Aquilonem
superiorem *Galilæam*. Montes erant; 1.
Carmelus habitaculum *Eliæ* et *Elizæi*. 2.
Tabor 30. stadiis altus, cum planitie su-
perius 20. stadiorum. Erat mons ille ro-
tundus. 3. Mons *Hermon*, cui collis rore
ubere circumjectus erat. Loca memorabilia
erant. 1. *Nazareth* ubi *Christus* educatus
et *Nazaræus* vocatus fuit. 2. *Cana* patria
Simonis, ubi aqua in vinum conversa fuit.
3. *Tiberias* Metropolis *Herodis Tetrarchæ*
cum *Alexandria Rabbiorum*. 4. *Emmaus*
thermis celebris. 5. *Capharnaum* in cuius
Synagoga *Christus* plurimum docebat, non
longe a *Lacu Genezareth* sita.

§. 5.

Tetrarchia Perœa.

Provincia hæc denotabat Regionem Trans-
jordanensem, nempe terram resectam a Cha-

naanitide. Sub Romanis divisa erat in *eraam*, *Bataneam*, et *Gaulonitidem*. Erat hæ Regio antiquitus *Amerritarum*, et *Israelite* eam Regi *Sihom* eripuerunt, et tribus *Ruben* et *Gad* et dimidia *Manassis* eam inhabitabant. Versus Austrum *Moabitas*, versus Occasum, *Mare mortuum* habebat. Montes *Abarim* dicuntur *Tumuli transitorii* Num 21—11. quia erant series collium a *Galaad* usque *Jericho* includentium montem *Nebo*, in cuius vertice *Moyse*s vidit terram *Chanaan*, mortuus et sepultus est. Fluvius hujus terræ est *Arnon* ex montibus *Arabie* desertæ oriens, et labens in mare salsum: Etiam est *Galed* seu juxta Vulgatam *Galaad*; acervus *Testimonii*, *Jacobum* inter est *Labanum*, quæ terræ *Galaaditidis* nomen dedit; habet arbores gummosas et balsamicas.

Balanca erat Regnum *Basan*, ex quo *Israelite* Regem *Ogum* exturbârunt, hæc Regio habebat pingvissima et robustissima pecora. Possidebatur a dimidia tribu *Manasse*, sita erat versus Ortum ad montes *Arabie* desertæ, versus Meridiem ad *Galaad*, versus occasum ad *Gaulonitidem*, versus Boream, ad Provincias *Trachonitidis* et *Iteræam*. Urbs Regia hujus Provinciæ erat *Asteroth* ab Idolo Phœnicum *Asteroth*; In

templo hujus Dæ, Philistæi arma Saulis interfecti suspenderunt. Repræsentabant eam sub specie mulieris desinentis in piscem, Quare ad Hæbræis hæc Dea *Dagon* seu magnus Piscis vocabatur.

Galonitis Regio ab Urbe *Galon* nominata, erat urbs Asyli et Levitarum. Hæc regio vocatur *Regio Gerasenorum* trans fretum maris. *Marci* 5. 1.

Corollarium.

Ex hac descriptione planius textus Scripturæ sacræ intelliguntur, vg. *Psalm: 78—8. et descendunt a mari usque ad mare, et a flumine usque ad terminos orbis terræ.* Nempe, a mari *Iduæo* aut *Rubro*, ad mare *Philistæorum* aut *Mediterraneum*, quæ erat longitudo *Palæstinæ*, a flumine *Euphrate* ad terminos terræ *Israeliticæ*, nempe *Græcæ* seu *Insulas Gentium*. *Gen: 49. 11. Abluit vino vestimentum suum et sanguine uvarum coloratum pannum suum, rubicundior oculis, et vino, et candidior dentibus lacte.* Denotat abundantiam vini et lactis in tribu *Juda*. Item *Psalm: 42. Memor eram montium Hermon, ubi abyssus abyssum invocat ad sonum canalium tuorum,* significat decurrentes aquas, quæ jucundo murmure sibi respondebant. *Psalm: 68—16. mons Basan dicitur mons Dei seu*

Altissimus, mons coagulatus, mons pinguis, quia propter abundantiam fibant ibi optima coeque, ex lacte, caseo, butyro. Sic Isaia: *Gloria Libani data est ei, decor Carmeli et Saron* 35. felicitatem et reparationem significat, sicut vituli de Saron et arietes de Moub præstantissimi censebantur.

§. 6.

*De Ritibus moribusque Judicis, puta
Pastoris, Agrarii, Bellicis.*

1. Si noveris, Pastores diu noctuque in tentoriis, armentis invigilasse, ac vitam Non dum duxisse, facile intelliges Isaiam 38 — 12 *Generatio mea ablata est a me, quasi tentorium pastorum; et Psalm. 22 — 13. Circumdederunt me tauri pingues. validi de Basan.* Nempe, potentes et robusti viri.

2. Si scires, triplicem modum extendorum granorum fuisse apud Judæos, Bonum pedibus nempe, flagello seu ba'u ô, et tribu â seu trahâ tritura, facile intelliges Deut. 25 — 4. *Non alligabis os bovi trituranti; et Isaiæ 28 — 27. quia non tribulâ acutâ triturabitur nigella, neque rotâ plaustrî super cuminum circumagetur, sed baculo excutienda est nigella, et cuminum virgâ.*

3. *Gnaro*, quod Hebræi inter alia arma bellica habebant currus ferratos, quorum roæ binis filibus instructæ erant, duos euntos prominentibus, quibus milites vecti in hostum cuneos irruerant, cuncta cæde complentis, facile intelligitur Exodi 15 1. *Currus Pharaonis et copias ejus projecit in mare, habebat enim Pharo 600-hujusmodi currus. Salomon vero 1400.*

4. *Gnaro*, quod præter Duces exercitus Scribæ in bello erant necessarii, legendis militibus præfati, et Sacerdotes, qui tubis ante pugnam clangebant, facilis erit textus Isaïæ 33 — 18. *Animus tuus cogitabit timorem? Ubi est conscriptor? ubi perpendens, ubi recensens turres? Pipera enim habet Vulgata, ubi est literatus, ubi verba legis ponderans? ubi doctor parvulorum? Similiterque nexu et sensu reddit Vulgata Psalm: 50 — 6. *Dedisti metuentibus te significationem, ut fugiant a facie arcus. Nam ita reddi debet, Posuisti timentibus te vexillum, quod conspicuos se exhibeant coram veritate.**

5. Etiam a modo vestiendi multæ desumptæ sunt Phrasæ. Nam Psalmo 132. *Sacerdotes tui induant justitiam, et 104. Dominus decorem induit, denotat prædictos esse Deum et Sacerdotes gloriâ, Induti*

sunt campi (non arietes ovium sicut vulgata), opibus idem est, ac tecti sunt. 65. 14. In Idumæam extendam calceamentum meum, 60—10. id est Idumæam occupabo.

§. 7.

Poësis et Musica.

Judæi sub ardentissimo cœlo habitantes, vividis quoque affectibus exardebant. Non potest quidem sciri, an metrô an Rhythmô, an utroque mixtô divini. Veteres scripserunt, certum tamen est, quod eorum Poesis erat *pathetica*, et ita lepore gratus, et sententias referta, ut figura figuram exciperet, et mox Prophetæ, mox Deus, tum probus aut improbus, sæpe montes et flumina vocem emittant. Aliquando desumuntur ævo nostro absurdæ similitudines ab aquilis, gregibus, cedris, Cant 4 — 2. *Dentes tui sicut grex ablutarum, quæ ascendunt de lavacro, quæ omnes gemelliparæ, nec abortum passa est inter eas* hoc est: Dentes tui sunt candidi, æquales, non interrupto ordine integri. Nihil est in Psalmis et Canticis prætermissum, quod in profana Poesi molles spirat amores, hoc tantum discrimine, quod profani Poetæ ad turpes amores incitent, Sancti vero castos inculcent.

Musica apud Hæbræos videtur esse simplex, et numerosissima, ita tamen, ut non numerus musicorum, sed verba et toni harmoniam conficerent, ac animi sensibus responderent. Nam *Saul* ad sonum instrumentorum alium virum induit, et *Prophe-*
tis adnumeratus fuit. *Moabitæ, Amonitæ* ad musicorum concentum pavore perculsi sunt, et multis vulneribus a se confossi. 2. Paral. 20—21. A *Davide* erant instituti 4000. Cantores. His præerant *Asaph, Hemman* et *Jedethun*, qui omnes simul habebant filios 24. quorum quisque classibus musicorum præfectus erat. Eorum instrumenta erant. I. *Fidicularia* veluti *Nabhum* instar lagenæ a *Salomone* fabricatum. 2. *Decachordum* ex 10. fidibus instar *Cytharæ* nostræ. 3. *Trechordum* ex 3. fidibus. 4. *Scheminith* aliis octava respondens, quale hodie viola. Male *Calmet* intelligit Syam classem musicorum. 1: Paral. 15—21. 5. *Sambuca* habet fides plexas et implicatas. II. *Pneumatica* seu *Flatilia* ut *Tuba* a sono fracto, 2. *Buccina* a cornu dicta, 3. *Cornu* speciatim, quo annus *Jubilæi* indicabatur: 4. *Nehila* habebat tibiae intus apertas et perforatas. 5. *Organum* tibiis continenter junctis constabat. 6. *Sumponia* erat tibia obliqua, III. *Pulsatilia* I. *Tympanum*, quod minus nostratibus manibus et virgulis æneis

pulsebatur. 2. *Cymbalum* seu *Tintinabula* a continuo tinnitu 3. *Sistra* quâ homines ad saltandum agitantur fridulo sono ut S. Hieronymus ait.

§. 8.

*Stathmica seu de Mensura, Pondere,
et Moneta Hæbræorum.*

Mensura longitudinis erat digitus transversus, adæquans 6. continua hordei grana. 2. *Palmus* continebat 4. digitos. 3. *Spithama* expansioni manûs à pollice ad digitum minorem æquabat, seu 3. *Palmos*. 4. *Cubitus* sex *Palmos* seu spatium a cubito ad extremitatem digiti medi habebat. Sic *Spondæa Regis Basan*, quæ Deut. 3—11. dicitur habere 9. cubitos longitudinis, nostris mensuræ æquat ductæque 13½. pedum. Sic *Goliath* 1. Reg. 17 — 4. 9 tantum pedes altitudinis et 1. *spithamum* nostrum habuit, licet 6. cubitos et palmum habuisse legatur. 5. *Pes* 15. pollices nostros. *Stadium* 400. cubitos. *Iter Sabathi* 2009. cubitos seu 4. partem leucæ germanicæ exhibebat. Mensura cava liquidorum erat 1. *quadrans* logi seu sesquiovum. 2. *Logus* sextarius seu 6. ova capiens. 3. *Hin* continens 12. *logos*, seu 72 ova, vel 3. amphoras. 4. *Cadus* 6. *Hin* seu 18. Amphoras. 5. *Corus*

10. Bathos seu Cadus continebat vel 180. amphoras.

Mensuræ cavæ aridorum erant 1. Cubus 24. ova. 2. Omer $43\frac{1}{5}$ ova 3. Satum 6. Cabos seu 1. et dimidium modium aut 144 ova continebat. 4. Ephathia sata seu 432. ova continebat. 5. Letech sanni Corum seu 5. Ephas complectebatur. 6. Homer seu Corus mensura maxima, 10. Ephas seu 30. Sata aut seas continebat.

Notandum quotiescunque in vulgata occurrit *Metreta*, *Cadus*, *Congium*, ea intelligenda sunt de Batho aut Ephathia.

Moneta primo appendebatur, unde *Schekel* seu *Sicus* dicebatur. Postea signata numerabatur: *R* presentabatur autem in illa primitus agnus aut ovis, quia pro pecoribus numerabatur, unde nomenclatura pecuniæ derivatur, moneta vero erat *Argentea* et *Aurea*.

Inter argenteam erat 1. Gera seu obolus, erat 20. pars *Sicli*, quæ æquabat 3. crucigeros Germanicos, quia *Siclus argenteus* 20. geras continebat. Num 18. — 16. 2. *Rebha* quinta pars *Sicli* seu 5. grossos noffres. 3. *Bela* *Siclis* cum, qui quotannis in Sacros usus Exodi 30—13. pendere, et censûs loco Romanis Math: 22 — 17. debebant, f. e. t. 10. grossos noffrit s. 4. *Siclus argenteus* 4. drachmas Romanas seu Denarios continebat, æquat florenum Rhenum.

Ergo 30. Siclis seu nummis Rhenanis Christus a Juda venditus est. In Siclis Samaritanis litteris inscriptio erat ex una parte *Jerusalem Sancta*, in altera *Vas munnâ* refer-tum, *Ara Thymiamatum*, *Virga Aaronis* exprimebatur. 5. Mina seu Mna 60. Siclos continebat. 6. Talentum 50. minas seu 3000. Siclos æquabat.

Inter auream monetam erat 1. *Siclus* valens 2. drachmas auri Romani. 2. *Mina* aurea, 60. Siclos aureos æqua s. 3. *Talentum* 100. minas seu 6000 si les aureos. 4. *Darici* nummi sui *Dario Medo* cus, idem pondus cum Siclis aureis, nempe duas drachmas habebant.

Ponderum eadem est ratio, ac monetæ. Nam Judæis *Siclus*, græcis *Stater*, erat pondus semiuncie seu 4. drachmas, *Mina* appendebat 60. semiuncias.

§. 9.

Canones seu Regulæ Generales explicandæ Sacræ Scripturæ.

1. Tropus ac speciatim *Allegoria* non est fingenda, ubi non est, ut Cabbalistæ faciunt.

2. Oratio tropica, non est ad literam accipienda vg. Gen: 49—14. *Jssachar* asinus robustus.

3. Quilibet textus sensum literalem solummodo unicum habet.

4. Sensus literalis non aliunde, quam ex ipso textu per legitima subsidia *Hermeneuticæ* est erandus.

5. Parabola, seu Apologus distingvendus est accuratè ab historia.

6. Multa in codice Hæbræo extant ex usu Vulgi desumpta adagia, vg. *erat validus venator, sicut Nemrød ante Deum.*

7. Spiritus S. in suis oraculis se accommodavit suo instrumento, unde orta est varietas Styli.

8. In explanatione textûs attendendum ad antecedentia, comitantia, et consequentia, Scribentis Personam, locum, tempus, scopum, occasionem, argumentum, subjectum.

9. Nulla explicatio admittenda, cui aliquid ex adjunctis repugnat.

10. Enuntiationes optantis et imperantis, à disertè affirmantibus et negantibus distinguendæ sunt.

11. Tale est subjectum, quale admittitur a suo attributo, et vicissim; vg. *omne jumentum, omne repens, intrarunt in arcam Gen: 7—14.* intellige juxta genus suum.

12. Dictio Categorematica, sæpe syncategorematicè sumitur, vg. homo pro quivis.

13. Propositiones hypotheticæ ab absolutis secernendæ sunt.

14. Hypothetica propositio conditione impossibili constans tantum valet, ac simplex negans, vg. Gen: 13—16. Quod si poterit quis terræ pulverem dinumerare, etiam semen tuum dinumerare poterit.

15. *Antilogiæ* dijudicandæ sunt juxta veræ oppositionis leges, an referantur eidem? secundum rem? et eodem tempore? vg. Gen. 17. — 11. de fœdere circumcisionis, ad vetus Testamentum. Jerem 30. — 31. de fœdere inter domum Juda et Israel ad novum Testamentum referenda sunt.

CURSUS SECUNDUS

A U T

S E C T I O II.

De Libris novi Testamenti.

P A R S IV.

§. I.

*Qualitas Linguae Novi Testamenti
et Stylus.*

EXCEPTO Evangelio S. Mathæi, et forte
Epistolâ S. Pauli ad Hebræos, novum Te-
stamentum juxta constantem et unanimem
eruditorum sententiam græce scriptum est.
Apostoli quidem et Evangelistæ nati erant
Judæi, plerique tamen è Galilæa oriundi,
ubi promiscuè cum Græcis habitantes, græ-
cam linguam addiscere petuerunt. Non vi-
detur igitur linguæ græcæ peritia repetenda
a miraculo Apostolis die Pentecostes con-
cessô, quia non potest probari, donum lin-
guarum illis perpetuô adfuisse, imò con-
trarium videtur ex Actibus Apostolorum (o).

(o) 14—10.

Etiam Evangelium S. Marci et Epistola S. Pauli in gratiam Romanorum non latinè, sed græce scripta sunt. Nam S. Paulus civis Tarsensis latinam linguam usu discere non potuit, quia ne unam quidem Italiæ Provinciam peragravit. Deinde exjudæi ad quos præfatam Evangelium et Epistola scripta sunt, græcam tantum non latinam linguam calluerant, quia commercii causâ tantam Romam commigrarunt. Paulus igitur et Marcus eo magis græcè debuerant Romanis scribere, quo rarior usus latini idiomatis erat apud ipsos, teste *Juvenali Satyra 6ta: Omnia græce, cum sit turpe magis nostris nescire latine.*

Evangelium tamen S. Mathæi hebraice aut potius Syro-chaldaice scriptum testantur *Irenæus, Origenes et Hieronymus*, qui illud vidit, et in latinum idioma transtulit. Hæc tamen Versio et Archetypus ð periit, et Hebræus textus S. Mathæi cum Versione latina Basileæ editus 1557. non est originarius, sed rabinicus. Quod spectat Epistolam S. Pauli ad Hebræos, licet pro et contra græcam editionem hinc et inde gravia proferantur momenta, videtur tamen certius juxta *Clementem Alexand: Eusebium, Hieronymum* propter styli varietatem ab Hebræo hebraice scriptam esse ad Hebræos, non Hellenistas seu Græcizantes.

Stylus, quò Scriptores novi Testamenti scripserunt *Origene* teste, non ex præceptis grammaticorum, aut rhetorum, sed ad capacitatem plebis accommodatus, erat inculsus, quia Judæi a studio linguæ græcæ tanquam a re profana et improbâ abhorrebant (q). Interim pro ratione illorum temporum occurrunt in N. T. Syriasmî Mat: 16—29. *non gustabunt mortem*; Arabismî Mat: 12. 36. *otiosa* pro mendacibus posita sunt. Latinismî Mat: 25 — 16. *talentum*, quia Græcia et totus Oriens Romani juris facti erant.

§. 2.

De Autographis Apographis.

Autographa librorum N. T. in Ecclesiis Apostolorum injuriâ temporum non socordiâ Ecclesiarum perière. Interim fida supersunt Apographa, quorum *Michaelis* recenset 283. de quibus hæc notanda sunt.

I. Nullum codicem antiquiorem esse Sæculo VI. aut ad summum V. et hi antiquissimi codices membranacei sunt, majoribus, simplicibus, inornatis literis scripti, dum contra posteriores Sæculo IX. chartacei et ornatis literis scripti sint.

F 2

(q) *Joseph Archaeologia* 20.

2. In vetustissimis codicibus prima et ultima tantum, interdum et media litera pro integra voce ponitur.

3. Inter antiquissimos codices numeratur *Vaticanus* numero 129. signatus, sed ex *Itala Versione* interpolatus fertur, *Parisiensis* cujus literæ spongiâ deletæ difficile leuata, *Cartabrigiensis* græce olatinus, qui tantum Evangelia et Actus Apostolorum continet. Quoniam igitur juxta varietatem codicum variantes Editiones et lectiones N. T. tum ex incuria descriptorum, tum eorum ingenio ac studio adornatæ sunt, idcirco ad eruendum genuinum textum ex variantibus codicibus sequentes traduntur Regulæ.

1. *Authoritas versionis* non raro cedere debet *authoritati codicis*, si illa non hic corrupta probetur. Quare nemo ex latina versione græcum textum corrigere potest, sed græcus non corruptus, latinum corruptum corrigit.

2. Inter duas variantes lectiones, quarum altera apparentem difficultatem, altera vero facilem textum habet, prior posteriori præferenda est, quia non est verosimile, descriptorem mutasse facilem sensum in absurdum, sic licet 1. Cor 15—51. vulgatus habeat *omnes quidem resurgemus*, legendum ex græco *omnes quidem non dormiemus*, et

concordat cum 1. Thes. 4 — 17. qui relinquitur.

3. Lectiones Patrum non sunt præferendæ lectionibus codicum, quia non raro memoriter citarunt, et neglectis verbis sententiam tantum spectarunt, ut ait Hier: *Distinguenda sunt loca, ubi quis docet, ab iis in quibus quis disputat, quia loca ubi disputamus, non stringunt.*

4. Lectiones græcorum Patrum præponderant latinis, quia hi versionem tantum, illi textum originarium citant.

§. 3.

De Versionibus.

Prima et antiquissima Versio est Syriaca, licet ab Apostolo aut viro apostolico concinnata non sit. Desideratur in illa 2da Petri, 2. et 3tia Joannis, necnon Judæ, et Apocalypsis S. Joannis, fortè ideo, quia nondum erant in Canonem relatæ. Melito 170 Annò narrat. Vetus Testamentum in Syria vernaculâ linguâ lectum fuisse. Edita est hæc Versio in Europa prima vice Vindobonæ 1555. majoremque usum criticum habet, quam aliæ ex græco factæ versiones.

Arabicæ versiones novi Testamenti ex græco Syriaco aut coptico factæ sunt, sunt-

que omnes. *Mahomede* juniores. Criticum usum non habent istæ versiones, nisi fortè ex græco, prout illa orthodoxorum Melchitarum, qui in sacris publicis græcâ linguâ utuntur. Optima habetur arabica Editio, quæ in una columna copticam, in altera arabicam habet versionem, et Lugduni Batavorum 1616. prodiit.

Gothica Versio ex græco ab *Uphila Gothorum* Episcopo Ariano Sæculo IV. facta est. Codex hujus Versionis ar. enteis literis in membrana violacei coloris scriptus 1648 inventus, Dordraci a Francisco Junio 1665. editus fuit.

Ægyptiaca aut *Coptica Versio* æqui pollentes sunt voces, solâ tantum pronuntiatione distinctæ, quia idioma ægyptiacum ex græco et antiquo ægyptiaco conflatum est, et hodie in sacris publicis adhibetur, licet illud hodierni Ægyptii non intelligant. Videtur hæc Versio Sæculo V. non esse antiquior, edita est 1716. a Wilkinsio Borusso Oxonii.

Latinae Versiones tres præcipuæ membrantur, I. *Itala* quæ etiam communis vocabatur, qua de in *Hermeneutica* V. T. dictum est, quando et quomodo adornata. Quia verò præfata Versio operâ descriptorum vitiosior evasit, ideo Hieronymus hortatu Damasi Papæ emendationem ejus suscepit. Ex hac Hieronymi ex Italica seu

comuni Versione coaluit illa, quam nunc *Vulgatam* appellamus, licet non constet, utrum totum novum Testamentum verterit, an tantum emendaverit. In veteri Testamento nihil de Versione Hieronymi reperiri dictum est supra. Editiones hujus *Vulgatæ* ad veterimos libros correctæ, sunt *Stephaniani* 1540. Clara deinde est editio *Sixtina* 1590 quæ vix lucem aspexit, moxque suppressa nequè recusa fuit. Excepit illam 1592. *Clementina*, quæ proprie vulgatum textum continet. Hæc discordia Summorum Pontificum occasio fuit editi libri *Concordiæ discors, Sixti V. et Clementis VIII.* Londini 1600 Nemo ergo quærat Versionem Hieronymi in *Vulgata*, quia hanc duodecissim *Benedictini Mariæ* et *Pougeitus* a se editi pressi sunt sub titulo *Eusebii Hieronymi divina Bibliotheca*, hactenus inedita, *Parisiis* 1693.

Polonica Versio ex vulgato textu a Jacobo Wuyek Societatis Jesu Theologo hebrææ et græcæ lingue gnaro 1599. facta. *Cracoviæ* impressa fuit. Habet hæc Versio optimas notas ad marginem vel post quodvis caput, ad illustrandum textum appositas, fuitque a Primate Regni *Karnkowscio* approbata. Hæc igitur est unica Versio, quæ reprobatis cæteris ab heræticis editis, etiam

cum scitu Apostolicæ sedis in Polonia suscepta est.

§. 4.

De Tropis seu impropria locutione.

Au tã rerum copiã Tropi excogitati sunt. Maximè v rò dum de Deo, anima et rebus incorporeis loquimur, vocabula a rebus sensibilibus sumere cogimur. Nam quando verba id significant, ad quod significandum inventa sunt, tunc habetur sensus proprius et literalis. Dum verò propter similitudinem aut connexionem ad aliud transferuntur, tunc sensus habetur improprius aut tropicus.

Tropus a similitudine vocatur *Metaphora*. Sic Mat. 16—18 habetur metaphora ab architectura. Act. 26—14. a bobus arantibus, qui in stimulum recalcitrantes se pungunt. Petri 2—9. calamitates igni et incendio comparantur. Mat 24—29 status peccatoris somno aut morti, conversio, ejus novæ vitæ, Regnum cœlorum convivio, infernus igni et tenebris comparatur.

Quando externæ rerum conjunctiones per integram sententiam continuantur, tunc est continua metaphora seu *Allegoria*, vg. Mat. 15—13. plantatio Phariseorum quam Pater non plantavit. Rom. 11—19. ramus insertus olivæ.

Synecdoche est, dum ob conjunctionem rerum internam verba ab una re ad aliam transse untur, quod fit 1mo, cum totum pro parte sumitur Lucæ 2 — 2. descriptio unius mundi orbis à pæside Syriæ; 2do pars pro toto Mat 12. — 40. *filius hominis* tribus diebus non integris fuit in corde terræ; Lucæ 18 — 11. *Sabbatum* pro hebdomada; Ephes 6 — 12. *caro et sanguis* pro toto homine ponitur. 3tio genus pro specie Mat. 6 — 26. *volatilia aliqua* non colligunt. 4to. *species* pro genere Jacobi 1 — 27. *visitare pupillos et viduas*, indigentes intellige.

Metonymia quando ex conjunctis unum ponitur pro alio ut, causa pro effectu 1. Ths 5 — 19, *Spiritum* nempe ejus *non* nolite extinguere. *Effectus* pro causa Jacobi 1 — 3. *patientia* vocatur *probatio fidei*. *Subjectum* pro adjuncto Ephes 4. — 24. *non* hominis substantia sed ejus qualitates corruptæ sunt. *Adjunctum* pro re ipsa Act: 27. — 9. *jejunium* pro maximo Septembris jejunio Judæorum sumitur, quod jam præterit. *Abstractum* pro concreto Gal 2 — 12 cum venissent Judæi subtrahebat se. *Continens* pro contento Joan 3 — 2 *Potestatem* dedit Pater Filio *judicium facere*. *Signum* pro re signata Philip. 2 — 10 *genu flectere* pro adorare ponitur.

Ironia est, dum vox contraria ponitur illi, quæ intelligi debet *Marei* 7—9. *Bene irritum fecistis mandatum Dei propter traditiones vestras.* Quando vero *Ironia* est amarulenta, tunc vocatur *Sarcasmus* *Marei* 15.—29. *Vah qui destruis templum Dei.* Durior Tropus vocatur *Catachresis*, *Joan* 5 13. *Cæcus nesciebat, quis esset Jesus, Jacobi* 5—3. *aurum æruginavit.*

§. 5.

Regulæ secernendi sensum proprium a tropico.

1. A literali sensu tunc tantum recedendum est, dum continet aliquid absurdi, quia *Revelatio* non potest cum ratione pugnare, *vg. Mat.* 18. — 8. *Si pes tuus scandalizat te, abscinde eum.*

2. *Prophetiæ* poeticè et inpropriè accipiendæ sunt, sic *interitus reipublicæ judaicæ de ultimo judicio explanandus est.*

3. Quando subjectum et prædicatum heterogenea sunt, tunc impropria non literalis est significatio, *Joan* 3. — 8. *vento voluntas*, *1. Cor* 13—12. *Deo facies tribuitur inpropriè.*

4. In dogmaticis, factis historicis propria significatio retinenda est. Sic licet ver-

bum est idem sit sæpe ac significat, propriè tamen accipiendum est, ubi de Eucharistia agitur.

5. Ad dignoscendum proprium et improprium sensum loca similia conferri debent, vg. Heb 9. 20. sanguis propriè sumitur, ergo et M^o. 26—28.

6. Epitheta aliquando propriè aliquando impropriè sumenda sunt, sic Joan 3.—18. Christus propriè vocatur filius Dei. Christiani autem impropriè per fidem Gal: 3.—26.

7. Sacri Scriptores tropicis vocibus proprias tropicas explicandi causâ subjungant, vg. Coloss 2—7. ambulate in Christo radicati et superædificati.

8. Sensus proprius sive improprius semper est tantum unus, quia alias quodlibet ex quovis textu exsculpi potest.

9. Aliquando tamen Sacri Scriptores per accommodationem textum diversimode intelligunt. Sic Isaïæ 53.—4. ipse infirmitates nostras accepit, S. Mathæus de corporalibus ægrotationibus, S. Petrus vero 2.—24. de morbis animi intelligit et explanat.

De Symbolis et Allegoriis.

Per symbolum non verba, sed res intelligenda est, quia res prefigurans typus vocatur Rom 5—15. Adam fuit symbolum aut typus Christi, præfigurata verò res antitypus dicitur 1. Petr 3 — 21. Baptisma erat antitypus circumcisionis. Typus tamen aliquando contrariò sensu sumitur Hebr 9—24. ubi tabernaculum manufactum verò exemplari nempe cœlo comparari non posse dicitur. Dari typos et symbola futurorum auctoritate Pauli ad Hebr 9. — 8 et ipsius Christi verbis Lucæ 24—44. comprobatur. *Neceſſe ait, impleri omnia, quæ scripta sunt in Lege Moysis, Prophetis et Psalmis de me.* Hæc verò non nisi de symbolis et typis veluti de agno paschali Joan 19 — 36. de serpente exaltato Joan 3 — 4. de Jona in ventre ceti Mat. 12 — 40. quæ seriem vitæ et mortis Christi exhibebant, intelligenda sunt, quia admodum pauca sunt in Pentateucho, quæ sensu literalī Messiae aptantur.

Interea vix excusantur quidam ex SS. PP. qui absque causa contortas Allegorias fingunt, vg. Myſterium Trinitatis ex numero 72. discipulorum explicare volentes. *Sicut 24. horis ait quidam totus orbis pe-*

ragitur, ita mysterium Trinitatis 72. discipulis intimatur, nam 24. ter in 72. ponimus. Et S. Gregorius assignat causam, cur Regnum cœlorum decem virginibus comparatur, ait. *In quinque corporis sensibus unusquisque subsistit, geminatus autem quinarium denarium perficit. Et quia ex utroque sexu fidelium multitudo colligitur, Ecclesia decem virginibus similis esse denuntiatur.* Mitius tamen de S. Hieronymo sentiendum est, qui inscitiam et sensûs literalis difficultatem, fatetur esse matrem Allego-
 riarum, veniamque precatur in Pæfatione ad *Abdiam*, quod juvenis adhuc allegorice interpretatus sit *Abdiam*, cujus historiam ignorabat. Aggregatio enim Typorum et Allego-
 riarum ansam dedit *Woolstano*, detorquendi miracula Christi ad allegorias Origene duce, et *Thomæ Bunetio* in *Archæologia Philosophica* explicandi Genesim mysticè non ad literam. A nostris Theologis sensus mysticus dividitur in allegoricum, qui docet quid credendum; tropologicum, qui aliquod agendum innuit; anagogicum qui quod sperandum sit insinuat, sed nescio, qua de causâ, quo fine, quò successu? Deprehenditur quidem istæc divisio in scriptis SS. PP. Sæculi II. applicatio tamen sensûs literalis ad res credendas,

sperandas, agendas cum ipso sensu tot distinctionibus confunditur, adeoque videtur sufficere duplex Scripturæ sacræ sensus, *mysticus* et *literalis*, sive fidem aut spem, vel etiam charitatem spectet,

§. 7.

Regulæ conciliandi apparentes contradictiones.

1. Si discordia inter verba intercedit, hæc librariis, translatoribus, aut ipsis Authoribus magnam illorum rationem non ponderantibus est adscribenda. Sic Psalm 15 non *resurgent impii in iudicio*, pugnare videtur cum 2. Cor 5 — 10. *omnes nos manifestari oportet ante tribunal Christi*. Sed tollitur discordia, si loco *resurgent* ponis *non attollent caput*.

2. Diversitas non est contradictio. Sic S. Mathæus narrans unum colloquium Christi cum suis discipulis post Resurrectionem non contradicit S. Joanni plura narranti. Esset verò contradictio, si S. Mathæus unum tantum colloquium habitum fuisse a Christo scriberet. Eodem modo componitur S. Mathæus, qui discipulos, cum S. Joanne qui unum ex discipulis indignatum fuisse de perditione unguenti scribit.

3. Apparens contradictio tollitur, si scriptura ex aliis locis notis suppletur. Vg. Joan 6—54. *qui manducat meam carnem, habet vitam æternam digne*; item 1. Cor 1. 17. Negat S. Paulus se ad baptisandum missum, nempe primario.

4. Si unus locus literaliter, alter tropicè intelligitur, tunc evanescit contradictio. S. Joannes 4.—24 dicens *Deus spiritus est*, non contradicit S. Lucae 1.—51. *fecit potentiam in brachio suo*, quia hic tropicè, ille vero propriè de Deo loquitur.

5. Canonici Scriptores non semper suam, sed aliorum sententiam expresserunt, vg. Mat. 4—24. sic S. Hieronymus explicat, *Non verè erant lunatici, sed putabantur ob dæmonum fallaciam*. Eodem modo explana 1. Cor 1. — 25. *quod stultum est Dei, sapientius est hominibus*.

6. Ad tollendam ambiguitatem attendendus est usus loquendi. Si vg. Christus ignorat diem judicii Marci 13—32 spectatur ut legatus, qui a Patre hoc in mandatis non habuit. Sic etiam odisse significat minus diligere Patrem et matrem Lucae 14—26.

7. Res diversæ non pro iisdem habendæ sunt, sic Mat. 15—32. aliud miraculum de saturatione hominum describitur,

quam Joan 6 9. Et S. Math: 26, 15. de numeratione pecuniæ, et Marci 14—11. de pactione intelligendus est.

8. Discrepantia quoad Genealogiam Christi inter S. Mathæum et Lucam conciliatur, si Jacob naturalis, Heli vero legalis Joseph Pater intelligatur.

9. Propter varietatem circumstantiæ, non est multiplicanda historia. Joan 12—3. Magdalena pedes Jesu unxit. Mat. 26. 7. caput unxit. Fuit una eademque unctio.

10. Distingue tempora ait *Augustinus*, et concordabit scriptura. Joan 11—2. Christus in convivio unctus fuit a Maria sorore Lazari, quæ juxta Lucæ 7—37. peccatrix, Lucæ 10—39. pietatis nomine laudatur, non inde sequitur diversas, sed unam eandemque diversis temporibus feminam fuisse. Vide *Calmet disert de 3. Mariis*.

11. Ad evitandam discrepantiam sacrorum Scriptorum quædam præcepta ad tempus tantum data amittenda sunt, vg. Mat. 10—5. *In viam gentium ne abieritis, intrantes dicite, Pax huic domui* Luc: 10 4. *Neminem per viam salutaveritis* I. Cor 11—14. *decet mulierem non velatam orare?*

12 Si duo textus non possunt conciliari, alteruter corruptus est. Sic ex Alexandrina Versione à quodam sciolo in Evaneglium S. Lucæ 3 — 36 post *Arphaxad Cainan* intrusus est, quia apud *Josephum*, *Philonem*, in hebraicis et chaldaicis Bibliis *Cainan* omit- titur, et *Genesis* 10 et 11 post *Arphaxad* immediate sequitur *Sale*, non *Cainan*.

§. 8

*De conciliandis profanis Scriptoribus cum
sacris et eorum usu*

Non sunt contemnendi profani Scriptores, sacris non concordantes, dicendo vg. quid valet *Josephus*, *Philo* ad inspiratos sacros Antho- res? Hoc foret nodum potius secare, quam solvere. Exemplum desumatur à S. Luca narrante 2 — 2 Christum natum tempore census acti a *Quirinio Syriae Præside*. *Jo- sephus* vero in *Archæologiæ* libro 18 cap. 1 narrat, *Publium Sulpicium Quirinum Syriae præfuisse Archelao in exilium pulso*. Sed dissensus tollitur, si juxta græcum legatur hæc descriptio prius facta est, quam esset *Quirinius Præses Syriae*: Nam census *Quiri- nii* propter excitatos tumultus scribente *Lu- ca* in recenti erat memoria.

Si quis objiceret, nullum esse apud pro- fanos Scriptores vestigium census universa-

lis, tunc respondendum, per orbem in græco non semper totum mundum, sed aliquando Provinciam, aut Imperium Romanum intelligendum esse, vg Act 11 — 28 f. m. s. ab Agabo prædicta in universo orbe sub Claudio

Neque obstat, quod *Iosephus* de infanticidio nihil refert, quia potuit hoc occultum factum ignorare, cum juxta computum *Michaelis*, in Bthleem et omnibus finibus ejus v. x. 20 occisi sint.

Tantum ab st, ut prof. n. S.riptores sp. rnantur, ut pot. us ad int.elligendum be.æ divinum textum legantur. Quis enim intelliget parabolam Lu. æ 19 — 12 de homine regnum sibi acquirere volente, si n. s. iat ex *Cicerone* Romanos populos Reges dedisse (r)? quis scit, calceos esse arma quibus S. Paulus instructum esse vult Christianum Ephes 6. — 15. nisi ex *Thucidide* (s) quis plura unius nav. sgubernacula int.elligeret Act 27 — 40, nisi ex *Aeliano*? (t) quis Hebr. 9 — 20 sanguinis testamentum int.elliget, nisi ex *Iliade* resciat, priscum orbem foedera morte animalium aut effuso sanguine consecrasset (w)? Imo ex *Mythologiæ* no. pauca loca sacræ scripturæ lucem accipiunt. sic Act 16 16 *Ancilla habens spiritum Pythonis*, signi-

(r) *Epist.* 15 (s) *lib.* 2 *cap.* 22 (t) *lib.* 9 *cap.* 4 (w) *versu* 301.

sicat spiritu Apollinis afflatam, quia Python est epitheton Apollinis, qui petentibus responsa dabat: Item: 28.— II. occurrit *Castor et Pollux* et cætera hujusmodi.

§. 9.

De Collatione antecedentium et consequentium.

Theologi et Concionatores non raro ex sacra Scriptura versus vellunt, et ad qualemcunque eum dogmatibus suis connexionem arripiunt, ut nulla tam improba hypothesis sit, quæ raptis ex scriptura verbis comprobari non possit. Sic quidam ex S. Paulo ad Titum 3—10 hæreticum hominem devota intulit, hæreticum supplicio capitis tollendum esse; et Rom 1—8 iuxta contextu Romanam Ecclesiam cæterarum matrem esse; ex textu Mat 25—8 *date nobis de oleo vestro*, colligit abundantiam meritorum SS. non respicientes sequentem versum sibi contrarium esse, ne forte non sufficiat nobis et vobis. Antecedentia igitur cum consequentibus confrenda sunt, v.g. ad Heb 10—36 *Voluntarie peccantibus non relinquitur pro peccato hostia*. Hic textus non de quovis peccato, sed de Apostasia a fide intelligendus est, quia unicum pro peccato sacrificium respuit, confer cap 6—4 et 6. Item 2 Cor: 3—5 *non sumus sufficientes cogitare ali-*

quid a nobis, quasi ex nobis, non de gratia omnibus ad salutem necessaria intelligendum, sed de gratia ad benè obeundum munus Apostolatus, sicut sequens versus 6lus innuit, qui idoneos nos fecit ministros novi Testamenti: Rom 9—18 reiectio Iudæorum videtur enarrata sine causa, cap 10—3 causa tamen ostenditur.

Noscat Hermeneuta in refractionibus seu reciprocationibus unam vocem aliter ac aliter sumi debere; vg. Mat 8—22. Sine mortuos sepelire mortuos suos; et 2 Cor. 5—21 eum, qui non novit peccatum, pro nobis peccatum fecit. Neque patiatur sibi divisione et distinctione capitum et versuum legem imponi, quia sæpe ineptissima est, cum cohærentia divulsa, et conjuncta secta sint.

§. 10.

De Emphasibus et Paralielismo.

Per emphasim non intelliguntur voces significantes rem sublimem, quia Deus Rex Sol emphasim seu rem magnam continerent, neque tropica locutio est emphasis, vg. flagrare cupiditate seu ardentè velle, neque quando ad augendam significationem adduntur adjectiva aut cognata sicut Heb: 6—14 benedicens benedicam, sed intelligitur auctarium quoddam, quod ad ordinariam vocis significa-

tionem additur, vel ex affectu dicentis, ut Rom 1—8 ubi communem omnium Deum, suum Deum nominat, vel ex gravitate rerum Lucæ 4—22. ubi de admiratione in verbis gratiæ, quæ procedebant de ore Jesu. Hujusmodi emphasis vocatur temporaria. Dum verò verbum a consuetudine maiorem accipit significationem, quam per se habet, tunc emphasis constans dicitur, ut Apoca. 1—4 ab eo qui est. Aliqui addunt emphasim realem, ut Gene. 1—3 fiat lux.

Parallelismus est, dum locus obscurus ex clariore, dubius ex certo, scriptura ex scriptura non ex Theologia illustratur. Si Theologis libuisset Parallelismo uti, non essent delapsi ad ineptias, nec frivole distinxissent inter agnoset eves, si Joan 21—15 contulissent cum Mat. 10—16. Nec vocem Sacramenti ad Ephes 5—32 stricte sumpsissent ad stabiliendam de M trimonio veram sententiam, si eam contulissent cum Coloss: 1—27 et cum 1 Timoth 3—16. ubi non de Sacramento proprio sermo est, sed de re aut symbolo sacro. Est vero *Parallelismus* duplex.

Imo *Verbalis*, quando verba aut phrasés rebus etiam diversis eandem habent significationem; sic videre significat etiam de interno homine seu sensu, Rom 7—32 confer Mat. 24—30. Item claves dare, denotat

potestatem tribuere, Mat. 16—19 confer
Isaïæ 22—22 Compellere non semper signi-
ficat coactionem vi, poenis, sed precibus im-
portunis, v.g. Lucæ 14—23 *compelle intra-
re*, confer cum Lucæ 24—29. *coegerunt
illum.*

2do *Realis* quando loca Scripturæ sa-
cræ comparantur, quibus de eodem obiter
aut ex professo tractatur. Sic bene intel-
ligetur, quomodo Christus sit caput omnis
principatus et plenitudo Ecclesiæ, si conse-
ras Ephes 1—23 cum Colos: 2—10. Item
quid per *abominationem desolationis* intelliga-
tur literaliter, si Mat. 24—15 conferas
cum Lucæ 21—20. ubi ait, *cum videri-
tis circumdari Jerusalem ab exercitu,
tum scitote, quia appropinquavit desola-
tio ejus.* Nam in Romanorum signis erant
Imagines Cæsarum divorum, quæ in con-
spectu templi patriæ expositæ erant, adeoque
Judæis abominationi erant.

Potest etiam et debet novum Testa-
mentum cum veteri conferri, quia Moysi-
ca et Christiana Religio una eademque est
quoad substantiam, unum eundemque ha-
bet Auctorem. Unde ait *Augustinus* (x),
*novum Testamentum in veteri latet, et ve-
tus in novo patet.* Namque historia uxo-

(x) *quest. in Exod 23,*

ris Lothi Lucæ 17—31 Mannæ Joan 6
49. Melchisedechi II. b 7—1. Baalami 2 Petr
2—16. Qualitas Messiae Isaïæ 53 cum
Mat. 26—28 concorditer describitur. Mes-
sias non est prædictus ut Rex mundanus,
sed ut salvator generis humani. J. dæi tamen
a Romanis pressi bellis sum et formidabi-
lem præstolabantur Messiam. Hæcque opi-
nio de mundano Christi regno sine os Apos-
tolorum occupavit, et nonnisi Spiritu
S. edocti eam abjicere.

§. II.

De Analogia fidei, Antithesi Epexegesi.

Quæ clarè in Scriptura continentur, sunt
cæterorum norma seu regula fidei, ad quam
ceu ad Lydium lapidem omnia examinanda
et ponderanda sunt, uti docet Augustinus
(y), cum incertum sit, quomodo distin-
guendum aut pronuntiandum, consulat re-
gulam fidei, quam de scripturarum plani-
oribus locis, et Ecclesiæ auctoritate per-
cepit, vg. H b 5—8 dicitur Christum unico
sacrificio mortis suæ omnia peccata expias-
se, ut ergo juxta normam fidei Colos. 1
24 explanes, non debes inferre, ejus af-
flictiones ad condignam satisfactionem insuf-

(y) de doctr. Xtiana lib 3 cap 2.

ficientes fuisse. Ad analogiam fidei pertinet tantum res credendæ aut agendæ, non historicæ, vg. si ex Lucæ 23=51 inferatur *Arimathæam* non Samaritanorum, sed Judææ civitatem esse, licet ob situm quis Samaritanorum civitatem existimare posset, tunc non analogia fidei, sed *parallelismus adhibetur realis*, concordatque cum Math: 11—28. Cavendum tamen, ne conformiter ad fidem ex sacra scriptura ea exsculpas, quæ ibi expressa non sunt. Sic male cum S. Ambrosio divinitatem Spiritus S. ex Philip 3—3 *spiritu servimus Deo* crueres, quia scopus et contextus obstat.

Antithesis est determinatio vocis ex diversis oppositis, quæ ex usu et contextu habetur, sic vox *Græcus* Judæo opposita, significat paganus Rom 1.—16. si vero barbaro opponatur, tunc significat hominem excultum scientia et politum. Sic Mat versus 34. opponi videtur 26 cap 24. sed prior de excidio, secundus de judicio intelligendus est.

Epexegesis est declaratio sermonis ex mente authoris, sic Mat 5. 44. explanatur, quid sit diligere inimicos, nempe orare, benefacere 2. Cor 12.—2. quid per tertium cælum intelligatur, nempe paradisus versu 3. Genitivus sæpe est exgeticus seu declaratorius, sic Joan. 2. — 21. de templo cor-

poris sui: Cor. 5. — 8. *fermentum malitiæ*
 Quando scriptores sacri agunt, agunt synonimi-
 na, vg. Joan. 1. — 20 *et confessus est, non*
negavit, et confessus est, tunc vel diutius id
 animis suorum Lectorum infigere volunt, Rom
 9. — 1 *veritatem dico, non mentior.*

§. 12.

De adjunctis exegeticis.

Adjuncta exegetica sunt circumstantiæ
 historicæ, quis, quid, quò locò, et tempore,
 quove consiliò dicatur, et an ex sua aut aliena
 sententia hoc fiat. Si enim scis S. Paulum
 ante vocationem Pharisæum fuisse, non
 miraberis profecto, eum allegoriis inhære-
 re, quod non fecisset, si de Secta Saducæ-
 orum fuisset, qui reiectò mysticò sensu
 literalem tantum admittebant. Si iterum
 singularem ejus prudentiam consideres, ni-
 mis duram invenies vocem juxta vulgatam
 Act. 17. — 22. qua Athenienses *superstitio-*
sos vocat. Mat 25. — 26. *non est bonum*
sumere panem filiorum et mittere canibus,
ex Judæorum non Christi sententia dicta
sunt. Rom. 7. — 9. *ego vivebam aliquan-*
do sine lege, non de lege Moysis intelligenda
 sunt, quia Judæus fuit, sed de lege concu-
 piscentiæ, quam ignorabat dominari homini.
 Quando S. Lucas refert Stephanum narrantem

quæ cum historia Moysis non conciliantur, culpa non in Lucam, sed Stephanum cadit. Hæreditate possidere terram Mat. 5. — 4. erat apud Judæos signum summæ prosperitatis, uti constat Psalm. 36. — 29. adeoque conformiter ad Judæos dicta sunt. Judæi ignotis rerum causas derivabant a dæmonibus; ut melancholiam 1. Reg. 16. — 14 et 23. Sic apud S. Mat. 11. — 18. Joannem non manducantem et bibentem dæmonum habere dicunt. Epilepsiam Marci. 9. — 16. rabiem Marci. 16. — 9. dæmonio adscribebant. Unde ægrotum sanare, sæpe apud Judæos erat dæmonium ejicere.

§. 13.

*De Idiotismo, Articulo præpositivo,
Pronomine.*

Vulgatus interpres nesciens idiotismum græcum, sic vertit Heb. 13. — 2. *quidam latuerunt angelis hospitio receptis*; Obscure et male. Nam vertendum, *quidam nescientes hospitio receperunt angelos*. In græco ad ostendendam vim pluralis numerus pro singulari ponitur, adeoque vulgatus ad verba vertit Joan 7. — 49. *turba, quæ non novit legem, maledicti sunt*. Juxta idiotismum 1. Cor. 11. — 6. non legendum *tondeatur* sed *tondeat se*; Lucæ. 5. 6. non *ruptum*,

sed cœpit rumpi. Sic videre aut gustare mortem, pro experiri positum est. Joan 20. 22 *Accipite spiritum* Si intellige & don. q in primis Spiritus S j. m acciperent, 1 Cor 8. 1. scientia inflat sæpe, Lucæ 16. — 10. qui fidelis est in modico, et in maiori fidelis erit communiter. Induratio, error juxta idiotismum de permissione explananda sunt, vg. Rom. 1. — 26. tradidit illos Deus in passiones ignominie. Aliquando tamen induratio homini Act 19. — 9. aliquando diabolo Exodi 8. — 15. tribuitur. Interim licet Judæi obmeruerint ut indurati sint, non est illis tamen spes crepta Rom. 11. — 14. ut ad æmulationem provocem carnem meam, ut salvos faciam aliquos ex ipsis.

Articulus præpositivus sæpe demonstrative sumitur, vg. omnes istæ generationes Mat. 1 — 17. licet plures fuerunt. Joan 1. — 45. quem scripsit Moyses in lege et Prophetis invenimus, cum tamen sic scriptum sit Deuto. 18. — 15. Suscitabit tibi Deus ex fratribus Prophetam, sicut ego sum Quando substantivus additur articulus præpositionis, non semper is significat certam et determinatam personam, Marci. 2. — 27. et dicebat eis Phariseis vel discipulis.

Pronomina relativa demonstrativa reciproca sæpe trajiciuntur, sic Philip. 3. — 21. non suæ claritatis, sed suo glorioso

corpori ponendum foret. Adhibetur tamen sæpe loco pronominis nomen, 1. Cor. 1. — 4. gratias ago Deo meo pro gratia Dei, loco ejus.

§. 14.

*De Adverbis, Præpositionibus et
Conjunctionibus.*

Adverbia usque ad non terminum, sed tractum tempo s sæpe significant, Mat. 28. 20. *Vobiscum sum usque ad consummationem sæculi s. mper.* Negativa adverbia sæpe comparative sumuntur, Joan. 6. — 27. *ne præparetis cibum, qui perit, sed cibum qui permanet in æternum, potius hunc quam illum;* Joan 12. — 44. *qui credit in me, non credit in me, sed in eum qui misit me, non in me solum, sed etiam in Patrem.* Adverbialiter ponitur etiam verbum finitum cum infinito, Lucæ. 20. — 11. *addidit mittere, iterum misit.* Etiam dum ponuntur duo ejusdem temporis verba, sumitur unum adverbialiter, Joan. 8. — 59. *occultavit se et exivit, occulte exivit.* Comparativum sæpe pro adverbio negativo ponitur, vg. 1. Petr. 3. — 17. *melius est beneficientes pati, quam malefacientes, illud bonum non hoc,* Lucæ. 18. — 14. *descendit hic justificatus magis quam ille, non ille.*

Præpositio sæpe repetitur eisdem vel diversis modis ad affectum demonstrandum, Rom. 3. — 22. *in omnes et super omnes qui credunt in eum.* Aliquando præpositio significat causam finalem, Joan. 2. — 6. non secundum, sed propter purificationem *Judeorum* legitur in græco. Subobscurè etiam vulgatus exponit Act. 19. — 40. præpositiones. Nam legendum, periculum est, ne postulemur seditionis propter diem hodiernum, cum nulla causa subfit, ob quam possumus defendere concursum istum.

Conjunctiones inter duo substantiva posita sæpe redundant Act. 23. — 6. *de spe et resurrectione* ob spem resurrectionis mortuorum in iudicium vocor: Mat. 4. — 16. *in umbra et regione in umbrosa regione;* Act. 14. — 13. *tauros et coronas, coronatos tauros.* *Disjunctivæ Conjunctiones* sæpe copulativè sumendæ sunt. 1. Cor. 15. — 11. *sive ego, sive illi sic prædicamus, et ego et illi* Et vicissim copulativæ disjunctivè sumuntur, vg. Mat. 12 — 37. *ex verbis tuis justificaberis et condemnaberis, intellige aut.*

§. 15.

De Ellipsi, Enallage, Hypallage et Synthesi

Ellipsis tum est, quando aliquid supplendum est, v. nomen, pronomen, participium, aut adverbium, et est figura frequentissima. Sic articulus supplendus est Joann. 5. — 36. *Ego autem habeo testimonium majus Joanne*: Male, quia non comparatur testimonium Patris cum Joanne, sed cum testimonio Joannis; Legendum ergo: *Habeo testimonium majus quam illud Joannis*. D. est nomen Lucæ. 17. — 24. sicut fulgur coruscans de sub cælo in ea, quæ sub cælo sunt, ex græco sic vertendum est, sicut fulgur coruscat ex una regione, quæ sub cælo est, in aliam quæ sub cælo est, seu ex una cæli plagâ in alteram. Desideratur verbum Mat. 10. — 23. non consummabitis civitates Judæ ob viando seu peragrando, donec veniat filius hominis. *Ellipsis præpositionis* est. 1. Cor. 6. — 13. eandem habete remunerationem ad v. cem rependendam. *Ellipsis adverbii* est Jacobi 2. — 10. qui in uno offendit, factus est quasi omnium reus.

Enallage est figura, qua pars orationis pro parte ponitur, aut permutatur, sic Heb. 7. — 7. neutrum pro masculino ponitur, quod

minus est a meliøre benedicitur minor.
 Act vum pro pass vo Joan. 12. 2 fecerunt
 pro parata. Posito activo posset quis cre-
 dere, Christum a Maria et Mar ha co-vi-
 vio exceptum, quod pugnat cum Mat.
 26. — 6. erat enim in Bethania in domo
 Simonis leprosi, non Marthæ.

*Hypallage est inversio, qua uni tribuitur,
 quod alteri tribuendum est. Sic 1 Cor 10 11*
Scripta sunt ad correptionem nostram, in,
quos fines sæc lorum deveniunt Judæi;
Male, Scirpta sunt ad correption m nostram
qui in fines sæculorum devenimus.

*Synthesis est figura, qua sensus ma-
 gis respicitur, quam verba Joan. 17. — 2.*
Sicut dedisti ei potestatem omnis carnis, ut
omne, quod dedisti ei det eis vitam æternam.
 Clarius ita reddendus foret, sicut illi po-
 testatem dedisti super omnem carnem, ut
 omnibus, quos dedisti ei, det v t m æter-
 nam. Item. 2. Cor. 5. — 19. Colof. 2. — 19.

P A R S . . . V.

De Libris novi Testamenti in specie.

§. I.

S. Mathæus ejusque Evangelium.

S. Mathæus antea vocabatur Levi, non tamen oriundus erat ex stirpe Levi. Et licet fuerit publicanus, haud ideo tamen erat ethnicus, sed Jucæus, æque ac ille, qui cum Phariseo in templo orans desistit, quia Christus contra legem non manducasset cum paganis. Vocabatur etiam Levi *Alphæi*, quia juxta morem duo vel tria nomina habebant; Marci. 2. — 14. non ideo tamen erat frater Jacobi filii *Alphæi*, licet hoc quidam Græci admittant. Vocabatur autem Mathæus ad munus Apostolatus penes lacum *Genesareth* prope *Capharnaum*, et septimo loco inter Apostolos ponitur. Primus Jerosolymis Evangelium scripsit, teste *Jrenæo* et *Hieronymo*, sexto a morte Christi anno. Hujus Evangelii exemplar juxta *S. Athanasium* *S. Bartholomæus* detulit ad Indos, et *S. Jacobus* Jerosolymis illud explanavit, *S. Marcus* vero illo in componendo suo Evangelio usus est, licet versio utriusque in latinum, ex græco facta sit.

sit. S. Matthæus prædica- vit in Judæa, Ma- cedonia, et juxta Martyrologium in Æthio- pia inferiore seu antiqua, ubi est Nubia, ibique juxta Bollandistas mortuus est. Non prædicavit in Apyssinia, quia juxta Rufi- num Sæculo IV. Prudentius ibi primus fi- dem Christi disseminavit. Genus Martyrii est quidem incertum, colitur tamen inter Martyros.

§. II.

S. Marcus ejusque Evangelium.

Secundus post S. Matthæum Evangeli- lista est S. Marcus, ex Tribu Levi ac gene- re Sacerdotali ortus in Libis seu Penta- poli. Fuit Levita, et S. Barnabas ejus a- vunculus pariter ex gente Levitica, Act. 4.—36. confer cum Colos. 4.—10. est que idem qui vocatur Act. 22.—12. Jo- annes Marcus, et cujus S. Paulus non se- mel meminit in suis Epistolis. Dicitur e- tiam filius Petri, quia ab eo baptis- tus, ejus postea discipulus et interpret factus est. Precibus fratrum motus Romæ scrip- sit Evangelium. decimo ab obitu Christi anno, seu Æræ Vulgaris 40. sicut illud a S. Petro acceperit, et juxta Syro-chalda- icum textum S. Matthæi, adque eodem fere ordine ac S. Matthæus. S. Petrus ea de re edoctus, Evangelium probavit, illud-

que in Ecclesia leg. permisit. Traiecit in Ægyptum, ibi que Evangelium a se conscriptum prædicavit, et a S. Petro Alexandrinæ Ecclesiæ præfectus, consistentem ibi Ecclesiam exornavit, et innumeram hominum multitudinem teste Hieronymo, exemplo suo ad fidem allexit. Incertum quidem est mortis ejus genus, juxta Menologia tamen Græcorum Martyr occubuit die 25. Aprilis.

§. 3.

S. Lucas ejusque Evangelium.

Tertium Evangelium scripsit S. Lucas, quem antiqui codices etiam Lucanum appellant. Fuit patria Antiochenus, non genere sed natione Judæus seu solo patre. Medicus et socius S. Pauli. Certius quod non fuerit ex numero 72. discipulorum, nec unus ex proficiscentibus in Emmaus, quia se Evangelium fatetur scribere ex traditione eorum, qui facta Jesu viderant. Hac vero de causa scripsit, ut temeritatem non nullorum Pseudo-Apostolorum retunderet, qui actiones Servatoris alio modo enarrarunt, quam S. Paulus. Ejus Evangelium a S. Paulo approbatum fuit, est teste Hieronymo etiam Pauli Evangelium dicitur. Scriptum est anno æræ vulgaris. 52. in Achaja ante Epistolas Paulinianas, ibique mortuus est Martyr.

§. 4.

S. Joannes ejusque Evangelium.

S. Joannes filius *Zebedæi* et *Salome*, quæ mortuum *Salvatorum* uxor t, et frater *Jacobi* majoris e *Galilææ* oriundus, idiota et illiteratus *Act. 4. — 13.* vocabatur etiam filius tonitru, vel quia clarissima voce æternum Dei filium in suo Evangelio exhibuit, vel ob zelam, quo ignem de cælo super civitatem Samaritanorum descendere voluit. Non fuit ille qui amictus sindone super nudo, tempore passionis aufugerat, nec ille notus Pontifici, licet hoc aliqui sine fundamento autument. Post Domini Ascensum cum Petro prædicavit in Judæa, Samaria, tandem in Asia multas erexit Ecclesias. Precibus cæterum Asiæ Episcoporum, contra *Cerinthum* et *Ebionem* Christi divinitatem negantes ex insula *Pathmos* maris *Ægæi*, inter Græciam et Asiam posita redux, et admodum senex, publico jejuniō prius indicto. Evangelium scripsit, anno æræ vulgaris. 96. S. Joannes tranquilla morte obiit, et teste *Eusebio*, in urbe *Epheso* conditus jacet.

§. 5.

*De quibusdam partibus Evangelii Marci,
Lucæ et Joannis.*

Ultimum caput S. Marci tempore Hieronymi non erat tanquam canonicum ab omnibus receptum, saltem a versu nono, quia Michæismum redoleret, aut quod cum cæteris Evangelistis conciliari non posset. In Evangelio S. Lucæ dubitabatur ab Hilario de sudore Christi, Apparitione Angeli, et confortatione. In Evangelio S. Joannis historia adulteræ ab Eusebio tanquam parabola habita fuit. Sed sicut à Synagoga dependebat, libros et sacros admittere, aut tanquam apocryphos reicere, sic eadem autoritas fuit et est penes Ecclesiam, quæ assentem habens Spiritum S. in iis quæ ad fidem pertinent, fidelibus errorem obtrudere non potest, nisi Deum Ecclesie desse in necessariis admittamus. Non obstantibus enim quibusdam dubiis SS. PP. et difficultatibus quoad conciliandos aut explicandos quosdam textus, totum Marci, Lucæ et Joannis Evangelium a majori et saniore PP. et Conciliorum parte susceptum, et tanquam canonicum habitum fuit, uti Versiones græcæ, latinæ, Arabicæ, Syriacæ et Gothicæ demonstrant.

§. 6.

De Parabolis.

Parabola à fabula discernenda est. Fabula narrat aliquid impossibile, aut quod in rerum natura non contingit, puta quod animalia, herbe, arbores loquantur, aut ambulant. Parabola contra desumitur a rebus communiter contingentibus, ut é notis ad incognita perveniamus, voceturque similitudo. Salvator noster passim a vulgatissimis rebus parabolis assumpsit, ut a piscibus, palmetibus, semine, retibus, quia doctrinam suam maxime voluit esse vulgarem. Non solum juxta morem Pœtætarum adhibuit similitudines, sed etiam ad conciliandam aures totum attentione, unde dixit, qui habet aures audiendi, audiat, necnon ut veritatem in parabola contentam clarioram redderet et profundius memoriæ imprimeret, veluti est vivida Pharisæi in templo orantis descripta hypocrysis. Parabolæ sunt 1. dogmaticæ, vg. de semine aut virtute verbi Dei; 2. morales ut de Samaritano; 3. historicæ de magna coena; 4. dogmatico morales de debitore, 5. dogmatico historicæ de ficu; 6 propheticæ de grano synapis de fati et propagatione Ecclesiæ, et hæc non explicabantur a Salvatore, tum

quia ex ipso rerum eventu lucem erant accepturæ, tum quia auditores ad interrogationes faciendas Salvator urgere intendebat.

Ut vere Ecclesiastes parabolam in prædicatione bene adaptet ad suam materiam, debet: imo ex usu loquendi scire scopum ejus, non quid hæc vox significet. 2. possibilitatem parabolæ monstrare, v.g. quod mos erat dandæ vestis nuptialis invitatis, quod via Jerosolymitana in Jericho plena erat latronibus, Sacerdotibus, et Levitis. 3. explanatâ parabolâ invenire doctrinam contentam seu ut ajunt, *tertium comparationis* quod sæpe ex contextu colligitur, aliquando a Salvatore intimatur, v.g. de semine, aliquando verò auditoribus adinvenendum relinquitur, ut de operariis vineæ; 4. Non omnes comparationis partes ad vivum prosequendæ, nec ultra Christi intentionem extendendæ sunt, quia multæ circumstantiæ ad decus adjectæ, nec Servator Mat: 13. — 5. de semine omnes partes prosecutus est. 5. Si in parabola plures Instructiones morales continentur, tunc minus principales a principalioribus discernendæ sunt. Si ex parabola de filio prodigo multa de poenitentia, inobedientia erga parentes, ingratitude, mala prolis educatione erui possunt, quæ tamen ob vitandam sermonis confusionem congerenda non sunt.

§. 7.

Actus Apostolorum et Apocalypsis.

S. Lucas præter Evangelium conscrip-
sit *Acta Apostolorum*, quorum non testis
tantum erat, sed et minister. Nam usque
ad caput 16 primâ personâ numeri plura-
lis utitur; A capite vero 17. — 1. ex pri-
mâ personâ numeri pluralis, mutat *Stylum*
in tertiam pluralem usque ad 20. — 6.
ubi cum S. Paulo per Macedoniam, Troadem
Jerosolymam, Cæsaream et tandem Romam
devectus fuit, ibique illi min stravit uti patet
2. Timoth: 4. — 11. *Lucas est mecum so-
lus.* Continet hic liber historiam 30. an-
norum.

S. Joannes præter Evangelium, relega-
tus a Domitiano in insulam Pathmos,
scripsit Apocalypsin, eamque direxit ad
Asiæ Ecclesias. Nominatur sæpe in prima
persona, uti cap 7. *Ego Joannes vidi al-
terum Angelum* 22. — 8. *Ego Joannes
qui audiui, et vidi hæc.* Multi quidem du-
bitarunt de divinitate et authenticâ libri hu-
jus, sed multo plures eum ut divinum
et canonicum etiam sub excommuni-
cationis pœna suscipiendum censuere, ut
Gelasius in Concilio Romano. Continet
obscura quædam vaticinia, sed continet eti-

am non pauca ad corrigendos mores, de constantia in persecutione, de vitandis hæreticis.

§. 8.

Epistolæ Paulinianæ

S. Paulus scripsit Epistolam ad Romanos anno æræ vulgaris 57. de operibus legis et justitiæ, cum Jerosolymam ad deferendas eleemosynas in Achaja collectas proficisceretur. Epistola hæc posterior est illâ ad Corinthios, ponitur tamen primò locò ab principem orbis urbem. Dum enim tam Judæi quam gentiles Evang. lii gratiam propriis meritis adscriberent, Apostolus in Epistola ad dirimendam controversiam ostendit: tam Judæos quam gentiles ante vocationem ad fidem a vera justitia aberrasse, et peccato obnoxios fuisse, adeoque justificationem esse donum Dei ex fide Jesu Christi, non verò ex lege aut propriis meritis.

Prima Epistola ad Corinthios scripta est Ephes, quæ 16 — 8. permanebo autem Ephesi usque ad Pentecosten, annò æræ vulgaris 57. In hac Epistola S. Paulus dissidentes Corinthios ex animo in Magistros suos studio, et patratum ab uno incertum pro ratione culpæ vel objurgat, vel solatur. Secunda eodem annò in Macedonia

scripta est, in qua gratias agit, quod suam doctrinam s. quatur, sicut ipse *Timotheus* retulerat. Diluit etiam calumnias Pseudo-Apostolorum, qui ejus auctoritatem velliebant.

Quarta ad Galatas Ephesi scripta est annò 50. quæ post abitum suum è Cilicia audierat, quosdam à falsis Fratribus seductos esse, qui asserebant, circumcisionem iterum assumendam, legem Evangelio jungendam, hominem ex operibus legis justificandum esse, et Paulum à cæteris Apostolis discrepare. S. Paulus ex scriptura hujusmodi errores diluit, sequæ cum cæteris Apostolis consentire ostendit.

Quinta ad Ephesios Romæ scripta est, quia 6 — 10. utitur comparatione ducta ab armis militum Romanorum anno 62. In hac gratiam vocationis ad fidem variis animadversionibus illustrat, et ad pietatem adhortatur.

Sexta ad Philippenses eodem anno Romæ scripta est, in qua pro vitæ subsidiis illi, utpote in vinculis detento, missis gratias agit, et ad perseverantiam in vera Christi fide hortatur, ne malis pro Evangelio tolerantis frangantur.

Septima ad Colossenses Romæ à Paulo in vinculis detento ideò scripta est, quod à falsis quibusdam Prophetis seducti fuerint.

Ostendit enim nos nonnisi per Jesum Christum in fide stabilitos et reconciliatos esse. Deinde vitæ christianæ præcepta subjicit.

Octava et Nona ad Thessalonicenses scripta est. Prima Epistola anno æræ vulgaris 52. Corinthi, adeoque ante cæteras scripta est, in qua laudat Thessalonicenses quod firmi in fide perstiterint, sicut ipsi Timotheus narraverat. Proponit etiam quædam vitæ christianæ præcepta. In *Secunda* sententiam suam clarius de die judicii exponit, quam in prima, docetque prius Antichristum, quam Christum adventurum, tandem desides et a pseudo doctoribus turbatos reprehendit, quod se non in melius correxerint.

Decima et Undecima ad Timotheum scripta est. Prima in Macedonia 1. — 3. Secunda Romæ. In utraque docet, quæ sint Episcoporum functiones.

Duodecima ad Titum in Macedonia scripta est, in qua docet quales debeant esse initiandi Presbyteratu et Episcopatu. Subdit dein præcepta, ad quæ Titus mores conformet.

Decima tertia ad Philemonem civem, Colossensem ejusque discipulum scripta est, in qua rogat, ut Onesimo quondam servo suo furti veniam faciat.

Decimaquarta ad Hebæos Romæ sine præpositione nominis scripta est, forte ideo quia Judæus erat in sum, aut quæ se gentium Apostolum esse credit. Dicit S. Paulus in hac Epistola, quantum novæ legis Sacrificium et Sacerdotium, illa aut qua antecellit, percussosque animos Judæorum reficit, et in fide confirmat.

§. 9.

De cæteris canonicis Epistolis.

S. Jacobus minor omnes christianos per orbem dispersos monet, ut modestiam colant, insaniam sui fiduciam fugiant, et sapientiam a Deo expetant, docetque contra Simoniacos, fidem sine operibus mortuam esse.

S. Petrus duas Epistolas scripsit. *Primam* nono ab obitu Christi anno, in qua cap. 4. insinuat, fideles jam tum Christianos appellatos esse. *Secundam* ante obitum suum, dum videlicet cum S. Paulo captivus detinebatur anno 66. Patet hoc, si 2. Petri 1. — 14. conferatur cum 2. Tim. 4.

S. Joannes tres edidit Epistolas. *Primam* antiqui scriptores ad Judæos inter Parthos dispersos, ibique in captivitate degentes directam credunt, in qua charitatem et veritatem commendat, et maxi-

mum erga nos Christi amorem ostendit. *Secundam* direxit ad nobilem fœminam, jusque natos, cui gratulatur, quod puram et integram fidem in Jesum Christum servaverit, hortatur eam ad perseverantiam in charitate, tandem confutat errorem *Basilidis* affirmantis, Christum non hominem, sed phantasma fuisse. *Tertiam* ad Cajum cujus fidem et charitatem laudat, direxit.

S. Judas Thadæus, vitâ sanctis cæteris Apostolis, excepto *S. Joanne*, ut versus 17. innuit, scripsit Epistolam, quæ cum illa *S. Petri* congruit, et ejusdem argumenti est. Authoritatem hujus libri innuere non debet id, quod ex apocryphis libris desumptum est, v.g. de prophetia *Enochi*, quia non omnia falsa sunt, quæ in apocryphis reperiuntur.

P A R S . VI.

*De quibusdam Subsidiis ad explicandum
codicem divinum.*

§. I.

Multa sunt, quæ in sacris literis sine Geographia, historia, archæologia, græcis, latinis et hebraicis literis intelligi nequeunt. Inscientia prædictarum scientiarum præter multiplices Allegorias peperit scho-

lasticas et metaphysicas augas. Non pauca tam in veteri, quam novo Testamento reperiuntur, quæ quidem ad doctrinam Religionis non pertinent, ex hoc tamen Hermeneuta ignavie et iuscitæ velamen quærere non debet. Si enim profani lectores omnia ad minutias excutiant, et nihil in verbis et rebus intactum, obscurum relinquunt, Theologus parum saltem diligentiam et industriam in evolvendis sacris libris ponere deberet. Nam in ciborum apparatu placet mora, in re nummaria nihil est minuti, cur in divinis libris placet neglectus, diligentia displicet?

§. 2.

Adminiculum historice.

Historia tam profana, quam Ecclesiastica, veteris et novi Testamenti à Rambachio lumen temporum et Prophetarum appellatur. Nam Baptisma pro mortuis, 1. Cor 15. 29. Exercitium clavium a Christo datarum Joan 20. — 23. Distributio Eucharistiæ Lucæ 22. — 19. nemini ex historia Ecclesiastica illustrantur et explantur. Quis bene intelliget Evangelium S. Joannis, nisi sciat errores Cerinthi et Gæstici sum. contra quos scriptum est? Quomodo S. Jacobus 1. — 1. duodecim Tribubus scribens con-

ciliatur cum historia profana, quæ narrat plures è captivitate Babylonica non remisse, nisi historice demonstras, non omnes Judæos Babylonem abductos fuisse, et quosdam tantum ad rem familiarem stabilendam remansisse? Unde scies Judæos Româ expulses ibique synagogas et prosuchas habuisse, sicut innuitur Act 18. — 2. sub Claudio, nisi ex historia Josephi? Et quomodo Judæos juxta Act 2. — 10 dispersos probabis in Phrygia, Pamphilia, Lybia, nisi ex profana historia scias a Ptolomæo 100.000 in Ægyptum abductos esse? Quomodo concilabis Joan 18. — 31. nobis non licet occidere quenquam, cum Act 7. — 39. nisi scias Stephanum in populari tumultu occisum, et Senedrum tantum solum infra capitis supplicium punire potuisse, graviores verò causas Romam delatas esse? Quomodo intelliges Lucæ 1. — 5. Zachariam fuisse de vice Abia, nisi 1. Paralip 24. — 3. Familias Sacerdotum in 24 classes divisas fuisse scias, quæ singulæ per vices quavis hebdomadâ Hierosolymis sacris operabantur? Quomodo Hebræ 9. — 1. explicabis, nisi scias Sanctum Sacerdotibus patens distingui a Sancto Sanctorum in intimo templo confituito, in quod Pontifex semel tantum in anno ingredi potuit? Quomodo porticus Salomonis intelliges Joan

10. — 23. nisi scias in extimo templo cubicula Sacerdotum et atria gentilium seu portas proselytorum fuisse? Quomodo intelliges publicanos publicis peccatoribus æquiparari, et ethnicis, nisi scias eos collectores vectigalium fuisse, qui suos Præfectos aut Principes veluti Zachæum habentes, multa contra fas a progenie Abrahamæ extorserant, adeoque fuisse genus hominum rapax? Quomodo lotionem pedum a Christo et Apostolo commendatam intelligas, nisi eam spectes ut officium humanitatis, quod ad refrigerandos pedes in calidioribus regionibus exhibebatur incedentibus sine calceis? Quomodo Marci 14. — 15. *cænaculum grande stratum* intelligas, nisi morem græcorum et Romanorum apud Judæos contra Exodi 12. introductum scias, stratis nempe lectis mensæ accubuisse?

Obiter moneo, *Clementem, Polycarpum, Barnabam* loquentes de dolorosa Christi passione non meminisse spinæ coronæ, unde quidam Mat 27 — 29. ex græco putant legendum *acanthum*, quia frutex iste commodius explicari potest.

§. 3.

Chronologia.

Alterum librorum lumen est *Chronologia*. Quare vetus Testamentum nemo bene

explanabit, nisi celebriores Epochas memoria teneat. Perplexæ quidem hæc est scientia propter difficilem rerum connexionem et Explicitorum proprium confectum, constantiâ tamen et labore multa acquiritur. Ad Chronologiam itaque pertinet quæstio Christum Pascha celebrasse tempore publici ministerii. Nam licet de quarto Paschate Joan 5—1. controversetur, eo quod ibi articulus distat, at hoc movere nos non debet, quia Marci 15—6. Pascha plane eodem modo scriptum reperitur. Annus quoque Conversionis S. Pauli, quem in servatum post passionem Domini passim conjiciunt, ad Chronologiam spectat, quia ab illo pendet cæterorum annorum ratio, quos Paulus enumerat Galat 1—18. et seq: Non nisi ex Chronologia probari potest, Christum juxta legem Numerorum 9. 13. decimâ mensis *Nisan*, non vero anticipato agnum paschalem cum herbis amaris et azymis panibus saltem ante mediam noctem diei 15tæ manducasse, quia dies 14. *Nisan* erat tempus determinatum ad mactandum agnum paschalem ministerio Sacerdotum in atrio templi. Legitur quidem Joan 13—1. Christum facta coena Ivi se pedes discipulorum ante diem festum Paschæ, sed hæc coena non fuit Eucharistica nec Jerosolymis, sed in Bethania. Alunde non
licuit

licuit ipsò festò paschali *emere necessaria* 13 — 29. *ad diem festum*, sicut in prædicto capite insinuat. Nec obstat, quod fuerit Parasceve dies sequens Joan 19 — 14, quia Sabbathi non vero Paschatis Parasceve erat. Nec obstat Joan 18 — 28. quia ibi non de usu agni paschalis, sed aliarum victimarum sermo est, quæ per septiduum offerebantur, uti constat ex Josepho, et Mat: 26 — 27.

§. 4.

Stathmica.

Tam græca quam romana pecunia valuit apud Judæos. Nam Mat: 22 — 19. occurrit *Denarius*, qui est oct. v. pars Joachimici Mat: 26 — 14. *Tetraðrachma*, quæ tres denarios continet. Lucæ 19 — 15. *Mna* aut *Mina* quæ valebat 100. drachmis atticis. Decem vero drachmæ $1\frac{1}{2}$ imperiali. *Talentum* 10,000 drachmas æquabat: Judæi quidem post captivitatem Babyloniam signatâ monetâ utebantur, phrasis tamen *pendere*, *appendere* Mat: 26 — 15. servata fuit.

Inter mensuras erat Marci 7 — 4. *Sextarius* æquans 28. pollices; Lucæ 16 — 6. *Batus* continens 72. sextarios, eratque liquorum. Aridorum mensura erat *Corus* Lucæ 16 — 7. qui capiebat 10. Batos.

Mat: 13 — 33. *Satum* capiens 24. sextarios, *Jann* 2 — 6. *Metreta*, quæ amphoræ 2 g. licet, et continebat 48. sextarios juxta *Budæum*; Apocal: 6 — 6. *Choenix* duos sextarios frumenti capiebat.

§. 5.

Grammatica.

Non formæ declinationum et Conjugationum, sed Philologia. Antiquitatis scientia, et ars critica per grammaticam intelligendæ sunt, quia sine tali grammatica nec verus verborum sensus reperiri, nec certitudo sensus contra adversarios defendi potest. Unde bene dixit quidam aronius: *Tanto melior eris Theologus, quanto melior fueris grammaticus.* Quomodo discernes græca ab hebraizantibus sine Philologia? Aut unde discis vim verborum, aut dativum, qui vocatur commodi, *vg.* Mar: 9 — 22? Aut, cum unius literulæ mutatio, mutationem quoque significationis importat, quomodo sine grammatica orthographiam discernes?

§. 6.

Rhetorica.

Sine Rhetorica non intelligitur *Apostrophe* Jacobi 5 — 3. quomodo, *aurum æruginauit, aut ærugo carnem comedat, nec*

Hypothiposis Apoc: 20 — 11. quodomo à conspectu sedentis in throno fugerit cælum et terra; aut *Prosopopœia* Cor: 15 — 55. ubi est mors victoria tua. Quomodo notans figuram *Concessionis* explanabis Mat: 23 — 32. implete mensuram patrum vestrorum. Præterea figura *Interrogationis* sumitur diversimodè, ac imprimis absolute negat Hab: 1 — 5. cui dixit aliquando angelorum, *Filius meus es tu?* Aliquando cum restrictione Rom: 10 — 16. quis credidit auditui nostro? pauci. Tandem abominationis causâ adhibetur Joan 3 — 4. numquid potest homo in ventrem matris denuo introire? Etiam rhetor considerare debet charact rem scribendi, et ingenium seu effectum scriptoris. Sic S. Joannes est instar argenti fluvii leniter fluentis. S. Paulus instar torrentis omnia secum rapiens. Elegentia tamen ejus potius est prætoris quam artis, quis apud Gamalielē non nisi legem juxta morem, non vero artes didicit.

§. 7.

Dialectica.

Ideas rerum à sensu verbarum distinguere docet *Dialectica*. Sic Act: 14 — 31. per Asiæ principes non gubernatorem aut præconsulem intelligere debemus, sed ma-

gistratus ad munera et ludos in honorem Deorum edendos, quorum etiam sacerdotium annuatim capessebant. Tradit etiam Dialectica rationem disserendi, quomodo una propositio ex altera ducatur. Licet enim sacri scriptores nullas formas syllogismorum noverint, naturæ tamen ductum gubernante Spiritu S. sequentes, cuncta inter se connexuerunt, *vg. quomodo Mat: 12 — 30. qui non est mecum, contra me est, ex antecedentibus fluat, et cum consequentibus connectatur?*

§. 8.

Logica.

Naturam propositionum universalium, particularium, hypotheticarum, categoricarum docet Logica. Absolute et universaliter dicta, sæpenumerò particulariter et hypotheticè semenda sunt. *Mat: 7 — 21. non omnis, qui dicit mihi Domine est tantum negatio particularis, licet sonet universaliter; Timot: 3 — 16. Omnis scriptura divinitus inspirata utilis est ad docendum, arguendum hypothetice intelligi debet, scilicet positis ponendis. Docet etiam Logica conciliare apparentes contradictiones Joan 14 — 28. Pater major me est, et Joan 10 — 30. Ego et Pater unum*

sumus positâ nempe distinctione humani-
tatis et Deitatis. Mysteria tamen juxta
regulas Logicas, aut Dialecticæ judicari nec
possunt nec debent, *vg. Mat: 16 — 13.*
Filius hominis est etiam filius Dei, quia
disparatum de disparato prædicatur, quod
Logici fieri posse, negant.

§. 9.

Physica.

Quæ supra aut præter leges naturæ
contingunt, ex Physica dignoscuntur, qua-
propter in judicandis miraculis ea max-
imi est usus. Inprimis verò existimandum
non est, ideò miracula edita fuisse, ut
miseri à calamitatibus aut morte liberaren-
ter, sed ideo, ut innotesceret, Christum et
Apostolos divinos legatos fuisse, *Joan: 11*
— 42. Nec obstat, quod scelesti homi-
nes miracula nonnunquam patrare possint
Mat: 7 — 22. multi dicent, *dæmonia eje-*
cimus, quia miracula etiam a malo homi-
ne patrata ob bonum finem, Religioni non
obsunt, dum e contra divinæ Benitatis mi-
nime consertaneum videtur, donum mira-
culorum concedere hominibus, qui illô abu-
suri sint, quia causa erroris esse possent
hujusmodi miracula. Sed prosequamur per
exempla sicut incepimus. *Erasmus dicit,*

Apostolos suâ natâ vâ lingvâ locutos fuisse Act: 2 — 8. et miraculô factum, ut nemo non intelligeret. Sed textus dicit Apostolos locutos, non verò intellectos esse variis linguis. Non audientes, sed prædicatores pertrahunt miraculum. Int rim nemo cordat, Apostolos confusè aut furiosè locutos esse, sed prout expediebat, et in quas gentes inciderant, eorum linguis locuti sunt. Obviandum etiam videtur (criminationi Gulpherbitani, qui de audito sono s qu ns s. h. i. t. u. m. objicit dilemma: Si sonus in tota urbe auditus est, cur homines ad unum potius quam alterum locum confluxerunt? Si vero in domo ubi erant sedentes Apostoli, quomodo sonus ubique audiri poterat? et quomodo omnes convenère? Sed datur in diu. Non ex urbe sed templo conveniunt, sicut innuit 17 versus hora videlicet tertia, dum preces matutinae dabatur, cû que in ceco quodam s u portu Salomonis sonus auditus est, et conventus habitus.

§. 10.

De Dæmoniacis.

Memini me suprâ, dæmonia effectibus melancholæ, epilepticos, rabiei ascriptisse. Ne ergo velut hæterodoxi traducantur,

qui Expositionem talem sequerentur, causam hujus Expositionis propinare, ita duxi necessarium, ut lectori liberum relinqueretur, sectandi quamlibet opinionem, videlicet, vel gravibus morbis afflictos eos, qui in Evangelio vocantur dæmoniaci, vel etiam verè et propriè à dæmone obsessos esse. Imprimis hæc opinio nihil cum summa fidei aut meram habet conjunctionem, nec agitur de textu sed intelligentia textûs. Salvator verò modo loquendi Judæorum se eo formavit, qui quicquid ignorabant, dæmonibus attribuunt, sicut supra de Joanne Baptista, Magdalena explanatum est. Germanicus quidam literatus hæc de re sic scribit. Non erat scopus Salvatoris, errores Judæorum ingenio quodammodo congenitos dispergere, popularem Philosophiam aut præjudicia ad Religionem non pertinentia oppugnare, et sic missioni suæ non leve impedimentum ad eruendas e corde malas propensiones, et plantandam probitatem Religionemvè ponere. Non timor displicendi erat non politica, si inveteratas de dæmonibus opiniones intactas reliquit, si sic locutus est, sicut loquebantur Judæi, sed summa erat prudentia, quæ minuta non curat, dummodo principalem finem assequatur. Quapropter si accusabatur, quod in Beelzebub principe

dæmoniorum ejiceret dæmonia, tunc scopo suo convenientius reputabat, ex eorum argumento demonstrare, incusationem esse inanem, quam refutare eorum de dæmonibus opinionem. Crediderunt quidem testes et auditores, dæmonem-ab ægro ejectum esse, sed hæc bona fides neque Christo, neque judæis, aut ægris nociva fuit, quia in quocunque casu, seu in qualibet hypothesisi semper erat miraculum. Posteris ergo temporibus Salvator opinionem de dæmonibus dijudicandam aut dispergendam reliquit. Et am S. Augustinus de Gen: ad liter lib: 12 cap: 17. ait forte revera phreneticus erat, sed propter ista dæmonium pati putabatur. De cætero recomendo librum Medicina sacra de morbis insignioribus qui in Bibliis memorantur cap: 9. Amstelodami 1749. C. Richardi Mead.

§. II.

Historia naturalis.

Sæpe in sacris literis arborum, gemmarum, herbarum, animaliumque mentio fit, quæ sine subsidio naturalis historię non possunt intelligi. Quoniam vero ab hac illave rei qualitate textus intelligentia pendet, igitur non sufficit Theologo dice-

re, hoc nomen piscis, gemmæ, aut arboris est, Quapropter Mat: 12 — 40. non cetum explicavi, a quo Jonas deglutitus est, quia ille in mari mediterraneo non invenitur, et si reperiretur, tunc fauces ejus nimis angustæ a rerum naturalium peritis traduntur, ut hominem vnum deglutiat, sed canem marinum, aut squatum glaucum intelligendum dixi. Sine historia naturali crederes forte ex Davide populariter loquente Psalmo 57 — 5. serpentes obturare aures suas adversus susurros magicos, et observare pedes hominum, nè ab iis obterantur, adeoque prudentiam serpentis Mat: 10 — 16. in eo ponere. Sed rectius in eo prudentiam serpentis collocabis, si juxta Horatium, ea mala et pericula ipse fugias, quæ in aliis volut serpens aut aquila observari. Si parabolam de centupli seminis fructu explicare volueris Lucæ 8 — 8. ex historia naturali Plinii lib: 18. cap: 21. possibilitatem parabolæ juxta præfatas superius Regulas demonstrare deberes. Ea ejus verba. *Tritico nihil est fertilius, cum è modio, si aptum sit solum, ut est in Byzacio Africae campo, 150. modii reddantur. Procurator Africae ex eo loco misit Augusto ex uno grano 150. paucis minus germina. Misit et Neroni ex uno grano 360. stipulas. Ca-*

vendum tamen, ne ex inole Orientalium nostras res aestimemus, sic granum synopsis Mat: 13 — 21. longe aliud est, quam in nostris oris, quia illud post multos decem annos fructum profert, et in arborum crescit, neque enim ecentra quotannis evanescit. Male quoque de filo protige Lucæ 15 — 16. siliquæ in Polonica Versione per mltoto versæ sunt, quia in orientali-bus regionibus siliquæ sunt fructus homi-nibus et porcis communis, melius ergo ex græco *stracki* seu *legumina cruda* pone-rentur. Notandum danique, quod mox erat Hæbræorum, signis visibilibus exprimere ea, quæ prædicebantur aut sigis fiebantur. Sic Jerem: 21 — 2. funes et compedes sunt signa servitutis. Lucæ 22 — 38. duo gladii sunt signum conflictus. Act: 21 — 11. *alligatus ego spiritu*, et Joan: 20 — 22. *insufflatio* actionem symbolicam deno-tant, et sic ultra.

Veteris Testamenti.

Libri	Capita	Versus.
116.	1074.	27876.
27.	260.	7949.
<i>Utriusque Legis</i>		
73.	1334.	35825.

FINIS.

LITURGICA

DE

RITIBUS TRACTANS SPECIATIM VERO
DE MISSA.

AD

USUM SEMINARII VARSAVIENSIS
CONTRACTA.

CURSUS PRIMUS.

§. I.

Idea Liturgicæ.

QUOD apud Latinos significat Missa, quo nomine à Secundo Ecclesiæ Sæculo novæ legis Sacrificium denominabatur, hoc apud Græcos dicebatur Liturgia, Æcon mia, Mystagogia, Synaxis, Eulogia, Anaphora, Telete, Prophora. Missa à duplici Catechumenorum seu Pœnitentium et aliorum fidelium dimissione derivatur, sumebaturque antiquitus pro Collectis vel Lectionibus, vel pro ipso officio divino, habetque apud Latinos varias denominationes, puta *Agenda, Dominicum, Oblatio, Communio*

Coena, *Sacrificium unionis*, ab utraque Ecclesia passim *Sancta Sanctorum*. Christus propriis vestibus Eucharisticam coenam perfecit; Sed Apostoli ac speciatim S. Petrus ipsâ die Pentecostes sacerdotalibus vestibus indutus, accensis luminaribus, cum oratione Dominica ante et post Missam à S. Leone et aliis celebrasse perhibetur. Paulo post varii ritus adjecti sunt.

§. 2.

Ritus Liturgice diversi propter Persecutionem.

Post Apostolorum tempora Collecta, Oblatio, Communio, Adoratio, Pax, in qualibet missa quidem adhibebatur, sed ritus hi offrendi haud erant stabiles propter persecutionis permanentem saevitiam. Dispersi enim Pastores, qui mox hos, mox illos ritus adoptârunt, non potuerunt sibi communicare, unum et eundem ritum, sed et in Occidente et Oriente erant diversi, Sacrificio eodem ubique permanente. Eapropter Liturgia sub nomine S. Jacobi, Marci, Basilii, Joannis Chryzostomi, Ambrosii, circumferebatur. Celebrabatur quoque Missa linguâ primigeniâ, licet non semper vulgari, quod divervitatem auxit. Sic Romæ diversa officia celebrabantur, unum

pro Papa, alterum prolixius, licet a S. Petro ordo Missæ quam Romæ habuit in domo Pudencianæ, præscriptus habebatur teste Justino, qui illam Missam vidit et describit. Post S. Petrum *Gelasius* et post *Gelasium* *Gregorius M.* ordinem Liturgicum adornavit. In Oriente Colchi, Iberi, Albani, Melchitæ, Jacobitæ, Copti, Æthyopes, Nestoriani varias habuerunt Liturgias, quæ varietas hodie ibi permanet, ita ut Jacobitæ 28. Liturgiis utantur Tom I. fol: 254. *Pellicia*.

§. 3.

De præcipuis Liturgiis Occidentis.

Primum locum in Occidente obtinet Liturgia Romana, quæ primo Sacramentarium *Leonianum*, Leone certè antiquius, dein *Gelasianum*, tandem *Gregorianum* dicebatur, quæ tamen successu temporis mutata, et à variis Pontificibus aucta fuisse. In Hispania ordo Liturgicus a Gothis ex Oriente sæculo VI. inductus, qui *Mozabicus* postea dictus fuit, quia Hispani mixti cum Arabibus ad fidem conversis, illum ritum concorditer adoptarunt, et ad XI. Ecclesiæ sæculum totas pervasit Hispaniæ Ecclesias edicto Concilii Tolètani IV. In Gallia Liturgia Gothica seu Gallicana adhibebatur ad Sæculum VIII. a v. authore *Hilario*

Pictaviensi vel Apolinari Tandem Medi-
olanensi Ecclesia propriam habent Li-
turgiam sub Nomine Ambrosii, quæ in-
diis novis aucta fuit ritibus. Hæc va-
rietas correctioni Missalis Romani a Pio
V. cui Patres Tridentini provinciam de-
mandaverant, sublata est.

§. 4.

Præcipuæ Partes Missæ Catechume-
norum.

Vetustissimæ Liturgiæ, puta, Ambro-
 sii, Gregorij, sequentes partes ha-
 bant. 1mo Introitum seu Ingressum,
 hanc partem non habebat Liturgia Gal-
 licana et Missarum, namque illæ Missam
 incipiebant a Lectione, 2do Confessione-
 nem quæ Apologia vocabatur, postquam
 Sacerdos aut Episcopus altari per gy-
 rum circumferebat. 3tio. Preces ut Kyrie-
 eleison, quod in Sacramentario Gregorij
 M. primo adnotatur. 4to. Gloria in Con-
 stitutionibus Apolis reperitur. 5to. Sa-
 latio v. Gratia. Pax omnibus vel Domi-
 nus vobiscum cum Collecta seu Oratione,
 quia Celebrans omnium vota co legit.
 6to. Lectio duplex erat, una ex veteri,
 altera ex novo Testamento teste Tertul-
 liano, post quas aliquando scripta Pon-
 tificum, legebantur. 7mo. Post Episto-
 lam seu Lectionem descendendo gradus,

Lector recitabat Psalmum, qui ideo *gradualis* aut *Responsorius* vocabatur, quod Graduale in *Musaraba* et *Ambrosiana* desinebat. Cantabatur autem a populo una cum clero 8vo. Post Graduale cantabatur *sequentia*, seu *Prosa* instar præparationis seu *Jubilationis* ad Evangelium, quod cum laudibus à Diacono cantabatur, post Benedictionem celebrantis, populus atque clerus illud delecto capite, bacillis depositis, audiebat. 9vo. Finito Evangelio respondebatur *Deo gratias*, et Episcopus fandebat orationem super *Catechumenos* ante eorum exitum. 10vo. Post *Symbolum*, quod sæpe dicebatur in Missa, habebatur *Concio*. Hucusque Missa *Catechumenorum* dicta, usque ad *Offertorium* nempe terminabatur.

§. 5.

Partes Missæ Fidelium.

Offertorium erat duplex: imo. *Vitualium* in usum Clericorum et pauperum, quæ primò à viris deinde foeminis in candidis lintaminibus offerebantur, deinde elementorum panis et vini. Oblatio à Viris et foeminis durabat tantum ad sæculum VI. Foeminae vero extra menstruum tempus ad Sæculum XIII pro se et viris adhuc offerebant, et

hæc oblatio per Diaconum recipiebatur ad altaris septa, ubi Laicis offerre licitum erat. De Oratione super Elementa panis et vini, et eorum thurificatione silent antiqua Sacramentaria usque ad sæculum IX. post quod adhibebatur, tam *Veni Sanctificator* et *Suscipe S. Trinitas*, quam thurificatio elementorum 2do. Finito offertoriô non solum Celebrans et Clerus, sed mares omnes exceptis foeminis lavabant manus, quia tantum illi Eucharistiam sumebant manibus propriis. Psalmus autem *Lavabo* nonnis à Sæculo XVI. ad lotionem recitari coepit universè. 3tio. Sacerdos deinde orabat secreto, populumque precabatur, ut oraret, postea Præfationem seu *Contestationem* teste Cypriano eodem fere modô, ut modo dicebat. Antea 9. erant hujusmodi *Præfationes*, sed Urbanus II. decimam addidit de Beata in Concilio Placentino 1095. 4to. Postea cantaba ut *Trisagion* veluti hymnus triumphalis *Sanctus*, cui græci addebant *Sanctus Deus Sanctus fortis*. 5to. Dicebatur deinde Canon seu *Legitimum* clarè ad Sæculum VI. tempore cujus Diaconi muscas abigebant flabellô, cæteri incurvato corpore stabant. 6to. *Memento* fiebat nomination antiquitus, pro Rege, Patriarcha, Benefactoribus, et cunctis offerentibus, et ex tabula seu diptychis à Diacono cuncti cla-

tē nominabantur *Chrys*, tandem silen-
ter ex diptychis in altari positis a Ce-
lebrante recitabantur ad sæculum XI.
7mo. Post vivorum memoriam fuit com-
memoratio SS. Martyrum 11, et Vir-
ginum 12, et Apostolorum totidem, et
procedebatur ad ipsam Consecrationem
dicendo *Hanc igitur*, vel *In fractione panis*.
8vo. Consecratio post orationem qui pri-
die quam pateretur fiebat verbis Christi
pancis additis, et hanc peractā hostia
à Diacono elevabatur apud Græcos, a-
pud Latinos verò ab ipso Celebrante.
9no. Post Consecrationem dicebantur o-
rationes varix, ac commemoratio de-
functorum ex diptychis, quæ apud Græ-
cos *Necrologia* apud Latinos *rotuli* voca-
bantur. 10mo. Postea oratio Dominica di-
cenatur, et hostiam in 3. partes Lati-
ni, in 9. Hispani, in 4. Græci divide-
bant, et jam tempore *Chrys* et *Aug.* A-
gnus Dei dicebatur et non multum à nostro
diversum. 11mo. Postea Sacerdos prece-
batur pacem, omnibus respondentibus et
cum Spiritu tuo osculo aqu. p. in De co-
nō porrigebat, qui illud præbebat po-
pulo, ut s. mutuo oscularetur. Quia
verò XI. sæculo illud osculum pacis
præbuit scandali occasionem, igitur apud
solos Liturgiæ ministros reliquum fuit,
et populo a diacono porrigebatur tabe-
lla, in qua aliqua sacra imago depicta

fuit. 12^{mō}. Postquam Sacerdos se ipsum communicârat, Eucharistiam quoque ministravit Presbyteris, Clericis, Monachis, Virginibus seu Diaconissis, et tandem viris et foeminis. 13^{tio}. Monstrando eam dicebat, *Sancta, Sanctis*, ad quæ populus respondebat: *Unus Sanctus, Unus Dominus* *J. C. Cyrill.* et extendentes nudam manam dexteram, quasi concavam, supponentesque lævam, muli res verò ambas manus supra cancellos linteo superimpositò, manu panem Eucharisticum ori admovebant, postquam ad verba Celebrantis *Corpus Xsti* responderunt *Amen*. Hic mos durabat ad Sæculum IX. 14^{to}. Post Communionem Sacerdos et populus aquam aut pastillum degustabat, nè cum saliva aliquid è symbolo Sacramenti Corporis et sanguinis, qui vel è calice vel fistula vel etiam corpori aspersus porrigebatur, expueretur.

§. 6.

Dimissio Fidelium seu Conclusio Missæ.

Post Communionem gratiæ agebantur. Deinde Diaconus clamabat: *Ite in pace* apud Græcos, sed apud Latinos passim *Ite Missa est*. Post hanc Dimissionem Sacerdos populo benedixit. Tan-

dem a S. Pio V. Evangelium S. Joannis Seculo XVI. nempe post missæ Romani correctionem additum fuit. Antiquitus fialta Missâ cantabatur in quibusdam Ecclesiis Canticum 3. puerorum, in aliis Evangelium S. Joannis, in aliis nihil dicebatur, sicque ritus totius novi et tremendi Sacrificij variè terminabantur.

§. 7.

De variis Missarum generibus.

Hucusque de Missa solenni dictum. Nunc de *privata* dicendum, quæ sine populi conventu fiebat, uti narrat S. Gregor. Naz. de suo Parente, quod gravi morbo ægrotans, absente populo in suo cubiculo sacrum faciebat, et in parvis ædiculis ruri, in memoriam Martyrum, aut ob varias necessitates, uti S. Ambrosius, Aug: memorant Erant etiam Missæ *bi-faciatæ*, *trifaciatæ*, dum nempe bis aut ter Liturgica, et semel tantum Canon cum Consecratione peragebatur, sed huic abusu fœditer Ecclesia post XVI. sæculum obstitit. Missæ quoque *nauticæ* seu apud Græcos *præsanctificatorum* habebantur, in quibus Sacerdos non consecrabat, sed tantum ex præconsecratæ communicabat, uti fit apud Latinos in Pa-

raiceve, et apud Græcos in Quadragesimâ, exceptis Sabbativis et Dominicis diebus. Hujusmodi Missæ dicebantur nauticæ, quia in mari habebantur, supra quo consecratio periculosè fiebat. Apud Gallos vero *sicca* Missa hæc dicebatur, quæ a Sacerdote sacris induta, sine Consecratione et Communionem fiebat, et loco Corporis Xsti reliquias Sanctorum elevabat. Tandem Missæ defunctorum meminit S. *Cyprianus* seu *Sacrificij pro dormitione*. Nostra Missa defunctorum Sæculo IX. antiquior non est, huicque multa addita demptæque post Missalis præfatam Correctionem.

§. 8.

Quidam Ritus Liturgici abrogati passim vel mutati.

imo. In primitiva Ecclesia erat usque ad Sæculum VI. ante vel post Eucharistiam convivium charitatis *Agape* dictum, quod insinuatur 1. Cor: 11. 2do. Ordinabantur Diaconissæ, non tamen ad Missam, sed ad discooperiendas baptisandas puellas per immersionem. Hæc tamen ordinatio nec fuit nec esse potuit Sacramentalis, sed merè cæremonialis, sed et hæc cæremonia desit Sæculo VI. 3tio. Antea fideles sonitu lignorum, vel

per Cursores vel prænuntiationibus publicis ad devotionem in hoc vel alio loco maxime cryptis subterraneis invitabantur. Post Conversionem vero Constantini tubæ sonitu, malleo, vel percussione lignorum usquequo à Sabiniano, qui Gregorio M. successerat, campanæ adinventæ sunt, quarum sonitu populus convocabatur. Hæ Sæculo X. benedicebantur à Joanne XIII. 4to. Acolithi sindonem et saccum ad recipienda oblata deferebant. Diaconi colubio tantum seu tunica cum manicis ad cubitum tantum à Silvestro i. vestiebantur. Subdiaconi solâ albâ utebantur. 5to. Erat mos et usus annuli non solum apud Episcopos, qui remanet, sed omnes Xstianos *Clemens Alex:* cujus vestigium jam *Genes: 38.* de Juda legitur, eratque signum dignitatis. 6to. Varia vasa aliô nómine ac formâ ad cultum divinum adhibebantur, *eg. Urcei, lancea cum gladio ad secandum panem, Ad Benedictionem Dicerion, seu Cereus bisulcus, Tricerion Cereus trisulcus, cochlear ad Communionem, Cantatorium Flabellum, Asteriscus instar duorum Arcuum ad cooperiendas hostias.* 7mo. Præter indumenta sacra, quæ modo retenta sunt, Episcopi habebant *caligas* seu tibialia, *Orale* seu velum sericum diversis celeribus distinctum, quod post albam ponebatur, *Subciatorium* seu

parvus manipulus, quô solus Papa utitur. 8vo. *Superpelliceum* erat talare antiquitus, sed a Concilio Basileensi decurtatum fuit, quia dicit *ultra medias tibias tunicam longam esse debere*. Calix antea erat ligneus, a *Zepherino* vitreus decretus, deinde argenteus vel aureus sub *Callisto*, III Sæculo, octangulae formæ cum imaginibus et nomine Episcopi teste *Tertul.* cum capsula adhibebatur, modo consecratus debet esse non ex aurichalco aut ære.

§. 9.

Novi Ritus substituti ad Gregorium M.

Ante Correctionem Missalis Romani diversi ritus Liturgici additi sunt. Et quidem Romani Pontifices pro temporis opportunitate veteres abrogarunt, novosque substituerunt, ut unitatem ritus in Occidentalem Ecclesiam saltem unam cum ordine Romano induxerant. Hinc S. Alexander præter benedictionem aquæ sale mixtæ decrevit lectionem *Epistolæ* et *Evangelii* in Missa, qui pridie quam pareretur, Unde et memores et *Passionem* in majori hebdomada. 2. Altare antea erat ligneum, dein lapideum, consecratum, reliquiis ornatum. S. Ambrosius *Graduale Pax Domini* et *Præconium Paschale* con-

cinneſſe ſcribitur, S. *Anacletus* Dominus vobiscum inſtituiſſe dicitur, S. *Anastasius* ad Evangelium stare juſſit, S. *Bonifacius* I. juſſit *Gloria in Excelsis* dici in Miſſa. S. *Celeſtinus* I. author eſt *In- troitus*, *Tractus*, *Offertorii* quod primitus ſine precibus fiebat. In Concilio *Moguntino* decretum, ut ad elevationem hoſtiæ pulſetur, ſicut in veteri Teſtamento *Levitæ* tempore Sacrificii tubas argenteas clangebant, quarum ſonitu ad adorandum Dominum populus convocabatur. Hujus ritus meminit. *Jvo Carnutensis*. Univerſè tamen hic ritus ſub *Gregorio XI.* 1240. invaluit. *Vestes ſacras* S. *Clemens* juſſu S. *Petri* præſcripſe fertur, et earum jam meminit S. *Anacletus*. *Diverſus color* in Miſſa poſt *Silveſtrum I.* adhiberi cæpit, et à *Constantino M.* *Macario* donata fuit ſtola filis aureis texta *Theod: Planeta* S. *Gordiani* *Patris* S. *Gregorii* erat caſtanei coloris *Joan: Diac:* Ante *Constantinum* vèroſimiliter linô vel lanâ utebantur. Author *Actionis Communicantes* creditur *Siricius* *Papa* eè legitur in *Const: Aplis.* *Liturgia* ſub nomine S. *Jacobi* incipit a *Confessione*, ſed *Confiteor D. o Damaso* tribuitur. *Dalmaticæ* quidem S. *Cyprianus* meminit, eſt in *Romana Eccleſia* S. *Silveſter* eam conceſſit *Diaconis* in *Festis tantum ſolemnioribus.* Antea *Reges* ea, uteban-

tur Baron. S. Damasus Gloria Patri Alleluja et Symbolum Constant: in Missa dici mandavit. Deo gratias Monachi dicebant occurrentibus sibi hominibus, ut scribit S. Augustinus, et post quamlibet Epistolam respondebatur Deo gratias, quod nos Deus pane cælestis doctrinæ enutrire dignetur. Post Epistolas vero S. Pauli semper dicebatur Pax tecum, Dominus vobiscum legitur Ruth: 2. et 2. Paral: 15. Gabriel Angelus quoque Mariæ dixit Dominus tecum, in Missam vero à Clemente vel Anacleto inductam dicitur. Distributa sunt evangelia et Epistolæ per annum à S. Hierony: probante Damaso. Reliquias SS. in altari decrevit Felix I. Dotationem vero Ecclesiæ Felix IV. S. Leo Orate Fratres. Hanc igitur, Benedicamus et Ite Missa Oblationem instituit. Candelabra S. Melchisedech poni jussit in Altari.

§. 10.

Ritus post Gregorium M. additi.

S. Gregorius præcipuus Author Missalis habetur, namque ultimus Canon verba addidit diesque nostros, post quem nemo alius Canonem correxit. Orationi Dominicæ addidit Libera nos et Præceptis salutaribus. Adornavit sequentiam Defun-

ctorum, lotionem pedum, adorationem Crucis in Parasceve, stationes et Litanias majores instituit. Gregorius IX. *Symbolum* in Festis Doctorum dici mandavit. Missam votivam B. V. adornavit Albinus præceptor Caroli V. rogatu Bonifacii Archiepiscopi Moguntini una cum votiva de Trinitate, Cruce, Angelis. Officium vero B. V. in Sabato destinavit Urbanus II. in Concilio Claromontano 1096. Tandem Urbanus VIII. multa de celebratione Missæ decrevit.

§. II.

S. Pii V. Missale.

Ex ritibus mox memoratis universeque susceptis in Europa, exceptis quibusdam Hispaniæ et Italiæ Provinciis, in quibus ritus Mozarabicus aut Ambrosianus viget, coalescit Missale Romanum à Pio V. correctum susceptumque in Occidentali Ecclesia. Quod attinet varia statuta à Joanne Burchardo Cæremoniario Papæ collata 1542. et postea sub nomine Rubricarum auctoritate Pii V. et Clementis VIII. prodita in lucem, ea explananda sunt iis, qui vices Xsti in terris gerere, sacrificiumque tremendum pro suis et populi delictis suo tempore offerre voluerint.

Monstrantur Alumnis Seminarij partes Missalis.

§. 12.

Regulæ seu Rubricæ generales.

Missa fit vel de duplici cum unica Oratione nisi commemoratio fieri debeat, vel de Semiduplici aut simplici in qua 3. orationes dicuntur, sicut in Dominicis per annum, vel de feria aut vigilia, quando nullum Festum occurrit. Quando non est duplex, tunc potest haberi Missa votiva, si rationabilis causa adsit cum commemoratione Festi de quo fuit officium, et simplicis, si hoc die occurrit. Potest etiam dici Missa defunctorum, dum non est duplex, aut Octava privilegiata, eg. Nativitatis Domini, Epiphaniæ, Paschatis, Pentecostes, in qua non nisi exposito funere Missa defunctorum haberi potest. Missa semper debet esse conformis officio. Si tamen in aliqua Ecclesia sit titulus, aut populi concursus ad Festum, quod transferri debet, tunc duæ possunt celebrari Missæ, una de die, altera de Festo translato.

§. 13.

De Commemorationibus.

Commemorationes in Missa fiunt sicut in officio, eg. de Octava, Domini

ca, Festo simplici, Feria Adventûs, Quadragesimæ, Rogationis, Vigiliis, si agitur de Festo duplici De simplici tamen in Missa solemni non fit commemoratio, si de eo in primis Vesperis nulla fuit, sed in laudibus tantum et Missa privata. In Missis votivis secunda oratio semper est de Festo diei. Ordo vero Commemorationum est sequens 1. Dominica. 2. dies infra Octavam. 3. Feria. 4. simplex 5. Orationes quæ 2do. et 3tio. locis dicendæ. Quotiescunque vero plures Orationes dicuntur, prima tantum et ultima terminatur per Dominum, et ante primam et secundam tantum dicitur *Oremus*. Si vero una ex orationibus cum altera concordat, ut in Secretis et Postcommunionem non raro contingit, tunc secunda commutanda est ex Comuni.

§. 14.

Epitome Cæremoniarum.

1mo. Quotiescunque se signat Celebrans, manum ponit sinistram super pectus. Idem dicendum est, dum tundit pectus, excipe dicendo *Nobis quoque* in Canone, quia tunc ponitur sinistra supra Corporale. 2do. Quotiescunque signat oblata, toties manum sinistram ponit su-

per Altare vel post Consecrationem in Corporali junctis semper primo manibus. 3tio. Inclination capitis fit ante revisionem ligularum, ad *Gloria Patri*, *Gloria in excelsis*, et ad ea verba quæ infra memorabuntur, ad nomen *Jesu* et *Mariæ* ad *unum Deum* in *Credo*, et adoratur, ad *Gratias Domino Deo nostro*, ad utrumque memento, ad *Tibi gratias agens*, ad *Per Xstum Dominum nostrum*, in 2do Memento, ad *Humiliate capita*, *Benedicat vos Omnipotens Deus*. Ad *Qui vivis*, ad unitate *Spiritus S. Deus*, ad nomen *Papæ*, ad nomen *Sancti* cujus Festum colitur. 4to. Inclination mediocris ad *Deus tu conversus*, ad *Aufer a nobis*, *Oramus te Domine*. *In spiritu Humilitatis*, *Suscipe S. Trinitas*, ad *Sanctus*, *Agnus Dei*, *Domine non sum dignus*, *Placeat*. 5to. Inclination profunda accedendo ad Altare, per totum *Confiteor* donec *Amen* respondeatur. Ad totum *Munda cor meum*, ad *Te igitur*. Tandem exeundo et redeundo ad Sacellum. 6to. Signat se cruce In initio *Missæ*, ad *Indulgentiam* Ad *Introitum*, præterquam de *Requiem*, quia tunc liber signatur. In fine *Gloria* et *Credo*. Ad utrumque *Evangelium* in fronte ore et corde. Ad *Benedictus*, ad omni benedictione celesti in *Canone*. Signans se patena et dicens cum *Petro Paulo*. Dum se communicat Corpore et sanguine *Xsti*. 7mo. Manus extendit ad hu-

meros et jungit ad *Aufer à nobis*, Gloria
Credo Dominus vobiscum Orate Fratres Ve-
ni Sanctificator, Sursum corda ad gratias
 agamus Dno Deo nostro, Te igitur, Me-
 mento. Fiat dulcissimi Filij tui, Benedicat
 vos. 8vo. Junctas habet manus super
 Altare ad *Oramus te Domine. In spiritu*
humilitatis. Suscipe SS. Trinitas Te igitur
Clementissime. Supplices Te regamus. Ad 3.
 orationes ante Communionem, ad *Placeat.*
 9no Osculatur Altare ad quorum reliquæ,
Ante Dominus vobiscum, Orate Fratres, Ad
ut accepta habeas; post ex hac altaris par-
ticipatione Ante pax tecum, post Placeat.
 10mo. Habet apertas et elevatas manus ad
 scapulas in Orationibus, Secretis, Post-
 communionibus ac in Præfatione, ad ma-
 jorem partem Canonis, ad *Pater noster.*
 11mo. Tenet manus separatas super al-
 tari vel super Missali, quoties utque
 osculatur altare vel genuflectit, ad Epi-
 stolam et sequentia, aut hymnum. Ad
Verba Per omnia et Dominus vobiscum. An-
te Præfationem. Ad Per omnia, ante Pater
noster. 12mo. Tenet manum sinistram
 super, altare quoties dextra aliquid ope-
 ratur v. benedicit, Ad *Nobis quoque pecca-*
toribus. Libera nos quæsumus Agnus Dei.
 13lio. Elevat oculos ad *Munda cor meum*
Suscipe S. Pater seu Offertorium panis et
vini, ad Veni Sanctificator. Suscipe S. Tri-
nitatis, ad Deo nostro post gratias agamus,

ad Te igitur, ad elevatis manibus, ad utramque elevationem ad *Benedicat vos.* 14to. Pronuntiatio demissa ad *Aufer à nobis et Oramus*, ad totum *Munda cor, Per Evangelica dicta.* Ab offertorio usque ad *Præfationem* exceptis *Orate Fratres.* Ab initio Canonis usque ad *per omnia*, ante *Pater noster* exceptis *Nobis quoque peccatoribus:* A *Pater noster* usque ad *Communione* exceptis *per omnia, Pax Domini Agnus Dei, Domine non sum dignus.* Ad *Plâceat.* 15to. Pronuntiatio mediocris ad *Orate Fratres* usque ad *Sanctus* inclusivè, ad verba *Nobis quoque.* Domine non sum dignus. In reliquis est Pronuntiatio alta juxta vulgarem regulam A B. C D.

Hæc sunt prænotata, ut non repetantur denuo.

§. 15.

De Principio Missæ usque ad Gloria.

Sacerdos Missam celebraturus, dicto Matutino et laudibus, se præparet per orationem, perquirat Missale, lavet manus dicendo *Da Domine*, præparet calicem, induit se vestibus sacris, ad singulas dicens, orationem positam in Missali. Sicque indutus manu sinistrâ accipit calicem, dextram supra illum po-

nens, atque facta profunda reverentia Cruci vel imagini capite cooperto, cum ministro procedit incesso gravi, oculis demissis, capite erecto. Transiens ante majus altare, coopertus facit reverentiam, si ante locum Sacramenti, genuflectit uno genu, si vero expositum sit Sacramentum aut elevatio in Missa, utroque genu adorat Sacramentum, detecto capite. Surgit autem cum celebrans calicem super altare posuerit. Perveniens ad altare, ubi celebraturus est, detegit caput, inclinatur se profunde, aut ante Sacramentum genuflectit, atque ascendens ponit calicem ad cornu Evangelii, explicat Corporale, et super illud calicem velò coopertum collocat, bursum vero ad cornu Evangelii, Facta inclinatione capitis accedit ad cornu Epistolæ, atque repertâ missâ redit ad medium Altaris, factâque reverentiâ vertit se à cornu Epistolæ et descendit ad faciendum Introitum, quem incipit junctis manibus ante pectus, extensis ac junctis pariter digitis et pollice dextrò supra sinistrum positò in modum crucis, facta cruci profunda inclinatione vel coram Sacramento genuflexione. Coram Episcopo tamen Celebraturus ex cornu Epistolæ expectat Benedicti nomen ad incipiendum Introitum, et in Confiteor dicit *Tibi Pater loco vobis Fratres facit-*

que ante et post Introitum Episcopo profundam inclinationem. Dicitur vero Psalmus *Judica me* seu Introitus semper, excepto tempore Passionis et Missis Defunctorum. Finito Introitu dicit secreto orationes consuetas, osculaturque altare ad ista verba *quorum reliquia hic sunt*, manibus extra corporale usque ad consecrationem extensis, incipit Introitum voce intelligibili se signans signo S. crucis. Ad Gloria Patri caput cruci inclinatur, Proceditque finito Introitu in medium altaris cum capitis inclinatione, dicit nonies cum ministro alternatim *Kyrie eleyson*, quod finito, extendens manus elevatasque usque ad humeros, et dicens Deo jungebat, inclinansque caput cruci dicit, *Gloria* si dicendum.

§. 16.

De Gloria usque ad Evangelium.

Gloria dicitur toties, quoties in Officiis dicitur *Te Deum*; In Cæna Domini tamen et Sabbatho S. dicitur quia pulsantur Campanæ. Non dicitur in Missis Votivis et Defunctorum, nisi in Votiva solemni, Angelorum aut Beatae in Sabbatho. Inclinat caput ad *Adoramus Te. Gratias agimus Jesu Xiste* semel et iterum

rum, et dum dicit *Suscipe deprecationem*.
 Orationes in Semiduplicibus sequenti
 ordine dicuntur. A Pentecoste ad Adven-
 tum et à Purificatione ad Quadragesi-
 mam: 2da Oratio à cunctis 3tia ad Li-
 bitum. Ab octava Epiphaniæ ad Purifi-
 cationem. 2da. *Deus qui.* 3tia. *pro Ec-*
clesia vel pro Papa. A Feria 4ta Cine-
 rum ad Dominicam Passionis 2da Feriæ
 3tia A cunctis. A Dominica Passionis
 usque ad Dominicam Palmarum, 2da Fe-
 riæ 3tia pro Ecclesia vel pro Papa. Ab
 Octava Paschæ ad Ascens: 2da Conce-
 de de Beata 3. pro Ecclesia vel Papa.
 In Semiduplicibus infra Octavas 2da di-
 citur de Octava, 3. quæ 2do loco infra
 Octavas ponitur. Infra Octavas Paschæ
 2da Oratio tantum dicitur pro Ecclesia
 vel Papa. Infra alias Octavas 1ma. de
 die 2. de S. Mariæ 3. pro Ecclesia vel
 Papa. Infra Octavas S. Mariæ et ejus
 Vigiliis, item infra Octavam OO. SS. 2.
 de Spiritu S. 3. pro Ecclesia vel Papa.
 In Dominicis infra octavas duæ tantum
 dicuntur orationes, de Dominica nempe
 et Octava. In ipsa Octava vero una, nisi
 fiat commemoratio. In Dominicis per
 Annum. Simplicibus, etiam tres dicuntur
 Orationes, sicut in Semiduplicibus, pos-
 sunt vero etiam 5. aut 7. dici ad libi-
 tum. In Missis votivis etiam duæ fiunt
 commemorationes, prout notatur in Ta-

bula infra posita, pro re gravi unica, pro gratiarum Actione. 2. Terminatur autem Oratio *Per Dominum* si ea dirigatur ad Patrem: Si vero ad Filium dirigatur *Qui vivis*. Si in Principio Orationis mentio facta sit Filii tunc terminatur Oratio *Per eundem*: Si Spiritus S. tunc dicitur *eiusdem Spiritus S. Deus*. Quotiescunque dicit Orationem, ad verbum *Oremus*, extendit manus, ut palma respiciat palmam, non tamen ultra humeros, inclinansque caput, moxque jungit, et iterum extendit eas usque ad conclusionem *per Dominum*, aut *Qui vivis*, tenetque eas junctas usque ad finem. Post Orationem legitur Epistola, postquam semper respondetur Deo *gratias* excepta 5ta. Danielis, in Sabbatis 4. temporum cum Alleluja dicitur, et in fine Lectionum Feriæ 6tæ. in Parasceve et Sabbati Sancti. Post Epistolam dicitur *Graduale* excepto tempore Paschali, quo loco ejus dicuntur duo Versus. A Septuagesima ad Pascha non dicitur *Alleluja*, sed ejus loco dicitur tractus. Neque in Vigiliis quæ jejunantur, Feriis Adventus, 4. Temporum. Festo Innocentium, extra Dominicam, *Alleluja* dicitur. In Vigilia tamen Paschæ Pentecostes et Nativitatis, si in Dominica venerit, dicitur Alleluja. Post Graduale seu Tractum dicitur *Evangelium*, cum *Dominus vobiscum*, *Sequentia*

et signat librum Celebrans, et se ipsum, quò finitò osculatur librum, et responde-
tur *Laus tibi Xste.* In Missa defuncto-
rum non osculatur librum, nec dicit *per*
Evangelica, nec celebrando coram Epi-
scopo, quia tunc illi liber deosculan-
dus deferitur, nec dicit *per Evangelica*,
nisi dùm ipse osculatur.

§. 17.

De Symbolo usque ad Præfationem.

Symbolum non dicitur in Feriis, Se-
miduplicibus, aut duplicibus per annum,
dum Missa dicitur de Martyre, Confes-
sore, Virgine aut Vidua, juxta id vul-
gare *M V. C. non credit*, nisi venerit in
Dominicis aut infra Octavas. Dum di-
cit *Et incarnatus est genuflectit* Sacerdos.
Expletò Symbolo dicit *Dominus vobiscum*,
Offertorium junctis manibus, discooperit
calicem, ponitque ad cornu Epistolæ,
amovet pallam, accipit patenam cum
hostia et ambabus manibus ante pectus
eum elevatam tenens, dicit *Suscipe.* Si
fuerint aliæ hostiæ consecrandæ in va-
se super corporali, dext.â illud disco-
operit, et ad illas consecrandas in-
tentionem dirigit, Finitò Offertoriò illud
vas pallâ cooperit. Di tò offertoriò ce-
lebrans in eadem altitudine facit cum

patena signum crucis super corporale, hostiam ante se, patenam vero subtus corporale ponit. Pergit ad cornu Epistolæ, et accepto calice vinum infundit et aquam nihil dicendo ad Benedictionem extra Missam Defunctorum, et recitat *Deus qui*. Rediens ad medium Altaris cum inclinatione, dextra accipit calicem, ambabus manibus eum tenens, dicit *Offerimus*, quò finito crucem format, cooperit eum, et inclinatus dicit preces præscriptas, et oblata benedicit, proceditque ad lotionem manuum, post quam in Missis Defunctorum et tempore Passionis non dicit *Gloria Patri*. Redit postea junctis manibus ante pectus in medium Altaris, inclinatus dicit *Suscipe* elevatis primo et demissis statim oculis, quò finitò vertens se ad populum dicit clare *Orate Fratres*, ac reliqua secreto dicendo, perficit circulum, nisi sit expositum SS. Sacramentum. Post recitatum à Ministro *Suscipiat*, respondet Celebrans secreto *Amen*, ac sine *Oremus* juxta numerum orationum, quæ in principio Missæ clare dictæ sunt, dicit orationes secretas, ac eodem modo finit, sicut ibi dictum est. His peractis dicit per omnia cum reliquis, *Præfationem*, conformem Festo propriam vel communem, quà finitâ profunde inclinatus, *Sanctus* dicit, ad *Benedictus* se signans

erigit. In Votivis etiam propria Præfatio dicitur. Infra Octavas propria Festi dicitur, licet nulla facta sit de eo commemoratio.

§: 18.

De Canone.

Canon Missæ dicitur secreto. Actio, *Communicantes* et *Hanc igitur* aliquando variantur. Incipit vero Celebrans Canonem oculis ac manibus elevatis ac statim demissis, ac positis manibus super altare dicit *Te igitur*. Post istud Verbum *benedicas* osculatur altare, et mox erectus ac junctis manibus, quod semper ante quamvis Benedictionem observandum est, ter oblata benedicit, ad verba *hæc dona*. Si sedes Papalis aut Episcopalis vacat, tunc eorum nomina omittuntur. Ad *Memento* stat junctis manibus, facitque secreto memoriam tam vivorum, quam postea mortuorum, licet sufficiat eos mente exprimere. Ad verba per *Christum Dominum nostrum* semper jungit manus sine inclinatione. Ad *hanc igitur* manus expandit super oblata pollicibus in modum crucis supra posit. Ad ista verba *benedictam adscriptam ratam* ter, ad ut nobis *Corpus* semel, et ad *sanguis* itidem semel calicem benedi-

cit, factâque manuum ac oculorum elevatione, capitisque inclinatione, ut dictum est, extergit digitos ad verba *Qui pridie*, accipit pollicibus et indicibus hostiam ad verbum *accipiens*, elevat oculos ad *elevatis*, inclinat caput ad *gratias agens*, benedicit ad *benedixit* et prosequitur reliqua. Si plures hostiæ consecrandæ sunt, discooperit vas ante acceptionem panis manu dextra. Tandem cubitis super altare positis distinctè reverenter et secreto profert verba consecrationis tam supra hostiam, quam pollicibus et indicibus tenet, quam super alias consecrandas, extensis aliis digitis, junctisve, eamque genuflexus adorat, elevat, et intentis in eam oculis populo adorandam ostendit sicut calicem, moxque manu dextra repositam iterato adorat. Ab eo tempore pollices et indices non disjunguntur, nisi cum hostiam tractare debet. Cooperit post 2dâ adorationem vas hostiarum consecratarum, si subsit, et discooperit calicem, quem ambabus manibus tenens elevat ad *accipiens* benedicit, et se inclinat ad *gratias agens* formam calicis profert, quâ finitâ adorat Sacramentum et dicit *hec quotiescunque* elevat, sistit, cooperit, adorat denuo. Dicit deinde consuetas preces, facit oblatorum et sui ipsius Benedictionem, tundit pectus ad No.

bis quoque peccatoribus manu sinistra super altare positâ, signat hostiam ter dicendo sanctificas ac manu dextera calicem discooperit, et Sacramentum adorat. Surgens sinistrâ tenet calicem infra cuppam, et dextrâ accepto corpore super calicem à labio ad labium 3. cruces format dicens per ipsum, et infra calicem bis signat dicens est tibi Deo Patri, tenensque tandem hostiam super calicem, ambabus manibus eum elevat, hostiam reponit, calicem cooperit, et adorat. Positis dein manibus intra Corporale extensis dicit per omnia. Post Amen jungit manus dicens Oremus, disjungit et extendit ad Pater noster usque Et nos, quod dicens extergit purificatorio patenam, eamque tenens mediam inter indicem ac alios digitos, erectam, super altari, sinistrâ super corporali positâ, secreto prosequitur Libera nos, et antequam dicat da propitius pacem signat se patenâ, et eam deosculatur, et hostiæ supponit, et orationem ultra prosequitur. Discooperit deinde calicem, adorat Sacramentum, et accipit hostiam inter pollicem et indicem dextræ manus, reverenter frangit dicens per Dominum, positâ unâ parte hostiæ frangit alteram, dicendo qui tecum vivit ac sinistrâ dein calicem tenens dicit per omnia, et ter signando 3tia particulâ ho-

stix crucem, dicit *Pax Domini*, quô finito eam in calicem immittit dicendo *Hæc commixtio cooperit Calicem*, genuflectit, et positis manibus super altari dicit *Agnus Dei*, in cujus fine tundit pectus, manus non jungendo, postea inclinatus 3. orationes recitat vel duas in Missa Defunctorum, in qua pectus non tundit, sed dicit *dona eis requiem*. . Dictis Orationibus Sacramentum adorât, manu dextrâ ambas hostiæ partes accipit, et pat nam inter indicem et medium sinistræ supponit, dicens *Panem caelestem*, et inclinatus, tundens pectus dicit *Domine non sum dignus ter*, quibus finitis erigit se, et manu dextrâ hostiam tenens, se illâ signat, ita ut limites patenæ non egrediatur dicens *Corpus Domini*, et positis cubitis super altare, corpus Christi reverenter sumit. Sumptô Corpore, patenam ponit super corporali, erigit se, et junctis ante pectus manibus, quiescit in meditatione SS. Sacramenti, postea discooperit calicem, genuflectit et patenâ colligit fragmenta dicens *Quid retribuam* et patenam super calicem pollice et indice extergit. Junctis pollicibus et indicibus, dextrâ calicem infra cuppam accipit, sinistrâ patenam, dicendo *Calicem salutaris*, signat se Calice dicens *Sanguis Domini*, et supponens sinistrâ patenam ca-

lici, sumit sanguinem ad summum triplici haustu. Deinde positō calice super altari et dicendo *Quod ore porrigit calicem ministro ad infundendum vinum.* Quō sumtō pollices et indices ponit super calicem, sicque ad cornu epistolæ factā inclinatione procedit ad purificandum calicem, vinō et aquā, dicendo *Corpus tuum.* Reversus inclinat se, ablutionem sumit, os et calicem purificatoriō extergit, et purificatorium patenamque calici imponit, sistit extra corporale, et plicatō corporali reliqua ut ante Missam imponit super calicem. Si Communio distribuenda sit, ea peragetur sumptō sanguine.

§. 19.

Finis Missæ.

Communio et Orationes post Communionem dicuntur eō ordine ac modō, ac repetito *Dominus vobiscum* et osculō altaris sicut in principio Missæ. Finitā ultimā Oratione claudit librum, nisi legendum sit Evangelium Dominicæ, Feriæ aut Vigiliæ. Post osculum altaris dicit *Dominus vobiscum* et *Fte Missa* quotiescunque *Gloria* dictum est, quia alias *Benedicamus* dicendum foret, et in Missa defunctorum *Requiescant* licet pro

uno. Dicto *Placeat* datur *Benedictio* extra Missam defunctorum, præsente vero Episcopô, acceptâ licentiâ ejus benedicitur. Post Benedictionem perficit circulum, nisi coram SS. Sacramento celebraretur, et dicto *Dominus vobiscum* legit Evangelium, quod signat, et suam fröntem, os et pectus. In Evangelio Joannis flectit ad illa verba *Et verbum*, ac rediens in medium accepto calice sinistrâ, dextrâ supra positâ procedit, facta profunda inclinatione sicut ante Missam ad sacellum.

Quoniam ea, quæ in Missa solemni, aut coram SS. Sacramento addenda sunt, aut in Missa Defunctorum omittenda, ad Cæremoniæ studium spectant, et in Seminariis videri aut ex Missali aut manuali Cæremoniæ legi possunt, igitur supervacaneum duxi, ea hic accuratius describere, ne opusculum in opus aut volumen excrescat.

§. 20.

Ordo Missæ juxta prædictas Regulas.

Recurrendum est ad ordinarium de tempore vel de Sanctis, Si propria Missa hic non habetur, sumenda Missa de Comuni, vel ex Festis pro aliquibus locis, vel ex Patronis Regni Poloniæ et Sveciæ. Si agitur de feria, sumitur ex

Dominica præcedenti, si non habeat propriam, omissis *Gloria* et *Credo*. Tempore tamen Paschali in Missa feriali dicatur *Gloria* exceptis diebus Rogationum. In Missa Defunctorum quotidiana dicuntur tres Orationes sine sequentia, in aliis una cum *Sequentia*.

Quomodo in Dominica Palmarum, in Purificatione, majori hebdomada procedendum, Rubricæ particulares suo loco et tempore legendæ sunt.

§. 21.

De Paramentis.

Quinque coloribus uti consuevit Ecclesia. 1mo. *Albô* qui adhibetur in Festis Domini, Beatæ, Angelorum, Cæna Domini, Sabbatho, S. Joannis Baptistæ, et Evangelistæ, et Cathedra S. Petri, et ad vincula, Conversione S. Pauli, in festo Doctorum, Confessorum, Virginum et Viduarum non Martyrum. 2do. *Rubro* in Festis SS. Martyrum excepto SS. Innocentium extra Dominicam. A Vigilia Pentecostes usque ad Sabbatum, in Festo Sanctæ Crucis. In Octavis et Votivis prædictorum Festorum. 3tio. *Viridi* in Officio de tempore ab Octava Epiphaniæ ad Septuagesimam, et ab Octava Pentecostes ad Adventum. 4to. *Violaceo*

in Feriis et Dominicis Adventus et Quadragesimæ, in Litanis et Rogationibus, in Festo SS. Innocentium extra Dominicam: In Processionibus et Benedictionibus Cinerum et Candelarum, Palmarum. 5to. Nigro in Parasceve et officiis Defunctorum.

§. 22.

De Qualitate Paramentorum.

In Missa Sacerdos semper utitur *Planetâ*. In Vesperis autem, Matutino, Benedictionibus, Processionibus, Pluviali, seu Cappâ, et tunc semper manipulum deponit. Ubi Pluviale haberi non potest, celebrans cum alba et stola sine Planeta benedicit in altari. *Dalmatica* et *Tunicellâ* utuntur Diaconus et Subdiaconus Celebranti assistentes, non tamen in Vigiliis jejuniorum, Dominicis et Feriis Adventus et Quadragesimæ, exceptâ Dominica *Gaudete et Latare*, etiam infra Hebdomadam.

§. 23.

Requisita ad Missam.

In altari debet esse crux, duo saltem candelabra cum candelis accensis,

3. mappæ super altari mundæ et benedictæ, tabellæ secretarum, Cussinus supponendus Missali, campanula, ampullæ cum pelvicula et manutergio, panis. Minister, intentio et dispositiones corporis et animæ. Debet etiam dici Missa ab aurora usque ad meridiem, nisi excuset Festum aut iter. Altare consecratum ab Episcopo. Ecclesia saltem benedicta. Vestes benedictæ. Corporale mundum, ex lino non serico, et quidem benedictum. Missale, vinum.

. 24. §

Qualitas panis et vini.

Si panis non est triticeus, aut sit corruptus, Sacramentum non conficitur. Si panis confectus sit ex aqua rosacea, dubium est, an Sacramentum conficiatur. Si ceperit corrumpi, aut fermentatus sit, valet Sacramentum, sed graviter peccatur. Quapropter si Sacerdos ante consecrationem, advertat hostiam esse corruptam, remotâ illâ, aliam ponat, factâ oblatione saltem mente, dein prosequitur ab eo loco ubi desiit. Si id post Consecrationem advertat, aliam ponat factâque oblatione saltem mente incipiat ab illis verbis. Qui pridie illam consecrat, et corruptam si non sumpsit

sumat post sumptionem corporis et sanguinis, vel alii sumendam tradat, aut reverenter conservet. Si vero sumpsit corruptam, nihilominus sumat mox consecratam, quia perfectio Sacramenti majoris est ponderis, quam jejunium. Si Sacerdos post sumptionem sanguinis hostiam corruptam fuisse cognoverit, debent denuo panis et vinum consecranda apponi, factâ oblatione utriusque incipiendo à *Qui pridie*. Idem dicendum, si hestia consecrata dispereat, vento, miraculo, aut ab animali accepta, reperiri non poterit.

§. 25.

Qualitas vini.

Si vinum sit acetum, aut putridum, aut ex uvis acerbis non maturis expressum, aut nimia quantitate aquæ corruptum, non perficitur Sacramentum. Acrescens vero, et mustum, ex uvis nunc expressum, aut acre, aut aquâ rosaceâ mistum, est quidem apta materia ad Sacrificium, sed conficiens illud graviter peccat. Quapropter si Celebrans ante sanguinis consecrationem advertat, non esse vinum in calice cum aquâ, aut esse corruptum, debet aliud vinum cum aqua apponere, et factâ ob-

latione consecrare, incipiendo à *Simili modo*. Idem quoque faciendum est, si id advertat post consecrationem sanguinis. Si vero post sumptionem Corporis detegeret, esse aquam loco vini, tunc aliam hostiam et vinum consecranda apponere debet, et factâ oblatione consecrare, et omissis cæteris sumere non obstante jejunio. Excipe nisi timeat scandalum in loco publico, tunc enim solum vinum apponere offerre, consecrare ac sumere omissis reliquis sufficeret. Si celebrans ante Consecrationem advertat, aquam non fuisse appositam, tunc attundat, sed post consecrationem, intermittat. Si materia denuo apponenda nullo modo haberi potest, tunc ante Consecrationem Corporis Missa relinquenda foret, post consecrationem Corporis vero proseguenda omissis signis, quæ pertinent ad speciem deficientem. Si expectando aliquamdiu haberi possit, expectandum foret, ne Sacrificium maneat imperfectum.

§. 26.

Forma.

Si quis diminueret aut mutaret Formam consecrationis, ut verba idem non significarent, tunc non conficeret Sa-

cramentum; Si vero aliqua adderet, conficeret quidem, sed graviter peccaret. Quapropter si constet certo, se omisisse aliqua, quæ ad necessitatem Sacramenti pertinent, deberet firmam consecrationis aut ejus partem ressumere, et cætera proseguire. Idem faciendum, si valde probabiliter dubitet, se aliquid essenziale omisisse. Quod si non pertinet ad essentiam, non resumatur.

§. 27.

Intentio.

Si quis non intendit consecrare, aut non nisi delusorie, is non consecrat. Non consecrat quoque hostias latentes, qui tantum patentes consecrare vult. Si quis phantasticus undecim hostias manu tenendo, vellet tantum decem consecrare, non determinando quas, is quoque non consecraret. Debet ergo intentionem habere consecrandi eas, quæ sunt in corporali. Si ergo deprehenderit duas hostias post Consecrationem, antea vero unam se tenere putans, debet utramque sumere. Si post sumptionem calicis aut etiam post ablutionem deprehenderit reliquias, sive parvas sive magnas, debet eas pertinentes ad idem Sacrificium etiam non jejunis sumere. Integra tamen hostia

sti a post ablutionem deprehensa in tabernaculo reponenda, vel sequenti Sacerdoti sumenda reliqui debet: Quod si conservari non posset, eam sumere non jejunus poterit. Si intentio non est actualis propter mentis evagationem, sed virtualis tantum, valet Sacramentum,

§. 28.

Dispositio animæ.

Existens in peccato mortali, et habens copiam Confessarii, suspensus, excommunicatus, interdictus, irregularis, conficit quidem Sacramentum, sed lethaliter peccat. Unde si in casu necessitatis non habens Confessarii copiam celebrat, aut in ipsa Celebratione se mortalis peccati reum recordetur, conteratur, et quam primum confiteatur, vel si scandalum non timet, ante consecrationem Missam derelinquere debet, tam in peccato mortali, quam Censura aut irregularitate, ante Canonem.

§. 29.

Dispositio Corporis.

Qui aliquid post mediam noctem sumpsit per modum cibi, potûs, aut

medicinæ non, potest communicare aut celebrare. Si quis vero ante mediam noctem aliquid sumpsit, licet non digesserit, aut non dormierit, celebrare poterit. Si deglutiatur stilla aquæ præter intentionem, aut reliquæ cibi transglutiantur per motum salivæ, Communionem hæc non impediunt. Si nocturnæ pollutioni per præcedentem cogitationem vel per nimiam erapulam causam dederit, aut de consensu dubitaverit rationabiliter, tunc debet abstinere.

§. 30.

Varii Casus.

1. Si celebrante Sacerdote violatur Ecclesia, homicidio voluntario, seminis humani effusione manifesta, aut si timeatur hostium incursus, aut alluvio, tunc ante Canonem dimittat Missam, post Canonem vero acceleret sumptô Sacramentô, omissis aliis.

2. Si Sacerdos ante Consecrationem infirmetur, moriatur, aut in syncopen incideret, Missa prætermittitur. Si vero id contingat post Consecrationem; Missa supplenda est per alium Sacerdotem, licet non jejunum, it ut infirmo Sacerdoti mediam hostiam vel aliam conse-

cratam præbeat, alteram partem hostiæ et sanguinem ipse supplens sumat.

3. Si musca aut aranea ante consecrationem in calicem incideret, vinum in vas effundendum, aliud mistâ aquâ apponendum, offèrendum et consecrandum est. Si vero id fiat post consecrationem extrahenda est, vino lavanda, et comburenda, lotio et combustio in sacrarium projicienda. Si tamen nauseam non creet Sacerdoti, potest sumere cum sanguine.

4. Si aliquid venenosum aut vomitum pariens inciderit in vinum, aut super hostiam consecratam, tunc hostia in tabernaculo reponatur, consecratum vinum vero in alio calice, in panno lineo vel stuppa usque ad corruptionem servanda sunt, et comburenda, combustio in sacrarium mittenda, et interea alia hostia vel vinum apponenda, offerenda, consecranda sunt.

5. Si sumendo hostiam, particula remanserit in calice, tunc vel digitò admotò adducat eam ad labium calicis, vel etiam infusò vinò eam sumat.

6. Si ante oblationem hostia fracta appareat, altera accipiatur, si citra longam moram haberi possit, si post oblationem confracta appareat, consecratur, nisi populo scandalum sit, quia tunc alia integra apponenda, offerenda

et consecranda foret, et confracta post sumptionem ablutionis sumenda est.

7. Si propter frigus aut negligentiam tota hostia ceciderit post consecrationem in calicem, et tota madefacta fuerit, non extrahat illam, sed omissis signis omnia dicat, communicando se vero dicat *Corpus et sanguis*. Quod si commodè partem hostiæ non madefactam extrahere posset, missam proseguatur, faciendo signa super residuam partem hostiæ.

8. Si hyeme sanguis congeletur in calice, involvatur pannis calefactis, vel in fervente aqua collocetur, aut ambabus manibus cuppam tenens halitu suo liquefaciat eum.

9. Si per negligentiam aliquid de sanguine ceciderit super vestes, terram, tabulam, linteum, sorbeat Sacerdos stillam, locus radatur, vel abluatur, et ablutio seu rasio in sacrarium projiciatur.

10. Si Sacerdos evomat Eucharistiam et species non appareant, vomitus comburatur, et Cineres in sacrarium mittantur, si vero appareant species, caute ad corruptionem separandæ, et corruptæ in sacrarium projiciantur. Quod si sine nausea sumi possunt, sumantur.

11. Si hostia aut ejus particula in linteum aut in terram delabatur, reve-

renter accipienda est, locus vero radendus, aut lavandus, ratio tandem aut latio in sacrarium mittendæ sunt.

12. Si recordetur Sacerdos se aliquid in Missa omisisse, *vg. Gloria Cred*, aut aliquam commemorationem in progressu Missæ, ea non debet repetere, nec regredi. Commemorationem tamen omissam posset et deberet inter Secretas addere, si recordaretur, vel post Communionem.

A P P E N D I X

De munditia et nitore sacræ suppellectilis.

Juxta Acta Ecclesiæ Mediolanensis Altaria bis singulis annis, dum sudum est spoliata sint, et suppedanei amoti, ut sicci àëris beneficium sentiant. 2. Mutatis mappis mudentur quoque altaria scopulâ arundineâ et telâ cerata, quæ lapidi sacro hæret. 3. Icones, Tabernaculum, Umbellæ singulis mensibus mudentur caudis vulpinis, aut scopâ arundineâ. 4. Calices et patenæ quintodecimo die aquâ tepidâ levi manu laventur, sexto vero quoque mense sapone molliori, ac postquam 4. circiter horas in sole permanserint, calidâ lixivîâ benè abluantur, vel etiam ad

amovendum saponem cocto furfure, aut aquâ munda abluenda. 5. Candelabra ex aurichalco latere in tenuissimum pulverem redactô nitidiora redduntur, si panno asperiore terantur, nulla aqua adhibita. 6. Urceoli adhibitô ovorum cortice bene contritô cum ligneolo ad sordicula eliciendas purgantur. 7. Aenea vasa bis singulis annis latere contrito, vel arena et aqua abstergantur, si vero stannô sint illita, furfur et aqua adhibeatur. 8. Tota suppellex bis in anno àëri exponatur, ne mucescat vel male oleat. 9. Fenestræ Sacristiæ sereno cælo pateant, et capsulæ du tiles paululum educantur, ut àëris beneficium sentiant.


Tabula pro Missis Votivis.



T A B U L A

P R O M I S S I S V O T I V I S D I C E N D I S.

Votiva	Color.	Mis:	Gloria.	Credo.	Præfa:	Benedi:	Orationes.
De Sancta Trinitate.	Alb:	Propr:	Omit:	Omit:	Propr:	Bened:	2da et 3tia Diei currentis.
De Sancto Spiritu.	Rub:	Propr:	Omit:	Omit:	Prop:	Bene:	2da et 3tia Diei currentis.
De Sanct: Euchar.	Alb:	Prop:	Omit:	Omit:	De nativ. D.	Bene:	2da et 3tia Diei currentis.
De Passione Domini.	Vio:	Prop:	Omit:	Omit:	De Cruce:	Bene:	2da et 3tia Diei currentis.
De Cruce.	Rub:	Prop:	Omit:	Omit:	De Cruce:	Bene:	2da et 3tia Diei currentis.
De B. V. M.	Alb:	Prop:	Extra Saba: Omit:	Omit:	Prop:	Bene:	2da Diei currentis, 3tia de Spiritu. S.
De Angelis.	Alb:	Prop:	Dic:	Omit:	Com:	Jte M.	2da et 3tia Diei currentis.
De Apostol.	Rub:	Prop:	Omit:	Omit:	De Apos:	Bene:	2da et 3tia Diei currentis.
Tempore Belli et in aliis.	Viol:	Prop:	Omit:	Omit:	Com:	Bene:	2da et 3tia Diei currentis.
Pro Defunctis.	Nig:	Prop:	Omit:	Omit:	Com:	Requi.	Una v. Plures pro qualitate Missae.



CURSUS SECUNDUS

ET

PARS SECUNDA

LITURGICA.

§. I.

De Ritu Psallendi et de Breviario.

APUD Judæos non solum tempore Davidis, quando Psalmi ad cultum divinum adhibebantur, sed etiam ante Moysen et eo vivente erant Cantica, uti constat ex Genesi 49. et Deut: 32. Etiam in primitiva Xsti Ecclesia cantabatur 1. Cor. 14 — 15. *Quid ergo? orabo spiritu, orabo et mente; Psallam spiritu, psallam et mente.* Adhortatur ad Cantum Ephes 5 — 16. *loquentes vobismet ipsis in Psalmis et Hymnis et canticis spiritualibus cantantes, et psallentes in cordibus vestris Domino.* Imo videtur, certas diei horas Orationi jam tempore Apostolorum determinatas fuisse, quia Act: Apsl: 3 — 1. *Petrus et Joannes ascendebant in Templum ad horam orationis nonam* 2 — 42. A-

postoli erant orantes horâ 3tiâ in Pentecoste. Act: 10 — 9. Horâ sextâ orabat Petrus. Act: 16 — 25. Mediâ nocte Paulus et Silas. Successu temporis Palagius I. et II. Damasus modum psallendi amplificârunt et firmarunt. Sed Authores Officii divini, ut nunc est, Gelasius et Gregorius I. et VII. habentur, uti ex Pii V. Constitutione constat.

§. 2.

Origo chori seu cantus alternativi.

Dum omnes uno ore antiquitus cernerent, cantus iste *directus* vocabatur, dum vero alternatim canebatur, *antiphonus* cantus dicebatur. Socrates scribit à S. Ignatio Episcopo Antiocheno cantum alternum in Ecclesiam introductum fuisse, quod intelligendum est de Psalmis Davidicis alternatim canendis. Idem Socrates et Sozomenus tradunt, S. Joannem Chrys. Constantinopoli hunc modum psallendi introduxisse. Hic tamen mos in monasteriis non fuit receptus, quia tempore Cassiani unus in medio psalmos modulabatur audientibus cæteris et tacentibus. Aliquando præcinebant ii, qui Psalmos apprimè callebant, et multitudo respondebat eum concentu, qui can-

tus vocabatur *responsorius* *Sozomen*: Cantabantur autem Psalmi stando cum antiphonis, quas *S. Ambrosius* ex Oriente invexit, à *Flavio monacho*, nempe breves sententias, quas canticis aut Psalmo præponit, et aliquando bis dicebantur, aliquando ad singulos versus, *Joan: Monachus* in vita *S. Odonis* pro Festo *S. Martini*. Reges et Principes nocturnis et diurnis horis aderant, ut testatur *Eginardus* de *Carolo M.* et de *Alfredo Rege Anglorum Malmesburiensis Wilhelmus*, etiam à Laicis erant decantati Psalmi ad Sæculum IX. quò solis Clericis relictis sunt. Loco molliis ac theatralis cantûs à *S. Gregorio M.* plenus seu *Gregorianus* introductus est Romæ, et alibi. In Occidente cantus alternativus invaluit primum *Mediolani* tempore *S. Ambrosij*, quem usum postea *Damasus Papa* probavit, et servari præcepit in aliis Ecclesiis.

§. 3.

Origo precum Canoniarum seu Breviarii.

Usus Breviarii quocunque nomine vocaretur, non fuit ante *Lectionarium S. Hieronymi*. *Constitutiones Aplicæ* libro 8vo, cap: 34. sic habent: *Precatio.*

nes facile mane, hora 3tia, sexta, nona et vespere, atque ad Galli cantum. S. Hieronymus præter prædictas horas oranti ad Latam meminit Ps Imorum, Orationum et hymnerum, quæ diu noctuque psallenda proponuntur cuivis sorori seu sanctimoniali. Hic mos psallendi horis certis, tanti æstimabatur, ut sine peccato et poena omitti non posset. Namque in Concilio Carthag IV. Venerico 465. vel privatione stipendii, aut communionis per septem dies puniebatur, qui vigilis matutinis aut horis psallendi deerat. Patet ergo Canonibus, Conciliis, et more antiquo horas ad psallendum, orandumve tum privatim, tum publice, præscriptas fuisse, unde *Canonica preces* vocantur. Sed ad certam formam redactæ sunt preces jussu Damasi a Hieronymo. Sub Theodosio ad Græcas quoque Ecclesias translatae sunt. Gelasius Sæculo V. hymnos addidit, et novo ordine Psalterium concinnavit. Quoniam verò mendis scatebat propter amanuensium ignaviam, nullò ordine preces et Psalmi posita fuerint; tunc Gregorius VII. illud pristino ordini restituit Sæculo XI. vocabaturque tunc *Liber officiorum juxta morem Aule Romanæ, Cursus Pensus*. Quia autem erat prolixum, hinc Fratres Minores et Cardinalis S. Crucis aliud brevius adornârunt, quare

alii hoc vel illô, alij prolixiore, brevior-
re alij officiô utebantur, donec Sæculo
XIII. modernum *Breviarium* ad moder-
nam formam emendatum fuit, sub Gre-
gorio IX.

§. 4.

Reformatio Breviarii.

In initio Ecclesiæ Psalmodia in varios
libros distributa fuit, puta *Psalterii*, in
quo Psalmi, *Antyphonarj* in quo senten-
tiæ Psalmorum, *Lectionarij* in quo Le-
ctiones, *Hymnarj*, in quo hymni conti-
nebantur. Cessante ergo publicâ Psalmo-
diâ, et relictâ apud Clericos, illorum
codicum inopiâ pressi pauperes, libro-
rum epitome sibi fecerunt, et Epitome
illud *Breviarium* Sæculo IX. nuncupâ-
runt, privatimque juxta antiquam disci-
plinam absolverunt, si justa ex causa
Ecclesiam adire nequibant, cui incardi-
nati erant. Quia vero ista Breviaria erant
diversa, brevia et prolixa, mendis ple-
na, hinc *Aymonius* Generalis Minister
Ordinis Minorum S. Francisci sub Gre-
gorio IX. 1241. *Breviarium Romanum* et
Missale reformavit, et est fere idem,
quo nunc utimur. Ut *Aymonius* redde-
ret brevius *Psalterium*, apposuit loco
feriarum, officia Sanctorum, Sed Con-

cilium Trid: Romano Pontifici Breviarium mentis purgandis facultatem dedit, quod et fecit 1568. S. Pius V. Sed Clemens VIII. post 32 illud denuo reformavit. Remanentibus tamen adhuc spuris lectionibus, rudi latinitate in hymnis Urbanus VIII. 1631. illud decori pristino restituere studuit, sed non est numeris omnibus absolutum.

Pius V. 1568. significat causam edendi Breviarii, abrogat Breviarium Cardinalis S. Crucis et alia, quæ ex consuetudine aut institutione non superant 200. annos, obligat omnes ad hoc Breviarium tam in quam extra chorum introducendum, nihilque in eo mutandum addendum detrahendum. Tollit obligationem recitandi Officium parvum, Defunctorum, Psalmos poenitentiales, extra chorum. Clemens VIII. 1601. accusat Typographorum incuriam, quâ Breviarium Pii V. defoedatum est, et recognitionem ejus viris peritis committit, mandat, ut nonnisi juxta Exemplar Vaticanum, et de licentia Ordinariorum imprimatur, impositis poenis spiritualibus et pecuniariis. Atque sic ritus Psallendi hodiernam formam tam in quam extra Chorum nactus est.

§. 5.

De Anno et Calendario.

In initio Breviarii agitur de anno, ejusque partibus, de cyclo decemnovali, Epactis, Novilunii, Indictione. Nam annus ante Xstam natum sub Romulo decem menses tantum habebat, quorum 4. habebant 31. et sex reliqui 30. dies. Successor ejus Numa Pompilius prædictis decem mensibus addidit *Januarium* et *Februarium* et *Mercedonium* 22 diebus constantem, quò solis lunæque periodus conveniret. *Julius Cæsar* annum solare 365. dierum condidit, et quarto quoque peractò annò ex relictis quovis anno sex horis unum diem addidit 24tum *Februarii*, qui, quia bis 6to *Calendas Martii* diceretur, propter duplicationem *bis sextus* dictus fuit. Quia vero sacrorum Ministri non quintum, sed quartum annum die uno duplicabant seu intercalabant, igitur Cæsaris successor *Augustus* deprehensum hunc errorem correxit, et quintum quoque annum uno die intercalari jussit. Sed cum annus solaris constet 365. diebus, 5. horis, 48. minutis et 45. secundis, hinc 128. anni juxta *Calendarium Julianum*, toto die sunt longiores, quia 4. anni *Juliani* con-

stituunt 1461. dies, cum tantum 1460. dies, 23. horas, et 15. minuta constituere debeant. Et revera 1582. sub Gregorio XIII. annus ab Juliano Calendario jam 10. diebus veros annos superabat. Editâ ergo Bullâ mandavit, ut 5. Octobris prædicti anni, 15. sit, et re-tentis annis bissextis, anni 1700, 1800, 1900, non sint bissextiles, bene vero 2000. Hac correctione Calendarii annus 3100. nonnisi erit unô die longior.

§. 6.

De quibusdam adminiculis ad computum Ecclesiasticum.

Correcto per Gregorium XIII. Calendariô, deprehensum est, aureum numerum sufficientem jam non esse ad invenientiam æquationem, lunarem inter et solarem annum; expropter oblat-
tus est Pontifici liber *Aloysii Lillii Mathematici Romani*, ad Lunæ solisque æquationem componendam. Nam quia periodus lunæ aliquando 30. aliquando 29. diebus perficitur, et annus lunaris solum constet 354. diebus et horis octo, adeoque solaris annus lunarem undecim diebus excedat, igitur in locum aurei numeri, *Epacta* adinventâ est,

quâ undecim dies annuæ revolutionis solaris quotannis reliqui, 3^{tio} quovis anno *Embolismum* seu 13^{ti}am Lunationem constituent. Quia tamen et aureus numerus appingitur in Calendario, et ad inveniendam Epactam commodus est, hinc duæ Regule et tuendæ sunt ad adinveniendum numerum aureum et Epactarum.

1^{ma} Aur us numerus invenitur, si datus annus unctate additâ dividatur per 19. Residuum namque monstrabit aureum numerum. Sic si currenti anno 1805, additur I. et dividitur per 19, residuum erit 1, qui est numerus aureus anni 1805. Si nihil remaneat, aur us numerus erit *

2^{da} Regula, Epacta dati anni invenitur, si aureus numerus in 3bus digitis pollice indice et medio tantum hac conditione numeretur, ut illi dematur unitas, si finiatur in pollice, vg. Aureus numerus anni 1805. est 1. Hæc si dematur Epacta erit *

Si finiatur in indice addendi 9. vg. Anni 1806. aureus numerus est *, si novem addantur, IX erunt Epacta. Si finiatur in medio, addantur 19 vg. 1807. aureus numerus est 3. si addantur 19. Epacta erit 22. Si tamen summa superaret 30. vg. 1813, tunc 30. à summa

subtrahenda forent, et reliquum Epactam monstraret, si nihil remaneret, Epacta foret. *

§. 7.

De Indictione, Litera Dominicali et Paschate.

Indictio antiquitus a tributo nomen tulit, quod quovis decimo quinto anno pendebatur, postea vero circulum quindecim annorum denotavit. Tres vero Indictiones numerantur *Constniplana* quæ incipit a 1. Septembris 312. *Imperialis*, quæ à 24. Septembris die devoti *Maxentij* anni 312. orditur *Romana*, quâ 1ma Januarii 313. Curia Romana in Bullis utitur.

Regula adinveniendæ hujus *Indictionis* est; Addantur anno dato 3, summa dividatur per 15. Residuum monstrabit annum *Indictionis*. Juxta hanc Regulam anno 1805, est 8 annus *Indictionis*.

Literæ Dominicales additæ sunt pro septem numeris Nundinalibus veteris Calendarii Romani. Ordo earum est omnino *retrogradus*. Hinc quoniam anno 1804 litera Dominicalis fuit g, anno præsentis erit f, sequenti e, et sic deinceps. In Bissextili adsumitur 2da sequens litera Dominicalis.

Quo-

Quoniam Pascha ex decreto Nicæno celebrandum est Dominicâ 14^{ta} lunam Martii subsequente, hinc ad inveniendum Pascha, primo adinveniatur Epacta anni dati. Deinde ab hac Epacta inter octavum Martii inclusive et quintum Aprilis inclusive numerentur deorsum dies 14. et proximus dies Dominicus post decimam quartam diem erit Pascha. Sic anno 1805, Epacta est * e regione 31. Martii, a quo incipio numerare 14. dies deorsum, qui desinunt in 13. Aprilis, post quam litera Dominicalis f, denotat Pascha 14. Aprilis incidere.

Constitutio Paschate facile inveniuntur Festa mobilia, Septuagesima, Quadragesima, Ascensionis, Corporis Xsti. Adventus tamen non habet certum diem, sed Dominicam Festo S. Andræ propinquiorem.

Si quis velit scire, quando est bissextilis, dividat annum datum per 4. si nihil remaneat, annus est bissextilis, si remanet unum, primus erit a bissextili, si 2. Secundus, et sic ultra.

§. 8.

De Ritu vario recitandi Breviarii.

Officium dicitur duplex, quia antiphonæ in Vesperis, Matutino et Laudi-

bus tantum duplicantur, habet integras vespervas utrasque, nisi concurrat cum æquali vel majori, celebraturque eo die quo cadit, nisi ob majus Festum transferri illud contingat. *Duplicia* autem sunt imo: *primæ Classis cum vel sine Octava*, uti principaliora Festa Domini, Assumptionis B. Nativitatis S. Joannis; Petri et Pauli, OO. SS. et Patroni Ecclesiæ; ita ut. 18. in universali Ecclesiâ numerentur. *2do Secundæ Classis* 23, ut Circumcisio, Trinitatis, Festa B. V. Apostolorum et Evang.istarum, Crucis, Michaelis, Josephi, Laurentii, Stephani et Innocentium. *3tio. Duplicia majora* 18. *4to Minora* v.g. in die Obitus, et Commemoratione OO. Fidelium 98. exceptis Patronis et Festis pro aliquibus locis. *5to Semiduplex* Officium, tunc est, quando antyphonæ non duplicantur, uti fit infra Octavas et Dominicis, exceptâ Dominicâ in Albis, et quando notatur *sdx.* Festum semiduplex admittit suffragia et preces ad Primam et ad Completorium, nisi venerit infra octavas, habet 3. Nocturnos et 9. Lektionen sicut Duplex. *6to. Simplex* Officium, uti de Feria vel de Festo, quod neque est duplex, neque semiduplex, habet tantum primas Vespervas et unum Nocturnum cum 12. Psalmis de Feria. Si Festum est simplex, Invitatorium et Hy-

mni et Antyphonæ ad Laudes dicuntur
 de Communi SS. Psalmi vero ad Matu-
 tinum tantum de feria dicuntur. 7mo.
 De Dominica per annum fit officium,
 quando non occurrit Festum duplex. De
 Dominicis Adventûs et à Septu gesimâ
 usque ad Dominicam in Albis inclusive
 semper fit Officium, nisi aliquando
 occurrat Festum Patroni, aut Dedicatio
 Ecclesiæ. Dominicæ infra Octavas Epi-
 phaniæ. Nativitatis, Ascensionis, Cor-
 poris Christi habent officium proprium.
 Officium Dominicæ incipit à primis Ve-
 speris, est semiduplex excepta Domi-
 nica in Albis, habet 3. Nocturnos. Post
 Epiphaniam 6. et post Pentecosten 24.
 Dominicæ positæ sunt, ut compleatur
 numerus 30. Si quæ post Epiphaniam
 supersunt, ponuntur post 23. Penteco-
 stes, si vero non possit poni aliqua
 post Pentecosten, tunc de ea fit Sabba-
 to ante Septuagesimam commemora-
 tio, vel Officium. Dum verò dicitur pri-
 ma Dominica alicujus mensis, ea tunc
 assumenda est cum initio libri, quæ
 venit in Calendis mensis, vel proximi-
 or est Calendis, sive Calendas sequatur
 sive præcedat. Sic si Calendæ sunt Fe-
 ria 4ta præcedens Dominica feriam 4tam
 erit prima mensis. Si FERIA V. sequens
 Dominica erit prima mensis, uti pro-
 ximior Calendis. 8vo. De feria per an-

num fit officium, quando nullum Festum occurrit et incipit à Matutino. De Feriis autem Adventus, 4. Temporum, Quadragesimæ, diebus Rogationum, Vigiliis et Cinerum, fit officium etiam simplici occurrente, de quo fit commemoratio et incipit à Vesperis, habet preces feriales ad Laudes et Vesperas et Horas sicut Feriæ Quadragesimæ quo De *Vigilia* cum ieiunio fit Officium, sicut de feria, quando non impeditur festo semiduplici. Si impeditur, fit de ea commemoratio, si venerit in Dominica de ea fit in Sabbato, *Vigilia Pentecostes*, *Nativitatis* et *Epiphaniæ* proprias habent Rubricas, quæ legi et inspicì possunt suò locò. De *Octava* fit Officium vel Commemoratio per octo dies excepto Paschate et Pentecoste, quæ terminatur in Nona ad Sabbatum. In Quadragesima tamen Pentecoste, Paschate et à 12. Decembris nulla habetur Octava, nec ejus commemoratio. Octava Paschæ et Pentecostes, Epiphaniæ nulla Festa admittunt. Ascensionis et Corporis Xsti duplicia tantum cadentia, aliæ Octavæ admittunt semiduplicia cadentia aut proprium locum habentia. De simplicibus fit infra Octavas Commemoratio excepta Octava Paschæ et Pentecostes. Octava dies semper est duplex et nunquam transfertur, infra

octavam vero semiduplex est officium II. Si Sabbato per annum non impedito. diceretur Officium de S. Maria, ut in fine Breviarii notatur, tunc officium ut in simplici dici debet, sed hoc rarissime contingit, quia ex privilegio recitatur officium de Immaculata Conceptione sub ritu semiduplici.

§. 9.

De Commemorationibus.

Commemoratio semper fit de Dominica à Pentecoste ad Adventum, et ab Epiphania ad Septuagesimam, de Feriis Adventus, Quadragesimæ, 4. Temporum et II. Rogationum quocunque Festo occurrente. Præterea fit commemoratio Octavæ et Festi simplicis, quando non occurrit eodem die Eorum aliquod solemne, aut principale, excepta Octava, Nativitatis et Corporis Xsti et Epiphaniæ. In Festis secundæ Classis nulla fit commemoratio Octavæ, bene vero simplicis in laudibus tantum et Missa privata. In secundis Vesperis tamen 2dæ Classis fit commemoratio simplicis et dici infra octavam, si de ea fieri debeat officium. De Feriis et 4. Temporibus et 2da Rogationum fit tantum in laudibus commemoratio, si fieri de-

bet. Fiunt autem commemorationes per antyphonam propriam Ferie vel de Sancto, versum et orationem. Si plures sint faciendæ commemorationes hic ordo servetur 1. duplex; 2. Dominica, 3. sem duplex, 4. dies infra octavam, 5. Ferie Adventus, Quadragesimæ, Rogationum. 6. simplex. 7. suffragia Ad Commemorationem etiam spectat Evangelium cum Homilia de Dominica, aut Feria, aut lectio de Sancto, quæ quo loco ponitur. Si plures sunt quam una, possunt omnes legi, sed non debent.

§. 10.

*De Translationibus et Occurrentia
Officii.*

Festa occurrentia in Dominicis Adventûs et à Septuagesima usque ad Dominicam in Albis, in Vigiliis Nativitatis, et Circumcisione, in Octava Epiphaniæ, Pentecostes, ipso Festo Corporis Christi, Assumptionis, et eorum Octava, in festo OO. Sanctorum, in die Cinerum, transferuntur in alium diem festo duplici aut semiduplici etiam translato non impedito. Festum tamen S. Joannis Baptistæ et SS. Petri et Pauli in die Octava Corporis Christi celebratur. Fe-

stum etiam abeujus Ecclesiæ ſolemne
 poteſt celebrari 2da. 3ta, 4ta Adventus
 Dominicis. in S ptuagesima, Sexagesima,
 Quinquagesima. Si Feſtum poſt ſuam
 Octavam tranſfertur, tunc celebratur ſi-
 ne Octava Si Feſtum in diem Octavum
 incidat ſaltem 2da Classis, tunc fit de
 Feſto cum commemoratione Octavæ, a-
 lias tranſfertur in diem non impeditum.
 Si feſtum duplex occurrit in Dominica
 per annum, aut infra Octavam, tunc
 de eo fit officium, ſi autem alio majo-
 ri impediatur, tunc tranſfertur. Fe-
 ſtum Semiduplex infra Octavam Corpo-
 ris Xſti et Dominicis tranſfertur. Si
 plura Feſta eodem die occurrant, aſſu-
 mitur primo majoris ritus, ſi vero ri-
 tus æqualis ſit, celebratur de digniori
 ſeu ſolemniore. Et id in translationibus
 ſervandum, ut tranſferatur, et celebretur
 prius duplex, quam ſemiduplex, magis
 ſolemne, quam minus ſolemne. Alias
 eo ordine celebrantur, quo erant cele-
 branda propriis diebus. Feſtum ſimplex
 nunquam tranſfertur, ſed omittitur, ſi
 cadenti die celebrari aut commemorari
 non poſſit. Quare ſi Feſtum duplex ſi-
 mul cum ſimplici celebratur, tunc trans-
 lato duplici non tranſfertur ſimplex,
 ſed de ſimplici fiat die ſuo commemo-
 ratio, et lectio ſi fieri debeat.

*Præterea quomodo et quando eodem die
occurentia Festa transferenda sunt, aut of-
ficium ordinandum, videatur tabula Breviarii.*

§. III.

De Concurrentia Officii.

Concurrentia officii semper fit in adis
Vesperis, dum nempe unum Festum pri-
die, aliud postridie celebrandum est, et
hæc Festa, si sint ejusdem ritus, ut duo
duplicia, aut semiduplicia, regulariter
Vesperas à Capitulo habent de sequenti,
cum commemoratione præcedentis. Si
vero sint diversi ritus, tunc Festa ma-
jora habent integras Vesperas utrasque
cum commemoratione minorum. Imo
æqualis solemnitatis habent integras Ve-
speras, si nempe vg. Festa Domini cum
Beatæ, Festa Beatæ cum SS. Festa Ange-
lorum et Apostolorum, aut in hac Ec-
clesia solemnia cum aliis SS. concur-
rant. Si ergo Semiduplex aut dies sive
Dominica infra Octavam concurrat cum
duplici, officia fiunt de duplici cum
commemoratione semiduplicis aut Octa-
væ. Si Dominica concurrat cum Semi-
duplici die infra Oct: et simplici, fit de
Dominica cum commemoratione sequen-
tis. Si dies infra Octavam concurrat cum

Dominica aut semiduplici, a capitulo fit de sequenti, Feria cum Feria et simplex cum simplici proprie non concurrunt.

Reliqua videri possunt in Tabulis Breuiarii.

§. 12.

Quomodo ordinandum officium juxta Regulas prædictas.

In majoribus Solemnitatibus officium ordinatur suo loco. Si ordinandum sit officium de tempore, recurratur ad proprium de tempore, si de Sancto ad proprium de Sanctis vel ad commune SS. recurratur. Si Festum Sancti fuerit simplex Nocturnum tantum legitur de feria, reliqua de communi Sanctorum. In Festis Beatæ, Hymni et Psalmi ex officio parvo assumuntur. Quomodo. Invitatorium, hymnus, et qualis dicendus de tempore, habetur initio Psalterii. Pariter de Benedictionibus et Absolutionis. Quale Invitatorium aut hymnus qualis de Sanctis assumendus? habetur in proprio vel Communi Sanctorum.

§. 13.

De Partibus officii divini.

Horæ sunt 8 cum Laudibus, et his non computatis 7. nempe imo Matutinum cum Laudibus, Prima, 3tia, 6ta, 9na, Vesperæ, Completorium. Ante Matutinum semper dicitur secreto *Pater, Ave, et Credo*, deinde *Domine labia mea, Deus in adjutorium, Gloria Patri* cum Alleluja, et à Septuagesima ad Feriam 5tam ante Pascha *Laus tibi Domine*. Invitatorium cum Psalmo *Venite* et Hymnus tam in Dominicis quam Feriis et Festis, exceptis Epiphaniæ Festo, et triduo ante Pascha et Officio Defunctorum. In duplicibus et semiduplicibus dicuntur 9. Psalmi cum totidem lectionibus, in Dominicis 18. Psalmi cum 9. lectionibus, in Feriis et simplicibus 12. cum 3bus lectionibus exceptâ Octava Paschæ et Pentecostes, ubi 3. Psalmi et 3. lectiones tantum dicuntur. Post Psalmos cum *Gloria Patri*, cum Antiphonis dicitur *Versus* et *Pater noster* secreto. Postea post Absolutionem et Benedictiones dicuntur lectiones cum Responsoriis de tempore, aut S. in quorum 3tio semper additur *Gloria Patri*. Et simili modo alii Nocturni dicuntur, hoc discrimine

quod ad nonam lectionem dicatur in Dominicis Adventus Quadragesimæ et Feriis extra tempus Paschale nonum aut 3^{tium} Responsorium, adeoque non *Te Deum* dicitur. In aliis autem Dominicis et Festis et Feriis Paschalibus nonum aut 3^{tium} Responsorium omittitur et dicitur *De Teum*, et octavum Responsorium cum *Gloria Patri* finitur. Post Matutinum dicuntur Laudes sine *Pater* et *Ave* nisi à Matutino separentur. Incipiunt à *Deus in Adjutorium*, *Gloria Patri*, habentque quinque Psalmos cum Antiphonis vel de Sancto vel de proprio de tempore. Psalmi cum Cantico in Feriali officio dicuntur ut in Psalterio, à Septuagesima Dominica usque ad Dominicam Palmarum, ut suo loco notatur, in cæteris Dominicis, Festis 9. vel 3. lectionum aut in Feriis Paschalibus dicuntur ut in Dominica. Antiphonæ propriæ dicuntur, vel si desint, de communi. Postea dicitur Capitulum, Hymnus cum versu Antiphona ad *Benedictus* cum oratione et commemorationibus. Si preces feriales dicendæ sunt, dicuntur ante primam Orationem. Post commemorationes dicitur Dominus vobiscum, *Benedicamus*, *Fidelium*, *Pater Dominus det*, et Antiphonæ de Beata tempori conveniens, si Officium finiendum est.

§ 14.

Prima.

Prima incipit à *Pater, Ave, Credo*, secreto. Deinde Deus in adjutorium, *Gloria Patri*. Hymnus et Antiphona vel de tempore vel ex Laudibus Festi, si de Sancto dicatur, post quam dicuntur psalmi consveti in Festis 3, in Dominicis 4, cum Symbolo *Athanasii*, et in feriali officio etiam 4, extra tempus Paschale et Sabbatum. Post repetitam Antiphonam dicitur Capitulum *Regi Sæculorum* cum Responsoriis, et in duplicibus statim Oratio cum sequentibus Versibus et Orationibus. In semiduplicibus vere post Responsorium dicitur *Kyrie eleyson* In Ferialibus loco *Regi Sæculorum* dicitur *Pacem* cum Responsoriis, et precibus Dominicalibus. Aliæ preces addantur, si in Laudibus preces dictæ sunt Si Sacerdos solus dicit *Confiteor*, omittuntur hæc verba *vobis Fratres* aut *tibi Pater*, et *Miserereatur nostri* dicit, et ad Indulgentiam nostrorum, quod etiam in Completorio servandum est. In fine loco lectionis brevis legitur Capitulum Nonæ in festis et aliquibus diebus, alias sumitur lectio brevis, prout in fine Primæ pro tempore assignatur.

Ad cæteras horas dicto secretò Pater et Ave. *Deus in adjutorium*, *Gloria Patri* dicitur Hymnus, post quem antiphonæ in laudibus consèquenter assumuntur ad Psalmos, 4ta prætermissa, aut ex Psalterio si de tempore officium sit. Post repetitam Antiphonam dicitur Capitulum, Responsorium, preces si ad laudes dictæ sunt, Dominus vobiscum, Oratio, item Dominus vobiscum, Benedicamus, Fidelium.

§. 15.

Vesperæ et Completorium.

Vesperæ dicto *Pater* et *Ave* secreto incipiunt a *Deus in adjutorium*, *Gloria Patri*, deinde Antiphonæ s. cum totidem Psalmis propriæ vel de communi dicuntur. Psalmi in Dominicis et Feriis etiam Paschalibus semper ex Psalterio assumantur, et tempore paschali sub una Antiphona terminantur in feriali officio. Postea dicitur Capitulum, hymnus, Versus, Antiphona ad Magnificat, Oratio, nisi prius preces feriales dicendæ forent. Post Orationem dicuntur commemorationes, si dicendæ sunt, post quas iterum Dominus vobiscum, Benedicamus, Fidelium.

Completorium absolute incipit à lectione brevi, *Adjutorium*, *Pater* sine *Ave*, *Confiteor* *Misereatur* *Indulgentiam* *Converte* cum reliquis, *Antiphona* cum 5. *Psalmis*, hymno, *Capitulo*, *Responsorio* et *Cantico*. In semiduplicibus extra *Octavas* dicuntur preces ante *Orationem*, post quam *Dominus vobiscum*, *Benedicamus* *Benedicat*, et *Antiphona* de *Beata* conveniens post quam *Divinum auxilium*, *Pater*, *Ave*, *Credo*.

§. 16.

De singulis precum partibus.

Invitatorium cum *Psalm* *Venite* mittitur in triduo ante *Pascha* et in *Festo Epiphaniæ*, in *Officio Defunctorum*, nisi cum 3. *Nocturnis* dicatur, aut sit dies obitus aut commemoratio omnium fidelium, alias semper dicitur. Variatur tamen pro diversitate temporis aut *Festi* *Invitatorium*.

Hymni in *Breviario* numerantur 94, quorum plurimi à *Sancto Ambrosio* concinnati sunt. In *Matutino* hymnus dicitur post *Psalmum Venite*. In *laudibus* et *Vespèris* post *Psalmos* et *Capitulum*. In *horis* ante *Psalmos*, in *Completorio* post *Psalmos* ante *Capitulum*. Variantur se-

pe hymni in fine in quibusdam Festis Domini et Beata, ut adnotatur suo loco, Tempore Adventus, Quadragesimæ, et in Dominicis pro diversitate temporis varii sunt hymni, ad Matutinum, laudes et vespers, quando officium est de tempore.

Antiphonæ, quæ S. Ignatium Antiochenum habent Authorem, dicuntur ad omnes horas, et mutantur in laudibus et Vesperis et aliis horis diurnis pro diversitate temporum, quæ vero sunt de Dominica et Feria ad Nocturnos et Vesperas et completorium positæ, non nisi tempore Paschali mutantur, dum earum loco dicitur Alleluja aut propria antiphona, et tempore Adventus ad Vesperas et Nocturnos Dominicæ propriæ ponuntur. Antiphonæ ad Vesperas tam in Festo quam de Tempore semper sumuntur de Laudibus, nisi propriæ fuerint. Eædem Antiphonæ ex laudibus assumuntur quoque ad singulas horas prætermissa. Quando in feria Adventus non sunt propriæ ad Laudes, tunc ex laudibus Dominicæ sumuntur. Tempore Paschali additur antiphonæ Alleluja, si non habetur, et Psalmi Nocturnorum sub una tantum Antiphona dicuntur. A Septuagesima verò Alleluja tacetur, et ejus loco nihil additur. Antiphonæ integræ dicuntur in Vesperis, Laudibus et

Matutino in duplicibus, tam ante Psalmos, quam Canticâ, in aliis autem horis, aut in semiduplicibus, tantum inchoantur et in fine Psalmi integræ dicuntur. Si tamen Antiphona ita incipiat sicut Psalmus, tunc sine repetitione Psalmus continuatur. Pro commemoratione in Vesperis accipitur Antiphona ad *Magnificat* cum versu et oratione, in laudibus vero sumitur Antiphona ad *Benedictus* cum Versu et Oratione.

Psalmi in Officio de tempore per omnes horas dicuntur ut in Psalterio, nisi aliter assignetur, ut in triduo ante Pascha. In Festis vero dicuntur, sicut signatur in proprio aut communi SS. Psalmi ad laudes semper dicuntur in Festis et Feriis paschalibus de Dominica. Quando officium est de Dominica extra Octavam Corporis Xsti et Epiphaniæ tunc dicitur *Psalmus Confitemini* ad Primam excepta Septuagesima usque ad Dominicam Palmarum, ubi ejus loco dicitur *Dominus regnavit*, quia *Confitemini* ad laudes dicitur, excepto etiam tempore Paschali usque ad Ascensionem, quia tunc tantum 3. Psalmi dicuntur. In feriali officio locô *Confitemini* dicuntur Psalmi per singulas Ferias distributi, excepto Sabbatô, Feriis Paschalibus et Festis, in quibus tantum 3. Psalmi dicuntur.

cuntur. Alias in horis Psalmi nunquam mutantur, tam in Festis, quam Feriis.

Ad Vesperas de Festo, ut plurimum dicuntur Psalmi de Dominica, ultimus tamen sæpe mutatur. In fine Psalmorum semper dicitur *Gloria Patri*, præterquam in triduo ante Pascha, in Psalmis *Deus Deus meus* et *Laudate Dominum*, qui cum aliis conjunguntur, et in Officio defunctorum, in quo terminantur, licet pro uno, *Requiem æternam dona eis*. Si vespere dicente sint infra Octavas, dicuntur ut in Secundis Vesperis, in ipsa Octava ut in primis.

Cantica 3. sunt, *Magnificat* quod semper ad Vesperas dicitur. *Benedictus* ad Laudes. *Nunc dimittis* ad Completorium. Præterea in Dominicis ad Laudes dicitur *Canticum Benedicite*, et in Festis et tempore paschali sine *Gloria* et *Amen*. In aliis feriis sumuntur alia cuilibet Feriæ assignata.

Versus in Matutino post quemvis nocturnum dicuntur, in *Laudibus* et *Vesperis* post hymnum, in horis post Responsorium, excepta Octavâ Resurrectionis, in qua tantum ad Nocturnum dicuntur et triduo ante Pascha. Dicuntur autem tempore paschali cum *Alleluja*, etiam quando fit commemoratio, exceptis tantum versibus precum in Prima et Responsoriorum in Matutino. Versus de

simplici festo dicuntur ex communi, ut in Psalterio notatur.

Absolutiones et Benedictiones ante Psalterium positæ, ita dictæ sunt, quia absolute nocturno dicebantur cum oratione Dominica. Dicuntur in Officio novem lectionum hoc ordine; quo positæ sunt excepto officio tenebrarum, et defunctorum, in quo omittuntur. In Officio trium lectionum de feria sumuntur hoc ordine, Feria 2. et 5. Absolutio et Benedictio 1mi Nocturni, Feria 3. et 6. 2di Nocturni, Feria 4. et Sabbato 3ti Nocturni. Si autem in Officio 3. lectionum Evangelium cum Homilia legendum foret, Absolutio sumitur juxta ferias prædictas, Benedictio vero una erit Evangelica lectio, 1da Divinum, si de Feria: vel cujus Festum, si de Sancto 3ti, ad societatem. Si sine Evangelio sit Officium 3. lectionum, prima Benedictio erit *Ille nos benedicat*. In Officio parvo B. Benedictio, et Absolutio proprio loco habetur.

Lectioes ad Matutinum in duplicibus et semiduplicibus leguntur ad quemque Nocturnum 3. In feriis et simplicibus tantum 3. Primæ tres lectiones in Officio 9. lectionum sumuntur de Scriptura occurrente hoc tempore, nisi sint propriæ. In 2do Nocturno vita Sancti legitur propria, vel de Communi, in 3tio Homilia super Evangelium cum 2. lectionibus, si sit nona lectio de sim.

plici aut Feria, vel si desit commemoratio, tres leguntur. In officio tenebrarum et Defunctorum non legitur Homilia super Evangelium. In officio 3. lectionum de Feria legitur Homilia cum Evangelio, vel Scriptura occurrens. In officio 3. lectionum de Sancto prima lectio de Scriptura, si habuerit duas lectiones, si vero unam tantum habuerit, duæ leguntur de Scriptura. Quoniam vero Scriptura ita est distributa, ut quotidie ex ea aliquid legatur, igitur, si Initium libri non possit legi cadenti die, transferatur in sequentem diem, ut nunquam omittatur Initium Scripturæ. In Communi Sanctorum posita, legitur in Quadragesima, et quando Festum in propria Ecclesia celebratur, aut quando in proprio SS. assignatur, aut Scriptura occurrens habeat Evangelium cum Homilia. Lectiones I. et III. Nocturni leguntur cum titulo, secundi vero sine titulo, nisi sint Tractatus, aut Sermones. In fine lectionis dicitur *Tu autem Domine miserere nobis. Deo gratias;* quod etiam in Lectione brevi in Completorio et ad Primam post Pretiosa servandum, excepto triduo ante Pascha et defunctorum officio.

Responsoria post lectionem quamvis Matutini dicuntur, et quidem in duplicibus et Dominicis per annum octo. A

Septuagesima ad Palmarum et Dominica Adventus et Festo Innocentium extra Dominicam dicuntur 9. ultimo cuiusvis Nocturni semper additur *Gloria Patri* cum repetitione partis responsorii extra tempus passionis et defunctorum. Quotiescunque dicuntur novem Responsoria, non dicitur *Te Deum*. In Festis simplicibus et Feriis Paschalibus duo Responsoria cum *Te Deum* dicuntur, in aliis Feriis 3. sine *Te Deum*, quæ assumuntur ex Dominica præcedenti, nempe ex primo Nocturno pro Feria 2da et 5ta, ex secundo pro Feria 3. et 6ta, ex 3tio pro 4ta, et Sabbato. Et si tantum unum responsorium sit in 3tio Nocturno, quia *Duo Seraphin* tantum in Dominicis dicitur, igitur reliqua duo sumuntur ex sequenti feria 2da, si propria non habuerit, Tempore Paschali in fine Responsorii additur *Alleluja*.

Responsoria brevia dicuntur post Capitulum Primæ, Tertię, Sextæ, Nonæ et Completorii, præterquam in triduo ante Pascha usque ad Sabbatum in Albis. Responsorium Primæ et Completorii semper dicitur, ut in Psalterio. Responsoria autem Tertię, Sextæ, Nonæ variantur in Adventu, Quadragesima, Passione, Paschate, Festis, in cuius fine dicitur *Gloria Patri*, excepto tempore Passionis, quo, locô *Gloria* Responsorium repetit.

tur, quando officium est de tempore. Vespūs in Responsorio ad Primam mutatur in Adventu, Festis Nativitatis, Epiphaniæ, Paschatis, Beatae, et aliis, ut suo loco notatur. Tempore Paschali additur Responsoriiis brevibus duplex Alleluja, et in versu repetitur, in aliis autem Festis, licet Tertiæ, Sextæ, Nonæ duplex Alleluja additur, non ideo in Prima et Completorio additur, ut in Festo Corporis Christi, Transfigurationis, videre est.

Capitula semper dicuntur in Vespēris, Laudibus et aliis horis post Psalmos et Antiphonas, et in Completorio post hymnum, excepto Officio defunctorum et triduo ante Pascha, usque ad Sabbatum in Albis.

Capitula propria de tempore *vg.* Quadragesima, Adventus, dicuntur ut notatur Feria 2da post Dominicam Adventus et Quadragesimæ, si sit Officium de Feria, in aliis Feriis sumuntur sicut et in Dominicis, ex Psalterio, si non habent propria. In Feriis tempore Paschali dicitur *Regi Sæculorum*, et post Capitulum semper dicitur *Deo gratias*, quocunque tempore et Festo.

§. 17.

De Orationibus.

Orationes in Vespēris et Laudibus semper dicuntur post Antiphonam ad

Benedictus vel *Magnificat* aut post preces si dicendæ sunt. In *Prima* et aliis horis post breve *Responsorium*, vel post preces si dicendæ sunt. In *Completorio* post *Antiphonam Salva nos*, nisi etiam preces dicendæ forent. In *Prima* et *Completorio* *Oratio* nunquam mutatur excepto triduo ante *Pascha*, in alio officio sumitur *oratio* diei, *vg.* *Feriæ* aut *Dominicæ*, si non habet propriam, aut si *Festum* propriam non habet de communi. Ante orationem semper dicitur *Dominus vobiscum*, nisi plures essent orationes, *Subdiaconus* ejus loco dicit *Domine exaudi*, deinde *Oremus*, quod etiam ante alias sequentes orationes dicitur. Post orationes repetitur *Dominus vobiscum*, à *Subdiacono* *Domine exaudi*, *Be edicamus*, *Fidelium*. In *Completorio* omititur *Fidelium*, sicut tum, quando post aliquam horam officium defunctorum, *Litanie* aut *Psalmi Poenitentiales* aut *graduales* dicendi forent, aut *Officium parvum*. Si *Oratio* dirigatur ad *Patrem*, tunc terminatur *Per Dominum*: Si ad *Filium* *Qui vivis*: Si *Spiritus S.* mentio facta est, additur in unitate ejusdem. Si plures orationes dicendæ sunt, prima tantum et ultima habet conclusionem, sed quælibet habet *Oremus* excepto *Officio Defunctorum* et *Litaniis*, in quibus omnes conjunctim dicuntur.

§. 18.

Te Deum laudamus.

Hymnus prædictus non dicitur in Feriis extra Paschale tempus, et ad Rogationum, Festo SS. Innocentium extra Dominicam, et in Dominicis Adventus et à septuagesima usque ad Dominicam Palmarum inclusive, quia tunc nonum aut tertium R sponserium dicitur, alias semper dicitur.

Oratio Dominica cum Salutatione Angelica, ante quamvis horam dicitur exceptis laudibus, si cum Matutino jungatur, et Completorio, quia post Adjutorium tantum *Pater* dicitur, quod etiam dicitur tantum, quotiescunque hora terminanda est. Post Completorium ante Primam et Matutinum dicitur *Pater, Ave, Credo*.

Symbolum S. Athanasi dicitur, quando est officium de Dominica, exceptis Dominicis Paschæ, Pentecostes, infra Octavam Nativitatis, Epiphaniæ, Ascensionis et Corporis Xsti, in quibus psalmi 3 tantum dicuntur. Dicitur etiam in Dominica Trinitatis.

Preces seu versusarii cum Kyrie eleyson sunt duplices, imo, quæ dicuntur in Semiduplicibus extra Octavas, ad Primam et Completorium, varianturque *Dominicales*, sed in Vigilia Epiphaniæ, et triduo ante Ascensionem Domini non

dicuntur. *2do. FERIALES* quæ ad Laudes et Vesperas dicuntur in FERIIS Adventûs, Quadragesimæ, Quatuor Temporum Vigiliis, hoc discrimine quod ad Laudes in precibus dicatur Psalmus *De profundis*, in Vesperis vero *Miserere*.

Suffragia Sanctorum de Titulo Ecclesie, S. Maria, Apostolis et Pace dicuntur ad Vesperas et Laudes in omnibus Dominicis, FERIIS ab Octava Epiphaniæ ad Dominicam Passionis, et a 3^{tia} Pentecostes usque ad Adventum, et in Festis semiduplicibus extra Octavas. Tempore Paschali Commemoratio de *Cruce* tantum dicitur. In Officio parvo de Beata non fit commemoratio Beatæ. Positæ sunt hæ Commemorationes ante Completorium, et fiunt post alias Commemorationes.

Antiphonæ, de Beata in fine Completorii positæ pro diversitate temporis, in fine Officii dicendæ, semper dicuntur, in fine Completorii etiam si post illud Matutinum dicatur. In aliis horis dicuntur, quotiescunque terminatur officium. Non dicuntur in triduo ante Pascha, aut quando dicitur alia hora, aut officium defunctorum, aut Psalmi Poenitentiales.

Quomodo officium de tempore, aut de proprio Sanctorum vel communi, nec non officium defunctorum aut parvum de Beata dicendum, in quibus postremis etiam tempore Paschali versibus et Responsoris Alleluja non additur, suo loco notatur.

Alumnis Seminarii assignantur Octavæ.


Laudes
Adven-
tempo-
quod ad
nus De-
re.

Eccle-
dicun-
nibus
phanix
Pente-
Festis
mpore
antum
ta non
unt hæ
um, et

omple-
ris, in
antur,
t illud
dicun-
cium.
a, aut
cium
tiales.
de pro-
miciam
um, in
versibus
ocq no-

va.

Biblioteka Jagiellońska



stdr0029419



JOSEPH ORLANDA

JUDICIORUM

